

”چونویں پنجابی کلاسیکی شاعراں دے کلام وچ اکھاناں دا ورتارا“

(شاہ حسین، سلطان باہوتے وارث شاہ)

(تحقیقی مقالہ برائے ایم فل پاکستانی زبانیں و ادب)

نگران تحقیق

ڈاکٹر محمد یار گوندل

اسٹنٹ پروفیسر (شعبہ اردو)

یونیورسٹی آف سرگودھا

مقالہ نگار

صالح محمد

رول نمبر AH-726450



(شعبہ پاکستانی زبانیں)

علامہ اقبال اوپن یونیورسٹی، اسلام آباد

2013ء

ایم فل کی ڈگری کی جزوی تکمیل کے لیے جمع کرایا گیا



فہرست

۵	پیش لفظ
۸	پہلا باب : اکھان معنے، مفہوم تے روایت
۹	☆ اکھان معنے تے مفہوم
۵	☆ اکھاناں دی ہنر
۲۰	☆ اکھاناں دی اہمیت
۲۴	☆ اکھاناں تے زبان داسمبندھ
۲۸	☆ اکھاناں تے وسیب داسمبندھ
۳۶	دوجھا باب : کافیاں شاہ حسین وچ اکھاناں دا ورتارا
۳۷	☆ شاہ حسین دے سے داسیاسی سماجی پچھوکڑ
۵۳	☆ کافیاں شاہ حسین وچ ورتے گئے اکھان
۵۵	☆ کافیاں شاہ حسین دے اکھاناں دا فکری تے فنی ویروا
۷۶	ترتجھا باب : ابیاتِ باہو وچ اکھاناں دا ورتارا
۷۷	☆ سلطان باہو دے سے داسیاسی سماجی پچھوکڑ
۶۹	☆ ابیاتِ باہو وچ ورتے گئے اکھان
۱۰۰	☆ ابیاتِ باہو دے اکھاناں دا فکری تے فنی ویروا
۱۳۱	چوتھا باب : ہیر وارث شاہ وچ اکھاناں دا ورتارا
۱۳۲	☆ وارث شاہ دے سے داسیاسی سماجی پچھوکڑ
۱۶۹	☆ ہیر وارث شاہ وچ ورتے گئے اکھان
۱۷۷	☆ ہیر وارث شاہ دے اکھاناں دا فکری تے فنی ویروا
۲۳۱	پنجواں باب : تت تے سٹا
۲۴۳	کتا بیات

پیش لفظ

ایم۔ فل پاکستانی زبانیں وادب دی پڑھائی وچ پیاں ایہہ گل ساہمنے آئی پئی اکھان پنجابی زبان دے لوک ادب دی بوہت پرانی کاڈھ اے۔ جیہدے وچ پنجاب دی ہزاراں ورہیاں اُتے کھلری تہذیب تے تمدن دی تاریخ واک نرول تے انملا خزانہ موجود اے۔ جیہڑا سیدہ بہ سیدہ اک نسل توں دو جھی نسل تائیں ٹریا آ رہیا اے۔

اکھان وسیب دی سانجھی سمجھ سیانف تے حکمت دانش دا نچوڑ ہوندے نیں۔ حیاتی دے پینڈے وچ ہر اوکھے موڑ اُتے ایہہ سدھاراہ سوجھاندے نیں۔ قوماں دی ترقی وچ اگانہہ پیر پٹن وچ اکھان چانن داکم دیندے نیں۔ سجن دشمن تے چنگے مندے دی پچھان وچ اکھان بوہت مدد دیندے نیں۔ ایہناں دی بنیاد اُتے ستھ پر یہا وچ سیانے لوک فیصلے کردے نیں۔ کھوج کرن پچھوں پتہ لگا پئی حال دی گھڑی تائیں پنجابی اکھاناں اتے کسے وی یونیورسٹی وچ باقاعدہ کوئی تحقیقی کم نہیں ہویا۔

وسیب وچ اکھاناں دی ضرورت تے اہمیت مینوں اکھاناں اُتے تحقیقی کم کرن واسطے پریریا۔ شعبہ ”پاکستانی زبانیں“ دے استاد داں دی راہنمائی نال تحقیق دے کم واسطے ”چونویں پنجابی کلاسیکی شاعراں دے کلام وچ اکھاناں دا ورتار“ (شاہ حسین) سلطان باہو تے وارث شاہ) دے سرنانویں پٹھ خاکہ بنایا جیہدے وچ پورے تحقیقی کم دی پنجاں باباں وچ ونڈ کیتی گئی اے۔

پہلے باب ”اکھان“ معنے، مفہوم تے روایت“ وچ اکھان دے لغوی، اصطلاحی معنیاں، مفہوم، اہمیت تے اکھاناں دی بئرنوں بیان کیتا گیا اے۔ ایس توں بعد اکھاناں دا زبان نال سمبندھ تے اکھاناں دے وسیب نال سمبندھ نوں پچھانہہ تاریخ وچوں سوجھواناں دے وچاراں راہیں واضح کیتا گیا اے۔

دوجھے باب ”کافیاں شاہ حسین وچ اکھاناں دا ورتار“ وچ پہلے حضرت شاہ حسین دے سمدے سیاسی سماجی پچھوکڑاں تے تاریخ دے حوالیاں نال گل بات کیتی گئی اے۔ فیر ”کافیاں شاہ حسین“ وچ ورتے گئے اکھاناں نوں وکھو وکھ سرنانویاں پٹھ لکھ کے اکھاناں دی فہرست بنائی گئی اے تے اخیر اُتے ایہناں اکھاناں دا فکری تے فنی ویرا کیتا گیا اے۔

ترتجھے باب ”ابیات باہو وچ اکھاناں دا ورتار“ وچ حضرت سلطان باہو دے پنجابی ابیات وچ اکھاناں دے ورتارے اتے گل بات کیتی گئی اے۔ ایہدے وچ پہلے حضرت سلطان باہو دے سمدے سیاسی سماجی پچھوکڑاں تے تاریخی حوالیاں نال گل بات کیتی گئی اے۔ فیر ”ابیات باہو“ وچ ورتے گئے اکھاناں نوں وکھو وکھ سرنانویاں پٹھ لکھ کے فہرست بنائی گئی اے تے اخیر اُتے ایہناں اکھاناں دا فکری تے فنی تکنیکی ویرا کیتا گیا اے۔

چوتھے باب ”ہیر وارث شاہ وچ اکھاناں دا ورتار“ وچ پہلے وارث شاہ دے سمدے سیاسی سماجی پچھوکڑاں تے تاریخ دے

حوالیاں نال بحث کیتی گئی اے۔ تے فیر ہیر وارث شاہ وچ ورتے گئے اکھاناں نوں وکھو وکھ سرنانویاں پٹھ لکھ کے اکھاناں دی فہرست بنائی گئی اے۔ اخیر اتے ایہناں اکھاناں دا فکری تے فنی تکنیکی ویروا کیتا گیا اے۔

پنجواں باب ”تت تے سٹا“ اے جیہدے وچ پہلیاں باباں وچ کیتے گئے کم دا ویروا کر کے تحقیق دے سٹے کڈھے گئے نیں تے چونویں کلاسیکی شاعراں دے پنجابی کلام وچ اکھاناں دے ورتارے دی مخصوص معنویت تے قدر دا تعین کیتا گیا اے۔

کھوج بھال دے اس کم وچ سنٹرل لائبریری علامہ اقبال اوپن یونیورسٹی اسلام آباد سنٹرل لائبریری یونیورسٹی آف سرگودھا، غالب لائبریری میونسپل کارپوریشن سرگودھا، یونیورسٹی آف دی پنجاب دے اور انٹیل کالج شعبہ پنجابی دی لائبریری، پنجاب پبلک لائبریری لاہور، دیال سنگھ ٹرسٹ لائبریری لاہور، لائبریری گورنمنٹ ہائر سیکنڈری سکول وجہ تے لائبریری گورنمنٹ ہائی سکول چک نمبر ۱۰۴ شمالی ضلع سرگودھا، توں ڈھیر سارا استفادہ کیتا اے۔ ایہناں لائبریریاں دے عملے دے تعاون دا ڈھیر سارا شکر گزار ہاں۔ تحقیق دے اس کم وچ سبھ توں پہلاں علامہ اقبال اوپن یونیورسٹی اسلام آباد دے شعبہ ”پاکستانی زبانیں“ دے چیئر مین ڈاکٹر عبداللہ جان عابد، استاد عبدالواجد تبسم، حاکم علی برزؤ ضیا الرحمن بلوچ تے شعبہ اردو دے استاد ڈاکٹر ارشد محمود ناشاد دا بوہت شکر گزار ہاں جنہاں خاکہ بناؤں توں لے کے مقالے دی تسوید تک ہر تھاں پوری پوری راہنمائی کیتی اے۔

مقالے دے نگران ڈاکٹر محمد یار گوندل سبھ توں ڈھیر شکریے دے مستحق نیں جنہاں ایس سارے کم وچ اوکھے سوکھے ویلے ہر تھاں اتے پوری پوری راہنمائی تے مدد کیتی اے۔ ڈاکٹر عامر سہیل، ڈاکٹر شہباز ملک، ڈاکٹر عبدالنبیل شاد، ڈاکٹر سعید خاور بھٹے، ڈاکٹر حفیظ احمد، حمید اللہ ہاشمی، ریاض احمد شاد، احسان باجوہ، خاقان حیدر غازی، مقصود ثاقب، شاکر کنڈان، بابر جاوید، شفیق آصف، پیر ولایت شاہ، صلاح الدین اولکھ، ثناءور چدھر، ممتاز بلوچ، امان اللہ رانا، ناصر اقبال، محمد عمر وغیرہ سبھ دا بوہت شکر گزار ہاں جنہاں ایس کم وچ راہنمائی تے کتابی مواد وچ مدد کیتی اے۔

ایس سلسلے وچ اپنے ہم جماعتاں بشیر احمد گجر، جمیل احمد، سعید احمد باجوہ، محمد ظفر کمبوہ، احمد علی، فقیر محمد فقیر، محمد عثمان تے فضل تاج دا وی ڈھیر سارا شکر گزار تے احسان مند ہاں جنہاں ہر موقع اُتے پورا پورا ساتھ نبھایا اے۔ مقالے دی کمپوزنگ وچ محمد بلال تے محمد ریاض وی خصوصی شکریے دے مستحق نیں۔ اپنے سکول سٹاف محمد یوسف، افضل خان تے کامران شفیع دا وی ڈھیر شکر گزار ہاں۔ اپنے گھر والیاں خاص کر والدہ ماجدہ بیوی غزالہ نسیم، پتر محمد اذان، محمد ذیشان علی تے دھیاں کرن بتول، ایمان فاطمہ تے دعا فاطمہ دا وی بوہت شکر گزار تے احسان مند ہاں جنہاں دیاں دعاواں تے بھر پور تعاون نال ایہہ کم ویلے سر مکمل ہو یا اے۔

صالح محمد

رول نمبر: AH-726450

پہلا باب

اکھان + معنے، مفہوم تے روایت

اکھان دے معنے تے مفہوم

اکھان پنجابی زبان دا ہزاراں ورہیاں توں ورتیا جان والا اپنا لفظ اے ایہہ آکھن یاں آکھنا توں بنیا اے۔ ایہہ دے معنے آکھی ہوئی سیانی گل بات یاں اجیہا من کچھواں تے پھبواں بول جیہدے وچ کوئی مت سیانف دی وسیب وچ منی پر منی گل بات، حیاتی دے کسے کچھ بارے نکھی جانکاری، اٹل سچائی یاں پکا پیڈا تے ٹھکواں فیصلہ موجود ہووے۔ ہندوستانی پنجاب وچ اکھان نوں اکھوت یا اکھوتاں آکھیا جاندا اے اردو زبان وچ اکھان واسطے کہاوت یاں ضرب المثل دالفظ ورتیا جاندا اے انگریزی زبان وچ اکھاناں واسطے Proverb دالفظ ورتیا جاندا اے۔

سردار محمد خان ہوراں اپنی لغت دی کتاب وچ اکھان دے معنے ایہہ لکھے نیں۔

”اکھان، کہاوت، مثل، بنائی ہوئی، یعنی گھڑی ہوئی، مثل، لوگوں کے منہ چڑھی ہوئی بات“

اکھاوت، لوکوکتی، عقل کی بات، سیانی مت۔“ (۱)

ایتھوں اکھان دے معنے بارے ایہہ گل نتردی اے پئی اکھان اجیہا بول ہوندا اے جیہدے وچ لوکاں دی ہڈ ورتی ہووے اجیہی سیانی گل بات جیہنوں عام لوکاں کی من لے تے فیراوہ جیسے موقعے تے ورتن لگ پین۔ تنویر بخاری ہوریں اکھان دے معنے بارے اپنی لغت وچ لکھدے نیں۔

”اکھان، کہاوت، ضرب المثل، مقولہ، ارشاد، فرمان، بات، سخن، کہانی، کتھا، قصہ۔“ (۲)

تنویر بخاری ہوراں دے لکھے ہوئے معنیاں توں اکھاناں بارے کچھ گل ہور اگا نہہ ودھی اے۔ پئی اکھاناں وچ حیاتی دے کسے کچھ بارے واپری ہوئی، کتھا ہوندی اے جیہدے وچ دو جے لوکاں واسطے مت دے طور تے سبق دسیا گیا ہوندا اے۔

اقبال صلاح الدین ہوراں اپنی وڈی پنجابی لغت وچ اکھان دے معنے ایہہ لکھے نیں۔

”اکھان، اکھوت، کہاوت، ضرب المثل، قول، سیانی گل۔“ (۳)

ایتھوں اکھاناں بارے ایہہ جانکاری لبھدی اے پئی اکھان اصل وچ سیانے لوکاں دیاں کسے خاص موقعے اُتے مت دے طور تے یاں حیاتی دی کسے اوکڑ بارے کوئی ٹھکویں فیصلے دے طور تے آکھیاں ہوئیاں گلاں نیں۔

ارشاد احمد ہوریں اپنی اردو پنجابی لغت وچ اکھان لفظ دے معنے بارے لکھدے نیں۔

”اوہ بولی، گلاں، اکھان، اکھوتاں جیہڑیاں مڈھوں ٹردیاں آوندیاں نیں وڈیاں دیاں چالی

سیریاں گلاں۔“ (۴)

ایہناں معنیاں توں ایہہ پتہ لگا پئی اکھان وڈ وڈیریاں دیاں اوہ ڈھکویں منیاں تولیاں ہوئیاں اتے من مونہیاں گلاں باتاں جیہڑیاں ساڈے وسیب وچ صدیاں توں اپنے اندر اٹل سچائی دے ست پاروں پیڑھیوں پیڑھی ٹردیاں آوندیاں

نیں ویلے دیاں تبدیلیاں دے دھوڑ دھپے دا اونہاں اتے کوئی اثر نہیں پیندا۔ ایہہ دانش دے اٹلے موتی اج وی اپنے اندر اوہی چمک دمک رکھدے نیں جیہڑی ایہناں دی صدیاں پہلے سی۔ ایس واسطے ارشاد احمد ہوراں اکھاناں نوں وڈا سوہناتے نوں لکھاناں ”وڈو ڈیریاں دیاں چالی سیریاں گلاں“ دتا اے۔ پئی ایہناں باتاں نوں کھوجی، پارکھ تے پڑچولی بھانویں جیہو جئے وٹیاں نال من تول لین ایہناں قولوں وچ رتی داوی فرق نہیں لہجدا ایسے واسطے ایہہ قول بچن تے بول اج وی زندہ نیں۔ ہندکو زبان دے اکھاناں بارے گل بات کردیاں ہونیاں ”سلطان سکون“ ہوریں لکھدے نیں۔

”اکھان کے لفظ پر غور کرنے سے معلوم ہوا کہ یہ لفظ آخنیایا آکھنا سے بنا ہے یا بنایا گیا ہے۔ آخنیایا آکھنا (دو مختلف لہجے) جن کا مطلب کہنا یا کسی کہی ہوئی بات۔ اس طرح دوسرا لفظ متل ہے اس لفظ پر غور کرنے سے معلوم ہوا کہ یہ مت + ل کا مجموعہ ہے۔ مت ہندی زبان کا لفظ ہے۔ جس کے معنی سوجھ بوجھ، عقل و دانش، فہم و ادراک، دانائی، رائے نصیحت اور عادت ہیں۔ اور مت کے ساتھ ”ل“ حرف تملیکی ہے۔ یعنی مت کی حامل یا مت والی، سوجھ عقل و دانش والی بات اکھان یا متل اگرچہ دو تین لفظوں یا ایک دو جملوں پر مشتمل ہوتی ہے۔ لیکن اس میں حکمت و دانش کا سمندر موجزن ہوتا ہے۔“ (۵)

سلطان سکون ہوراں اکھان لفظ دی بنتر بارے گل بات کردیاں ہویاں اکھاناں دیاں دو وڈیاں صفتاں دسیاں نیں؛ پہلی ایہہ وے کہ اکھان سمجھ سیانف، فہم و ادراک اتے حکمت و دانش نال بھرے ہوئے بول ہوندے نیں تے دو جھی گل ایہہ وے پئی اکھان کوئی لمی چوڑی لکھت نہیں ہوندے ایہہ گھٹو گھٹ اکھراں وچ بیان ہوندے نیں ایہو اکھاناں دا اک پھبواں ڈھنگ ہوندا اے۔ انگریزی زبان وچ اکھان نوں (Proverb) آکھدے نیں ایہہ Proverb انگریزی ادب دا بوہت وڈا سرمایہ نیں انگریزی زبان دی اک لغت وچ (Proverb) دے ایہہ معنی لکھے نیں۔

"A short saying in common use that strikingly expresses some obvious truth or familiar experience" (۶)

عام ورتارے وچ آون والی اک نکی جیہی گل جیہڑی اچن چیت کسے کھلے سچ یا جانے پہچانے تجربے بارے دے۔

اردو زبان وچ اکھان نوں کہاوت یا ضرب المثل آکھیا جاند اے۔ اردو ادب وچ ڈھیر ساری کہاوتاں موجود نیں۔ ایہہ کہاوتاں اردو ادب دا اک اٹلا خزانہ نیں فیروز اللغات وچ ضرب المثل دے ایہہ لکھے ہوئے نیں۔

”ضرب المثل وہ جملہ ہے جو مثال کے طور پر مشہور ہو“۔ (۷)

اکھان کسے زبان تے وسیب وچ موجود گھر سچائی، سیانی مت، اٹل فیصلے، نگھی جانکاری یاں مشکری دے طور تے منے پرمنے تے پھویں ڈھکویں ڈھنگ نال آکھے گئے بول نوں آکھیا جاندا اے جیہڑا انسانی بول چال کو شنگارن دے نال نال حکمت تے دانش دے خزانے وی وٹدا اے جدوں کہ محاورہ صرف بول چال نوں شنگارن یاں اپنے مطلب تے مفہوم نوں دوجھے تیکر اک سچے ڈھنگ اپڑان تیکر محدود رہ جاندا اے۔ محاورے نوں سنن والیاں دادھیان کسے چمکاری ڈھنگ نال کھجن لئی تے بول چال وچ سوچ بوجھ پیدا کرن لئی ورتیا جاندا اے۔ انج محاورے دی ورت نال آکھی جارہی گل زوردار بن جاندی اے۔ اکھان وچ آکھی جارہی گل اپنی اندر لی سچائی دے ست پاروں اک مکمل روپ وچ پہلاں تو ای موجود ہوندی اے۔ مطلب تے مفہوم دا جنا ڈونگھاتے سانجھا احساس اکھاناں وچ ملدا ازبان دے ہور کسے انگ وچ نہیں ہوندا۔ اس طرحاں اکھان اپنی ذات وچ سمجھا دا اک مکمل اظہار ہوندے نیں۔ ایس کر کے ایہناں نوں ورتن ویلے کوئی ہور بندوبست نہیں کرنا پیندا جدوں کہ محاورے نوں ورتن لگیاں بیان ہور ہی گل دے حساب نال موقع محل دے مطابق بندوبست کرنا پیندا اے۔

”بلدی تے تیل پانا“ اک محاورہ اے ایس دی ورتوں مصدر دے حساب نال زمانے تے صیغے موجب ہووے گی

جدوں کہ

”اے ڈھلے بیراں دا کجھ نہیں وگڑیا“ اکھان نوں انج دا انج وی ورتیا جائے

گا۔ اکھان دے اک لفظ نوں وی اگے کچھ نہیں کیتا جاسکدا پر محاورے نوں فقرے

وچ دے زمانے تے صیغے نوں سامنے رکھ کے بنانا پیندا اے۔

پئی ضرب المثل اوہ جملہ جیہدے نال مثال راہیں کسے موقعے اُتے واپری ہوئی گل بات راہیں اوہ جیہے موقعے اتے گل بات نوں سمجھن تے اوہدے حل واسطے اک سبق دے طور تے بولیا جاندا اے۔ اردو زبان وچ اکھان واسطے ضرب المثل دے نال نال کہاوت لفظ وی ورتیا جاندا اے ایسے فیروز اللغات وچ کہاوت دے ایہہ معنی لکھے ہوئے نیں۔

”کہاوت، قول، پچن، مثل، ضرب المثل“۔ (۸)

کہاوت دے معنی اک ہور اردو زبان دی لغت ”جامع نسیم اللغات“ وچ ایہہ لکھے گئے نیں۔

”کہاوت، مثل، ضرب المثل“۔ (۹)

ایتھوں ایہہ گل لبھدی اے پئی ضرب المثل تے کہاوت دونوں لفظ اکو معنی تے اکو مقصد واسطے ورتے جاندا نیں۔ پنجابی زبان وچ جس بول نوں اکھان یا اکھوت آکھدے نیں اردو زبان وچ اُس واسطے لفظ کہاوت یا ضرب المثل ورتیا جاندا اے۔ ”اردو پنجابی لغت“ وچ ضرب المثل دے معنی ایہہ لکھے نیں۔

”ضرب المثل: اکھان، اکھوت، کہاوت“۔ (۱۰)

ضرب المثل دی ٹھیک طرح تعریف اردو انسائیکلو پیڈیا وچ لکیتی گئی اے۔ جتھے ضرب المثل دا پورا نثارا ہو جاندا اے۔ کہ ضرب المثل کیہ اے۔ کیوں جے ایہہ عربی زبان دا لفظ اے جیہدے ٹھیک تے پورے معنی چھیتی سمجھ وچ اوکھے ای آوندے نیں۔ اردو انسائیکلو پیڈیا وچ ضرب المثل بارے لکھیا اے۔

”ضرب المثل بمعنی کہاوت ایسا جملہ جو کسی نظیر یا واقعہ کے پیش نظر عام استعمال میں آنے لگے۔ ضرب المثلیں واقعات سے متعلق ہوتی ہیں۔ اہل زبان انہیں رواج دیتے ہیں پھر وہ عام استعمال میں آتی ہیں۔“ (۱۱)

ایس وضاحت توں پتہ چلیا پئی اکھان یا ضرب المثل دے کچھ کوئی نہ کوئی ہڈ ورتی کتھا ضرور ہوندی اے۔ ایہہ تجربے دا نچوڑ ہوندے نیں۔ حیاتی وچ فیراوہ جیسے حال وچ عام لوکاں اس بول نوں اُس کچھلی واپری نال رلا کے سمجھاندی اے۔ ایہہ اکھان یاں کہاوت واسطے سب تو وڈی خوبی گنی جاندی اے۔ پئی اُس سیانی مت نوں عام لوکاں ورتن لگ پووے ایسے گل بات نوں واضح کر دیا ہویاں ڈاکٹر شہباز ملک ہوریں لکھدے نیں۔

”اکھان اک اجیہی نگھر سچائی داناں اے۔ جیہڑی انسان دی حیاتی وچ واپرے کسے خاص واقعے یا گھڑی مڑی دے عمل مگروں اکاہرے سٹے دے روپ وچ ساہمنے آوندی اے۔“ (۱۲)

ڈاکٹر شہباز ملک ہوراں دے وچار مطابق اکھان اک نگھر سچائی داناں اے۔ تے ایہہ سچائی وسیب وچ کسے تجربے دے تتیاں سٹے دے طور تے نتر کے ساہمنے آوندی اے۔ اسے سچائی دے ست پاروں وسیب وچ اس نوں عام لوکاں قبول کر لیندی اے تے اُس بول نوں ورتن لگ پیندے نیں۔ احسان باجوه ہوریں اس بارے وچ لکھدے نیں۔

”اکھان اک اجیہا امر سچ ہوندا اے جو گھڑی مڑی جاں وارو وار لوک بولاں دا حصہ بنن پاروں اپنے بیانے سچ وچ ایڈاپیڈا ہو جاندا اے۔ پئی ہر کوئی اس امر آکھن بول کے اپنی آکھی نوں پکیائی دیندا اے۔ ایہہ اک لمیں واپرائو تھوڑے لفظاں وچ انج بیان کر دیندا پئی اس دی صدیاں بدھی ورتوں نال اس دے معنیاں اُتے بیان وچ کوئی پھک نہیں پیندی۔“ (۱۳)

احسان باجوه دی اکھاناں بارے گل بات توں تن چیزاں نتر کے ساہمنے آوندیاں نیں۔ پہلی چیز پئی اکھان امر سچ ہوندا اے مطلب ایہہ وے اکھاناں اندر اجیہی سچائی موجود ہوندی اے جیہنوں زوال نہیں۔ اوہ ہر سے تے ہر دیس وچ اُس دی اکو جیہی مانتا ہوندی اے۔ نالے اس اٹل سچائی پاروں اوہ اکھان لوک بولاں دا حصہ بن جاندا اے۔ تے لوک اپنی گل بات یاں کسے دعوے دے حق وچ اوہنوں ورتدے ہن۔ دوجی گل اکھان دا بیان ڈھنگ اے پئی ایہہ گھٹو گھٹ لفظاں وچ اک ڈھکویں

تے پھبویں ڈھنگ نال بیان کیتا جاندا اے۔ ایہدے وچ اک لفظ نوں وی اگے کچھ نہیں کیتا جاسکدا۔
 نتیجی گل ایہہ دے پئی صدیاں گزرن پکھوں وی اکھان دے معنے تے بیان اتے ویلے وقت دیاں تبدیلیاں دا کوئی اثر
 نہیں ہوندا اوہدی لشک پشک اُسے طرح سدا بہار ہندی اے ایہہ گل اکھان اندر موجود چھائی دے ست سبوں ہندی اے۔
 عین الحق فرید کوئی اکھان بارے لکھدے نیں۔

”اکھان اک ایہو جیہی کئی گل اے جیہدے بڑے ڈوہنگے ڈھکویں تے رمز بھرے معنے
 ہوندے ہن۔ ایہہ کسے ویلے کسے سیانے دے مونہوں نکلے گی وی ہوسکدی اے“۔ (۱۴)
 عین الحق فرید کوئی ہوراں اکھاناں بارے جیہڑی گل بات کیتی اے۔ ایہدے توں ایہہ پتہ چلیا پئی اکھان اپنی لکھت
 دے اکھراں ولوں تاں اک کئی جیہی گل نظریں آ وندی اے۔ پراہنوں نگھی جھات نال ویکھیے تاں پتہ چلدا پئی اک لفظ کچھ پورا
 پورا مضمون لگیا ہویا اے۔ ایہدے معنیاں دیاں کئی پرتاں نیں تے دوجھی گل ایہہ اے معنے گل بات دے موقعے دے حوالے
 وڈے ڈھکویں تے پھبویں ہوندے ہن۔ مکدی گل ایہہ دے اکھان تھوڑے لفظاں نال انج ہوندا اے جویں دریا کوزے وچ بند
 کر لینے۔ سرائیکی علاقے دے اکھاناں دے کھوجی شوکت مغل ہوریں اکھان بارے لکھدے نیں۔

”اکھان (Proverb) کیوں کہاوت، ضرب المثل تے مثل آکھیا ویندا اے بعض ویلے
 قول آکھیا تے تمثیل دے لفظ وی اکھان دے متبادل دے طور تے ورتے ویندن اکھان
 وچ اہجان سچ ہوندے جیکوں عالمی حیثیت حاصل ہندی اے۔ ایندے وچ وسیب دے
 لوکاں دا تجربہ اونہاں دیاں سوچاں اتے حیاتی دیاں رمزاں دا بیان ہوندے نیں“۔ (۱۵)
 اکھان لوکاں دے تجربات دا انچوڑ ہوندے ہن۔ نالے اکھاناں وچ ساڈے وسیب دے سارے پکھاں بارے
 ڈوہنگھی جانکاری موجود اے۔ ایہناں اکھاناں وچ خوشی، غمی، لوڑاں، مجبوریاں وکھو وکھ کماں پیشیاں بارے وڈ وڈیرے سیانے
 لوکاں دیاں گلاں باتاں لہدی ہن۔ اکھاناں نوں چنگا نیڑیوں ہو کے ویکھیے تاں ایہہ گل نتر کے ساہمنے آ وندی اے پئی اکھان
 ساڈے وسیب دی مکمل تاریخ ہن، اکھان ساڈے وسیب دا اک طراں دا شیشہ نیں جیہڑے سانوں ساڈی اصلی صورت وکھاندے
 ہن۔ اکھاناں راہیں ساڈے وسیب دی سچی تے اصلی تاریخ سانوں لہدی اے جیہڑی ہزار ورہیاں توں نسل در نسل سینہ بہ سینہ
 چلدی آ رہی اے۔ ایہدے راوی تے گواہ ساری لوکاں اے۔ اس واسطے اس توں ودھ ہور کوئی سچی تاریخ سانوں نہیں لہ
 سکدی۔

اکھان وسیب دے ورتارے میلیاں تے ثقافت دیاں جھلکاں، کھیڈاں تے سدھراں جیون دے دکھاں، سنوئیاں
 تے تریختیں دے طعنے، مہینیاں، رسماں، ریتاں، موسماں دیاں تبدیلیاں، دنانواں دیاں رمزاں گزری وہائی تاریخ دیاں اوکھاں،

لوکاں دیاں چاہواں، حیاتی دیاں چساں، عمراں دیاں وہانیاں، موسماں دیاں گرگریاں، بالاں پچیاں دے بولاں، جواناں ججماناں دیاں کھڈکاریاں، بڈھے لٹھیاں دیاں چاہتاں، کمیں لوکاں دیاں وگتیاں، لسانی ماہراں دیاں پورھیاں، مرداں تے سوانیاں دیاں عاداتاں، ڈھور ڈنگراں دیاں صفاتاں، ویلھ دیاں دلچسپیاں، ڈاڈھیاں دیاں زوراوریاں، ہینیاں دیاں بکاٹاں، پچھوال دے غماں، اگوال دیاں صلاحاں، تارتخ دیاں بھڑانڈاں، گھر داری دیا لوڑاں، تے من دیاں چاہتاں نال بھرے ہوندن۔ ایہناں نال کنیں خطے وچ رہن آلی قوم دی ثقافت، اوہدے مزاج، اوہدی نیاہ عقل وندی تے لسانی امیری کولوں جانچیا ونج سکیندے۔ اکھاناں وچ لفظ تھوڑے پر جامع ہوندن۔ جیندے وچ تجربہ بلیندے لفظاں دی چس البندی اتے معنیاں داسنھپ بھاکل پیندے۔ اکھان اک منحصر فقرہ ہوندا، اے جیہڑا محاورے کنوں زیادہ اہم پر محاورے دے الٹ اپنے طور تے مکمل تے بامعنی ہوندن۔ ڈاکٹر ونجارا بیدی اکھاناں بارے لکھدے نیں۔

”کسے سیانے دے منہ وچوں کسے خاص موقع اتے جاں بے خیالی وچ ای کوئی اجیہی گل بات نکل جاندی اے۔ جیں وچ کسے تجربے نوں سُدرشداں وچ نہیا گیا ہوندا اے جو ٹھک تے پتے دی ہون کر کے سامعین اُتے اپنا سکھ اک دم جمالیندی اے جاں ایوں کیہ لوو کہ کوئی ہنڈھیا، ورتیا بندہ اپنے سنگھنے تجربے دی رٹ کن اکھان روپی مکھن دی پئی انج کڈھ دھردا اے جو یں ساگر دیاں چھلاں اتے آپ مہارے کوئی بلبل پھٹ نکلد اے۔“ (۱۶)

اکھان سیانی سوجھ دے تجربے دا اظہار اے جو سچے لفظاں دی کمال دے وچار، منی تلی تے پرکھی سچائی صدقہ سنن والیاں دے اتے اجیہا سدھوی اثر چھڈ جاند اے۔ کہ اوہ اُس بات نوں یاد وچ سنبھال اوہے طرح دے ہور موقعیاں اتے رواج مطابق ورتنا شروع کر دیندے نیں۔ جے ایہہ گل اوہے طرح دے ہور موقعیاں اتے دستور مطابق ڈھک جاوے تاں ایہ اکھان بنن دایوگ ہوندا اے۔

اکھاناں سیانے لوکاں دے تجربات دا انچوڑ ہوندے ہن۔ حیاتی وچ اوکڑاں دی کھوج بھال اتے اوہناں دے حل واسطے کئی وچار سامنے آوندے نیں۔ ایہناں وچاراں وچوں کسے سیانے دے مونہہ وچوں پھبویں ڈھنگ دا کوئی اک وچار جیہدے وچ اس اوکڑاں بارے پکا پیڑا فیصلہ دتا جاوے تے ایہدے نال نال وسیب وچ دو جے لوک اوہنوں اوہ جیسے موقعے اتے ورتن وی لگ پین تاں اُس وچار نوں اکھان دا درجہ مل جاند اے۔

ڈاکٹر شہباز ملک ہوریں اکھان دے مونہہ مہاندر اتے پہچان بارے گل بات کرے ہو یاں لکھدے نیں۔

”اکھان اس نگھر سچائی داناں اے جیہڑی عام لوکاں نال ہڈ ورتی ہووے۔ ایس لحاظ نال اکھاناں وچ جیون بارے باقاعدہ اک گیان ملدا اے تے انج انسانی بول چال نوں ہڈگارن دے نال نال دانش دے خزانے وی وٹدے نیں۔ اکھان وچ اکھی جارہی گل

اک مکمل روپ وچ پہلا ای موجود ہوندا اے۔ مطلب تے منہوم دا جتنا سا بھیا احساس
اکھان وچ ہوندا اے۔ اینا زبان دے ہور کسے انگ وچ نہیں ہوندا۔ مطلب تے منہوم
آکھن تے سنن والے دے ذہن وچ پہلا ای موجود ہوندے نیں۔“ (۱۷)

اکھان کسے زبان تے وسیب وچ موجود سچائی، سیانی مت اُٹل تے ٹھکویں فیصلے حیاتی دے کسے کچھ بارے نکھی جانکاری
یاں مشکری دے طور تے سچے تے پھبویں ڈھنگ نال اکھے گئے بول نوں آکھیا جاندا اے۔ اکھاناں بارے ہر اک دے اپنے
اپنے وچار نیں۔ کوئی اکھاناں نوں سیانف دا نملا خزانہ آکھدا اے۔ کوئی انسانی سوچ دے پکے ہوئے پھل آکھدا اے تے کسے
سیانے اکھاناں نوں حیاتی دی مالا دے ہیرے موتی آکھیا آکھان وسیب وچ حیاتی دے کسے موڑ تے ساہمنے آون والے مسئلے
نوں سمجھن تے اوہدے حل بارے سچھا دیندے نیں اس واسطے اکھاناں دا کھلا راویب دے ہر کچھ نوں اپنے اندر سمولیندا اے تے
حیاتی دے پڑ جتا موکلا اے۔

اکھاناں وچ ساڈے وسیب دی ہزاراں ورہیاں پرانی تاریخ موجود اے سبھ توں وڈی حقیقت ایہہ وے پئی ایس تاریخ
دی اصلیت تے سچائی اتے عام لوکاں دی گواہی دی مہر لگی پئی اے۔ کئی اکھان انجیہ لبھدے ہن جیہناں وچ ساڈے وسیب یاں
اس سہ دے کسی سیاسی واقعے بارے دس پیندی جو یں کہ اک اکھان اے۔
”کھاہا پیتا لاہے داتے وادھا احمد شاہ ہے دا“۔

اس اکھان وچ ساڈے دیس اتے احمد شاہ ابدالی دے ہلیاں اتے غریب عوام دی لٹ مار بارے اک کوک فریاد
بارے جانکاری ملدی اے۔ درباری تاریخ بھانویں احمد شاہ ابدالی نوں مسلماناں دا دردی تے کافراں واسطے اک تنگی تلوار
دکھاوے پئی پر عوام دی گواہی تاں احمد شاہ ابدالی نوں لٹ مار مچاؤن والا دسدی اے۔ انج کر کے ہوڑ ڈھیر سارے اکھان موجود
ہن جیہڑے ساڈی درباری تاریخ نال مُتکا لائی کھلوتے ہن۔ ایہتھوں ایہہ گل وی لبھدی اے پئی ساڈے وسیب دی اصلی تے
سچی تاریخ اکھاناں وچ موجود اے جے کوئی چاہے تاں اوہ اکھاناں راہیں اک نوں تاریخ لکھ سکدا اے۔

اکھاناں نوں اک طرح نال شیشہ وی آکھیا جاسکدا اے۔ پئی جو یں شیشے وچوں اسیں اپنا مونہہ مہاندراروپ ویکھ
سکدے آں۔ ایس طرح اکھاناں وچوں سانوں ساڈا وسیب اپنے نک سک چنگا مند اسارے ای روپاں سمیت دسد اے۔
ایسراں اکھاناں وچوں وسیب دے ہر کچھ بارے اک نکھی تے پوری جانکاری لبھدی اے اس واسطے اکھاناں دا پڑ ڈھیر سارا موکلا
اے۔

اکھاناں دی بُنتر

اکھان عوامی حیاتی دا شیشہ ہوندے نیں۔ صدیاں دے عوامی تجربات دا نچوڑ ہوندے نیں تے ایہناں دی سند ایہناں دی عالمگیر

سچائی دی بنیاد تے مقبولیت ہوندی اے۔ اکھاناں دی تاریخ انسان دی اپنی تاریخ جتنی پرانی اے اک بول نوں اکھان دا درجہ ملدیاں صدیاں لگدیاں ہن۔ اکھاناں دی بُنیر بارے بشیر حسین ناظم لکھدے نیں۔

”اکھان دے مُنہ مہاندرے تے وجود واسطے چونہ چیزاں دی ضرورت اے اکھان دی پہلی لوڑ اختصار اے، اختصار نوں کجھ لوکاں اندر لی آواز Inner Voice وی آکھیا۔ دوجی چیز شعور تے عُدد ہد دی ورتوں ایں۔ تہی لوڑ اکھان دی عبارت دا ذہن تے دل تے کڑک کر کے جا لگنا اے۔ چوتھی ضرورت اکھان دی عام لوکاں وچ مانتا تے مقبولیت اے۔“ (۱۸)

ایہتھوں ایہہ گل سانبھنے آئی پئی کسے سیانے دے مونہہ وچوں نکلے بولیاں قول نوں اک اکھان اس ویلے آکھیا جاندا اے یاں اکھان دا درجہ بل دا اے جدوں اوہدے وچ تھلے دتے گئے چار گن موجود ہوں۔

- ۱۔ گھٹو گھٹ لفظاں دا ہونا۔
 - ۲۔ سیانف، دانش، سیانی مت دا ہونا۔
 - ۳۔ ڈھکواں تے پھبواں ڈھنگ۔
 - ۴۔ عام لوک وسیب وچ اس اکھان نوں قبولن مگروں ورتن لگ پین۔
- احسان باجوہ دے مطابق۔

”اکھان زندگی وچوں جمدے پلدے اتے نسر دے نیں انسانی زندگی دا موکلا پڑ ایہناں دی اگن بھوئیں ہوندی اے۔ اُگھی فکر ایس دی اروڑی ہوندی اے۔ اتے ڈونگھا تجربہ ایس دابی ہوندا اے۔ زبان اتے محاورہ اوہ مینہہ اتے دھپ ہوندی اے جو ایس دے پالن پوسن اتے نسرے چاڑھن دا کم دیندی اے۔ پر جسراں کوئی پھل کسی پھلوڑی اندر مالی دی محنت مگروں ای کھڑا اے پر کوئی آپ مہارا ای جنگل وچ کھڑ پیندا آکسے پھل نوں پیوند لائی جاندی اے تے کجھ پھل دوجی دھرتیوں پٹ کے اپنی بھوئیں اتے لالے جانداں نیں ایسراں اکھان دی گھڑت وی کئی وسیلیاں مگروں ہوندی اے۔“ (۱۹)

اکھان وسیب وچ جمدے پلدے اتے ودھدے نیں۔ اکھان ہمیشاں توں تجربے راہیں جمدے آئے نیں۔ زبان دیاں باقی شیواں ایہناں نوں پھبواں تے ڈھکواں رنگ دیندیاں نیں۔ اک بول ورہیاں دے تجربے دی بھٹھی وچوں پک کے باہر آندا اے تاں وسیب وچ لوک اوہنوں ورتن لگ پین تاں اوہ اکھان اکھوان لگ پیندا اے۔ اکھاناں دی بُنیر وچ اس زبان دے لفظاں دا بھنڈرا تے عام لوکاں وچ ورت بھرنواں حصہ پانے نیں۔ کسے زبان کول جتا ذخیرہ الفاظ ڈھیر ہوندا اے۔ اس

زبان وچ جمن والیاں کا ڈھاں اونیاں چنگیاں تے سوہنیاں ہوون گئیاں۔ اونی اونہاں وچون ڈھیر خوشبو آوے گی۔ ڈاکٹر شہباز ملک دے مطابق۔

”اکھان کیوں جے کسے تجربے دا نچوڑ ہوندے نیں تے سیانیاں نے اوس تجربے نوں اگلی نسل توڑی اپڑانا ہوندا اے۔ ایس کر کے ایہدی بہتر وچ سب توں پہلا اختصار دا خیال رکھیا جاندا اے۔ اکھان دے بیان وچ گھٹ توں گھٹ لفظ ورتے جاندے نیں۔ دوجی گل اکھان وچ ایہہ سامنے رکھی جاندی اے کہ ایہہ ایجیہے روپ وچ ہون کہ یاد رہ جان ایس کر کے عام طور تے وزن وچ بیان ہوندے نیں۔ بھادیں اک تگ وچ تے بھادیں دو ٹکاں یا پورے شعر وچ جویں۔

لج مریندا اندروڑیا مورکھ آکھے میتھوں ڈریا

اک تگ والے اکھان دی مثال

نو کوہ دریا ستھن موڈھیاں تے“۔ (۲۰)

اکھان صدیاں دے تجربیاں دا نچوڑ ہوندے نیں ادب دی تاریخ ول اک ڈونگھی جھات پائیے تاں ایہہ گل نتر کے سامنے آوندی اے اکھان ادب دی مڈھلی صنف اے اکھاناں دی تاریخ انسان دی تاریخ جی پرانی اے۔ حیاتی اندر جدوں وی کوئی اوکڑیاں مسئلہ بنیا تاں اس مسئلے دے سمجھن، کھوجیاں حل بارے سیانیاں آپس وچ رل کے مت یاں اک اٹل فیصلے دے طور تے اک پھبویں یاں پچھے ڈھنگ نال کوئی بول بولیا جس نوں اس وسیب وچ گھڑی مڑی اوہو جیہے حال اک فیصلے دے طور تے ورتیا تے منیا گیا تاں اوہ بول اک اکھان دے روپ وچ ڈھل جاندا اے۔ اکھان دی بہتر وچ اس اکھان دے اندر اک اٹل سچائی دا موجود ہونا تے دوجھی وڈی گل اُس بول نوں وسیب وچ من لینا تے ورتنا اے۔ وسیب وچ قبولیت اس بول نوں اک مکمل اکھان دا تھاں دیندی اے۔ اکھان دی بہتر وچ بنان والے داناں نہیں لبھدا بھادیں ہزاراں سال پرانے اکھان ہوں یا آج دے دور دے ہوون اس واسطے اکھاناں نوں پورے وسیب دی سبجی کا ڈھنیا جاندا اے۔

اکھاناں دی کھوجکاری دی راہ وچ سبھ توں وڈا سوال ایہہ سامنے آوندا اے۔ پئی کیہڑا بول یاں تگ اکھان اے تے کیہڑا بول اکھان نہیں اے۔ اس سلسلے وچ اکھاناں دے کھوجکاراں اپنے اپنے طور تے اکھان بنن واسطے کچھ گن دسے نیں۔ احسان باجوہ دے مطابق۔

اکھان وچ تھلے دتے گئے گن ہونے ضروری نیں۔

۱۔ انسان جاں انسان دے سبھا بارے جانکاری۔

۲۔ وضاحت بھریا تے زبان دی امیرت والا بیان۔

۳۔ دل کھوواں تے ڈھکواں بیان۔

۴۔ ویلے نال ہنڈن دی طاقت والا بیان۔ (۲۱)

اکھان ورہیاں دے تجربے دا نچوڑ ہوندے نیں۔ ایہہ گھڑی دی گھڑی اوڑی گل نہیں ہوندی ایہہ سوچ سمندر وچوں اٹھیاں ہزاراں لہراں وچوں کوئی اک گئی ہوندی اے۔ جو لفظاں دی پسی وچ ڈھل کے سچا موتی بنجاندی اے۔ جاں انج آکھ لیا جاوے ہی سیانف دے دوھدنوں تجربے نال رٹکن مگروں کڈھیا ہویا مکھن دا پیڑا اے۔ اکھان اندر تگڑے تجربے اتے گیان دا ہونا اینا ضروری اے۔ جتناں سورج دی روشنی وچ چائن اتے تپش دا ہونا۔

کچھ ویرواں کاراں اکھاناں دے بیان ڈھنگ نوں سبھ توں وڈا گن آکھیا کیوں جے بیان ڈھنگ ای ہوندا جیہڑا اکھان وچ چھپی مت یاں رمز نوں وضح کرداتے۔ ایہدے نال نال بیان ڈھنگ اکھان دی حیاتی تے ہلارے وچ ڈھیر سارا کردار ادا کردا اے۔ اس بارے وچ ڈاکٹر شہباز ملک آکھدے نیں۔

”پنجابی آکھاناں ول جھات پائیے تاں ایہہ سٹہ نکلد اکہ ایہہ عام کر کے تنّاں وڈھے ڈھنگاں نال بیان ہوندے نیں۔

پہلا ڈھنگ: ایہدے وچ اکھان سدھ پدھرے تے سنجیدہ طریقے نال بیان ہوئے نیں ایہناں اکھاناں وچ تجربے تے مت دی گل اک سادہ تے سمجھاوے طریقے نال بیان کیتی ہوندی اے جیوں
”اک اک! تے دو یاراں“

دو جھاڈھنگ: دو جھا طریقہ رمزیاں سینت نال مطلب اے اُتوں اُتوں گل کچھ کرنی تے وچوں کچھ کردیاں ہونا۔ اجیے اکھاناں وچ رمز ای اکھان دی جان ہوندی اے جویں کہندے نیں۔

”تریل مڈھاں تے ای پیندی اے“۔

ترتجھا ڈھنگ: کچھ اکھان اجیے ہوندے نیں جیہڑے طنز یاں چوٹ نال مت دی گل سمجھاوندے نیں جویں کہندے نیں۔

”گھرتندہ تانی، جُلا ہے نال ڈاگوڈا گئی“۔ (۲۲)

پنجابی ادب وچ کئی واریں شاعراں دے کچھ شعریاں اک مصرعہ وی اپنے اندر موجود سچائی اتے پھبویں بیان ڈھنگ دی وجہ توں سب وچ اکھان دا درجہ پالیندا اے۔ شاہ حسین دیاں کافیاں وچوں۔

ع : کالے پٹ نہ چڑھے سفیدی کاگ نہ تھیندے بگے

ہیروچ وارث شاہ دا ایہہ مصرعہ۔

ع : وارث رن فقیر تلوار گھوڑا چارے تھوک ایہہ کسے دے یا نہیں
اس بارے وچ احسان باجوہ لکھدے نیں۔

”کسے دے مونہوں آکھی گئی کوئی گل اودوں تیکر اکھان دے درجے توں نہیں تچ دی جدوں
تیک اوہ اپنے اندر لے سچ پاروں لوک بولاں دی نت دی ورتوں وچ رچ ورس کے لوک بولی
دا حصہ نہیں بن جاندی۔ سوکسے آکھی گل نوں اکھان دے درجے تیکر جان لئی تنان پڑاواں
چوں لنگھنا پیندا اے۔

- ۱۔ جدوں کوئی سیانا بندہ کسے سوچ بھرے بول نوں بھولے بھاء ای مونہوں کڈھدا
اے تاں سوچ جی گل ہون پاروں سنہاراں راہیں اوس دا کیر ادھرتی تے ہو جاند اے۔
- ۲۔ اوہو گل سنن ہاراں ولوں چوکی چنگی اتے سوچ جی جان دیاں ہور موقعیاں تے ہو
بہو اوسراں ای ورتی جان لگ پیندی اے۔
- ۳۔ جدوں کوئی بول لوکاں وچ رواج پا کے ہر تھاں ورتیا جان لگ پیندا
اے۔“ (۲۳)

کوئی بول جدوں لوک ورتوں دا پکا حصہ بن توں مگروں کئی وار مانجے جاندے نیں اتے اس دیاں گھنگیاں چھا نگ کے
اس نوں صاف ستھرا روپ دے دتا جاند اے۔
ایہناں تنان پڑاواں چوں لنگھن لئی کسے وی اکھان نوں اکو جیہا ویلا نہیں لگدا کسے نوں گھٹ ویلا لگدا اے تے کسے
نوں ودھ ویلا وی لگ سکدا اے۔
اکھاناں دی بئتر بارے ڈاکٹر ونجارا بیدی لکھدے نیں۔

”کئی وار کسے اکھان دی اُساری چیتے وچ ہوندی اے۔ کوئی سیانا یاں تجربہ کار بندہ جیون
دے کئی ورھیاں مگروں لہھی سچائی نوں ڈھکویں لفظاں وچ بیان کر دا اے تے ایہہ گل
اندر لے گناں کارن لوکاں وچ بول چال سے بار بار ورتن نال اکھان بن جاندی اے۔ پر
اتھے ایہہ گل یاد رکھنی چاہیدی کہ کوئی بے گنا تے بے سمجھ آدمی کسے اکھان دی پیدائش دا
مول سوما نہیں بن سکدا۔ کیوں جے اکھان دی تخلیق لئی ڈونگھے جیون تجربے اتے سچے
مطلب دی لوڑ ہوندی اے۔“ (۲۴)

کئی وار کسے لوک گیت دی کوئی اک سطر اپنے وچلے زروئے تے بھر پور گن دے صدقے گیتاں توں وکھری ہوند بنا

کے اکھان وانگ مقبول ہو جاندی اے جو یں ”دلاں دا محرم کوئی نہ ملایا جو ملایا الغرضی“
اصلوں ایہہ اک لوک گیت ”ہریئے نی بھریئے سبز کھورے“ دی اک سطر اے۔

کئی واریں کوئی بھارت اپنے وچلے روپ پاروں جیون دے کسی موقعے اتے ڈھک جان صدقہ اکھان وانگوں مقبول
ہو جاندی اے۔ اس واسطے اکھاناں دے کئی نمونے نیں ہر نمونے دے اکھاناں دی بُتر اپنی وکھو دکھ اے۔ وت وی کجھ گلاں
ایہناں ساریاں نمونیاں وچ ساجھیاں ہن۔

ہر زمانے دے اکھان اپنے وسیب دے حالات مطابق بن دے رہے۔ پہلے پہل زمانیاں دے اکھان وی سدھے
تے سادے ہن۔ اخیر جو یں جو یں حالات بدلے گئے انسانی سوچ پکیری ہوندی گئی۔ انسان دے جیون وچ نویں نویں مسئلے
ساہمنے آئے تاں فیر ایہو جیسے اکھان وجود وچ آن لگ پئے جیہڑے باریک تے پیچدار مسئلایاں وچوں لگی ہوئی گھنڈی تے
نتارے کرن دے قابل سن۔ اس توں کجھ ویلا لنگھن مگروں ایہو جیسے اکھان بن لگ پئے جو سدھی ساہنویں گل کرن دی تھاں
سینت یا لکویں رمز دے ڈھنگ نال کسے دامنہ چنگ کھول دیندے نیں۔ فیر اک ویلا آیا اکھاناں راہیں جگت، طنز چوٹ تے
مشکری دے ہتھیار وی ورتے جان لگ پئے۔

اس ساری گل کتھ وچوں ایہہ گل نتر کے ساہمنے آوندی اے پئی کسے بول، شعریاں تگ نوں اکھان اس ویلے آکھیا
جاندا اے جدو اس وچ تھلے دتے گئے گن موجود ہوں۔

۱۔ اکھان دا مضمون کسے تسلیم شدہ سچائی یاں حقیقت تے ہووے۔

۲۔ اکھان دا کیرا پورے وسیب وچ ہووے۔

۳۔ لوک وسیب وچ قبولیت حاصل ہووے۔

۴۔ مقصدیت دا ہون۔

۵۔ گھٹو گھٹ اکھراں وچ ہووے۔

۶۔ دل کھویں تے پھبویں بیان ڈھنگ وچ ہووے۔

۷۔ شعری تول وزن وچ ہووے۔

۸۔ بے ساختگی ہووے۔

۹۔ لوک ثقافت دارنگ ہووے۔

۱۰۔ ویلیاں نال ہنڈے۔

۱۱۔ لوکاں دی سمجھ مطابق ہووے۔

اکھاناں دی اہمیت

اکھان حیاتی دے کسے کچھ بارے سیانیاں دے منہ چوں نکلیا اجیہا بول جیہڑا امت یاں اک اٹل فیصلے دے طور منیا جاندا اے۔ ہر اکھان اپنے اندر اک سچائی رکھدا اے۔ اسے سچائی پاروں ایہہ اکھان ویلے دے دھوڑ دھپے دا کوئی اثر نہیں لیند اسگوں ہر زمانے وچ سد بہار رہندا اے۔ اکھان بنن دا سبب ہمیشاں حیاتی دے کسے نہ کسے کچھ بارے کوئی نہ کوئی اوکڑیاں مسئلہ ہوندا اے۔ جس نوں سمجھن تے اوہ دے حل واسطے سیانے لوک اکٹھے ہو کے وچار کردے نیں۔ ایہناں وچاراں چوں ای کوئی اک وچار جیہڑا حقیقت تے بنی ہووے اکھان اکھواندا اے۔ ایس کر کے اکھان حیاتی دیاں مشکلاں بارے سجھا دیندے رہے آون والی نسلاں نوں سدھاراہ دکھاندے رہے۔

احسان باجوه اکھاناں دی اہمیت بارے لکھدے نیں۔

”اکھان راہیں اسیں اپنی گل اگلے نوں بڑی آسانی نال سمجھا سکے آں ہالاں ہوسکدا اے
پئی عام گل بات راہیں اسیں اوہو گل چھیتی اگلے نوں نہ سمجھا سکے اکھان دا سبھ تو وڈا فائدہ
ایہہ ہوندا اے پئی وڈی گل گھٹ لفظاں وچ بیان کردتی جاندی اے۔ عرباں دے اک
اکھان مطابق انسان دا جیون بہتی وار اکھاناں اتے ای اُسردا نسر دا اتے پروان چڑھدا
اے۔ جوتھاں باغ بچے اندر خوشبو وڈ دے پھٹلاں دی ہوندی اے۔ کھانے اندر چٹ پٹ
مسالیاں دی ہوندی اے۔ پوشاک دی خوبصورتی وچ اس اتے لگے موتیاں دی ہوندی
اے۔ رات سمیں اندر آسمان تے جگمگ کردے تاریاں دی ہوندی اے سگوس اوہ شان
نت دے بول چال وچ اکھاناں دی ہوندی اے۔“ (۲۵)

گل بات وچ جدوں ڈھکواں اتے پھبواں اکھان ورتیا جاندا اے تاں اوہ گل بات وچ سونے اتے سوہاگے والا کم کردا اے اتے بولن والے دی گل اتے پکیائی دی مہر لا دیندا اے۔ اکھاناں دا اثر بڑا ای تکھا اتے زور اور ہوندا اے اتے سندیاں سار
ای سنن ہار دے دھر اندر تیک اپڑ جاندا اے اتے ٹھوڑے لفظاں وچ آکھے گئے اکھان کئی وراری سنن والے نوں ساری سمجھا
جاندا اے نیں۔ اکھان اگلے بندے نوں انج کیل لیندا اے جو یں کمانوں نکلیا تیر سدھا اپنے نشانے تے جا ٹھکدا اے۔ پرانے
ویلیاں اندر لوک اپنی آکھی منوان لئی ضرور کوئی ڈھکواں اکھان ورت کے اگلے نوں گل منن تے مجبور کردیندے سن۔ ہالی مساں
اک صدی پہلاں روس دیاں عدالتاں وچ لوک آپو اپنے بیان نوں اکھاناں راہیں پکیریاں کردے ہونے سن۔ پرانے عرب
قبیلے دی شان جاں وڈیائی دس لگیاں بڑے ای اکھان ورتدے سن۔ اتے اوہناں دی شاعری دے شعر تھاں تھاں اکھاناں نال
پُرچے نظر آوندے نیں۔ اسیں پنجابی کلاسیکی شاعری ول ویکھتے تاں تھاں تھاں اکھان نظریں آوندے نیں کیوں جے ہر شاعر

چاہندا اے اک تاں اوہدی گل نوں نندے کوئی نہ تے دو جھی اوہدی سنن والیاں اُتے چنگا چوکھا اثر چراں تائیں قائم رہو وے۔
ایہہ دونویں کم اکھاناں توں بہتر کوئی نہیں سی کر سگدا۔ اس واسطے ہر شاعر اپنی گل نوں پکیائی دین لئی اپنی شاعری وچ تھیں تھیں
اکھان ورتے نیں وارث شاہ دی ہیر وچ ہر صفحے اتے اکھان دسدے نیں۔

اکھان حیاتی دے ہر کچھ بارے راہ دسدے نیں۔ علم بشریات والیاں نوں اکھاناں وچوں چوکھی ساری راہنمائی مل
جاندی اے۔ بے شمار اکھان میں جیہڑے ذاتاں، گوتاں دے تقابلی جائزے وچ مدد کر سگدے نیں۔ ایہہ دے نال نال نفسیات
واناں لئی بہت سارے اکھان ملدے نیں جیہڑے بندیاں دے رویاں تے عاداتاں بارے بھرنویں جانکاری دیندے نیں۔ دکھو
وگھ قبیلے تے علاقیاں دے لوکاں دیاں عاداتاں بارے گوڑھی جانکاری اکھاناں وچوں ملدی اے۔
اس بارے احسان باجوه وچ لکھدے نیں۔

”Anthropologist“ لئی اکھان اک قیمتی سرمائے داکم دیندے نیں۔ ادب رچن
والے اپنے لکھے ادب وچ اکھاناں دی رچ ورتوں کر کے اوس رچنا نوں پڑھن ہاراں لئی
اسیر کر دیندے نیں۔ اکھان اوہناں لئی پیہری داکم دیندے نیں۔ ہیر وارث شاہ داقصہ امر
بن جان دی اک وجہ ایہہ وی اے پئی وارث شاہ ہوراں اپنی گل اکھاناں دے روپ وچ
ٹوری اے اتے جیہڑی لکھت نوں اکھاناں دا تڑکا لگ جاوے اس داسودا نچ ای ودھ جاندا
اے۔ کئی اکھان تاریخ دیاں اجیہیاں سچیاں نوں بیان کر جانداں نیں جیہناں نوں شاہی
دبے پاروں صدیاں تیک دبا دتا جاندا اے۔ اجیہے اکھان تاریخ دے نرول لکھاریاں لئی بڑا
کم دین والی چیز بن جاندی اے۔“ (۲۶)

اکھان حیاتی دے ہر کچھ بارے بھرویں تے دل لگوں راہنمائی کر دے نیں۔ اکھان چانن دے اوہ منارے نیں
جیہڑے حکمت تے سچائی دے کھوجی پاندھیاں نوں سدھاراہ پئے دکھاندے نیں۔ ایہناں اکھاناں وچوں اپنے وڈوڈیریاں
دے ویلے دیاں سوچاں جذبیاں، خوشیاں، دکھاں حیاتی دے دکھو دکھ پکھاں نوں ویکھ سکدے آں۔ مکدی گل ایہہ وے پئی
اکھاناں راہیں اُس پرانے وسیب نوں سمجھ سکدے ہاں۔ اوہناں دے تجریاں توں سبق سکھ سکدے ہاں۔ آوون والے ویلے
واسطے نویاں راہواں متھ سکدے ہاں۔ اپنے رولے رپیاں نوں چنگے طریقیاں نال مکا سکدے ہاں۔ اپنے وسیب نوں ودھو
ودھ جنت ورگا بناسکدے ہاں۔

اکھاناں دی اہمیت تے افادیت بارے بشیر حسین ناظم ہوریں لکھدے نیں۔

”اکھان تے خیالی ادب دا تقاضا اے پئی ایہناں دا بڑی سوجھ نال مطالعہ کیتا جائے۔
ایہہ دیاں دو وجہاں میں پہلی وجہ ایہہ وے پئی رائے عامہ تے ایہناں دی بڑی ڈوگھی

چھاپ اے۔ دوجی وجہ اے پئی اکھان اوہناں لوکاں دے مذہبی، سیاسی، سماجی تے اخلاقی معنویت تے نصب العین دی قابل اعتبار شہادت نہیں، جہاں راہیں ایہہ پنکرے تے ظہور وچ آئے۔ مسٹر جریر لکھدا اے پئی اکھان ہومر ورگے اُچے شاعر دیاں شعراں وچ وی ملدے نہیں۔ شیکسپیر دے کئی چست فکرے اجیہی مقبولیت حاصل کر چکے نہیں پئی اوہناں نوں اکھاناں دا درجہ مل گیا اے۔ ایسے طرح ’دانٹے مولیئر‘ تے ’جارج ڈینڈن‘ دیاں گلاں اکھاناں دا روپ دھار گئیاں نہیں ’ملٹن‘ دی فردوسِ گم گشتہ اکھاناں نال بھری پئی اے۔‘ (۲۷)

پرانے زمانے دے فلسفی وی اکھاناں نوں ورتن داسر بندھ کر دے رہے۔ ارسطو تے افلاطون دے وقتاں دے سارے سیانے اپنیاں پر مغز گلاں نوں اکھاناں نال سجان دے سن۔ یونانی قوم دے سیاسی تے اخلاقی فلسفے وچ اکھان تھان تھان نظر آوندے نہیں۔ حضرت سلیمانؑ نے اکھاناں وچ جیہڑا جذبہ تے کھچ پیدا کیتی اوہ یہودی لکھتاں اندر موجود اے بہت سارے اکھان رُبیون (یہودی علما) اپنی گل وچ ورتدے سن۔ اکھاناں دی اہمیت تے افادیت ایہدے توں اُجاگر ہوندی اے پئی ایہناں نوں پڑھن واسطے یہودی عالماں سبت ہفتے دادن متھیا ہو یا سی۔ اس دور دے یہودی خیالی ادب دے لورے لیندے سن اکھاناں نوں مشکلاں تے شک دور کرن واسطے زبردست طاقت سمجھیا جانداسی۔ فیر اکھاناں راہیں کجھ نانواں دی تشریح تے آسمانی کتاباں دے ان جانے ہصیاں دی وضاحت ہندی سی۔

روسی زبان اکھاناں نال اپنی گوگتھی ہوئی اے پئی ایہدیاں گاہلاں وی اکھاناں وچ نہیں۔ انجمنانی خروشیف گاہلاں اکھاناں دے روپ وچ کڈھدا سی۔ ہسپانوی زبان وچ اکھان عربی زبان دے اثر و رسوخ نال پنکرے۔ ہسپانوی قصے کہانیاں وی اکھاناں نال پڑنیں۔

چینی مدرسیاں وچ اک اک سطر مشق دے طور تے دتی جاندی سی تے نال ای آکھیا جاند اپنی دوہڑا مکمل کرو چچی گل ایہہ وے پئی اکھاناں توں بادشاہ توں لے کے فقیر تک لطف اٹھاندے نہیں۔ حیاتی دا کوئی ای شعبہ ہونا اے جیہدے وچ چینی لوک اکھاناں توں فائدہ نہ اٹھاندے ہوں۔

اکھان حکمت بھریاں گلاں، کہاوتاں تے محاورے فارسی داب داٹو ہر تے شان و دھان واسطے وڈا سبب نہیں۔ فارسی ادب وچ شدھ بدھ تے تادیب لئی تے موتاں دے پنتھ رواجاں نوں جان لئی اکھان بڑا وڈا وسیلہ سمجھے جاندے نہیں۔ فارسی ادب دیاں دو جیاں صنفان توں اڈ دنیا دیاں قوماں نوں اکھاناں دے موتی وی دتے نہیں۔ شوکت مغل ہوراں اکھاناں دی اہمیت بارے لکھیا اے۔

”کسی بھی زبان میں ضرب الامثال کی اہمیت سے کوئی انکار نہیں کر سکتا۔ ہر زبان کے ادب

میں اہم چیز ضرب الامثال ہی ہوتی ہیں۔ جن میں بہت حد تک اُس کے وسیب کی داستانِ حیات کے مختلف گوشے مضمر ہوتے ہیں۔ ان میں اس سرزمین کے لوگوں کی حکایات اور افسانوں کے علاوہ روزمرہ کی زندگی کی جھلکیاں بھی پائی جاتی ہیں زبان کی وسعت اور گہرائی کا اندازہ بھی اس کے ذخیرہ الفاظ کے ساتھ ساتھ محاورات اور کہاوتوں سے لگایا جاتا ہے۔ کہاوتیں دنیا کی ساری زبانوں میں موجود ہیں یہ دانائی، سچائی اور انصاف کا بھی پتہ دیتی ہیں۔ (۲۸)

ایتھوں ایہہ گل ساہنے آئی پئی اکھان دنیا دی ہر زبان وچ موجود نیں۔ اتے ادب وچ اک اُچھی تھان رکھ دے نیں۔ انج لگدا اے جو یں ہر وسیب وچ بندیاں جیتی تے وسیب نوں سمجھن واسطے سبھ تو پہلاں اکھاناں راہیں کوشش کیتی اے۔ اس واسطے اکھان دنیا دی ساری زبان دی ٹھلی کاڈھ جا پدی اے۔ انج کر کے اکھاناں دی ادب وچ اُچی تھان اے۔ اکھاناں وچ وسیب دے سارے رنگ موجود نیں موسماں تے رُتاں بارے گل بات لہسنی ہووے پئی کسے علاقے وچ کیہڑے موسم بارے لوکاں دے وچا رکیہ نیں۔ واہی بچی بارے اس وسیب دے سیانے لوکاں کیہ آکھیا اے کیہڑے موسم وچ کیہڑی فصل تے کس طرح بچائی کرنی چنگی ہوندی اے تاں جے پیداوار ڈھیر توں ڈھیر ہووے جو یں کہ۔

کنک کما دی چھلیاں تے ہور جو کھیتی کل

اروڑی باجھ نہ ہونداں تو نہ جاویں بھُل

اک ہور اکھان وچ بل جو ترے بارے پتہ چلدا پئی کدو زین ڈھیر وھنی فصل واسطے چنگی ہوندی اے۔

ہاڑ دا اک ساون دے دو بھادوں دے ترے اسوں داسو۔

دو جے پاسے ذات برادریاں دے ورتارے اتے چنگے بھیرے بندے دی پچھان بارے وی اکھان ملدے نیں۔

رشتے داریاں دے نبھان اتے چنگے مندے بارے وی ڈھیر سارے اکھان ملدے نیں جو یں کہ۔

مانواں ٹھنڈیاں چھانواں

آون بیگانیاں جانیاں وچھوڑن سکلیاں بھانیاں۔

انج کر کے اکھاناں جیتی دے اک اک کچھ نوں ولایا ہویا اے۔ انج لگدا اے جو یں اکھاناں دی تاریخ بندیاں دی

تاریخ جتنی پرانی اے۔ اتے گزرے ویلیاں نوں سمجھن واسطے اک بہوں قیمتی سرمایہ اے۔ اکھاناں راہیں اسیں آون والے

ویلے واسطے سوچنی تیاری کر سکدے آں۔

اکھاناں وچوں سانوں وسیب بارے پکی پیڈی تے بھرنویں جانکاری مل جاندی اے۔

حیاتی داکوئی کچھ لے لو بھانویں روزی کماون دے وکھو وکھ پیشیاں دے کماں کاراں دے چچ ڈھنگ بارے جانکاری

لینی ہووے یاں وسیب وچ دکھاں خوشیاں تے ویاں دیاں رسماں رواجاں دی گل بات ہووے۔ ذات برادریاں دی اونچ نیچ
 وُلن ورتارے ٹھکاں تے قدراں بارے گل بات ہووے۔ دیس دے گھرو تے الھڑ ٹیاراں دے جذبیّاں تے عشق
 دیاں وارداتاں بارے جانکاری لیتی ہووے یاں کسے چوری قتل ڈاکہ رو لے رپھڑ دا فیصلہ کرنا ہووے کسے اوکھی واردات واقعے
 دا کھوج لہھنا ہووے۔ یاں ساکاں سیناں دوستی دشمنی چنگے بھیڑے بندے دی پچھان کرنی ہووے یاں کتے وسیب وچ پھرن
 آ لے ڈھور ڈنگراں تے پکھواں دیاں عاداتاں بارے جانکاری لہھنی ہووے تاں اکھان ساڈی ہر تھاں تے بھرنویں راہ
 سوچھاندے نیں تے کسے وی مسئلے وچ پکے پیڈے سٹے اتے اپڑن لئی پوری پوری مدد کر دے نیں۔ مگدن گل ایہہ وے پئی
 اکھاناں دی وُلگن وچ ساڈا پورا وسیب آ جاندا اے۔ جویں جیون واسطے کھاون پیون دی لوڑ اے انجے وسیب سچھی حیاتی واسطے
 اکھاناں دی لوڑ اے۔

اکھان تے زبان داسمبندھ

اکھان کسے سیانے دے منہ وچوں نکلیا اوہ امر بول ہوندا اے جیہڑا دل کھبویں تے پھبویں بیان ڈھنگ اتے اپنے
 اندر موجود سچائی پاروں سنن ہاراں تے ہمیشاں ہمیشاں واسطے ڈونگھا اثر چھڈ دا اے۔ لفظی جڑت اکھان دا اک وڈا جز ہوندا اے
 اکھان عام طور تہ وزن وچ ہوندا اے۔ ایس واسطے پھبواں بیان ڈھنگ اکھان واسطے اک سموچے دی تھاں رکھدا اے۔ ایس
 طرح کجھ اکھاناں وچ ڈونگھی رمز طئریاں چوٹ اتے جگت دے روپ گل کیتی جاندی اے۔ ایہناں سارے حوالیاں نال ویکھیے
 تاں پتہ چلدا اے زبان دے اگے وڈھن اتے سنوارن وچ اکھاناں دا ڈھیر سارا حصہ اے۔
 ڈاکٹر شہباز ملک اکھان تے زبان دے سمبندھ بارے لکھدے نیں۔

”انسانی تجربے دا ایہہ اکھری روپ عام بول چال وچ آکے مونہوں مونہہ اگلی پیڑی تیکر اپڑ
 دا اے ایس کر کے ایہہ عام طور تے وزن وچ بیان ہوندے نیں بھادیں اک تک وچ
 بھادیں دو ٹکاں وچ ہووے اکھان وچ آکھی جارہی گل اک مکمل روپ ہوندی
 اے۔“ (۲۹)

ایتھوں ایہہ گل سامنے آندی اے پئی اکھاناں زبان نوں اگے ٹورن اتے امیر بناون وچ ہر زمانے وچ بھرواں کردار
 ادا کیتا اے وڈے وڈے مضموناں نوں گھٹو گھٹ اکھراں وچ اک دل کھبویں تے پھبویں ڈھنگ نال سنن ہاراں تیک اپڑانا اُس
 زبان دی امیرت اتے وڈی زبان ہون دی نشانی ہوندی اے۔ احسان باجوا اس بارے وچ لکھدے نیں۔
 ”زبان دے سیانیاں لئی اکھان اک مڈھلی لوڑ نیں اکھان اصل وچ اک آکھن یاں پورا بول
 ہوندا اے۔ اس وچ سیانف نوں انج بند کر دتا جاندا اے جویں کپسول اندر دوائی پادتی

جانندی اے۔ ایہناں گندھویں بولاں وچ لفظاں نوں من مرضی نال ودھان گھٹان دی اپنی گنجائش نہیں ہوندی ایس وچ حرف انج من تول کے پائے ہوندے نیں پئی اک حرف دا وادھا گھاٹا وی ایس وچ پاسکو پاسکدا اے۔ ایس لئی اکھان اوہ اٹل بول ہوندے نیں جو صدیاں لنگھ جان تے وی بناں کسے ماڑی موٹی تبدیلی دے لوکاں دے مونہوں چڑھے رہندے نیں ایسراں زبان دا کھوجی ایہناں دی ورتوں راہیں زبان دا پرانا محاورہ اتے مونہہ مہاندرا لہجہ سکدا اے کسے زبان اُتے ہور علاقے دی زبان دا جو اثر ویلے کویلے دے میل جول نال پئیدار ہندا اے اوس دا انگ رنگ وی اکھاناں وچوں جھلک پئیدا اے اکھان اپنی سنجان بارے ادب دے ہورا نگاں توں ودھرتے والے ہوندے نیں۔“ (۳۰)

اکھاناں تے زبان دا آپس وچ اک ڈوہنگھا پکا پیڈا تے ہزاراں ورہیاں دا پرانا سانگا اے کیوں جے اکھان زبان دی پہلی تے مڈھلی کاڈھا اے جیہدے راہیں سیانے لوکاں وسیب نوں ہر کچھوں تگڑا بنان دے جتن کر دے رہے نیں۔ اکھاناں راہیں اک پاسے تاں گھٹو گھٹ لفظاں وچ اپنا مطلب دو جے تائیں سوچے ڈھنگ نال اپڑ جاندا تے دو جے پاسے سنن ہاراں نوں اگوں اوہدے من وچ کوئی رکاوٹ نہیں راہندی۔ ایہناں دوہاں گھراں دے مطلب پورے ہوونجی توں اگاں اوہ اکھان اس زبان دے اگے ٹورے اتے اوہدے سنگارن وچ وی چنگا بھرنواں حصہ پاندے دسدے نیں۔

اکھاناں تے زبان دے سمبندھ دے بارے بشیر حسین ناظم ہوریں لکھدے نیں۔

”اکھان کسے زبان دے دامن تران تے سمجھ سیانف دی کجی ہوندے نیں۔ بہت سارے تجربات دا نچوڑ اکھاناں دی راہیں دلاں تے دماغاں وچ اتر کے آون والیاں نسلان نوں اپنی ماں بولی نال پیار کرن دا ول سکھاندا جو یں کسے زبان دے قاعدے کلیے اوہدے ٹھیک ورتارے وچ مدد کر دے نیں انج ای محاورے تے اکھان کسے بولی دا گہنا ہوندے نیں۔ بولی کوئی وی ہووے انساناں نے اپنے تجربات وچاراں تے ویکھیاں ڈٹھیاں چیزاں نوں انج اپنی حیاتی وچ سمولیا ہوندا اے کہ جدوں اسیں کوئی اکھان بولدے ہاں ہر کوئی ایہوئی سمجھدا اے پئی ایہہ اوہدے دل دی گل اے پر بندہ انہاں نوں سن کے مٹھا مٹھا گڑھکدا تے اندر واندیری اپنا رانجھاراضی کردا اے۔ کیوں جے اوہدے من دے تار تے اُنکلی رکھن والی گل اے تہاں اکھان بولیا تے سنن والے دے دل دی تار تے تنن تنن کرنا شروع کردتا انج جا پدا پئی اکھان بنان والیاں بنائے ای ایس لئی سن کے انسان دے دلاں نوں نویکلے طریقے نال چھیڑیا جائے اتے کہن تے سنن والے دونوں دھراں اک مک ہو کے

تے اپنیاں سدھراں نوں نوپلی تے بحری حیاتی دے دین“۔ (۳۱)

ایہتھوں ایہہ گل لکھدی اے پئی اکھاناں تے زبان دا آپس وچ چولی دامن والا رشتہ اے۔ اکھاناں دیاں زبان دی زمین وچ چنگی ڈوہنگھی جڑاں ہوندیاں نیں۔ اکھان اپنے اختصار اتے پھبویں ڈھکویں ڈہنگ پاروں زبان دیاں باقی صنفیاں وچوں اُچی تھان رکھدے نیں۔ اکھان کسے زبان دا اوہ سکھ بند سد بہار اتے انملا خزانہ ہوندے نے۔ جیہوں کوئی رد نہیں کر سکدا۔ اکھان اپنے اندر لے سچ دے ست پاروں ہر زمانے وچ اپنا سکھ منواندے رہے نیں۔ وسیب وچ کسے وی معاملے وچ ہر بندہ اپنی کیتی گل بات نوں وزنی تے سچی ثابت کرن واسطے اکھان بول کے سنن ہاراں نوں چپ کرادیندا اے۔ سنن والے اپنی تھان اکھان نوں اپنے دل دی واج سمجھدے نیں۔ اس واسطے اکھان وسیب دی اک سانجھی کاڈھ سمجھی جاندی اے۔ اک یاں پوری دوسطراں دا اک اکھان اک گھنٹے دی گل بات نالوں سنن ہاراں اُتے ڈھیر بھرنواں اثر چھڈ دا اے۔ اس واسطے کسے زبان کول جتنے ڈھیر اکھان ہوں اوہ زبان اتی وڈی تے امیر سمجھی جاندی اے۔ سب توں وڈی حقیقت ایہہ وے پئی اکھان کسے وی زبان دی وکھو وکھ سمیاں دی اک سچی تاریخ ہوندے نیں ایہناں اکھاناں راہیں کسے وی سسے وچ زبان دے سمو لچے اوہدی ٹور تے مونہہ متھے گھیرے بارے پتہ چلدا اے۔

اک ہور تھان اتے اکھاناں تے زبان دے سمبندھ بارے گل بات کردیاں ہوئیاں بشیر حسین ناظم لکھدے نیں۔

”بولی دے بدلن نال کوئی فرق نہیں پیندا ویکھن والی گل ایہہ وے پئی اوس زبان دے اکھراں دی بُتر تے بولاں دی گھڑنت وچ کبھڑیاں کبھڑیاں چیزاں نے اپنا ڈاڈا اثر چھڈیا اے۔ انگریزی زبان دے سریوں مڈھلے سمنیں جیہڑا ستویں صدی عیسوی توں بارہویں صدی عیسوی اُتے پھیلیا ہویا اے تے جیہدے وچ انگلوسیکسن نسل دے انگریز لکھاریاں نے لکھیا ایہناں دے عام مزاج توں پتہ چلدا اے پئی اونہاں دے سرتے اک گل بڑی سواری تے اوہ ایہہ سی کہ اکھراں وچ آواز نوں من موہنا بنائ لئی اکھراں دے شروع وچ اکو جیہے حرف لیاون۔

پنجابی زبان وچ وی ایس طرح دے نمونے کئی تھانواں تے مل دے نیں مثال دے طور تے ”جیہڑا اول کڈھے اوہدے ول جائیں“۔

”جدوں زبان اپنے چولے بدل بدلا کے اُچا تے سچا مقام حاصل کر لیا تے اوہدے وچ لکھاریاں نے اونہاں تجریاں دارس گھول دتا جیہناں توں فائدہ اٹھائ لئی تھوڑے جیہے اکھراں تے ڈھیر ساریاں معنیاں دا فائدہ حاصل ہوندا سی۔ تے ایہو جیہے ان گنت گھٹ اکھراں تے معنیاں دے سمندراں والے اکھان ایسے ای سچائی دی چغلی کھاندے نیں

ایسویں ای عربی زبان دی مثال لے لو۔ ان گنت اکھان ایسے نیں جیہناں دے پچھے اوہناں
لوکاں دے تجریاں تے کہانیاں دے تانے بانے ہوئے نیں پرتھوڑے جیسے اکھراں
راہیں اسیں اُس سارے ای واقعے دا سواد چکھ لیندے ہاں۔“ (۳۲)

جویں پکوائی داماہر سیانا بندہ پکی ہوئی چاولاں دی دیگ وچوں اک چونڈی چاولاں نوں چکھ کے باقی ساری دیگ
بارے دس دیندا اے کہ ایہہ دیگ کویں دی پکی ہوئی اے انجے ای لمی چوڑی ساری کہانی سنن دی تھاں اک یاں دو مصرعیاں دا
اکھان بول کے سن کے پوری کہانی دی جس تے سواد لے سکدے آں۔ ایس واسطے اکھان کسے وی زبان دا اک اوپر جیہا انملا
حکمت و دانش دا خزانہ ہوندے نیں۔

مرزا سلطان بیگ (چودھری نظام دین ریڈیوالے) اکھاناں تے زبان دے آپس وچ تعلق بارے لکھدے نیں۔
”اکھان یا محاورہ کسے زبان دی جان ہوندا اے تے ہر دیس دی گھر وکی اٹکل اپنی بولی دی
جی رکھوالی کردی اے اوہدی مجلسی زندگی اونی نہیں کردی۔“ (۳۳)

اکھان کسے وی زبان واسطے اوہدی جان دی تھاں رکھدے نیں۔ کسے وی زبان نوں لوکاں وچ ہر من پیارا تے دل
کچھواں بناؤ وچ سبھ توں بھرنواں حصہ اکھاناں دا اے۔ اکھاناں توں ای پتہ چلد اے کوئی زبان کنی ساری امیریاں غریب اے
کیوں جے زبان دا بیان ڈھنگ جتا پھبواں سوچا اتے گھٹو گھٹ اکھراں وچ ہووے او نا ای اس زبان نوں وسیب وچ اُچا تھاں
ملد اے۔ زبان وچ ایہہ کم اکھاناں توں وکھدو جی ہور کوئی صنف نہیں کر سکدی۔

سلطان سکون ہوریں اکھاناں تے زبان دے سمبندھ بارے اپنے وچار ناچ لکھدے نیں۔
”ضرب المثل اور محاورہ کسی بھی زبان کی تکمیل کے لیے لازم تصور کیے جاتے ہیں جو گفتگو یا
تقریر و تحریر کو مؤثر اور مختصر بنانے میں نہایت اہم کردار ادا کرتے ہیں جہاں کسی بھی بات کی
وضاحت و صراحت کے لیے کئی ایک جملوں کی ضرورت محسوس کی جاتی ہے وہاں ایک ضرب
المثل یا محاورہ معاون بن جاتا ہے۔ دراصل ضرب المثل یا محاورہ انسانی زندگی میں بار بار پیش
آنے والے نوع بنوع حالات و واقعات اور گرم و سرد زمانہ کے تجربات و مشاہدات کا جوہر
ہوتے ہیں جو بجائے خود حکمت و دانش سے لبریز ہوتے ہیں۔“ (۳۴)

اُتے دتے گئے حوالیاں نوں اک تھاں اکٹھا کر کے ذرا ڈوہنگھے گوناں ویکھیے تاں ایہہ گل منتر کے ساہمنے آوندی اے
پئی اکھاناں تے زبان دا آپس وچ ڈوہنگھا اتے پکا پیڈا سمبندھ اے۔ زبان دی تاریخ ولوں ویکھیے تاں پتہ چلد اے پئی اکھان
زبان دی مڈھلی صنف جا پدی اے۔ اکھان زبان دے کھیتر وچوں جمدے پلدے اتے نسر دے نیں اکھاناں واسطے کوزے وچ
دریا والے اکھراں تے پھبواں ڈھکواں ڈھنگ زبان ای دیندی اے۔

دو جے پاسے ایہہ گل وی اپنی تھان پچی اے زبان دا اگے ٹوراتے ودھاو وچ سبھ توں بھرنواں حصہ اکھاناں دا اے زبان دے کھوجی زبان دے آپس وچ مقابلے تے درجہ بندی واسطے اُس زبان دے اکھاناں تے محاورے توں ای زبان مونہہ مہاندے تے سمو لپے داپتہ چلا لیندے نیں۔ جتنے کسے زبان وچ اکھاناں دا خزانہ چنگا چوکھا ہوندا اے اتنی اوہ زبان امیر سمجھی جاندی اے جو یں اک چاول یاں بوٹی توں ای پوری دیگ داپتہ چل جاند اے انجے اکھاناں توں پوری زبان دے گھیرے تے سوٹھپ داپتہ چل جاند اے۔ اکھاناں تے زبان دا آپس وچ جسم تے روح والا سمبندھ ہوندا اے۔ اکھان زبان دے متھے دا ٹکاتے جھومر نیں۔ اکھاناں نال ای زبان دی مٹھاس لوکاں دے دلاں دماغاں وچ رس گھولدی اے۔ سبھ توں وڈی گل ایہہ وے اکھاناں وچ زبان دی صدیاں پرانی تاریخ موجود اے اکھاناں توں پتہ چلدا اے پئی زبان کیہڑے لانگھیاں وچوں لنگھدی ہوئی آئی اے۔

اکھان تے وسیب دا سمبندھ

کسے وی وسیب وچ ڈھیر ساری چیزاں ہوندیاں نیں وسیب وچ بندیاں، جانوراں، بھونیں، رُکھ، فصلاں، بولیاں، رہن سہن، رسم و رواج، ذاتاں، لڑائیاں تے لوک کتھاں تے ہور تک سنک ڈھیر سارا موجود ہوندا اے۔ سیانے بندے اپنے وسیب تے مشاہدے تجربات تے ہڈورتیاں نوں اک ڈھکویں تے پھویں ڈھنگ بیان کر دے نیں تاں اوہناں سیانے لوکاں دے ایہہ بول کچھ چرچھوں اکھان بن جاندے نیں۔ انج کر کے ہر سسے وچ اکھاناں اندر اس وسیب دے دکھو دکھ پکھاں بارے سچی جانکاری لوکاں دے سینیاں وچ محفوظ ہوندی گئی تے اک پیڑھی توں دوجی پیڑھی ول پینڈا کر دی رہی۔

اکھان وسیب وچ ای جمدے پلدے اتے نسر دے نیں۔ ہر اکھان اپنے وسیب دے حالات دا شیشہ ہوندا اے۔ ڈاکٹر شہباز ملک دے مطابق

”کسے وی قوم دے اکھان اوس دی رتھل دا سگواں روپ ہوندے نیں۔ اکھاناں وچ اس

دی معاشی، معاشرتی، مذہبی تے مجلسی حیاتی ٹھاٹھاں مار دی ہوندی اے۔ دو جے لفظاں وچ

ایہہ آکھ نو کہ اکھاناں وچ اس خطے دی ثقافت دی بھرپور دس پیندی اے“۔ (۳۵)

اکھان حیاتی دے کسے اک کچھ بارے نہیں ہوندے اکھاناں وچ وسیب یاں حیاتی دے سارے پکھاں بارے سچی جانکاری ملدی اے۔ موسم رُتاں، رہن سہن، رسم و رواج، خوشیاں، دکھاں، روزی کماون دے دکھو دکھ پیشیاں، لوکاں دیاں ذاتاں، گوتاں بارے ہاسیاں، مٹھکری بارے سچی تے گوڑھی جانکاری لہدی اے جیہدے وچ بعد وچ کوئی رد و بدل نہیں ہوسکدی، ایس واسطے اکھاناں وچوں سانوں سارا وسیب اپنے دکھو دکھ رنگاں نال جھلکارے ماردا دسد اے۔ انج کر کے اکھاناں تے وسیب دا آپس وچ اک ڈوہنگھاتے پکا پیڈا سمبندھ لہدا اے۔

احسان باجوه اپنی کتاب ”آکھن لوک سیانے“ وچ اس بارے لکھدے نیں۔

”اکھاناں دی ایہہ خوبی ہوندی اے پئی ایہہ ہر وسوں دانک نقشہ اتے رہن سہن داسارا ڈھنگ اپنی خوبصورتی راہیں بیان کر دیندے نیں اتے ہر وسیب دی زمین اتے اُس تے ہون والی واہی جوتی اتے لوکاں دے ورت و بہارنوں جسراں اکھان بیان کرسکدے نیں شاعری دی کوئی ہو رصنف بیان نہیں کرسکدی۔ کسے وی قوم دے اکھان پڑھ کے اس قوم دے رہن سہن، ورت و بہار، لڑائی جھگڑا، صلح امن، رنگ روپ، کھان پین، پہنن لان، جاگن سون کم کار اتے ہر چیز دا پتہ لگ جاندا اے۔ ایسے لئی دسیا جاندا اے پئی اکھان اوہ شیشہ ہوندے نیں جیہناں وچوں کسے وی قوم دا پورا عکس دیکھیا جاسکدا اے۔ پنجاب واہی جوتی والی جوه ہون کر کے ایہتوں دے چوکھے اکھان واہی بیٹی اتے موسم نال جڑے ہوئے نیں پر زندگی دے ہر مسئلے لئی کوئی نہ کوئی اکھان اُس بارے سچھ دین لئی موجود اے“۔ (۳۶)

اس کر کے اکھان اوہ ائمیلے اتے سچے موتی نیں جیہناں نوں سائمنے رکھ کے اسیں اپنے دوست، دشمن، سچ، جھوٹ، چنگے مندے وچ فرق کرسکدے آں۔ روزی کمان واسطے اپنے پیشے دے مڈھلے اصول دین لین و بہار بارے۔ رشتہ داری، ساک سین، گھرا تے باہر دے سارے مسئلیاں بارے اکھان بھرویں راہنمائی کر دے نیں۔ اکھان دی مدد نال اسیں وسیب نوں چنگی طرح سمجھ سکدے آں۔ اتے اس وسیب وچ ہر طرح دے شرتوں وچ کے عزت نال جی سکدے ہاں۔ اکھاناں دے کھوجی تے ویر واکار احسان باجوه اکھاناں تے وسیب دے سمبندھ بارے لکھے نیں۔

”اکھان کسے قوم دے سمو لچے جیون دابس رنگ روپ ای نہیں ہوندے سگوں اُس قوم دی زندگی دے اک اک رنگ اتے سوچ دے ترجمان ہوندے نیں۔ اکھان راہیں کسے قوم دے علم اتے گیان توں واقفیت ہوندی اے۔ کسے قوم دے وسیب دی امیرت جاں پسماندگی دا پتہ اوس دے اکھاناں توں لگدا اے اکھاناں وچ جو سوچ وچار غالب ہوندی اے اُس اتے ساری قوم دی قبولیت دی مہر لگی ہوندی اے۔ جسراں اک قوم دارہن سہن اتے ورتوں و بہار دوجی قوم نالوں اڈرا ہوندا اے۔ اتے ہر قوم دے وقوں و بہار پاروں ای اس قوم دے جیاں دے سبھا بارے اوسراں دے اکھان بن جاندا اے“۔ (۳۷)

پنجاب ہلاں تے ہالیاں دا ملک ہون کر کے کھیتی باڑی نال جڑی جوه اے۔ اتے پنڈتھاواں دی ساری آبادی واہی جوتی دے پیشے نال جڑی ہوئی اے۔ اتھے جودی کم کاج کیتے جاندا نیں اوہناں دا اصل دھراکتوں نہ رکتوں واہی جوتی نال ای جڑیا ہوندا اے جویں

ع جو کچھ بیچے سوہی جے جس نے واہ کمائی

تو کیوں اپنی کھیتی اندر کا ہی دبھ جمائی

ع کھیتی خصماں سیتی

دلیس پنجاب وچ شادی ویاہ اتے موت فوتگی دیاں وڈی پکی تے پیڑیاں رسماں موجود ہن۔ ایہہ رسماں ریتاں ہزاراں سال پرانیاں نیں۔ ایہناں رسماں رواجاً نوں پورا کرنے واسطے سر دھڑ دی بازی لادتی جاندی اے۔ ایہناں رسماں رواجاً بارے وی ڈھیر سارے اکھان موجود نیں جیہناں وچوں اسیں اپنے وسیب دی صدیاں پرانی تاریخ نوں پڑھ سکدے آں پنجاب وچ وٹے سٹے دیاں شادیاں دا چوکھار واج اے۔ پردو جھے پاسے ڈھیر ساری طلاقاں دا سبب وی وٹے سٹے دیاں شادیاں ہن۔ اس بارے اکھان ویکھو۔

ع وٹے سٹے دی کڑمائی گنجی گئی تے کافی آئی۔

ع وٹ سوٹ اک سر مٹی اک سر گھٹا۔

وسیب وچ رشتہ داریاں نبھان واسطے لوک اپنے جھگے مکا چھڈ دے نیں۔ دلیس پنجاب دی دھرتی اس پکھوں دو جھے دیساں نالوں چوکی امیراے پئی اتھے سجنیائی دے نال نال ویریاں بارے اُچیاں انسانی قدراں موجود سن۔ جویں کہ دشمن قبیلے دیاں زنانیاں نال مانواں بھیناں طراں سلوک کرنا۔ ڈھٹھے دشمن تے وار نہ کرنا۔ اس توں ودھ ووسیب دے وکھو وکھ سمبندھناں دے پچھے رویاں دی تبدیلی بارے اکھان سانوں سدھاراہ دکھاندے نیں جویں کہ۔

ع بھرا بھرا ناواں تے چچڑکانواں۔

ع ماں نالوں ہیجلی پھسھے کٹن۔

ع مانواں نال نال کے پیو نال داد کے۔

ع کمینے دی یاری وٹھوہیں داڈنگ۔

ع لارے لپے دایا رکدی نہ لنگھے پار۔

اکھاناں تے ووسیب دے سمبندھ بارے مرزا سلطان بیگ (چودھری نظام دین ریڈیو والے) لکھدے نیں۔

”ساڈے سوہنے دلیس پنجاب دیاں وسنیکاں جدوں کوئی اکھان آکھیا ویلے نوں ساہنے

رکھ کے اسے وٹے وٹرن والیاں پابندیاں دیاں اوکڑاں ولے جھاتی مار کے آکھیا۔

ساریاں اکھاناں نوں چنگی طراں نیارے وانگوں دھو کے ویکھجے تے ایہہ گل وی گجھی نہیں

راہندی پئی جتھے ہورناں بھٹروں ول نگہہ ماری اتھے حکیمی دیاں گلاں وی دسیاں

نیں۔ (۳۸)

اکھان وسیب دی اوہ تاریخ ہوندے نیں جیہدی سچائی اُتے اس سہ دے وسیب دے لوکاں دی قبولیت دی گواہی آلی مہر لگی ہوندی اے۔ ایس قبولیت دی گواہی توں بعد اوہ دے اُتے شک کرن دی کوئی گنجائش نہیں راہندی۔ اس توں ودھ اکھان اپنے اندر موجود سچائی دے ست پاروں ای ہر سہ وچ تروتازہ راہندا اے۔ ایس واسطے کسے وی وسیب دی سچی مورت دیکھنی ہووے تاں اکھاناں وچوں دیکھی جاسکدی اے۔

ایسے طرح نور محمد چودھری ہوریں اکھاناں دے وسیب نال تعلق بارے لکھدے نیں۔
 ”بولیاں (زبانوں) دے اکھان سماج وچ سچے شیشے دی مانند ہوندے نیں۔ ایہہ حقیقت زمانہ جاندا اے آئینے نوں نہ تے دنیا داراں وانگ کوڑ بولن دی لت ہوندی اے تے نہ ای اوہنوں روند مارن دا جھس ہوندا اے۔ جدوی آئینے ول جھاتی مارو اوہ ذرا جنی ڈھل دتے بناں اگے کھلوتا مہاندر اسگواں ای ساہمنے کر دیندا اے۔ اکھان چونکہ فطرت دی لکھ وچوں جنم لے کے دھرتی دیاں باشناواں وچوں پروان چڑھ کے دیس واسیاں دے خون تے خمیر دا حصہ بن چکے ہوندے نیں۔ ایس لئی سماج دیاں حقیقتاں تے سچائیاں دا تت یاں ست اکھوان دے سو فیصد حقدار ہوندے نیں ایسے ای کر کے انہاں دیاں سچائیاں نوں دلوں قبولن توں کوئی بندہ انکار دی جرأت نہیں کرسکدا۔

چونکہ دلوں من لین دا اقرار ایمان دا درجہ رکھدا اے ایسے لئی اکھاناں دی اہمیت سماجی حدیثاں دا درجہ اختیار کر لینی اے۔ رہتل، ثقافت، سماج دا قیمتی اثاثہ ہوندی اے۔ ایہہ اثاثہ قوماں دی لوکائی تاریخ لکھن ویلے ہور وی ائملا ہو جاندا اے۔ تاریخ دے ایس اثاثے وچ اکھاناں دا عمل دخل بہت گہرا تے ڈوہنگا ہوندا اے۔“ (۳۹)

سیانے لوکاں اکھاناں نوں کسے وسیب دا شیشہ آکھیا پئی جویں شیشہ جھوٹھ نہیں بولد جو کسے شے دا جویں دا مونہہ مہاندر ہووے اونویں ای وکھا دیندا اے اکھان وی چنگے مندے کوڑھ سوہنڑ ہیپ نوں اصلی حالت وچ وکھا دیندے نیں۔ وسیب دے کسے وی پکھ دے کھوجکاراں نوں اکھاناں توں ای سبھ توں چوکی جانکاری لہجسکدی اے۔ کسے وی وسیب دے کسے سہ دی سچی تاریخ اکھاناں نوں پاسے رکھ کے نہیں لکھی جاسکدی اے۔

اکھان تے وسیب دے آپس وچ تعلق بارے عبد الجبار ناصر ہوریں اپنے اک مضمون وچ لکھدے نیں۔
 ”اکھان یا کہاوتاں کسے وی ادب دا اوہ حصہ ہوندے ہن جیہڑیاں اپنی سچائی تے حالات لگا کھان دے نال نال تجربیاں تے ہونیاں دا نچوڑ ہون پاروں زبان دا اوہ عوامی حصہ بن

جانداں نیں جیہدے نال گل کردیاں سارای دوجے دے ذہن تے انج اثر ہوندا اے
جویں کوئی ڈاکٹر چھیتی اثر کرن والا ٹیکالادیوے۔ (۴۰)

اتے دتے گئے حوالیاں توں ایہہ گل متر کے سامنے آ وندی اے پئی اکھاناں تے وسیب دا آپس وچ بھرنواں تے
ڈوہنگا سمبندھ اے۔ جویں آکھیا جاندا اے پئی ہر اکھان کئی ورہیاں دے تجربیاں دا نچوڑ ہوندا اے۔ انج ہر تجربہ اپنے کچھے
وسیب دے وچ حیاتی دے کسے نہ کسے کچھ بارے ہوندا اے۔ ایس طراں اکھان حیاتی دے دکھو دکھ پکھاں دے ون سوونے
رنگاں بارے دس پاندے نیں۔ جے کسے وسیب بارے جاننا ہووے تاں اکھاناں توں ودھ کوئی دوجی صنف اپنی سچی مورت نہیں
وکھاسکدی۔ اکھان ادب ادوہ حصہ ہوندے نیں جیہڑے ویلے دیاں ہر قسم دیاں تبدیلیاں ملاوٹاں تے دھوڑ دھپے توں بالکل
محفوظ تے نزول ہوندے ہن۔ ایس کر کے ایہہ گل بالکل ٹھیک جا پدی اے پئی اکھان کسے وی وسیب دی اصلی تے سچی تاریخ
ہوندے نیں جیہناں دی مدد نال اس وسیب دے بارے پوری تے تکھی جانکاری لہدی اے۔

اکھان اپنے اندر لی ازلی سچائی دے ست پاروں اک شیشے وانگ کم دیندے نیں۔ جویں شیشے نوں جھوٹ تے ملاوٹ
دی عادت نہیں ہوندی اوہ کسے نال ذرا جی رعایت نہیں کردا اوہدے سامنے جویں دی مورت ہووے شیشہ اوس نوں اوہدے
چنگے مندے سمیت اصلی حالت دکھادیندا اے انجے ای اکھان وی وسیب نوں اوہدے چنگے مندے سمیت اصلی تے سچے روپ
وچ دکھادیندے نیں۔ اس واسطے کوئی کسے وسیب نوں اوہدے سارے رنگاں سمیت اپنی اصلی سچی حالت وچ ویکھن دا
چاہیوان ہووے تاں اوہ اکھاناں راہیں ویکھ سکدا اے۔

اج وی جے اسیں اکھاناں ول اک ڈوہنگھی جھات پائیے تاں سانوں اپنے وسیب دی ہزاراں ورہیاں اتے کھلری
تاریخ چوں مذہبی، معاشی، سماجی، نفسیاتی اتے ادبی حیاتی سچے موتیاں ورگی جھلکاں مار دی نظر آندی اے۔ ایس کر کے کسے وسیب
دے کسے کچھ بھانویں اوہ رسماں رواجاں بارے ہووے لوکاں دے روزی کماون دے دکھو دکھ پیشیاں بارے ہووے یاں لوکاں
دی رہتل بہتل، کھاوون پیون خوشیاں دکھاں اتے ولن ورتارے بارے پرکھ پڑچول کرنی ہووے تاں سبھ نالوں ودھ کے کھوجکار
نوں اکھان مدد دے سکدے نیں۔ سبھ توں وڈی گل ایہہ وے پئی اکھان وچ بیان کیتی ہوئی جانکاری دی سچائی اتے شک نہیں
کیتا جاسکدا کیوں جے اوہدے کچھے لکھاں لوکاں دی قبولیت دی گواہی موجود ہوندی اے۔

کسے وسیب نوں اکھاناں توں ہٹ کے ویکھنا سمجھنا ڈھیر سارا دکھا اے۔ کیوں جے تاریخ ہمیشاں انعام دے لالچ وچ
لکھی گئی اے۔ یاں باتشاہاں لکھوائی اے ایس کر کے اوہدے وچوں سچ نوں لبھنا دکھا اے۔ وسیب نوں عوام دی زبان وچوں
عوام دی گواہی نال ویکھنا ہووے تاں ایہہ صرف اکھاناں راہیں ہو سکدا اے۔

اکھاناں راہیں وسیب نوں ہزاراں ورہے پچھاں اودوں وی ویکھ سکدے ہاں جدوں لکھن واسطے کاغذ وی ناہ۔ اکھان

تاں سینہ بہ سینہ اک پیڑھی توں دوجی پیڑھی تاں چلدے آئے نیں۔ اس واسطے اکھان کسے وی وسیب نوں ویکھن سمجھن داسبھ
توں وڈا معتبر تے سُچا تے سچا ذریعہ نیں ایس کر کے اکھاناں تے وسیب نوں اک دوجے توں وکھنیں کیتا جاسکدا۔

حوالہ جات

- ۱۔ محمد خان، سردار، پنجابی اردو ڈکشنری، جلد اول، لاہور، پاکستان پنجابی ادبی بورڈ، ۲۰۰۹ء
- ۲۔ تنویر بخاری، پنجابی اردو لغت، لاہور، اردو سائنس بورڈ، ۱۹۸۹ء
- ۳۔ اقبال صلاح الدین، وڈی پنجابی لغت، جلد اول، لاہور، عزیز پبلشرز، ۲۰۰۲ء
- ۴۔ ارشاد احمد، اردو پنجابی لغت، لاہور، مرکزی اردو بورڈ، ۱۹۷۴ء
- ۵۔ سلطان سکون، کوزے بچ دریا، فیصل آباد، مثالی پبلشرز، ۲۰۰۹ء، ص ۷
- ۶۔ Semon and Schuster, Webster's new World Dictionary, Second College Edition, 1920
- ۷۔ فیروز الدین، مولوی، الحاج، فیروز اللغات، اردو جامع، رنگین ایڈیشن، لاہور، فیروز سنز لمیٹڈ، ۲۰۰۵ء
- ۸۔ ایضاً
- ۹۔ قائم رضا نسیم، سید مرتضیٰ حسین، فاضل، سید جامع نسیم اللغات، لاہور، شیخ غلام علی اینڈ سنز (پرائیویٹ) لمیٹڈ، سن
- ۱۰۔ ارشاد احمد، اردو پنجابی لغت، لاہور، مرکزی اردو بورڈ، ۱۹۷۴ء
- ۱۱۔ اردو انسائیکلو پیڈیا، دوسرا ایڈیشن، لاہور، فیروز سنز لمیٹڈ، ۱۹۶۸ء، ص ۹۲۸
- ۱۲۔ شہباز ملک، ڈاکٹر، ساڈے اکھان، لاہور، ڈان بک سوسائٹی، ۱۹۷۸ء، ص ۸
- ۱۳۔ احسان باجوہ، آکھن لوک سیانے، جلد اول، لاہور، پنجاب انسٹی ٹیوٹ آف لینگویجس، آرٹ اینڈ کلچر، ۲۰۰۹ء، ص ۹
- ۱۴۔ عین الحق فرید کوٹی، پنجابی اکھان، لاہور، پاکستان پنجابی ادبی بورڈ، ۱۹۸۰ء، ص ۶
- ۱۵۔ شوکت مغل، سرانیکی محاورے، حصہ اول، ملتان، سرانیکی ادبی بورڈ، ۲۰۰۴ء، ص ۷
- ۱۶۔ ونجار ابیدی، ڈاکٹر، اکھاناں دا جنم تے کھار (مضمون)، مضمونہ سانجھ و چار لاہور۔ اے ایچ پبلشرز، ۱۹۹۷ء، ص ۲۰۶
- ۱۷۔ شہباز ملک، ڈاکٹر، ساڈے اکھان، ص ۱۲
- ۱۸۔ بشیر حسین ناظم، پنجابی اکھان، گوجرانوالہ، شاد پبلی کیشنز، ۱۹۹۲ء، ص ۱۸
- ۱۹۔ احسان باجوہ، آکھن لوک سیانے، ص ۱۷
- ۲۰۔ شہباز ملک، ڈاکٹر، ساڈے اکھان، ص ۱۰
- ۲۱۔ احسان باجوہ، آکھن لوک سیانے، ص ۱۶
- ۲۲۔ شہباز ملک، ڈاکٹر، ساڈے اکھان، ص ۱۵

- ۲۳۔ احسان باجوہ، آکھن لوک سیانے، ص ۱۸
- ۲۴۔ ونجار ابیدی، ڈاکٹر اکھاناں دا جنم تے کھلاڑے، ص ۲۰
- ۲۵۔ احسان باجوہ، آکھن لوک سیانے، ص ۱۱
- ۲۶۔ ایضاً، ص ۱۳
- ۲۷۔ بشیر حسین ناظم، پنجابی اکھان، ص ۳۹
- ۲۸۔ شوکت مغل، سرائیکی اکھان، جلد اول، ملتان، جھوک پبلشرز، ۱۹۹۲ء، ص ۳
- ۲۹۔ شہباز ملک، ڈاکٹر ساڈے اکھان، ص ۱۲
- ۳۰۔ احسان باجوہ، آکھن لوک سیانے، ص ۱۲
- ۳۱۔ بشیر حسین ناظم، پنجابی اکھان، ص ۱۰
- ۳۲۔ ایضاً
- ۳۳۔ سلطان بیگ، مرزا، پنجابی دے اکھان، لاہور، لاہور بک ڈپوسٹن، ص ۷
- ۳۴۔ سلطان سکون، کوزے بچ دریا، ص ۱۷
- ۳۵۔ شہباز ملک، ڈاکٹر ساڈے اکھان، ص ۱۶
- ۳۶۔ احسان باجوہ، آکھن لوک سیانے، ص ۴۱
- ۳۷۔ ایضاً، ص ۲۶-۲۷
- ۳۸۔ سلطان بیگ، مرزا، پنجابی دے اکھان، ص ۹
- ۳۹۔ نور محمد چودھری، بابے بناں بکریاں نہیں چردیاں، فیصل آباد، ادراک پبلی کیشنز، ۲۰۰۲ء، ص ۹-۱۰
- ۴۰۔ عبد الجبار ناصر، ہیر وارث شاہ وچ اکھان (مضمون)، مشمولہ: پنجدریا وارث نمبر ۲، جلد ۱۲، لاہور، ۱۹۶۹ء، ص ۱۳۳

دو جہا باب

کافیاں شاہ حسین وچ اکھاناں دا ورتارا

شاہ حسین دے سمداسیاسی سماجی پچھوکڑ

شاہ حسین جینہاں نوں لوک پیار محبت نال مادھو لال حسین دے ناں نال پکار دے نیں ۱۵۳۸ء وچ لہور دے محلے ٹلہ بگا وچ جسے باپ دانا شیخ عثمان جیہڑے ذات دے ڈھڈی راجپوت سن۔
 شیخ محمود المعروف محمد پیر شاہ حسین دے جنمے بارے لکھدے نیں۔
 ”تاریخ پیدائش اس کی ۹۴۵ ہجری تھی۔ ایک آواز آئی عرش مجید سے صبح صادق کا وقت تمام
 فقراء نے سنا کہ قیام اس فقر کا اس حسین کے وجود سے ہے اور آراستگی فقر کی اسی کے وجود
 سے ہے۔ ہمیشہ وہ خدا آگاہ تھا اور ہمیشہ سرمست جام شراب شوق الہی سے طالب خدا تھا
 عاشق خدا“۔ (۱)

دس سال دی عمر وچ قرآن حفظ کر لیا۔ اس سمدے اک درویش شیخ بہلولؒ کے مدینے عراق تے ایران دیاں زیارتاں توں لہور پرتے تاں حضرت امام علی موسیٰؑ دے درباروں اوہناں نوں حسین شاہ دی تربیت تے فقر دی رنگن چاڑھن دا حکم ہو یا سی۔ لہور آ کے شیخ بہلول ہو راں حسین دی فقیری رنگ وچ تربیت کیتی۔ حسین دینہہ راتیں عبادتاں تے چلیاں وچ رجھیا رہیا کچھ چرچکھوں اک دن شیخ سعد اللہ کولوں تفسیر مدارک پڑھدیاں مست الست ہو گئے۔ ایہدوں کچھ لال بانا پا کے عشق دی سرمستی وچ نچدے گاندے رہے عمر دے اخیر لے ورہیاں وچ اک باہمن منڈے مادھو نال پیار ہو گیا راہندی عمر مادھو نال عشق وچ گزار دتی ساری عمر اپنے اتے ملامتی رنگ چاڑھی رکھیا اس سمدے حسین ایہہ کافیاں وی آکھیاں جیہڑیاں آپ دی پچھان ہن۔
 آپ ۱۵۹۹ء وچ اس دنیا توں پردا کر گئے پہلے شاہد رے وچ دفن کیتے گئے دریادی ڈھا لگی تاں باغبانپورہ وچ ہن والی تھان دفنایا گیا مادھو دی قبر آپ دے نال اے سال دے سال چیترو وچ آپ دے مزار اُتے میلہ چڑاغاں لگدا اے۔

جس ویلے شاہ حسین ہوش سنبھالی تاں مغل بادشاہ اکبر اعظم ہندوستان دے ڈھیر سارے علاقیاں اُتے قبضہ کر کے اک مرکزی مضبوط حکومت دی نیہہ رکھ دتی سی اس ویلے وسیب وچ دووڈے مذہبی دھڑے سن اک مسلمان تے دو جھاہندوسی۔ بادشاہ جلال الدین محمد اکبر ہندوستان وچ سا جھے وسیب دی نیہہ رکھی تے اس سا جھے وسیب دی اُساری تے ایہنوں پکیاں کرن واسطے اپنے دربار وچ مسلماناں دے نال نال ہندواں نوں وی برابر دی تھان دتی اتے خود کئی شادیاں ہندو زنانیاں نال کیتیاں۔
 ہندوواں وچ بھگتی تحریک تے مسلماناں وچ کچھ صوفیاں دے وچاراں اس سا جھے وسیب دی اُساری وچ بھرنواں کردار ادا کیتا۔
 پنجابی زبان دا اک لکھاری فرزند علی اپنے مضمون وچ لکھدا اے۔

”صوفیاں نے وی رب نال لولا ونوے عشق داناں دے کے بندے نوں روحانی تسکین
 دی دس پائی فیر ایہہ عشق شاعراں، سادھواں، بھگتاں تے صوفیاں دا اپنیدہ موضوع بن گیا۔

دنیا تے دنیا د مال اس عشق دے عمل وچ رکاوٹ سمجھیا جان لگ پیا جد بندے دی تنہائی فیر
وی نہ دور ہوئی تاں ایہہ تصور ابھریا پئی بھگوان، کرشن، خدا ہر ہر وچ موجود اے
جو گیاں، سادھواں، بھگتاں تے صوفیاں نے ایس تصور نوں عام کرن لئی کھل کے بیان کرنا
شروع کردتا تے عشق الہی دا بھرنواں اظہار ہو یا۔ مغل شہنشاہ تیکر آوندیاں آوندیاں ایہہ
روحانی لہراں تے تحریکاں بڑیاں ودھ پھل گئیاں سن۔ (۲)

مغل شہنشاہ اکبر ایس روحانی تحریک نوں اپنے حق وچ استعمال کرن لئی دربار وچ مذہبی تے روحانی بحثاں شروع
کروایاں تے اک سا تجھے دین ”دین الہی“ دی بنیاد رکھن دی کوشش شروع کردتی۔ دین الہی نوں توڑ چاڑھن لئی تے لوکائی
وچ عام کرن لئی شہنشاہ نے عالماں، شیخاں، درگا ہواں، مندر اں واسطے وظیفے مقرر کیتے۔ کجھ عالماں، شیخاں، بھگتاں تے صوفیاں
وظیفے لین توں انکار کیتا تاں اوہناں اتے سختیاں ہون لگ پئیاں۔ اوہناں انکاری شیخاں، بزرگاں، صوفیاں وچوں اک قادری
سسلے دادر ویش شاہ حسین وی سی۔ شاہ حسین لہوری نے نہ صرف دین الہی نوں من توں انکار کیتا سگوں اپنے توں پہلے روحانی
تحریکاں تے عشق الہی یا عشق کرشن دے تصور وچ پلٹا ماریا تے آکھیا کہ عشق الہی توں پہلے عشق انسان ضروری اے۔ کیوں جے
رب بندیاں وچ رہندا اے۔

میں بھی جھوک رانجھن دی جانا نال میرے کوئی چلے

شاہ حسین دے سہ سیاسی طور تے بھاویں باہروں دے کسے دھاڑ نوں حملہ کرن دی جرأت نہیں پئی پر پنجاب دے
وسنیکاں اُتے بھارے ٹیکس لادتے گئے تے ایہناں ٹیکساں دی وصولی واسطے لوکاں اُتے جبر کیتا گیا۔ جس دے نتیجے وچ پنجاب
وچ کجھ تھاداں تے وڈے وڈے طاقتور قبیلیاں مغلان نوں ٹیکس دین توں انکار کردتا۔ جس دے نتیجے وچ مغل فوجاں پنجاب
دے وسنیکاں اتے وڈے وڈے ظلم تے جبر کیتے۔ وڈے وڈے سورمیاں نوں پھاہے لادتا۔ جس توں پنجابیاں دے دلاں وچ
مغلان دے خلاف نفرت پھیل دی گئی۔ لوکاں وچ ڈر خوف جبر دا ماحول بنا دتا گیا۔ حق دی آواز نوں دبان واسطے ہر قسم دے حیلے
اتے ہتھیار رورتے گئے۔

پروفیسر رمضان شاہد لکھدے نیں۔

”شاہ حسین اکبر بادشاہ شہزادہ سلیم تے دُلا بھٹی دا زمانہ سولہویں صدی اے سولہویں صدی
وچ پنجاب دے وسنیک اکبر شاہی جبر دا شکار سن تے غلاماں ورگی حیاتی گزار رہے سن۔
جدوں شاہی نقارہ وجداسی تاں ہما تڑاں دے ساہ سک جان دے سن۔ کوئی نہ کوئی پریشانی
لوکاں دے بوہے کھڑکائی رکھدی سی پنجاب لشکراں دا راہ وی سی دھاڑو تے اپنے دیس
دے لشکر پنجاب دے وسنیکاں نوں بار بار تباہ کر دے رہے دلی توں پشاور تک جرنیلی راہ

موجودی تے ایہدے اتے تھان تھان مغل لشکر موجود سن تاں جے شمال ولوں دھاڑ ویاں
نوں ڈکیا جاسکے۔ (۳)

اس سسے پنجاب وچ معاشی طور اتے دووڈے طبقے نمایاں سن اک طبقہ کساناں تے ماڑیاں موٹیاں شنیواں ہتھان نال
بناون والے لوکاں داسی تے دو ج طبقہ اکبر شاہی درباریاں تے شاہی کامیاں داسی۔ پنجاب دے پنڈاں دے وسنیکاں دا کھان
پین تے گزارہ واہی نیجی اُتے سی شہراں دے عام لوکاں دارہن سہن تے کھان پین دا ذریعہ دستکاریاں سن جد کہ شاہی درباریاں
تے کامیاں کول جاگیراں سن۔ ایہہ درباری تے شاہی کامے جاگیراں راہیں خودی شاہانہ زندگی گزار دے سن تے اکبر شاہی
نوں وی مالا مال کر دے سن اس وجہ تو پنڈاں تے شہراں وچ عام لوکاں ہتھ بہت گھٹ اناج آ وندا سی۔ ایس پاروں پنجاب دے
عام لوکاں دا جینا اوکھاسی۔

شاہ حسینؒ پنجاب دی اس سماجی اونچ نیچ نوں بہت نیڑیوں ہو کے تکیا اکبر بادشاہ نوں پنجاب دے عام بندیاں دیاں
لوڑاں، تھوڑاں، اوکڑاں تے پریشانیاں دی کوئی پروا نہیں سی۔ فصلاں پکدیاں ای شاہی کرندے زمیناں اتے پہنچ جان دے سن
تے سرکاری ٹیکس دے طور تے اناج لٹ کے لے جان دے سن۔ پنجاب دے کساناں تگ آ کے فرید خان بھٹی دی اگوائی پٹھ اکبر
بادشاہ نوں ٹیکس دے طور تے اناج دین توں انکار کردتا۔ شاہی لشکراں ایس بغاوت نوں وڈی بے دردی نال دبا دتا تے آگ فرید
خان بھٹی نوں پھاہے لاتا تے اوہدی لاش نوں شاہی قلعے دے وڈے بوہے اتے تگ دتا تاں جے باغی لوکاں نوں اک سبق دتا
جاوے۔ فرید خان بھٹی دے پتر عبداللہ بھٹی تے اوہدی زنانی لدھی نوں اکبر بادشاہ دے حکم پاروں شاہی حرم گھل دتا۔ تاں جے
پتر پیو دے راہ اتے نہ چل سکے۔ عبداللہ بھٹی ذہین سی۔ اوہدی ماں لدھی اوہنوں مدرسہ سعد اللہ شاہ گھلنا شروع کر دتا۔ اسے
مدرسے وچ شاہ حسینؒ تے شہزادہ سلیم وی پڑھن آ وندے سن تنوں بچے بہت قابل تے ذہین سن۔ تنوں دی آپس وچ کچی یاری
ہوگئی۔ ایہہ یاری اکبر بادشاہ نوں پسند نہ آئی جس پاروں شہزادہ سلیم د مدرسے جانا بند کر دتا۔ مڑ شاہ حسین تے عبداللہ بھٹی نوں اکبر
شاہی دے خلاف وچاراں دی وجہ توں مدرسیاں فارغ کردتا گیا۔

عبداللہ بھٹی (دُلا بھٹی) جدوں جوان ہو یا تاں لوکاں توں سنیا جے اوہدے پیونوں اکبر بادشاہ پھاہے لایا سی۔ تاں اوہدا
خون کھولن لگ پیا۔ اُس اپنے قبیلے تے گوانڈھی قبیلیاں دے بہادر سورمیاں نوں اکٹھا کر کے پنجاب وچ لنگھدے شاہی خزانیاں
نوں لٹنا شروع کر دتا تے پنجاب وچ فیراک واریں اکبر بادشاہ دے خلاف مظلوم طبقیوں دے لوگ دُلا بھٹی دے دوالے
اکٹھے ہون لگ پئے۔ دُلا بھٹی اکبر بادشاہ نوں ٹیکس دین توں انکار کردتا۔

ایس پاروں فیراک واریں دیس پنجاب وچ افراتفری تے بد امنی پھیل گئی۔ دُلا بھٹی اپنے سنگیاں نال رل کے اکبر
بادشاہ دے لشکریاں تے حملے کرن لگ پیا ایہہ حالات اکبر بادشاہ واسطے سر پیڑ بن گئے۔ دو جے پاسے پنجاب دا صوبے دار شہزادہ

سلیم اپنے پیو دے خلاف ہو چکیا سی۔ ایہناں حالات وچ پنجاب وچوں لکھن والے قافلے ڈاکیاں توں ڈردیاں رُک گئے سن۔ ڈھیر سارے علاقیاں وچوں حکومت نوں ٹیکس تے اُگڑائی بند ہو گئی۔ انج کر کے فیراک واریں پنجاب دے سیاسی سماجی تے معاشی حالات خراب ہو گئے عام لوک ڈردے مارے گھروں باہر نہیں سی نکلدے ہنرمند لوکاں دو جے شہراں ول ہجرت کرنی شروع کردتی۔

ایہناں حالات بارے پرو فیسر رمضان شاہد لکھدے نیں۔

”پنجاب دا علاقہ شہزادہ سلیم دی کمان وچ سی۔ اوہ عبداللہ بھٹی نوں جیہڑا دُلا بھٹی دے ناں نال پنجاب دے لوکاں دا ہیرو بن چکیا سی۔ آسانی نال بغاوت دے جرم وچ قید کر سکدا سی۔ پر باپ دے نال شدید اختلاف دے سبب اوہ خود دی باغی ہو کے اپنیاں فوجاں نال پنجاب اندر ڈیرالائی بیٹھاسی دُلا بھٹی اوہدی لوڑ سی ایس لئی شہزادہ سلیم دُلا بھٹی تے شاہ حسین دا اک تھاں اکٹھے ہونا خطرے دی گھنٹی سی۔ ایس لئی اکبر بادشاہ دُلا بھٹی نوں چھیتی توں چھیتی قابو کرنا چاہندا سی۔ اکبر بادشاہ سی۔ آئی۔ ڈی محکمے دے اک افسر بہار خان دی ڈیوٹی شاہ حسین اتے لائی ہوئی سی۔ ایہہ افسر شاہ حسین بارے روز روز دی رپورٹ محکمے نوں گھلد ا سی۔“ (۴)

محکمے دا خیال سی جے ایس طرح شاہ حسین دے بلی دُلا بھٹی بارے جانکاری مل جاوے گی کہ دُلا بھٹی کس ویلے شاہ حسین نوں ملدا اے۔ دُلا بھٹی تے شاہ حسین دیاں ملاقاتاں دا علم بہار خان نوں اُکا نہ لگ سکیا بس اوہ جو کجھ دیکھدا سی۔ اوہدی رپورٹ محکمے نوں گھل دیندا سی ایہہ رپورٹاں ”بہاریہ روزنامہ“ نال اکٹھیاں ہوندیاں گئیاں ایہناں نوں اج وی برٹش میوزیم وچ تکیا جاسکدا اے۔

جدوں رپورٹاں نال کم نہ بنیا تے شراب پین دے جرم وچ لاہور دے ملک علی کوٹوال شاہ حسین نوں گرفتار کر لیا۔ خیال سی جے شاہ حسین نوں بچان دی خاطر دُلا بھٹی ضرور لاہور پہنچے گا۔ شاہ حسین دی گرفتاری دی خبر آگ وانگوں پنجاب وچ پھیل گئی۔ دیکھدیاں دیکھدیاں کوٹوالی دوالے لوکاں دا اکٹھ ہڑدے پانی وانگوں اکٹھا ہو گیا تے شاہ حسین دے حق وچ نعرے لانے شروع کردتے۔ لوکاں دے نعراں نال اکبر تخت کنب گیا تے اکبر شاہی چھیتی ای شاہ حسین نوں رہا کردتا اس سلسلے وچ شاہ حسین دی ایہہ کافی اج وی گواہی پئی دیندی اے۔

کس دے گھوڑے، ہستی مند رکیں دا مے دھن نال
کہاں گئے ملا، کہاں گئے قاضی، کہاں گئے لٹک ہزار
ایہہ دنیا دن دو پیار ہر دم نال سمبھال

کسے حسین فقیر سائیں دا جھوٹا سبھ بیو پار

شاہ حسین دے سہ بارے وچ ایہہ گل لکھدی اے پئی ہندو وسیب اونچ نیچ وچ جکڑیا ہو یا سی مسلماناں وچ عقیدے دے طور تے بھانویں برابری دا سبق اے پر وسیب وچ اونچ نیچ اک حد تک موجود سی۔ امیر مال دولت والے ہماڑاں نال کوئی چنگا سلوک نہیں سی کردے۔ امیر دا وسیب ہو رسی تے ماڑے تے غریب لوکاں دا وسیب بالکل وکھراسی صرف مسلمان صوفیاں دی خانقاہواں وچ امیر غریب نوں اکوتھاں بٹھایا جاندا سی۔ سگوں امیراں نالوں غریباں نال صوفی ڈھیر پیار کردے سن ایس کر کے صوفی فقیراں دے آل دوالے غریباں ہماڑاں دا اکٹھ رہندا سی۔ اس بارے وچ ڈاکٹر راشد متین لکھدے نیں۔

”برصغیر میں صوفیانہ افکار کی ترویج رفتہ رفتہ ہوتی چلی آ رہی تھی طبقاتی سماج میں عدم مطابقت کو ایک مسلم مسئلہ قرار دیا جا چکا تھا اس بنا پر برصغیر میں روشن خیالی اور راسخ الاعتقاد کی باہمی کشمکش نے بالآخر بالائی نچلے طبقات کے درمیان آویزش کی صورت اختیار کر لی تھی اس آویزش میں عوامی قوتوں کو فتح حاصل ہوئی۔ مغلیہ سلطنت کے قیام کے ساتھ ہی ان قوتوں کی بالادستی نے اپنا اظہار شروع کر دیا۔ تاہم ان کا شدید ترین اظہار اکبر کے عہد حکومت میں ہوا اور اس نے خود دین الہی رکھی جس کی اساس وحدت الوجود کے فلسفے پر رکھی۔ اس زمانے میں یہ فلسفہ دانشوروں، صوفیوں اور سادھوں کی خانقاہوں سے نکل کر شاہی ایوانوں تک پہنچ چکا تھا“۔ (۵)

شاہ حسین دا سہ چغتاشاہی دا مڈھلا سہ اے جیہدے وچ کجھ علاقیاں خاص کر پنجاب دے ساندل بار وچ چغتیاں دے ظلم زیادتی تے خاص طور تے دُلے بھٹی دے پیو فرید خان بھٹی نوں پھاہے لاون پاروں عام لوکاں وچ نفرت دی اگ بھڑکدی پئی ہائی اتوں سرکاری ٹیکساں غریب عوام دے مونہہ وچوں روٹی دی بُرکی وی کھولئی۔ تاں لوکاں دا جیون اکھا ہو گیا ایہدے نال نال پنجاب وچ قادری مسلک دے صوفیاں وی حاکماں دے ظلم زیادتی نوں اپنے رنگ وچ مندیاتے لوکاں نوں جگا ون وچ بھرنواں کم کیتا۔ عام مولوی مفتی تے قاضی سرکاری وظیفے کھا ون پاروں حاکم دھڑے دی ہر زیادتی نوں جائز بنا ون وچ ہر ویلے مسیتاں وچ جتے ہوئے سن۔ باتشاہ نوں ظل الہی بنا کے اوہدے خلاف کوئی قدم اٹھن نوں شر تے فساد قرار دیندے سن۔ قادری صوفی تے بھگتاں سرکاری درباری دھڑے نال متھاڈا ہا کے اوہناں دے ظلم زیادتی، شاہ خرچیاں تے رنگ رلیاں نوں لکھ ماریا تے نال نال بے خبر مخلوق نوں اپنی تعلیم راہیں بلونا وی دتا۔ ایہناں صوفیاں، بھگتاں لوکاں نوں جگایا تے ایہہ گل متارا کر کے دسی پئی ساری مخلوق رب دا کنبہ اے۔ سارے انساناں دا مڈھ اکواے۔ سب نوں پیدا کرن والا اک اے۔ ہر دے وچ اوہدا ای جلوہ اے۔ ایہہ وسیب دیاں اچیاں نیویاں ذاتاں تے روزی دی کافی وٹڈ حاکم دھڑے دی اپنی بنائی ہوئی اے ایہہ حاکم دھڑا ای مخلوق نوں اکٹھا نہیں ہون دیندا۔

شاہ حسین دے سمے دے سیاسی پچھو کڑ بارے ڈاکٹر راشد متین ہوریں لکھدے نیں۔
 ”جب مغلیہ سلطنت کے مرکزی علاقوں میں احیائے دین کی تحریکیں تقویت پانے لگیں تو
 پنجاب میں ان کے خلاف ردِ عمل پیدا ہونے لگا۔ اس ردِ عمل نے کئی صورتوں میں اپنا اظہار
 کیا۔ اس کا واضح ترین اظہار قادر یہ مسلک فی زمانہ یہ مسلک صوفیانہ راسخ الاعتقادی کا ممتاز
 ترین مظہر ہے۔ لیکن سولہویں اور سترہویں صدی یہ صوفیانہ بغاوت کا علمبردار بن گیا تھا۔
 قادر یہ بغاوت کی تشکیل میں بھگتی اثرات کے علاوہ صوفیانہ انحراف پسندی کے قلندری اور
 ملامتی مکاتیب فکر نے بھی حصہ لیا تھا اس نظام فکر کے اولین اظہار شاہ حسین کی صوفیانہ
 بغاوت کی صورتوں میں ہوا۔“ (۶)

شاہ حسین دے سمے لہور تے آسے پاسے علاقیاں وچ دُ لے بھٹی دی وجہ توں وسیب وچ ڈر خوف اتے بد امنی موجود
 سی۔ سرکاری کردے وی دُ لے بھٹی اتے اوہدے سنگیاں توں ڈر دے سن ایہدے نال نال لہور دے کتوال ملک علی جس شاہ
 حسین نوں ہتھ کڑی لا کے گرفتار کیتا یا سی۔ شاہ حسین دی بددعا نال اوہ دن میخ اتے بہا کے مارتا گیا۔ اس توں گروں شاہی
 کردے وی شاہ حسین گولوں ڈر دے سن۔ اکبر بادشاہ دے وڈے وڈے جرنیل وزیر اتے درباری اندروں اندری شاہ حسین نال
 محبت عقیدت رکھدے سن۔ اس بارے وچ محمد پیر حقیقت الفقراء وچ لکھدے نیں۔

”حسین کی دعا سے بادشاہ کی تمام مشکلیں حل ہو جاتی تھیں۔ جو کوئی کام بادشاہ کو سخت اور
 سنگین پڑتا تھا۔ حسین کو یاد کرنے کے بعد وہ کام آسان ہو جاتا تھا اس لیے بادشاہ اور بادشاہ
 کا لشکر اخلاص کا سر آپ کے آگے جھکائے ہوئے تھے بادشاہ کے تمام خاص و عام لوگ
 اعتقاد کامل کے ساتھ غلام تھے۔ جو کوئی کہ اکبر بادشاہ کی پیشی میں تھا وہ حسین کے آگے جھکا
 ہوا تھا۔“ (۷)

اس زمانے وچ لہور اک چھوٹا شہر سی۔ ایہدی آبادی موجودہ شاہ عالمی تے لوہاری دروازاں دے وچکار لے علاقیاں
 وچ سی بھٹی دروازے وچ مختلف جوگیاں دے قبیلے آباد سن۔ سکندی لودھی دے ویلے بنایا ہویا کچا قلعہ تے پرانا محل وی موجود
 سی۔ لاہور دے دوالے اچھرہ میانی صاحب پنڈی منڈیاں والا کوٹ کروڑناں دے پنڈ آباد سن۔
 شاہ حسین دے سمے دے سیاسی پکھ تے لوک رہتل بارے ڈاکٹر سید اختر جعفری ہوریں لکھدے نیں۔

”شاہ حسین دی ولادت سمے ہندوستان اُتے بادشاہ ہمایوں دی حکومت سی تے اوہانکا بھرا
 کامران لہور دادو جامل گورنری۔ اوس نے لہور دے وسنیکاں دے اوہ پھٹ میلن دا چارہ
 ماریا جیہڑے اوہناں نوں منگولاں امیر تیمور تے ظہیر الدین دے سپاہیاں دے ہتھوں لگے

سن۔ ایہناں توں اڈ مقامی کھوکھراں نے وی لہوریاں نوں چنگا لٹیا تے ماریا سی۔ شہزادہ کامران اوہناں دے پھٹاں اتے پھاہا رکھیا لہور وچ امن و امان قائم کیتا خاص طور تے راویوں پارا ایرانی طرز دا چہار باغ لگوا یا جیہدے درمیان وچ پانی دا اتلا تے باراں دری بنوائی گئی ایہہ لہور دی خوبصورتی تے ترقی دی پہلی کوشش سی۔ (۸)

ایسے مضمون وچ اک ہور تھاں تے شاہ حسین دے سہ دے سیاسی کچھ تے لوک رہتل بارے ڈاکٹر سید اختر جعفری ہوریں لکھدے نیں۔

”اکبر بادشاہ نے مغربی سرحدوں دی نگرانی تے حملہ آوراں نوں روکن لئی ۱۵۸۴ء وچ لہور نوں دار الخلافہ بنا کے ایتھے ای قیام کر لیا اُس نے شاہی قلعہ دی پکیاں اٹاں نال نویں تعمیر کیتی لہور شہر دے آلے دوالے فصیل بنوائی۔ لہور دے گورنر سید فرید بخاری نے بھاٹی دروازے توں باہر ضلع کچہری کول اپنی اک حویلی تے مسیت بنوائی جیہدے آلے دوالے بڑی تیزی نال آبادی پھیل گئی۔ اکبری دروازے توں باہر زین خان کوکہ نے اک شاندار حویلی بنوائی۔ مطلب اے پئی اس سہ لہور وچ بڑی تعمیر تے ترقی ہوئی تے لہور دروازاں توں باہر نکل کے دور دور تک پھیل گیا تھاں تھاں باغات لگ گئے تے لہور تجارتی مرکز بن گیا۔“ (۹)

پنجاب پنجاں دریاواں دی دھرتی اتے چنگا چوکھا رزق تے اس وچوں لنگھن والی جرنیلی سڑک جیہڑا اک تجارتی راہ تے نال نال دھاڑواں دارا وی سی ایہناں دوواں نے پنجاب دے سیاسی حالات تے وسیب دے ہر کچھ اتے گوڑھا اثر چھڈیا ہر داہ ویہہ سال بعد اوہنے لاہندے دے ملکاں وچوں روزی دی تلاش وچ آون والے دھاڑواں پنجاب دے وسیب نوں جخل خوار کیتا۔

پنجاب نوں آریہ لوکاں توں دکھ پنجاشی ایرانیوں، ترکاں، تاتاریاں، موریوں، باختری یونانیوں، شک پارتھیاں، کشاناں، ساسانیوں، کیدار کشان، سفید ہنوں، ترک شاہی تے ہندو شاہی نے وار واری کٹیا تے گوڈے پیٹھ رکھیا۔ دو جے جیہڑے لشکر درہ خیبر راہیں آندے رہے اوہ پنجاب نوں لتاڑ دے ہوئے دلی جا کے اپنے جھنڈے گڈ دے رہے۔ پنجاب دے لوکیں اوہناں کٹھالیاں وچ تپ تپ کے کندن بن دے رہے۔ تاریخ دے اتار چڑھائے اوہناں نوں جیدار اکھئی، دیس پریمی، اک مٹھ، ادبی تے مختی بنادتا۔ پنجاب دے پانیاں، ہواواں تے دھرتی نے اوہناں نوں چنگا چوکھا رزق دے کے روپ جو بن تے جان جسد دتا۔ تجریاں تے مشاہدیاں اوہناں نوں سیانف بخشی، مل ورتن تے سانجھ نے اوہناں دے دلاں وچ پیار دی جوت جگائی آئے دن دے ہلیاں نے اوہناں وچ دکھ درد دی سوغات ورتائی لڑائیاں وچ مارے جان والے سبھاں دے وچھوڑے نے اوہناں نوں

گھجے تے اوڑے روگ لائے پرانکھ تے ادم نے اوہناں نوں ہر مصیبت جھلن تے ہراوکت تے وختاں نوں ہس کے جرن دا حوصلہ دتا۔

پنجاب دی دھرتی ہزاراں ورہیاں تروں ای باہروں آوون والے دھاڑواں دا اکھاڑا بنی رہی۔ ایس دھرتی تے رزق روزی دی فروانی نوں ویکھ کے بھکھے دیساں دے دھاڑ و قبیلے آکے پنجاب نوں لُٹدے تے مار دے رہے دھرتی دے بہادر سورمیاں ہر دھاڑ و داڈٹ کے مقابلہ کیتا۔ ہار جت رب دے ہتھ ہوندى اے۔ ایہتھوں دے وسنیکاں باہروں آوون آ لے دھاڑواں نال متھاضرور لائی رکھیا ایس بارے وچ احسان باجوه لکھدے نیں۔

”پنجاب دی مٹی وچ نابری دا خمیر رلیا ہویا اے اپنے توں اوکڑیاں ساہنویں و بہر کھلون
پنجابیاں دی پرانے سے دی ریت اے۔ ایس دا کارن بھونک بھانڈا تے زمین نال گوڑھی
سانجھ وی ہوسکدی اے اتے علاقے دی رت دا اثر وی ہوسکدا اے۔ پئی پنجاب اندر
لوکائی دانا بری ول چوکھا الار رہیا۔ اس جوہ دا جمیا جایا کوئی بھگت سنگھ ہووے جاں دُلا بھٹی
ہووے اس نوں جابر حاکم ڈھانیاں نال سنگ اڑان وچ ای چس آوندی اے۔“ (۱۰)

ایہتھوں ایہہ گل ساہمنے آوندی اے پئی پنجابیاں دے دل وچ اپنی دھرتی نال پیار تے اوکھ ویلے ایہدے تے مر مٹن دا جذبہ کدے وی مٹھانہیں ہویا۔ ہر سے اپنی دھرتی دے دشمنان نوں للکارا ماریا اے۔ اوہ ایہہ سارا کچھ بس اپنا رانجھاراضی کرن لئی نہیں کردا سگوں اوہ دھرتی نال اپنا پیار کردا اے پئی اپنی دھرتی اتے کسے غیر نوں دھکے نال راج کر دیا ویکھ اوہ وسوں نکل جاندا اے مُڑ آپ ہے نہیں جاں گا ہک ہے نہیں والی گل بن جاندی اے۔ ایہتھوں دانا بر کسے جابر نال پڑوٹن لگیاں اگلے دی طاقت توں ماسہ بھورا پروانہیں کردا۔ اوہ دھرتی تے جے جابراں دے پیراں نوں اپنے حوصلے اتے دلیری نال ڈھاڈھیری کر دین دا جتھے حوصلہ رکھدا اے اوہ تھے اوہ اپنے گھٹ وسیلیاں جاں مالی جانی کمزوری دی پرواہ کرن توں بناں دھرتی دا لہنا لاہن لئی ہر ویلے جان وارن نوں تیار رہندا اے۔ ویکھو کتھے اکبر بادشاہ داراج پورے ہندوستان اُتے تے کتھے کلاکار دُلا بھٹی پر ایہہ حقّی گل اے پئی دُلا دانا سُن کے اکبر بادشاہ نوں کا بنا چھڑ جانداسی اتے شیش مھلاں دیاں کھڑکیاں کھڑکن لگ جاندیاں سن۔ پنجابیاں اتے لوکی ہلا گیراں تے دھاڑویاں دے جھولی چُک ہون دادوس وی لاندے نیں پر جیہڑی جوہ ہر ور ہے چھیمہا ہی چڑھی ای دھاڑویاں دے ہلیاں اگے رہوے اتے دھاڑ و اوٹھوں دے وسنیکاں نوں سرکھر کن داوہیل وی ناں دین دی سونہ کھادی ہووے۔ اتے اوہ پیٹھ اتے ہلے بولدے لگے جان۔ اوٹھوں دے لوکاں دانا راڈانگ پھڑ کے ہلے گیراگے و بہر کھلوناوی بڑی ست تے ہمت دی گل اے۔ پنڈتھاواں دی وسوں وچ دُلا نوں یاد کردیاں ہویاں پختیاں نال نفرت واسطے ایہو جیہے بول اج وی مشہور نیں۔

میں ڈھاہ دیاں دلی دے کنگرے دیاں شکر وانگ بھور

ساڈی دھرتی دا کوئی جو دھا ہووے۔ سورما ہووے۔ جاں شاعر اوہ دھاڑ ویاں نال کدی پیار پوچے پاندا کدی نظر نہیں آیا۔ جے اوہ اوہدا کجھ وگاڑ نہ دی سکدا ہووے تاں اوہدے ول گاہری اکھیں ویکھدا ضرور رہندا اے۔ ساڈے کلاسیکی شاعراں اندر وی ایہہ وصف رہیا پئی اوہ کدی وی جابر حاکماں دے جھولی چک بن کے اوہناں دے قصیدے لکھ لکھ کے اوہناں توں خلعتاں اتے جاگیراں نہیں لیندے رہے۔ سگوں اوہ اپنے لفظاں دیاں کرپاناں اتے چھوہیاں نال اوہناں دے لنگھار ضرور لاندے رہے نیں۔ ساڈے کلاسیکی بابیاں کدی وی جابر حاکماں دی جھولی چکی نہیں کیہتی سگوں اوہ ہوندے چارے اوہناں دی بھنڈنی ضرور کر دے نیں۔ کوڑے حاکماں دے ساہمنے پتھر دی کندھ بن کے کھلون والے اک کلاسک شاعر حضرت شاہ حسینؒ وی سن۔

شاہ حسینؒ دے سمدے وسیب وچ حاکم اپنے مطلب تے مقصد لئی کیہ کجھ کر رہے سن ایس بارے وچ احسان باجوہ ہوریں لکھدے نیں۔

”شاہ حسین دازمانہ شہنشاہی دازمانہ سی جدوں راج گدیاں لئی پتر اپنے پیونوں مار کے اتے اوہدی رات داٹکا لا کے راج گدی سانجھ داسی۔ اس ویلے ہر کم بس زور نال ای کیتا جاندا سی۔ تے زور نال کیہتے دھرونوں دھرونوں نہیں سی منیا جاندا۔ سگوں ایسے کم نوں چنگی چترائی جانیان جاندا سی۔ اتے کھوہا موہی ای اس ویلے داورت ویہا سی۔ انجیہ ویہا روچ کدی وی سچ تے انصاف نوں ساہنویں نہیں رکھیا جاندا سگوں زور تے طاقت نوں ای سبھ توں وڈا اصول سمجھیا جاندا سی“۔ (۱۱)

جیہڑا بندہ زوروں لسا پے جاوے اوہ اپنے حق دی سانجھ نہیں سی کر سکدا اتے ہر کوئی اپنے زور دے سراگلے کولوں کھوہ کھینچ کرن نوں ای سدھا انصاف جاندا سی ایس ویلے شاہ حسینؒ جے ایہ نہ آکھدا تے ہور کیہ آکھدا۔

”چور کرن نت چوریاں

املی نوں املاں دی گھوڑیاں کامی نوں چنتا کام دی

اساں طلب سائیں دے نام دی

پاتشاہاں نوں پاتشاہیاں شاہاں نوں اگرائیاں

مہرنوں پنڈگراں دی

لوک کرن لڑائیاں شرم رکھیں توں سائیاں

سبھ مرمرخاک ساوندی

اک شاہ حسین فقیر ہے تسیں نہ آکھو پیر ہے

اساں کوڑی گل نہ بھاوندی“۔ (۱۲)

مکدی گل ایہہ وے پئی شاہ حسین اپنے آ لے دوالے جو کجھ ویکھیا اوہ سارا ای کھوہ کھنچ دا ماحول سی۔ لٹ ماردا قانون سی۔ اس وسیب اندر ماڑے دُڑے دی کوئی فریاد سنن لئی تیار نہیں سی۔ طاقت اس ویلے دا قانون سی۔ جو بادشاہی نظام راہیں لوکاں دالہو پی پئی دنوں دن موٹا ہوندا جاندا سی۔ پر یہا پنچایت اندر حق سچ دی گل کرن تاں دور دی گل اس ویلے اجیہی گل نوں کوئی سنن لئی وی تیار نہیں سی ہوندا۔ تگرے دے ظلم نوں چٹے دن وڈیا جاندا سی۔ انج گُوڑ فریاں دیاں نہیاں تے بنیا اُسریاں پار دنوں دن ایس ویہار نوں ہور تگریاں کری جاندا سی اتے سچ تگر پنے دے گھن پاروں دنوں دن کھوکھلا ہو کے مرن منجے تے پیا سو یا سی

”نندیا دھرؤ بجلی، چغلی نت کردا پھر دا جگ ہے

کہے حسین سی (سوئی) جگ آئے جیناں پچھا تا رب ہے“ (۱۳)

جدوں وسیب اندر انج دا بھیڑ بھڑکا چھڑ جاوے اتے سچ واسیاں نوں جین دے پڑ اندر سچ دی پرتیتے جین دی راہ دینی ای بند ہو جاوے۔ تاں وسوں اندر نزول ہنیرا پسر جاندا اے اتے تگر شاہی دا ہنیرا کسے نوں کجھ دسن نہیں دیندا۔ ہر کوئی اُنھیاں وانگ ہر کوئی اک دو جے نال ٹکراں ماردا پھر دا اے۔ اس ویلے کھوہ کھانا تے کھوہ لینا ای جگت ویہار بن جاندا اے انجیہ ویلے شاہ حسین اپنے جگری یار دُڑے بھٹی نوں مغلاں دی گچی پن اتے سنگھی نوں دین لئی ایہہ آکھ ہلاشیری نہ دیوے تے ہور کیہہ کرے۔

”کہے حسین فقیر سائیں دا تخت نہ ملدے منگے“ (۱۴)

شاہ حسین دے سسے توں تے صدیاں پہلے ہندوستان وچ مسلمان بادشاہ اپنا راج پکا کر چکے سن۔ ایہناں تن صدیاں وچ ہر بادشاہ نے اپنے مزاج اتے حالات دے مطابق سیاسی پالیسیاں بنائیاں۔ کجھ بادشاہاں عقیدہ پرستی اتے سیاست کیتی تے کجھ بادشاہاں لا دینی اتے آزاد خیالی نوں رواج دتا۔ غیاث الدین بلبن ہوراں اپنے توں پہلاں دے حکمران سلطان ناصر الدین محمود دی مذہبی سیاسی پالیسی نوں رد کر کے لا دینی دی پالیسی اختیار کیتی۔ اوہ عام بندیاں وچ کھندا سی۔ کہ حکومت دا کاروبار شرح دی تھاں سیاسی تقاضیاں دا پابند ہونا چاہیدا اے۔ کئی بادشاہاں جویں ناصر الدین محمود، غیاث الدین تغلق، فیروز شاہ تغلق تے لودھی بادشاہاں عقیدہ پرستی اتے زور دتا تے عقیدہ پرستی نوں اپنی سیاست لئی ورتیا۔ فیروز شاہ تغلق دے ویلے اُچ شریف دے ہندو دروغہ نوا ہون داسرکاری پدھر اتے قتل غلط مذہبیت تے تنگ نظری دی بھیڑی مثال سی۔ فیروز شاہ دے ویلے بھگتی تحریک دے آگواں بھگت کیر تے نانک نوں کئی واریں قید وچ رہنا پیا اتے کجھ لوک اپنی جان توں وی ہتھ دھو بیٹھے۔ اُس ویلے دے بادشاہاں دیاں سیاسی پالیسیاں بارے جاوید قاضی ”پنجاب دی صوفیانہ روایت“ وچ لکھدے نیں۔

”پندرھویں صدی دے مسلم ہندوستان وچ بھگتی تحریک تے باغی صوفیانہ خیالات دے پر

چار نے ہندو مسلم نکھیڑ نوں بڑی حد تک کمزور کر دتا۔ سلاطین دی سیاسی پالیسی ایہناں

قوتاں دے خلاف ردِ عمل دا نتیجہ سی اوہناں نے مذہب نوں سہارا دینا چاہیا تے ظلم تے تشدد
دی راہ اپنائی۔“ (۱۵)

ایہدی وجہ ایہہ سی۔ کہ ہندوستان دے مسلمان حکمران ترکیبی رویے نوں اپنی بالادستی دے خلاف خطرہ سمجھدے سن تے
ایہہ گل ٹھیک وی سی۔ ایس طراں نویں تے پرانے خیالاں دی کھچ دھرو داما دی اظہار وی ٹر پیا۔

مغلیہ عہدِ حکومت دے مڈھ وچ عوامی قوتاں دا پہلہ بھاری ہوجکھیا سی۔ ایس گل دا ٹھوس اظہار اکبر بادشاہ دے زمانے
وچ ملدا اے جدوں پرانے خیالاں نوں شکست ہوئی تے لبرل انسان دوست تے ترکیبی رویے دی بالادستی قائم ہو گئی۔ اکبر دا
زمانہ مسلم ہندوستان وچ ترکیبی ثقافت دے وادھرے داسہنری زمانہ سی۔ پرچھیتی ای اوہدے خلاف مرکزی علاقیاں وچ امراء
دے تعاون نال ردِ عمل شروع ہو گیا۔ اس ردِ عمل دی نظریاتی راہنمائی حضرت شیخ احمد سرہندی نے کیتی جیہڑے کہ مجدد الف ثانی
دے ناں توں مشہور نیں۔ آزاد خیالی دے خلاف بغاوت و دھیرے مرکزی علاقیاں دے اُتلے میلاں تیکر ای رہی سی۔ پنجاب نہ
صرف ردِ عمل توں محفوظ رہیا سگوں پنجاب عقیدہ پرستی دے عروج دے خلاف بغاوت دا مرکز بن گیا سی۔

شاہ حسین دے سہ سیاسی پدھراتے حاکم تے اوہدے درباری سرکاری ٹولے ہتھوں عام محنتی مزدور لوکاں دے محنت
دی لٹ مارتے ایہدے نال نال حاکم ٹولے ولوں عام لوکائی نوں ذہنی بھلکھے وی پائے جان دے سن۔ تاں جے عام لوکائی دا ذہن
محنت دی لٹ مار دے دھرو ول نہ جاوے سگوں حاکم ٹولے نوں پوجن وی سہی تے ایس ساری کھید اتے خوش رہوون۔ پنجابی
زبان دے اک پڑچولی نجم حسین سید ایس ظلم دی کھید بار لکھدے نیں۔

”حسین دے ویلے دا وسیب میل بند وسیب اے موٹا نقشہ اس وسیب دا ایہہ ہے جو ان
اگاں بارتے وست گھڑن پار لوک اپنی ہڈ کماٹی وچوں مساں ساہ دی ڈوری ٹورن جوگای
اپنے کول رکھ سکدے ہن وادھوان وست پنڈاں دے چودھری شاہی منصبدار، صوبیدار
باتشاہ اپنی پتی سروٹلیندے نیں۔“ (۱۶)

ایہتھوں ایہہ گل ساہمنے آندی اے پئی اس زمانے وچ وسیب وچ دووڈے طبقے سن اک طبقہ بادشاہ، وزیر، درباری
تے امیر لوکاں داسی تے دوجھا طبقہ پنڈاں دے کمی سپی تے شہراں دے کاریگراں دی سی۔ غریب طبقے دے لوک زمیناں وچ ہل
واہ کے وابل نیچی داکم کردے یاں امیراں دے ڈنگر چار دے سن جدوں فصلاں پک کے تیار ہو جان دیاں سن تاں حاکم دھڑے
دے منشی تے نوکر چاکر زبردستی آمدن داوڈا حصہ وکھو وکھ لگاناں راہیں لے جان دے سن۔ انج کر کے واہی پنجن ہاراں دے حصے وچ
مساں مر کے اوہناں دی دوو ویلے دی روٹی پوری ہوندی سی تے ایہدے نال نال اوہناں دیاں سدھراں ارمان دلاں دے اندر
ایں سرک جان دے سن۔ دو جھے پاسے ایہہ حاکم طبقہ اس لٹ مار دے مال نال اپنے خزانے بھر دے راہندے سن تے اس مال

دولت نال اک پاسے اپنا راج ودھان اتے خرچ کر بندے سن تے دو جھے پاسے وڈیاں ڈیاں حویلیاں تے محلاں وچ عیاشی تے رنگ رلیاں اُتے لٹاندے سن۔ حاکم دھڈے دی ہر ویلے ایہہ کوشش ہوندی سی مخنتی کا مے ودھتوں ودھ مال دولت پیدا کرن تے نویں نویں حیلے بہانیاں ڈھیر توں ڈھیر اگر ایہی کیتی جاوے۔“

شاہ حسین دے سہ ہندوستان اتے مغلاں پہلی واریں افغانستان تے شمالی ہندوستان اُتے اکٹھی حکومت کیتی۔ مغل بادشاہ وڈے طاقتور تے مطلق العنان ہوندے سن۔ انہاں وچوں اکبر بادشاہ ۵۰ پنجاہ سال حکومت کیتی اکبر بادشاہ نوں دنیا دے وڈے بادشاہاں وچ شمار کیتا ویندا اے۔ ایس بادشاہ ہندوستان وچ اک سا جھے وسیب اُسارن دی کوشش کیتی۔ ایہدے واسطے اُس نوں کئی پا پڑ ویلے پئے۔ اس بارے وچ سید علی بلگرامی لکھدے نیں۔

”مغلوں کی مضبوط حکومت اس وقت قائم ہوئی جب اس خاندان کا تیسرا بادشاہ اکبر ۱۵۵۶ء میں تخت پر بیٹھا اور پچاس سال تک حکومت کرتا رہا اس بادشاہ نے جو تاریخ عالم کے بادشاہوں میں ایک بہت بڑا فرمانروا گزرا ہے ہندوؤں اور مسلمانوں کو ایک نظر سے دیکھا۔ اس نے فاتح اور مفتوح میں شادی بیاہ کو مروج کیا اور خود راجپوت راجاؤں کی لڑکیوں سے شادی کی۔ اسلام اور برہمنی مذہب کو ملا دینے کی جو کوشش اس نے کی اس میں تو وہ کامیاب نہ ہو سکا لیکن ان دونوں اقوام کی طرز تعمیر کو ترکیب دینے میں اسے پوری کامیابی حاصل ہوئی۔“ (۱۷)

مغل بادشاہواں دے سیاسی طور طریقیاں پالیسیاں تے اختیارات بارے اک ہور تھاں تے سید علی بلگرامی ہوریں لکھدے نیں۔

”مغلیہ بادشاہوں کے اختیارات غیر محدود تھے اور ان کو وہ اس زرخیز ملک کی دولت کو اپنی طرف کھینچنے میں استعمال کرتے تھے۔ اس کے ساتھ ہی وہ اس دولت کو نہایت فراخ دلی اور فیاضی کے ساتھ صرف بھی کرتے تھے۔ جن کی مثال تاریخوں میں بہت کم ملتی ہے۔ ان بادشاہوں کے تحت وزراء بھی ہوا کرتے تھے جن سے اہم ملکی امور میں مشورہ لیا جاتا تھا لیکن اصل میں حکومت کا دار و مدار محض بادشاہ کی رائے اور واہمہ پر تھا۔ کل ملکی فوجی اور مذہبی اختیارات بادشاہ کے ہاتھ میں تھے۔ وہی ظل اللہ علی الارض اور خلیفۃ اللہ اور حاکم مطلق ہوا کرتا تھا۔“ (۱۸)

سیاست دے نال نال وسیب وچ عام بندے دی حالت کیہ سی بادشاہ وزیر سپہ سالار تے امیر لوک کئی کئی بیویاں رکھدے سن۔ محلاں تے وڈی وڈی حویلیاں وچ عیاشی دے نال حیاتی ہنڈاندے سن تے دوجے پاسے عام لوکاں دی دویلی دی

روٹی ٹکر پورا کرن دے آہر وچ جتے رہندے سن۔ عام بندے دی ویسی حالت وچ عیاشیاں خوشیاں ڈھیر دور سن۔ اس بارے وچ سید علی بکرامی ہوریں لکھدے نیں۔

”بادشاہی محل سراؤں میں عورتوں کی تعداد غیر محدود تھی؛ کیونکہ یہ سلاطین اس خاص مسئلہ میں نیز اور بہت سے مسائل میں شرح محمدی کے پابند نہ تھے۔ شاہ جہاں کے حرم میں دو ہزار بیبیاں تھیں لیکن ایسا معلوم ہوتا ہے۔ کہ وہ اس تعداد کو کافی نہیں سمجھتے تھے اور ہمیشہ اپنے امراء کی بیبیوں میں خوبصورت عورتوں کے جو یا رہتے تھے اس کی وجہ سے امراء میں سخت بدلی رہتی تھی۔“ (۱۹)

اس سے سیاسی پدھراتے چغتیاں ہندوستان وچ اک مضبوط حکومت قائم کردتی سی۔ جیہدی وجہ توں ملک توں باہروں دے ہلے رک گئے سن۔ اکبر بادشاہ ہندوستان دے اندر کئی ریاستاں فتح کر لیاں سن۔ اس طرح اپنی حکومت دیاں حداں ڈھیر سیاریاں ودھالیاں سن۔ ایہدے نال اکبر باتشاہ دا خیال سی پئی اک سانجھے وسیب دی اُساری وی کیتی جاوے تاں جے رعیت ساری اک سانجھے مذہب اتے اکٹھی ہو جاوے تے وسیب وچوں دھڑا بندی مکا دتی جاوے۔ سیاسی طور تے اکبر اپنے مخالفان نوں رشتہ داریاں عہدیاں دی ولگن نال اپنے نال رلا لیتا۔ ایہدے بارے وچ ثناء وچ دھر لکھدے نیں۔

”اکبر نے ہولی ہولی سارے باغی سرداراں نوں اپنا ادھین بنا لیا تے اپنے رواج دیاں حداں مالوا، جمیر اتے جودھپور تک ودھالیاں۔ اُس اپنی سیانف نال راجپوت سرداراں نوں ادھین کیتا۔ اُس مذہبی کھل دیندیاں قیدیاں نوں غلام بنانا جزیہ اتے لگان ختم کردتا تے نالے تیرتھ یا ترا دی کھل دتی۔“ (۲۰)

کجھ راجیاں اکبر دی اس کھل نوں نہ قبولیا جے پوراتے جودھپور دے راجیاں اکبر نال بھادویں رشتہ داری تک کر لئی پر میواڑ دے مہارانا اودے سنگھ نے اوہدی پرواہ نہ کیتی۔ جیہنوں ڈنڈ دین لئی اکبر نے چتوڑ گڑھ اتے حلہ بول دتا مہارانا گھائل ہو کے قلعے وچوں نکل گیا پر جیمیل تے پھٹنا ناں دے دو بہادر راجپوت بھرا اوہدے نال لڑدے شہید ہو گئے۔ لوک شاعراں ایہناں بہادراں دیاں واراں تے چس لکھے جو پنجابی وچ اک انملا وادھا اے۔

۱۵۶۷ء وچ اکبر چتوڑ گڑھ اتے رتھمبور دے قلعیاں اتے قبضہ کر کے اپنے راج دیاں حداں کا لنجر، مارواڑ، بیکانیر تے گجرات تک ودھالیاں پورب ول اُس ۱۵۷۲ء وچ اس بنگال تے بہار دے علاقیاں اتے وی قبضہ کر لیا اسے سے اوہنے کشمیر، افغانستان، بلوچستان تے سندھ تک اپنی راجدھانی ودھالئی۔ ایہہ ای حال دکھن داسی اوس صحیح معنیاں وچ مغل سلطنت اسار لئی۔ اوس اپنے نت ودھدے راج نوں بڑے سچ نال چلایا تے سب مذہباں دے منن والیاں نوں اکٹھے کرن لئی دین الہی بنایا۔ جیہدے وچ ہر مذہب دے منن والے رل سکدے سی۔ دین الہی دی اُساری ایہناں عقیدیاں اُتے سی کہ پر ماتما اتے پکا

یقین۔ بادشاہ نال گوڑھی پریت، ماس کھان تے جانور ذبح کرن اتے ہٹک۔ عورتاں نال چنگا سلوک سسے سسے دان تے بھنڈارا لاونا۔ اس نوں دین وچ رن لئی اکبر خود ہر اک نوں دعوت دیندا۔ اس دین دے منن والے جدوں آپس وچ ملدے تاں اللہ اکبر آکھدے تے ایدے جواب وچ جل جلالہ کیہا جاندا سی۔ ایہہ لوک اپنی پگڑی وچ اکبر دی اک نکی جیہی تصویر رکھدے۔ عام لوکاں اکبر دے دین الہی دی ڈٹ کے مخالفت کیتی۔ کئی تھاواں تے بغاوت وی ہوئی جو اکبر نے بھانویں وقتی طور تے دبا لی لئی پر ایہدے پچھوں ہولی ہولی اوہنے اپنے دھرم دا پرچار چھڈ دتا تے دین الہی اوہدی حیاتی وچ ای ختم ہو گیا۔ اکبر نے ہندوستانی وسوں وچ کئی سماجی تے مذہبی سدھاروی کیتے۔ اس کئی ہندو گرنٹھاں دا فارسی وچ تے کئی اسلامی کتاباں دا بھاکھا وچ ترجمہ کروایا تاں جو دوہاں دھرماں والے اک دوجھے دا وسیب سمجھ سکے اوہ ودھواناں تے فنکاراں دا وڈا قدر دان سی۔

شاہ حسین دے سسے دے سیاسی حالات بارے ابن حسن لکھدے نیں۔

”سلطنت دہلی کے ایک آزاد اور خود مختار طاقت کی شکل میں ابھرنے سے شمال ہندوستان کی سیاسی دنیا میں ایک نئے عنصر کا اضافہ ہوا جس نے وہاں کی سیاست کا رخ بدل دیا۔ اپنی غیر ملکی فوج اور اپنے غیر ملکی طبقہ امراء کے ساتھ اس نئی سلطنت کو مخصوص قسم کی مشکلات کا سامنا کرنا پڑا۔ لیکن مذہب، نسل، تہذیب و تمدن اور زبان کے پیدا کردہ تمام اختلافات کے باوجود نئے حکمرانوں نے ہندوستان کو وحدت اور امن بخشا۔“ (۲۱)

اس سسے پختیاں دے حکومت چلان دے ڈھنگ تے طور طریقے تے اندر کھاتے کیہ کجھ ہو رہیا ہا کیوں جے باہروں تاں ہر کسے نوں صرف چک دمک دسدی اے۔ عالیشان محلاں دے اندر کیہ کجھ ہو رہیا سی ایہدے بارے وچ گل کتھ کر دیاں ہوئیاں محمد اشرف کنور ہوریں اپنی کتاب ”ہندوستان عہدِ وسطیٰ میں“ وچ لکھدے نیں۔

”ایران کے ساسانی شہنشاہوں کی طرح سلاطین دہلی کا بھی منتہائے نظریہ تھا کہ وہ رفیع الشان عمارات اور محلات تعمیر کروائیں، پر شکوہ دربار منعقد کریں اور ایک عالم کو اپنے سامنے دیکھ کر لطف اندوز ہوں، وافر خزانے جمع کر لیں اور اپنی پسند کے لوگوں کو دولت بخشنے کے لیے دولت کے جملہ مال ذرائع اپنے قبضے میں کر لیں۔“ (۲۲)

عام لوکاں نوں اپنے ہتھ پٹھ رکھن واسطے اس ویلے دے باتشاہ مال دھن تے علم پاروں اینا سارا محتاج بنالیندے سن چالاکی تے ٹھگی دے نویں نویں سنگل بنا کے کاریگرتے کامیاں نوں بھلیکھے پائی رکھدے سن۔ کد کدائیں ایہہ ٹھگی عام لوکاں دے سامنے نگی ہو جاوے آہا تاں مڑا ایہہ حاکم ٹولہ دا بے دی ڈانگ نال عوام نوں چپ کر دینے سن۔ حاکم ٹولہ مکردا ا جیہا جالا بنالیندا آہا جو طاقت تے اختیار سارے دے سارے شہراں وچ رہن تے پنڈ تھاواں دے عام لوک ہر پکھوں محتاج رہن ایہدے نال نال حاکم اپنے مکاروزیراں کو لوں ویلے دے نال نال ایجیے قانون بناوندے سن۔ جیہڑے کاریگرتے واکہ نوں نہ سوجھ سیان

وچ نہ واہ ورتن وچ کدھرے وی آپ وساہے نہ ہوں۔ دین اوہ مدرسے انجیہے چالو کریندے سن جتھے حاکم ٹولے دی رہتل ریت دا جھنڈا چاکیتا جاوے۔ جتھے پرکھ تول دے انجیہے ڈھنگ سیکنجھن جیہڑے حاکم ٹولے دی جگ منتا کر اون۔ حاکم ٹاہری اپنا علم اپنا رواج اپنا ورتارا اپنا قانون پنڈوسوں دیاں آندراں وچ وگا ون واسطے وٹاں آڈاں موگھیاں دا پورا سر بندھ کرینداسی۔ شہر وچ ای چھاؤنی تے بارود خانے سن اوہ دھونسے جیہناں دے آسرے حاکمدا حکم چلدا ہے۔ ڈلا بھٹی بارداوسنیک اے اوہ پنڈ وایاں دے اوس دھڑے وچوں ہے جیہنے ستاں پیڑھیاں تھیں دلی وچ جمی تے لہور ایں پلی بادشاہی اگے سر نہیں نوایا اوہ دیاں وڈ وڈیریاں ایس بادشاہی دے گھوڑے نوں ڈکن لئی سراں دے بنھ مارے تے رت دے کھال کڈھے۔ ڈلے وی نکلے ہونداں لاء اپنی رت نوں امانت ای سمجھیا اوہ دے گھر وچ وڈیاں دے کیتے گھول دی کہانی نوں پوچ دی گڑھتی ہے اوہنے ایس کہانی نوں مڑ کھید کے دکھا ونا سی۔

چغتیاں دی حکومت دی سیاست دی عینہہ کیہڑیاں گلاں اُتے اُسری ہائی جیہدا نطاہرتاں گلاں باتاں وچ ڈھیر سارا سوہنا دکھایا جاندا ہا پر اندروں عام لوکاں دی رت داتا نظریں آندا اے جیہڑا آئے دیہاڑ نوں ٹیکساں راہیں عام لوکاں نوں لہدا نظریں آندا اے۔ ایس ساری کتھادی کھوج بھال کر دیاں ہونیاں نجم حسین سید ہوریں لکھدے نیں۔

”پختہ شاہی نوں سمجھنا ہووے تاں مغلاں دی کسے محل ماڑی وچ جاوڑو تے اوہنوں بچھ نال ویکھو۔ شاہدرے وچ ڈلے دے ددھد بھرا شیخو (جہانگیر) دا مقبرہ ویکھو۔ پورا مقبرہ اک وڈی پڑی اے بادشاہ دی ڈھیری ایس پڑی دے دھرو وچکار لاگھرا اے۔ باقی دے گھرے وچکار لے گھرے دوالے لاگی بنے کھلوتے ہن ایہناں لاگی گھریاں وچ ہر کوئی آپ اپنی تھائیں جمان اے جیہدے دوالے اگوں اپنیاں لاگیاں دا جھمراے ہر کوئی اک کئی پڑی دا جمان ہے تے اک وڈی پڑی وچ لاگی ہے۔ سبھ پڑیاں درجے وار اپنے نالوں وڈی پڑی دیاں لاگی ہن تے سبھ وچکاراں دا وچکار جماناں دا جمان بادشاہ دی ڈھیری اے“۔ (۲۳)

مقبرے دی ساری ہنتر ایسے حساب سر ہے۔ سجاوٹی پھل بوٹے ایسے حساب سر ٹکائے گئے ہن۔ بُتر دا ایہہ ٹھک ہراٹ نوں رنگ دی ہر پھٹی نوں ہکوٹھرے وچ جڑی کھلوتا ہے۔ کوئی لیک ساہ نہیں کڈھ سکدی۔ کوئی وٹہ سر نہیں بوا سکدا۔

مغل مقبرے دے وچکار بادشاہ دی ڈھیری ہے مغل راج دا وچکار بادشاہ آ؛ اے سبھ درباری اوہدے لاگی ہن۔ ہر درباری دا اگوں آپ اپنا دربار ہے جتھے اوہ جمان ہے تے ہور کٹڑے امیر اوہدے لاگی ہن تے اخیر چکاں دے چودھری ایس نقشے دی سبھ توں باہری کناری والی پڑی ہن سارا وسیب ٹھک سر اُسریا ہے ہر بندے دی ہوند کسے آپنے نالوں وڈیرے بندے دی ہوند دا صدقہ ہے بندے دا بندے نال سا نگاندا بنیائی پاروں نہیں مالکی چاکری پاروں ہے۔ سر نیوندے رہن نذر نذرانے تر دے

رہن تاں سانگے بھی ویندے ہن نہیں تاں کوئی نہ آپنے آپ وچ بندے دا ہون کوئی نہیں اوہدا لاگ اوہدا ہون اے۔ لاگ ہے تاں بندہ گھر وچ وی ہے باہروی ہے۔ لاگ نہیں تاں بندہ نہ آپنے جوگا نہ بیاں جوگا۔ کسے امری دی امیری آپنے آپ وچ کوئی شے نہیں ہر جہانی اوڑک لاگ ہے تے ہر وچکار اوڑک کناری۔ ہک باتشاہ آپنے آپ پر نے ہے اوہ کسے دالاگی نہیں اوہ رب دا پر چھاواں ہے اوہ جگ اتے اُتار ہے۔ اوہدے ہون نال باقی جگ دی ہوند ہے۔ اوہ وسیب دا دھرا ہے۔ اوہی جہانی کسے بنے بندے دے لاگ دا صدقہ نہیں اوہ رب دی عرش والی پڑی دا اک گھرا ہے۔ کل مخلوق نوں قدرت ایسے لیکھے سر ساجیا ہے باتشاہ جگ اتے ربی ورتن دا سنبھالن ہار ہے اوہدا کیتا رب دا کیتا ہے۔

ایہہ شاہ حسین دے دے سیاسی سماجی حالت دی مورت اے اس وسیب نوں شاہ حسین اپنی کافیاں وچ اپنے اک خاص ڈونگھے تے نویکے ڈھنگ نال بیان کیتا اے۔

کافیاں شاہ حسین وچ ورتے اکھان

مال دولت دے اکھان

- ۱۔ ”لکھ کروڑ جیہناں دے جُو یا سو بھی جُھوری جُھوری
بھٹھ پئی تیری چٹی چادر چنگی فقیراں دی جُھوری“۔ (۲۴)
- ۲۔ ”بھلا ہو یا گر بھیاں کھا دھا بھن بھن توں چھٹیا سے“۔ (کتاب مذکورہ۔ ص ۴۲)
- ۳۔ ”کوٹھے مٹ تے چو بارے وں وں گئے کئی لوک وچارے“۔ (ص ۱۰۸)
- ۴۔ ”نگے پیریں جان دے ڈٹھے جنکے لاکھ کروڑ“۔ (ص ۱۳۰)
- ۵۔ ”دولت دنیا مال خزانہ سنگ نہ کوئی لے جاندا“۔ (ص ۵۹)
- ۶۔ ”کتھے فی تیرے ترکی تازی سائیں بن سبھ کوڑی بازی“۔ (ص ۱۶۱)

عشق دے اکھان

- ۱۔ ”عشق محبت سواي جانن پئی جیہناں دے ہڈوے اڑیا“۔ (ص ۳۵)
- ۲۔ ”جست تن لگے سواي جانیں گلاں کرن سکھالیاں“۔ (ص ۳۱)
- ۳۔ ”ہنجوں روند اسبھ کوئی عاشق روندے رت نی“۔ (ص ۶۲)
- ۴۔ ”عشق کیہ لگے راہ نال“۔ (ص ۱۴۳)
- ۵۔ ”شمع دے پروانے وانگوں جلدیاں انگ نہ موڑیے“۔ (ص ۱۱۰)
- ۶۔ ”جس تن درداں دی آہ سواي تن روند ائی“۔
کنیاری دی سچے اُپر سکھیا کوئی نہ سوند ائی“۔ (ص ۱۸۶)

اخلاق دے اکھان

- ۱۔ ”چھوڑ تکبر پکڑ حلیمی راہ پکڑ ووشیری دا“۔ (ص ۱۰۳)
- ۲۔ ”جیہناں پاک نگاہاں ہونیاں کہیں نہ جان دے ٹھگے“۔ (ص ۴۱)
- ۳۔ ”کہے حسین فقیر سائیں دامن تھیں اگے مروو“۔ (ص ۱۷۳)
- ۴۔ ”جیوندیاں مر رہیے حسینا جیہناں دے چھڈ تا کڑی“۔ (ص ۱۷۸)
- ۵۔ ”کلر کھٹ نہ کھو ہٹری چیناریت نہ گڈ دے اڑیا“۔ (ص ۳۵)

دنیا دی بے ثباتی دے اکھان

- ۱۔ ”گوڑی دنیا گوڑا پیارا جیوں موتی شبنم دا“۔ (ص ۴۳)
- ۲۔ ”ایہہ دنیا دو چار دیہاڑے ویکھدیاں لد جاندا“۔ (ص ۵۹)
- ۳۔ ”سدا نہ پھلن تو ریاسدا نہ لگدے نی ساونا“۔ (ص ۵۵)
- ۴۔ ”جگ جیون تھوڑا کون کرے جنجال“۔ (ص ۷۸)
- ۵۔ اک لڈ چلے اک بنھ بیٹھے کون اٹھائے بھاراں نوں“۔ (ص ۱۲۷)
- ۶۔ ”ساڈے تن ہتھ ملکھ تساڈا ائیڈی تان نہ تان“۔ (ص ۹۸)
- ۷۔ ”ایہناں راہیں جان دے ڈھٹڑے میر ملک سلطاناں“۔ (ص ۳۷)
- ۸۔ ”ہمدیاں تل روون لگے یاد پیو دن گھانی دا“۔ (ص ۱۱۲)

عملاں دے اکھان

- ۱۔ ”عملاں اُپر ہوگ نیڑا کیا صوفی کیا بھنگی“۔ (ص ۸۲)
- ۲۔ ”باجھ عملاں گلاں گوڑیاں“۔ (ص ۱۳۹)
- ۳۔ ”جو کجھ کیتا برا بھلا وکیتا اپنا پاونا“۔ (ص ۱۴۴)
- ۴۔ ”جیہا کرسیں تیا پاسیں“۔ (ص ۱۷۱)
- ۵۔ ”کہے حسین فقیر سائیں دا عملاں باجھ خوارى“۔ (ص ۶۴)
- ۶۔ ”بناں عملاں آدمی ویندے لکھ لڑھے“۔ (ص ۸۶)

عاداتاں خصلتاں دے اکھان

- ۱۔ ”کالے پٹ نہ چڑھے سفیدی کاگ نہ تھیندے جگے“۔ (ص ۴۱)
- ۲۔ ”دنیا مطلب دی وویچ سن ووقیرا“۔ (ص ۸۳)

تقدیر دے اکھان

- ۱۔ ”کہے حسین غریبڑا لکھیا ناہیں مڑے“۔ (ص ۸۶)
- ۲۔ ”لکھی لوح قلم دی مائے موڑ جے سکئی ایں موڑ“۔ (ص ۱۰۱)
- ۳۔ ”توڑی نہ ٹھڈی چھوڑی نہ چھٹدی قلم ربانی وگی“۔ (ص ۴۰)

کافیاں شاہ حسین وچ ورتے اکھاناں دا فکری فنی ویرا

حضرت شاہ حسین جیہناں نوں لوک ماہولال حسین دے ناں نال وی یاد کردے ہن چغتیاں دے سہ دے اوہ مست
الست صوفی شاعر سن۔ جیہڑے اس دنیا دی ہر شے توں بے نیاز سن نہ کسے دا ڈرنہ لالچ سی۔ حضرت شاہ حسین اپنی فکر تے وچاراں
نوں عام لوکاں تائیں اپڑان واسطے شاعری نوں ذریعہ بنایا۔ اپنی شاعری وچ وسیب دے عام ورتارے وچ آون والیاں شیواں
چرخہ چھلی، سوت، پونیاں، نلیاں، ایڑن، کچھی، ندی، تُلّا، کالاہرن، گاک، گڑ، کھیاں، شوہ، رانجھن، ہیر، چوڑا، کھاری، کھڈی، چٹی چادر،
بھوری، داج، سوہرے پیکے، ڈولی، سالو، کنت، بابل نوں علامت دے طور تے وڈے سچے تے پھبویں ڈھنگ نال ورتیا اے تاں
جے عام بندہ وی اوہناں دے سنیہے دے اندر لے مفہوم تے رمز نوں چنگی طرحاں سمجھ سکے۔ حضرت شاہ حسین اپنی شاعری نوں
سوہنا بناون تے سنوارن واسطے کدی وی اُچھی کچھل ناہی کہتی۔

خاص سرشاری تے جذب دی حالت وچ ڈیاں ہویاں جو کجھ مزاج مبارک تے آندا آہا کسے بناوٹ تکلف توں
بناں ای کہہ دیندے سن۔ ایتھوں تیکر کے ایہناں بولاں نوں لکھن لکھوان داوی کدی آہر نہیں سی کہتا۔
ڈاکٹر ارشد محمود ناشاد صوفی شاعر اں دی شاعری تے فن دا ویرا کردیاں ہویاں لکھدے نیں۔
”صوفی شعراء کے نزدیک شاعری محض خیالات اور افکار کے فروغ اور پیغام کی ترسیل کا
ذریعہ ہے۔ شعر گوئی کے آداب فنی اور تکنیکی عناصر کا معجزانہ استعمال ان کے نزدیک کوئی
حیثیت نہیں رکھتا۔ انہیں شاعر کہلوانے اور اپنی ادبی حیثیت منوانے کا کبھی خیال نہیں آیا۔
اس کے باوجود جب صوفی شاعروں کے کلام کا تجزیاتی مطالعہ کیا جائے تو ان کے ہاں زبان
وبیان اور اظہار و پیش کش کے بے شمار تجربات اور اسالیب دیکھائی دیتے ہیں۔“ (۲۵)

حضرت شاہ حسین دیاں کافیاں دے کنیں بول اپنی اندر لی سچائی دے ست تے پھبویں ڈھکویں ڈھنگ
پاروں اکھاناں دا درجہ پا گئے ہن۔ ایہہ اکھان اج وی اپنے اندر مخصوص معنویت تے ردھم رچاؤ پاروں اک خاص کچھ رکھدے
ہن۔ ایہہ اکھان وسیب دے وکھو وکھ پکھاں دے بارے ہن تے اج وی لوکاں نوں سدھاراہ سو جھاندے پئے ہن۔ ایہناں دا
فکری تے فنی، تکنیکی ویرا تھلے دتی موٹی موٹی ونڈ نال ایہہ ہے۔

مال دولت دے اکھان

لکھ کروڑ جیہناں دے جُویا سو بھی جُھوری جُھوری

بھٹھ پئی تیری چٹی چادر چنگی فقیراں دی بھوری۔

ایہناں مصرعیاں وچ حضرت شاہ حسین مال دھن اکٹھا کرن آ لے لوکاں دا حشر دکھایا اے۔ پئی لکھ کروڑ جوڑ کے وی

مال دار لوک جھوری وچ ہن۔ جھورا بندے دی حیاتی نوں گھن وانگوں اندرواندری کھا جاندا اے تے حیاتی دے سارے رنگ تے مزے جھورے وچ کر کرے ہو جاندا نہیں۔ ایہہ جھورا دوطرحاں دا ہوسکدا اے۔ اک تاں ایہہ پئی اچیں وی جوڑن وچ کائی کسر رہ گئی اے۔ جوڑن ہار دے دل دے سنے پورے نہیں ہوئے تے دوجی گل ایہہ پئی اینا کجھ جوڑ کے وی اوہ مال دولت کسے کم نہ آیا اس دنیا تو خالی ہتھ جانا پیا۔

پہلے مصرعے دے لفظ ”جڑیا“ وچ اصل گھنڈی اے۔ جوڑن ہار تھوڑا تھوڑا کر کے جوڑ دا اے روز گنڈا اے۔ دو جا مطلب داد پے یاں تر لے نال جن جن کے جوڑیا اے۔ حضرت شاہ حسین ایہناں دو نہاں معنیاں نوں اک تھان اکٹھا کر کے ایہناں دی اندرلی وحدت نوں سامنے لیاندا اے۔ جوڑن ہار مال دولت صرف اپنے آپ واسطے جوڑ دا اے۔ وسیب وچ دو جے لوکاں نال اوہداسا نگا صرف شریکے تے کرو دھدا بن جاندا اے۔ وسیب وچ اوہدی سچی جڑت کسے نال وی نہیں ہوندی۔

پہلے مصرعے وچ ”لکھ کروڑ“ لفظ وچ اتوں اتوں تاں اک وڈا سارا کھلار دسد اے۔ پراہیہ سارا کھلار ایویں اک جھولا ای اے جیہڑا ”جھوری جھوری“ وچ اپڑ کے سنگڑ دا ہویا گھر گھر کے اکلا پابن ویندا اے۔ نجم حسین سید اس کافی دے ویروے وچ لکھدے نہیں۔

”جوڑن ہار اُتے واہ تاں لکھاں کروڑاں نال سانجھ بناوندا اے پر اندروں اصل وچ اکلا رہندا ہے.....“ لکھ کروڑ“ والی وگلی ”جھوری جھوری“ والی اکہر وچ نگھر ویندی اے جوڑن ہار نوں پوندانج جا پدا ہے جویں اوہدی رجھ کجی وی ہے تے سپھل وی پراگوں جھورے دی سوڑ تے چٹنا اوہدا سنگھ گھٹندی اے۔“ (۲۶)

دو جے مصرعے وچ ”چٹی چادر“ مال دھن جوڑن ہاراں دی نشانی ہے۔ نالے ایہہ لوک اپنی ٹھگی تے لٹ مار نوں کج واسطے تے باقی مخلوق نالوں وسیب وچ اک وکھری تے اُچی تھان بناون واسطے چٹی چادر اُتے لیندے ہن۔ ایہو چٹی چادر اوڑک ایہناں لوکاں دا جھورن ویلے کفن بن ویندی اے۔

اس واسطے حضرت شاہ حسین دو جے بول وچ چٹی چادر ”تیری“ کہہ تے ہر سے دے قاروناں نوں اک ملنگ لکرا مار کے آکھیا ہے پئی ایہہ چٹی چادر جیہڑی مخلوق نال رلن نہیں دیندی جدوں تیکر اس نوں توں بھٹھ دی اگ وچ نہیں ساڑ دیندا تینوں اپنے اصل دی پچھان نہیں ہوسکدی۔ توں اللہ تعالیٰ دے کنبے وچ نہیں رل سکدا۔ اس واسطے اس چٹی چادر نوں اگ وچ سٹ کے فقیراں دی ”بھوری“ اُتے لے۔ ایہہ بھوری پورے وسیب دی اک نگھی تے گوڑھی سانجھ دی نشانی ہے۔ ایہہ ساٹا دو نہاں جہاناں وچ نہیں ٹٹ سکدا۔

اس ساری گل کتھ وچوں ایہہ ساٹا نکلد اے۔ پئی مال زر جوڑن دا کم ظلم فساد دا مڈھ ہے۔ اس کم وچ رجھے لوک اوڑک

نوں پچھتاں دے ہن۔ اس واسطے اپنے مڈھ تے اصل نوں پچھان کے مخلوق دے دکھ درد وٹاؤ تے اک دوجے دے بانہہ بلی بن جاؤ۔

فنی طور تے پہلے مصرعے دا ویرا کرے تاں پتہ چلدا اے ”جھوری جھوری“ لفظی تکرار ہے جیہدے نال موسیقیت دا اک بھرنواں تاثر ابھر دا اے۔ شاعری وچ لفظاں دی تکرار نال کلام دے صوتی حسن وچ وی چنگا چوکھا وادھا ہوویندا اے۔ اس حوالے نال حضرت شاہ حسین دا پنجابی کلام جیہڑا کافیاں دی شکل وچ موجود اے۔ نوں ویکھیے تاں کافیاں دے وچ کئیاں تھواں تے لفظاں دی ایہہ تکرار لبھدی اے۔ جیہدے نال کلام دے معنے تے مطلب چٹے دینہہ وانگوں کھل کے سامنے آوندے نیں۔ شاہ حسین دیاں کافیاں وچ ایہہ لفظاں دی تکرار اک خاص توازن نال آوندی اے تے نال نال کافی دی بحر نوں وی رواں دواں کردی اے۔ اس مصرعے وچ ”لکھ کروڑ“ تابع موضوع اضافی دے طور تے ورتیا گیا اے۔ جیہدے نال معنے وچ زور پیدا ہوویندا اے۔

اکھان نمبر ۲

بھلا ہویا گڑکھیاں کھا دھا بھن بھن توں چھٹیا سے۔

اس بول وچ حضرت شاہ حسین مال زر واسطے مال داراں دے لو بھ تے حرص نوں نند کے اوہناں نوں دسیا اے پئی تئیں کیہڑے گندے کم وچ رجھے پے ہو۔ حضرت شاہ حسین اپنے نویکلے ڈھنگ نال ”گڑ“ نوں ہر اُس شے دی علامت دے طور تے ورتیا اے۔ جیہڑی بندے نوں ایس دنیا وچ اپنے اصل دی پچھان نہیں ہون دیندی۔ بندے دے روحانی پندھ نوں کھوٹا کر دیندی اے۔ ایہہ عام طور تے کام کرو دھ لو بھ موہ تے ہنکار دے ون سوونے روپاں وچ بندے نوں چالاکی نال اپنے جال وچ پھسالدیندی اے۔

گڑ اپنے اندر مٹھاس پاروں کھیاں واسطے اک خاص کھچ رکھدا اے۔ اس واسطے کھیاں ہر پاسیوں گڑا تے اکٹھیاں ہو ویندیاں ہن۔ جویں مکھی نوں ہمیشاں مٹھے یا گندی تھاں توں دکھ آرام نہیں آندا انجے کر کے مال زر دے پجاری لوک وی جتھے مال دھن ویکھن اوہناں دے منہ وچوں رال ڈگ پیندی اے۔ مال زر اکٹھا کرن دے کم وچ ہر رشتے ناطے نوں بھل ویندن۔ رب رسول نوں وی بھل ویندے ہن۔

گڑ اپنے بن دے کم پاروں وسیب دی سانجھکاری دی علامت وی اے۔ اوہ کا مے مختی جیہڑے اپنے ہڈاں نوں پیہہ کے گڑ بناندے ہن۔ اوہناں نوں تاں چکھن وی نہیں دیندے۔ حاکم دھڑا اپنے حیلیاں بہانیاں نال کھیاں بن کے قبضہ کر لیندے ہن۔ شاہ حسین رب داکر ادا کردے ہن پئی ایہہ چنگا ہویا سیس اس گندے کو جتھے کم توں بچ گئے ہاں۔ مال دولت دے لو بھی لوک اس دلدل وچ پھسے پئے ہن۔

اسیں ایہناں مال زرا کٹھا کرن دے لو بھ، کرودھ، موہ تے ایہدے اُتے لڑائی توں چھٹے ڈھکے ہاں۔ ایہہ جانن تے ایہناں داکم جانے۔ مال دھن اکٹھا کرن دا اخیر سٹا ایہہ نکلد اے۔ وسیب وچ اس کافی ونڈ پاروں دھڑا بندی بن ویندی اے۔ اک لٹن والا دھڑا دو جائیں والا دھڑا۔ دونہاں وچ اندر و اندری دشمنی تے کرودھ و دھدار ہندا اے۔ جیہڑا کدی کدی بھانڑ بن کے اس سارے وسیب نوں بھسم وی کر دیندا اے۔ نجم حسین سید اس کافی دے ویروے وچ لکھدے نیں۔

”کھیاں کتے لو کائی دی کار وچ نہیں رلدے۔ وسوں نال ایہناں دا جوڑ جوڑھ پلایاں رہند کھوند بھالن والیاں دا ہوند اے۔ پر حسین دی رہتل وچ کھیاں کتیاں دا ورتارا ای پردھان اے۔ ایہناں داکم ای کماں وچوں منجیا ہے۔ ایہناں دا جیون ای وسیب دا مول گنبد ہے وسوں دا ہک چچ پروان ہے تے اوہ ہے کھیاں کتیاں دا چچ اے“۔ (۲۷)

مکدی گل ایہہ اے پئی اس بول راہیں حضرت مادھو لال حسین زر جوڑن ہاراں نوں اوہناں دے کرتوتاں تے کو بجھے گندے کم داشیشہ دکھا کے دسیا اے پئی کھیاں نہ بنواپنے رب دے دتے رتے نوں پچھانوں۔

فنی کچھ نال ویکھتے تاں اس بول وچ حضرت شاہ حسین گرو نوں کنائے دے طور تے ورتیا اے اگوں ”بھن بھن“ لفظاں دی تکرار اے جیہدے نال ایہدے ردھم تے رچاؤ وچ وادھا ہو جاندا ہے تے ایہدے نال نال اندر لی گل کتھنتر کے ساہمنے آ وندی اے۔

مال زر جوڑن تے ایہدی حقیقت بارے حضرت شاہ حسین دیاں ہور کافیاں وچ وی کئی تھانواں تے ایہو جیسے بول لبھدے نیں جیہڑے اکھاناں داروپ وٹا چکے نیں جو یں کہ

کوٹھے مٹ تے چو بارے وس وس گئے کئی لوک وچارے۔

اس بول وچ وی ایہہ گل دسی اے پئی ایہہ سوہنے محل چو بارے ویکھ نہ رتجھو اس گل نوں ویکھو کئے لوک اتھے حیاتی دے چارڈنگ پورے کر کے اخیر ایہناں محلاں چو باریاں نوں چھوڑ کے خالی ہتھیں اگلے جہاں ٹر گئے نیں۔ ایہہ سب کچھ اتھے ای رہ گیا۔ فنی حوالے نال ایہدے وچ ”وس وس“ دی لفظی تکرار نال ساری گل کتھ اتھے آ کے مک ویندی اے تے ایہدی پوری تاریخ بیان کر دتی اے۔

ننگے پیریں جان دے ڈٹھے جنکے لاکھ کروڑ۔

اس بول وچ حضرت شاہ حسین ”ننگے پیریں“ تے ”لکھ کروڑ“ نوں نویکے ڈھنگ نال بیان کر کے ایہہ دسیا اے پئی ایہہ مال خزانے سارے دے سارے اتھے ای رہ جاندا ہے نیں۔ اگاں خالی ہتھ جانا اے۔ اس گل نوں اک ہور بول وچ کھولیا اے جتھوں ایہہ حقیقت ہور وی نتر کے ساہمنے آ وندی اے۔

دولت دنیا مال خزانہ سنگ نہ کوئی جاندا۔

اس اکھان وچ وی مالی زر جوڑن ہاراں نوں دسیا ہے پئی مال زردے سارے ڈھیر اتھے ای رہ جاندا ہن اگلے جہان ایہہ کم نہیں آوندے ایس واسطے ایس کھیڈ نوں چھوڑ کے کوئی چنگا کم کرنا چاہیدا اے۔
کتھے نی تیرے ترکی تازی سائیں بن سبھ کوڑی بازی۔

اس اکھان وچ ”کتھے نی تیرے“ اک طرح دا جھنجوڑ کے شاہ حسین اپنے سمے دے قاروناں نوں اک دا بے نال آکھیا اے پئی ایہہ ودھیا نسلاں دے ترکی تازی گھوڑے تے مال زراج کتھے گئے۔ اخیر موت ویلے ہر شے بندے داسنگ چھوڑ ویندی اے۔ ہورتاں ہور جانداں واریں کپڑے وی لاہ لیندے ہن۔ اتھے شاہ حسین مت دیندے نیں کہ اللہ تعالیٰ توں ہٹ کے سبھ کوڑی کھیڈ اے۔ دنیا وچ مال زر جوڑن ہار ہر شے نوں میری میری آکھدے نیں۔ موت ویلے ہر شے ساتھ چھوڑ ویندی اے۔ ہمیشاں ہمیشاں واسطے کم آون والی ذات صرف اللہ تعالیٰ دی اے۔

عشق دے اکھان

عشق محبت سوای جانن پئی جیہناں دے ہڈوے اڑیا۔

اس بولیاں اکھان وچ حضرت شاہ حسین عشق دی جانکاری بارے مڈھلی تے ٹھکویں گل کیتی اے۔ پئی عشق اوہ جذبہ اے جیہنوں کوئی سمجھ نہیں سکدا اس اُتے کوئی گل بات نہیں کیتی جاسکدی اس نوں صرف اوہ ای بندہ سمجھ سکدا جیہدے نال ایہہ ہڈورتی اے جس نوں کسے نال عشق ہو یا ہے۔

ایتھوں ایہہ گل نتر کے سامنے آوندی اے پئی عشق سمجھ سمجھاؤن والا علم نہیں ہے۔ ایہہ تاں کرن والا کم اے۔ اک پاسے بندہ بھانویں اپنے بیچ حواساں نال کھوج بھال کردیاں کردیاں چن تے اپڑ گیا تے زمین دے پاتال وچون لگے خزانے کڈھ لیا اے۔ پردو جے پاسے ایہہ اپنی تھاں اک اٹل حقیقت اے پئی بندہ اپنے آپ نوں پوری طرح چچھان نہیں سکیا خاص طور تے روحانی حصے نوں جیہد انہ کوئی اوڑک نہ بنا ہے۔

اس دنیا وچ بندے اج تیکر جے علم اپنی کھوج بھال نال سامنے لیاندے نیں۔ اوہناں دی ساری دی ساری اُساری دی نینہ عقل اتے رکھی اے۔ ہن اسیں جے دو جے پاسے دنیا وچ گزرے سچے عاشقاں دیاں عشق بارے کیتیاں گلاں نوں مکھ رکھیے تاں پتہ چلدا اے پئی عشق تے عقل دی دنیا ای وکھری وکھری اے۔ انج جا پدا اے پئی جتھے عقل دی اخیر لی حد مکدی اے عشق دا میدان اُتھوں شروع ہوندا اے۔ کیوں جے اوہ کم دھندے جتھے عقل بے وس ہو ویندی اے عشق اک چٹکی وچ اوہ کم نیڑ کے پراں سٹ دیندا اے۔ عشق عقل دے اُسارے وسیب دی رہتل دیاں راہواں اُتے نہیں ٹردا۔
حضرت شاہ حسین اپنی اک ہور کافی وچ اس بارے فرماندے نیں۔

”من اٹکیا بے پرواہ نال اوہ دین دنی دے شاہ نال
قاضی ملا متیں دیندے کھرے سیانے راہ دسیندے
عشق کیہ لگے راہ نال“ (۲۸)

ایتھوں پتہ چلدا اے پئی عشق اک الہامی روحانی جذبہ اے جیہدے بارے گل کتھ کرنی اوکھی ہے۔ ایہدی سچی
حقیقت نوں اوہ ای جان سکدا اے جیہنوں ایہہ نعمت ملی ہے۔ جیہڑے اس پینڈے پیا اے۔ کنڈھے تے بیٹھا بندہ عشق دے بحر
دی ڈوٹھیا کی تے طوفاناں نوں کوں سمجھ سکدا اے۔

حضرت شاہ حسین اک ہور کافی وچ وی ایہہ گل ہور نویکے ڈھنگ نال کہیتی اے۔
”اک دن تینوں سپنا تھیں گلیاں بابل والیاں دو
اڈ گئے بھور پھلاں دے کولوں سن پتراں سن ڈالیاں
جت تن لگے سوی تن جانیں گلاں کرن سکھالیاں
رہ وے قاضی دل نہوں راضی ہوئیاں تاں ہوون والیاں
سوی راتیں لیکھے پون نال صاحب دے جالیاں
ناؤں حسینا تے ذات جولاہا گھلیاں تانیاں والیاں“ (۲۹)

شروع وچ دتے اکھان یا بول نوں فنی طور تے دیکھیے تاں ایہدے وچ ”عشق محبت“ دونوں لفظ اکومعنے تے مطلب
دے اثر نوں ودھاوون واسطے مترادفات دے طور تے ورتیا اے۔ ایہدے ورت نال گل ہور پکی پیڑی ہو جاندی اے۔ لفظ
”سوی“ خاص ڈھنگ نال ورت کے جان تے نہ جان دی ونڈ نوں چنگا پکا کردتا اے۔

جت تن لگے سوی تن جانیں گلاں کرن سکھالیاں

حضرت شاہ حسین دی کافی دا ایہہ بول جیہڑا اپنی اندر لی سچپائی دے ست تے اک خاص ترکیب لفظی دی ورت پاروں
ہمیشاں ہمیشاں واسطے امر ہو کے رہ گیا اے۔ ہر سہ وچ سیانے لوک اپنی گل وچ وزن پیدا کرن واسطے یا اک ٹھکویں فیصلے دے
طور تے ورتدے آئے نیں۔ حضرت شاہ حسین اک ڈھیر سارے وڈے موضوع نوں اپنے نویکے ڈھنگ نال گھٹوگھٹ لفظاں
وچ بیان کردتا اے جو یں دریائوں کوزے وچ بند کردتا ہووے۔

اس اکھان وچ وی عشق محبت دی اسے خوبی نوں بیان کیتا اے جیہڑی پہلے اکھان وچ دسی گئی اے پئی عشق محبت دیاں
وارداتاں نوں صرف اوہ ای تن جان سکدا اے جیہدے نال گزردی پئی اے۔ نالے ایہہ وی دسیا اے پئی گلاں کرنیاں سکھیاں
ہوندیاں ہن پر سچ صرف اوہ ای بندہ جاندا اے جیہڑا عشق دی کڑائی وچ تلید اپیا اے۔

ہنجوں روند اسبھ کوئی عاشق روندے رت نی

اس اکھان وچ حضرت شاہ حسین عاشقاں دی اک نویکلی پچھان دسی اے پئی عام لوک دکھ تکلیف وچ ہنجوں نال روندے نیں تے اپنا دل دا بھار ہولا کر لیندے ہن پر عاشق ہجر فراق وچ ہنجوں دی تھان رت روندے ہن۔

عشق کیہ لگے راہ نال

حضرت شاہ حسین دا ایہہ بول گھٹو گھٹ لفظاں وچ بوہت وڈے موضوع نوں بیان ڈھنگ دی اک نویکلی تے سچی وگئی اے ایہدے وچ حضرت شاہ حسین دسیا اے پئی عشق وسیب دیاں بنی بنائیاں راہواں تے نہیں ٹردا۔ عشق وسیب دے کسے قاعدے کلیے تے ضابطیاں نوں نہیں تسلیم کردا۔

شمع دے پروانے وانگوں جلدیاں انگ نہ موڑیے

اس بول وچ حضرت شاہ حسین عشق دے پاندھیاں تے طلبگاراں نوں مت دی گل کر دیاں آکھدے ہن توں شمع اُتے قربان ہوون والے پروانے توں سبق سکھ پئی جو یں پروانہ سڑ کے مرتاں ویندا پر پچھاں نہیں ہٹدا انجے کر کے توں وی ایس راہ دی ہر سختی دکھ نوں ویکھ کے پچھاں نہ پرتیں اس بول وچ شمع دے پروانے والی سوہنی تشبیہ اے وانگوں حرف تشبیہ اے۔

جس تن درداں دی آہ سوای تن روندای

کنیاری دی سسجیہ اپر سکھیا کوئی نہ سوندای

اس بول وچ حضرت شاہ حسین اک بوہت وڈی سچائی دسی اے پئی روند اصراف اوہ ای بندہ ہے جس نوں کوئی دکھ درد ہووے ایہہ کم ایڈا سوکھا نہیں بناوٹ نال کوئی پل دوپل وکھالے داروون ہوندا ایے ہر ویلے داروون اوہ ای روند اے جیہڑا اندروں دکھی ہووے۔ دو بے مصرعے وچ عاشق دے روون نوں کنیاری دی سبج نال تشبیہ دتی اے۔ کنیاری دے کنڈے وڈے تیکھے تے سولاں ورگے ہوندے ہن۔ اوہناں اتے سوون ڈاھڈھا اوکھا کم اے۔ کوئی وی سکھ دا عادی بندہ کنڈے اتے نہیں سو سکدا انجے رن وی سوکھا کم نہیں ایہہ کھید تماشا نہیں ہے۔

ڈاکٹر شوکت علی قمر اپنے اک مضمون وچ شاہ حسین دے فکر تے فن اتے لکھدے نیں۔

”شاہ حسین دی شاعری وچ عرفانی رمزناں توں دکھ سماجی اُٹل حقیقتاں دی وی بھرویں

جانکاری ملدی اے۔ شاہ حسین دیاں جلیاں پاوندیاں کافیاں وچ سولہویں صدی عیسوی

دی لوک وسوں، لوک پیڑ، ربی پریت، روحانی سنگیت تے انسانی قدراں دی سچی ریت بڑے

مٹھے لہجے وچ ساہمنے آوندی اے۔“ (۳۰)

اخلاق دے اکھان

چھوڑ تکر پکڑ جلیسی، راہ پکڑ و شیر دا

اس بول وچ حضرت شاہ حسین اخلاق سنوارن واسطے مت دیندیاں ہوياں آ کھدے نیں۔ اے انسان تکبر نوں چھوڑ دے اپنے اندر برداشت پیدا کر اپنی طبیعت وچ ساؤ پن تے مٹھاس پیدا کر لوکاں نال ورتارے وچ پیار محبت نال ورت کر حضرت شاہ حسین چاہندے نیں کہ بندہ اپنے آپ نوں پچھانے پئی اس دنیا وچ کیہڑے کم واسطے آیا اے۔ دنیا دے کمکار وچ رجھیاں ہوياں وی اوہدی نگاہ اپنے مقصد اتے رہو وے جو یں اک مشہور اکھان اے۔

ہتھ کارول تے دل یارول

پراس تھاں اپڑن وچ سبھ توں وڈا ڈکاکبر اے۔ سبھ توں پہلاں تکبر شیطان کیتا آہا۔ جدوں اللہ تعالیٰ اس کو لوں پچھیا پئی توں میرے آکھے آدم نوں سجدہ کیوں نہیں کیتا تاں اس ویلے ابلیس آکھیا میں اس نالوں چنگا ہاں۔ دو جیاں نالوں اپنے آپ نوں اعلیٰ سمجھنا تے آکھنا تکبر اے فقر دے اس سفر وچ سبھ توں وڈی ڈک تکبر اے شاہ حسین آکھدے نیں تکبر نوں چھوڑ اپنے میں پنے وچوں باہر نکل اپنی میں نوں مٹا دے تاں تیرے اندر ذات دا چاچن ہو وے گا۔

شاہ اپنی اک ہو رکافی وچ اس گل نوں ہو روی نکھیر دیاں ہوياں آ کھدے نیں۔

چھوڑ تر کھائی، پکڑ جلیسی بھے صاحب تھیں ڈروو

کہے حسین حیاتی لوڑیں مرن تھیں اگے مروو

”مرن تھیں اگے مروو“ اک ڈونگھی رمز اے جیہد ا مطلب ایہہ وے پئی جیوندیاں اپنی میں نوں مار دے۔ اپنے دل نوں ہر طرح دے لالچ سدھراں توں پاک کر دے۔ مڑتینوں اک نویں حیاتی مجلسی جیہنوں موت نہیں آونی۔ فنی پکھوں بے اس کافی نوں دیکھیے تاں ایہہ وے وچ اک بوہت وڈی گل نوں گھٹو گھٹ لفظاں وچ بیان کیتا گیا اے۔ لفظ ”وو“ نال اک خاص قسم دار دھم تے رچاؤ بن ویندا اے۔

جیہناں پاک نگاہاں ہوياں کنیں نہ جان دے ٹھگے

اس اکھان وچ حضرت شاہ حسین ایہہ گل سمجھائی اے جے بندہ اپنی نگاہ نوں ہر قسم دی برائی توں پاک کر لے تاں مر اوہناں اتے ٹھگی دا وار نہیں چلدا۔ اوہناں دی نگاہ ہر شے نوں اوہدے اصلی روپ وچ دیکھدی اے۔ ٹھگی والا دھڑا بھانویں اپنے اتے پارسائی دیاں چٹیاں چادر اں پیالو وے پاک نگاہاں اگے اپنی ٹھگی تے لٹ مار دے کر تو تاں سمیت اصلی روپ وچ دسدے

نیں۔ نگاہاں پاک کرن داصر ف اکوای طریقہ اے۔ اوہ ہے کامل مرشد دے اگے اپنی میں نوں مار دینا اس مرن وچوں اک نوں
حیاتی ملدی اے۔ جیہدے وچ نگاہ چوداں طبقات وچوں پار ہوویندی اے۔ ہر شے اُس نوں اپنے اصلی روپ وچ دسدی
اے۔

اکھان نمبر ۳

کہے حسین فقیر سائیں دامن تھیں اگے مروو۔

اس اکھان وچ وی حضرت شاہ حسین ایہہ سبق دتا اے پئی اس حیاتی وچ ای اپنی میں تے سدھراں نوں مار دیوتاں جا
کے تسیں نوں حیاتی نوں مان سکدے او۔ جے کوئی بندہ ایہہ کم کر لووے تاں جگ وچ اوہدا کوئی دشمن نہیں ہوندا اوہ ساری مخلوق
نال اکو جیہا پیار کردا اے تے خدای ساری مخلوق ایتھوں تیکر پئی جنگل دے وحشی جنوری اوہدا آکھیا من دے ہن۔
شاہ حسین ایہو چاہندے ہن پئی سارے لوک آپس وچ کرودھ نوں مکا کے اک کنبہ بن جاوے۔ ہر کوئی اک دو جے دا
دکھ درد وٹا دے۔ اس مقصد نوں پالین واسطے اک ہور کافی وچ اک وڈی مت دیندیاں آکھدے ہن۔

جیوندیاں مر رہیے حسینا جیہدا دے چھڈتا کڑی

ایہہ بول وی اپنی اندر لی ازلی سچائی تے پھبویں ڈھکویں ڈھنگ پاروں اکھان داروپ وٹا گیا اے ایہدے وچ شاہ
حسین مڈھلی گل دی اے اپنی زبان نوں ڈک کے رکھ کیوں جے ساری دی ساری برائیاں زبان توای ٹردیاں ہن اس واسطے زبان
نوں چنگی گل بات توں وکھ ڈک دتا جاوے تاں ساڈا وسیب ڈھیر ساری برائیاں توں پاک ہوویندا اے۔ انج بندیاں وچ پیار
محبت ودھے گا۔ جس بندے دا اپنی زبان اتے پوری طرح قابو ہو جاوے اوہ بندا وسیب وچ ہر قسم دے شر توں بچ ویندا اے تے ہر
کوئی اوہدے نال پیار کردا اے جگ اُتے اوہدا کوئی دشمن نہیں ہوندا۔

دنیا دی بے ثباتی دے اکھان

کوڑی دنیا کوڑا پیارا جیوں موتی شبنم دا

حضرت شاہ حسین اس بول وچ اس دنیا دی بے ثباتی نوں وڈسوہنے پھبویں ڈھنگ نال تریل دے قطرے نال تشبیہ
دے کے ایہدی حقیقت نوں کھول کے رکھ دتا اے۔

اس دنیا نوں ہر سو جھوان اپنی اپنی سمجھ سیانف مطابق ویکھدا اے۔ فقیر دی ویکھنی لب پوچن والے سو جھواناں توں ڈھیر
ساری وکھری ہوندی اے۔ فقیر ساری کائنات نوں اپنی ہتھیلی اُتے ویکھدا اے۔ اس توں کسے شے دا کوئی پردہ نہیں ہوندا اوہ ہر
شے نوں اوہدے اصلی روپ وچ ویکھدا اے۔ اس واسطے شاہ حسین اس دنیا دے سارے کھلار نوں کوڑا آکھیا اے۔ ایہدے

سارے رنگ تے رونا قاتل عارضی ہن جو یں تریل دا قطرہ ویکھن نوں بھانویں کنا سوہنا چمکدار نظر آ وندا اے پرویکھدیاں ویکھدیاں ای مٹ ویندا اے۔ انجے ایہہ دنیا ویکھن نوں بہوں سوہنی تے من موہنی لگدی اے پرایہہ اوساہ اک پل داوی نہیں۔ جو یں شاہ حسین اس گل نوں اک ہوڈھنگ نال آکھدے نیں۔

’پیارے لال کیا بھرواسہ دم دا
اڈیا بھورتھیا پردیسی اگے راہ اگم دا‘ (۳۱)

شاہ حسین اس دنیا نوں کوڑی آکھ لوکاں نوں ایہہ دسنا چاہندے نیں پئی اس دنیا دی اُتلی لشک پشک اتے رتجھ کے ایدے نال دل نہیں لا ونا چاہیدا نہیں تاں اگلا پنڈ اکھوٹا ہو ویسی تے اس ویلے پچھتا سیں اج ویلا ہے کوئی چنگا کم کر لے۔ اک ہو رکافی وچ حضرت شاہ حسین اس دنیا دی حرص وچ رُجھے بندیاں نوں نادان آکھ سمجھا وندے نیں۔ سمجھند انڑے! تیرا وقت دہاندا

ایہہ دنیا دو چار دیہاڑے ویکھدیاں لد جاندا
اکھان نمبر انوں فنی پکھوں ویکھیے تاں ایہدے وچ دنیا دی بے ثباتی نوں شبنم دے قطرے نال تشبیہ دتی اے۔ ”موٹی شبنم“ دامنہ اے تے ”جیوں“ حرف تشبیہ اے۔ شاہ حسین دی فکر تے فنا تے ڈاکٹر راشد متین لکھدے نیں۔
”وہ ملا متی صوفی ہونے کے باوجود اپنے معاشرے پر بھی نظر رکھتے ہیں دنیا کی بے ثباتی کو اپنی کافیوں کا مخصوص موضوع بناتے ہیں اور کہتے ہیں کہ بندے کو دنیا کی بے ثباتی سے مایوس ہو کر غم کا شکار نہیں ہونا چاہیے۔“ (۳۲)

ایہہ دنیا دو چار دیہاڑے ویکھدیاں لد جاندا
اس بول وچ شاہ حسین دنیا دی بے ثباتی اک ہوڈھنگ نال بیان کیتا اے پئی اس دنیا دے دھندیاں وچ بہوں نہیں رجھنا چاہیدا کیوں کوئی پتہ نہیں کیہڑے ویلے رب دی ذات واپس بلا لے۔ ایہہ دنیا تاں بس کچھ ویلا لنگھان واسطے اے اس واسطے ایہناں نال صرف لوڑ دا تعلق ہونا چاہیدا۔ اک ہو رکافی وچ دنیا دی بے ثباتی نوں اک ہوڈھنگ نال بیان کیتا۔
”سدانہ پھلن توں ریاسدانہ لگدے فی ساونا“

ایس بول وچ وی حضرت شاہ حسین اس دنیا دے وکھو وکھ رنگاں تے رونق میلے نوں اک چُچے پھویں ڈھنگ نال توں ریے تے ساون نال تشبیہ دتی اے پئی جو یں توں ریا اپنی حیاتی وچ اک واریں پھل لیندا اے۔ ویکھن نوں پھل سوہنے لگدے نیں۔ پر صرف دو چار دیہاڑیاں واسطے انجے ساون دے مینہاں دی وی اپنی اک وکھری بہار ہوندی اے۔ ہر پاسے ساول ای ساول ہو ویندی پرایہہ سب کچھ ہمیشاں واسطے نہیں ہر شے دا اپنا اک خاص ویلا ہوند اے۔

عاشی ہوراں حضرت شاہ حسین دی اس کافی دافکری فنی ویروا کردیا ہویاں اپنے اک مضمون کافی مادھولا حسین وچ لکھیا

اے۔

”عام ویکھن وچ عام گلاں کیتیاں نیں شاعر نے پرایہناں دارشتہ بندے دی وارنال
ہزاراں سالاں دا اے۔ کافی دی استھائی تے انترے جیہڑیاں رمزیاں (الاپ) رہے نیں
اوہ ساڈی شاعری وچ مڑ مڑ کے آندیاں نیں۔ حسین جیہے لوک شاعر راہیں ساون ہار
وسدیاں نیں تے توریے ہار پھل دیاں۔ بندے دی ورتی واپری وچوں لنگھائیاں ایہہ نہ
بہتیاں سدھیاں نیں نہ سادیاں جے گوہ نال ویکھجے تے سُنے“۔ (۳۳)

فنی حوالے نال ایس بول وچ ”سدا“ لفظ دی تکرار اے جیہدے نال مصرعے وچ اک خاص توازن بن ویندا اے
جیہدے نال ایس بول وچ بیان ہویا۔ مضمون اپنے سارے معنیاں سمیت نکھر ساہنے آ وندا اے۔
”جگ جیون تھوڑا کون کرے جنجال“

اس بول وچ وی حضرت شاہ حسین اس جگ اتے جیون نوں تھوڑا دس کے ایہدے نال نال تھوڑے چر دے جیون
واسطے مال دھن اکٹھا کرن دے روجھے نوں ”جنجال“ آکھ کے رد کردتا اے پئی جیونجگ اُتے اُکا عارضی اے تاں مڑ اس جنجال
نوں گل نہیں پاونا چاہیدا۔ اک ہور کافی وچ اس دنیا دی حیاتی نوں اک ہور ڈھنگ انجے دسیا۔
اک لڈ چلے اک بنھ بیٹھے کون اٹھائے بھاراں نوں

اس بول وچ حضرت شاہ حسین اس جگ اُتے جیون نوں اک لمے پندھ وچ سراں دا ٹکانہ دسیا پئی اک چلدا کاروان
اے کجھ لوک ٹر گئے نیں تے کجھ ٹرن واسطے تیاری کیتی بیٹھے ہن بس آپوا پئی واری دی ایس عارضی ٹکانے اتے مال دھن اکٹھا کرن
وچ رُجھ گیا ایس مال دولت دے بھار نوں چُک کے کتھوں تیک لے جاویں گا۔ ایس پندھ اتے خالی ہتھ جانا پوندا اے
ایتھوں تیک پئی ٹرن ویلے تیرے پیاریاں تیرے تن اُتوں کپڑے وی لاہ لینے۔ ہن صرف دو چادران وچ ولیٹ کے قبر وچ رکھ
دینا۔ ایس پندھ اُتے خالی ہتھ جانا پوندا اے ایہہ ازل دی ریت اے۔ اک ہور کافی وچ اس گل نوں ہور اگانہہ ودھا کے دسیا
اے۔

ایہناں راہیں جان دے ڈھڑے میر ملک سلطاناں

اس بول وچ اس کچھلی گل نوں ہور اگانہہ ٹور دیاں ہویاں دسیا ایہہ راہ اجیہا اے جس اُتے ہر اک نوں اوڑک ٹرنا پوندا
اے غریب توں لے کے بادشاہواں تیک ہر اپنی واری اس پینڈے پے جاندا۔ اس دنیا دی ہر شے اتھے ای رہ جان دی اے۔
ایتھوں خالی ہتھ ٹرنا پوندا اے اس واسطے مال زر و سبب وچ اُچا ناںواں تے باتشایاں کچھے انج نہیں رجھنا چاہیدا۔ ایہناں اُتے

مان کرن والیاں نوں اک چنگا بلونا دے کے آکھ دے نیں۔

ساڈھے تن ہتھ ملکھ تساڈا ایڈی تان نہ تان۔

اس جگ اتے لمیاں لمیاں ملاں مارن تے وڈیاں باتشہیاں اُتے ایڈے مان گمان وچ نہ رہو ایہہ سب کجھ
تاں تریل دے قطرے وانگوں اے تساڈا اصل ملکھ تے باتشہی قبر اے۔ جیہڑی صرف ساڈھے تن ہتھ ملی ہوندی اے۔ او تھے
اڀڑ کے تینوں چانن ہو ویسی توں کیہ کھٹیا اے۔ ایس واسطے اس دور چار دن دی مہلت وچ ایڈے وڈے کھلار وچ نہ رُجھ تے
ایڈے لمے چوڑے منصوبے نہ بنا۔ اچن چیت بلاوے اتے توں ایہتھوں ہمیشاں واسطے چلا جانا اے۔ ایہہ دنیا دی ہر شے اتھے
ای رہ جانی اے۔

اُتے دتیاں بولاں دا اکٹھا ویروا کر یے تاں پتہ چلدا اے۔ پئی حضرت شاہ حسین مخلوق نوں ایہہ سبق دسنا چاہندے نیں
کہ ایس جگ اتے ٹکانہ اُکا ای عارضی جیہا اے۔ ایہد اکوئی اعتبار پتہ نہیں کیہڑے ویلے ایہتھوں ٹرن داسنہیا آجاوے فیرا تھے
کوئی اک گھڑی وی نہیں رُک سکدا۔ نالے اس سفر اُتے خالی ہتھ جانا پوندا اے ایس دنیا دے مال خزانے بیوی بچے ماں پیو
پیارے سنگ ساک سبھ کجھ اتھے ای رہ جانا اے۔ اس واسطے شاہ حسین مت دیندیاں ہو یاں آکھ دے ہن پئی بندے نوں اس
دنیا دی حقیقت نوں سامنے رکھدیاں ایہدی حرص ہوس تے لبھ توں اپنے آپ نوں دور رکھنا چاہیدا اے تے اپنے اصل نوں
پچھانا چاہیدا اے۔ پئی مینوں اللہ نے کیہڑے کم واسطے اس دنیا وچ گھلیا اے۔ کیوں جے اخیر اک دن اللہ تعالیٰ نوں اپنے ہر اک
فعل دا جواب دینا پووے گا۔ اک ہو رکافی وچ شاہ حسین اگلی حیاتی وچ اللہ تعالیٰ دے قرب دا اک نیا ٹلیا طریقہ دسیا اے۔
”جے تیں اپنا آپ پچھاتا سائیں داملن آسان“

اس واسطے اس دنیا وچ اصل تے پہلا کم اپنے آپ دی پچھان اے تے مڑ اس پچھان دے علم دے مطابق حیاتی
گزارے۔

اس دنیا دی بے ثباتی نوں اس لوک وسوں دی سادہ علامتاں نال اس طرح واضح کیتا اے۔

کلر کھٹ نہ کھو ہڑی چیناریت نہ گڈوے اڑیا

اس بول وچ حضرت شاہ حسین اس دنیا داری دی محبت وچ حیاتی گزارن نوں کلروالی زمیں وچ کھو کھٹن نال تشبیہ
دتی اے پئی جو یں کلروالی بھونیں وچ کھو کھٹن نال وقت تے محنت ضائع ہوویندی اے۔ اوہداف اندہ کسے نوں ککھ وی نہیں ہوندا
اس طرح اس دنیا دی مال محبت وچ کھب جانا انجے ہے جو یں ریت وچ چپنے دابی سٹنا اے۔ چپنے دابی ریت وچ نہیں اگ
سکدا۔ ساری محنت وی برباد ویندی اے۔ اس واسطے اس دنیا وچ دل نہیں لاونا چاہیدا۔ ایہہ سب کجھ عارضی اے۔ فنی پکھوں اس
بول نوں دیکھیے تاں پتہ لگدا اے اس بول وچ عام ورتارے دیاں علامتاں نوں اک نویکلے ڈھنگ نال ورت کے اگلے جہان دے

ان ڈٹھے مسنلایاں نوں کھول کے بیان کردتا اے۔

ڈاکٹر راشد متین، شاہ حسین دے فکر و فن بارے لکھدے نیں۔

”ایک ایک کافی میں شعری محاسن کا اک جہاں نظر آتا ہے۔ اس میں تمثیل بھی ہے تشبیہات و

تلمیحات عوامی اور سادہ زبان میں ہیں۔ علامات و استعارات خالصتاً مقامی ہیں۔“ (۳۴)

عملاں دے اکھان

عملاں اُپر ہوگ بنیڑا کیا صوفی کیا بھنگی

اس بول وچ حضرت شاہ حسین عمل دی اہمیت اُتے زور دیندیاں ہوئیاں آکھیا اے پئی حساب کتاب دے دینہ فیصلہ اخیر عملاں اُتے ہوونا اے۔ جیہدے عمل چنگے ہوسن اوہ جنت وچ ویسں تے بھیڑے عملاں والے لوک دوزخ وچ ویسں نال اوہناں نوں او تھے بُرے کماں دی سزاوی ملسی۔ دین اسلام وچ اس دنیا نوں ”دارالعمل“ تے آخرت نوں دارالجزا آکھیا گیا اے ایہہ دنیا عمل کرن دی تھاں اے جیو جیہا اتھے عمل ہوئی اس دے مطابق اگلے جہاں جزا سزا ملسی اس گل نوں حضرت شاہ حسین اک ہو کافی وچ نتارا کر کے دسیا اے۔

جو گچھ کیتا بُرا بھلا وکیتا اپنا پانا

جیہا کر سیں تیہا پاسیں

ایہناں دونہاں اکھاناں وچ حضرت شاہ حسین اک اٹل تے ٹھکویں فیصلے دے طور اتے دسیا پئی اس دنیا وچ جویں دے عمل ہوسن اُسے دے مطابق قیامت دے دینہہ جزایاں سزا ملسی ایہہ اللہ تعالیٰ دا اک پکا پیڑا قانون اے۔ اس ایہناں بولاں راہیں حضرت شاہ حسین بندیاں نوں برے عملا توں بچ کے چنگے عملاں توں بناں اس جیون بارے دسیا اے۔

بناں عملاں آدمی لکھ لڑھے

اس بول وچ حضرت شاہ حسین چنگے عملاں توں بناں بندے دی حیاتی نوں پانی اُتے لڑھے ویندے لکھ نال تشبیہہ دتی اے۔ واہندے پانی اُتے تر دے لکھ دی کیہڑی بنیاد تے منزل ہوندی اے نالے اوہدا کیہڑا وساہ تے بھروسہ اے اس واسطے چنگے عملاں نال بندے دی حیاتی کسے کھاتے وچ گلدی اے تے ترقی کردیاں ہوئیاں اگانہہ ودھدی اے۔ دین اسلام توں پتہ چلدا اے پئی بندے دی حیاتی کسے وی منزل اُتے مکدی نہیں بلکہ اک نویں روپ وچ سدھے راہ اُتے اگانہہ ودھدی جاندی اے کسے وی تھاں اک پال واسطے رُکدی نہیں۔ وکھرے وکھرے روپ وٹاندی جاندی اے پر حیاتی دا ایہہ سفر چنگے عملاں توں وکھرا ڈھیر سارا اکھابن ویندا اے۔ ایس واسطے ایس ایس پینڈے وچ سُچا مال اسباب چنگے عمل ہن جیہڑے ایس پینڈے دی ہراو کھی گھاٹی وچ کم آوندے نیں نہیں تاں اس راہ وچ نری نجل خواری ہوئی تے پندھ کھوٹا تھی ویسی۔

حضرت شاہ حسین اس بارے وچ اک ہور کافی وچ لکھدے نے۔

کہے حسین فقیر سائیں دا عملاں باجھ خواری

اس بول وچ حضرت شاہ حسین عملاں دی گل کتھ کردیاں دسیا پئی عملاں توں خالی ہتھ بندے حیاتی دے اس پینڈے وچ نجل خوار ہوسن او تھے مڑا پس دنیا وچ اکٹھا کیتا مال دھن تے رشتے ناطے کوئی وی کم نہ آسن۔ اس واسطے اس نجل خواری توں بچن واسطے ایس دنیا وچ چنگے عمل کرنے چاہیدے نیں۔

اک ہور کافی وچ حضرت شاہ حسین عملاں بارے اک وڈی ٹھکوس گل کیتی اے۔

باجھ عملاں گلاں کوڑیاں

اس بول وچ حضرت شاہ حسین ہوراں عمل اتے زور دیندیاں ہوئیاں اپنے ولوں اک اٹل فیصلہ کردتا اے پئی عملاں توں باجھ جنیاں گلاں نیں جنے مسئلے نیں او ہناں دیاں تعبیراں نیں سبھ کجھ کوڑاے۔ اس واسطے ہور کسے گل اتے کن نہیں دھرنے چاہیدے۔ چنگے عملاں دا کجھ آہر کرنا چاہیدا ہے۔ ایہہ چنگے عمل خدای مخلوق دا بھلا کرنا او ہدا دکھ درد و نڈاون ہے۔ کیوں جے فقر وچ سچی نیکی ایہہ وے پئی اپنیاں لوڑاں نوں پچھاں کر کے دو جے کسے بندے دی اوکھے ویلے لوڑ پوری کرنی۔ نالے ایہہ کم ہر قسم دے لالچ نوں مکا کے کرنا پوند اے۔

عاداتاں خصلتاں دے اکھان

کالے پٹ نہ چڑھے سفیدی کاگ نہ تھیندے بگے

اس بول وچ حضرت شاہ حسین بندیاں دیاں عاداتاں خصلتاں بارے اپنا اٹل فیصلہ کردتا اے پئی ایہہ عاداتاں خصلتاں اپنے اندر اک طرح دی خاص کھچ رکھ دیاں ہن۔ جیہڑا بندہ کسے عادت دا عادی ہو جاوے اوہ عادت جاندی نہیں جوئیں کالے ریشم اُتے سفید رنگ نہیں چڑھداتے کاں بگے نہیں ہوسکدے۔ انجے ای ٹھگی دے ویہار وچ خدای مخلوق نوں لٹن والے لوک مال دھن جوڑن دی محبت انج دے اس دلدل وچ گھب ویندے نیں پئی او ہناں نوں ہر ویلے ڈھیر توں ڈھیر مال زر جوڑن دی فکر لگی رہندی اے۔ دوجی مخلوق دے دکھ درد دی کوئی پرواہ نہیں کردے۔ وسیب وچ او ہناں دی سچی جڑت کسے نال وی نہیں ہوندی۔ ہر اک نال مال زر جوڑن دے کم دا شریکا ہوندا اے۔ ایہناں دی اندروں سچی جڑت صرف اور صرف مال زر نال ہوندی اے۔ حیاتی دے اخیر لے ساہواں تیک مال زر دی ہوس نہیں مکدی۔ ریشم ہر سے وچ زرتے زور والیاں دا پہناوار ہیا۔ ایہہ بانا او ہناں دی نشانی ہوندا اے۔ کاں حرص ہوس تے لُو بھ دی اک مورت ہے۔ اپنے ڈھڈ بھرن واسطے او ہدے کول بے اوڑک چالاکی تے مکاری ہوندی اے۔ دو جے پکھواں دے انڈے پیون نکلے بالاں کولوں روٹی کھوکھڑن وچ ماہر ہے۔ حضرت شاہ حسین اس کافی دے پہلے بول وچ آکھدے نیں۔

جیہناں پاک نگاہاں ہوئیاں کنیں نہ جاندے ٹھگے

اس بول وچ حضرت شاہ حسین اس گل دانٹارا کیتا ہے پئی جیہناں لوکاں دی نظر پاک ہے۔ مال زردے لو بھ نال آلودہ نہیں ہے۔ اوہناں اتے وسیب دے مکار ٹھگاں دا وار نہیں چلدا۔ پاک نگاہاں نوں ویلے دے فرعون قارون اپنے گندے کرتوتاں سمیت اصلی روپ وچ دسدے نیں۔ اوہناں ساہمنے کالا پٹ کالا ای رہندا کالے کالے ای رہندے ہن۔ نجم حسین سیدا اس کافی دے ویروے وچ لکھدے۔

”ٹھگی مارنیں ایس ریشی وجود اُتے رتجھدے ہن پر پاک نگاہاں والیاں نوں ایہدی کا لکھ ظاہر اپنی لہدی اے۔ ٹھگی لکھ کھیکھن کرے پاک نگاہاں نے چٹیا ئی والا پڑدہ پاڑ چھڈیا اے تے ہن ایہہ پڑدہ مڑ نہیں پے سکدا“۔ (۳۵)

حضرت شاہ حسین ایہناں عاداتاں خصلتاں بارے آکھدے نیں۔

دنیا مطلب دی ووسچ سن ووفقیرا

ایس بول وچ حضرت شاہ حسین بندیاں دیاں عاداتاں خصلتاں وچوں اک خاص چون کر کے دسیا اے مل مارن والے وسیب جیہدی اُساری وی مال زردے میل اتے کیتی ہووے۔ اوہدے وچ سارے رشتیاں دی نیہہ مطلب اُتے ہے۔ فقیر نوں چھوڑ کے باقی سارے لوکاں دی آپس وچ وی جڑت تے سا ننگا مطلب دا ہوندا ہے۔ حضرت شاہ حسین مطلب نوں ہو رکھول کے اسے کافی دے ہراک مصرعے وچ وکھو وکھ پکھاں نال بیان کیتا اے۔

مطلب آوے مطلب جاوے مطلب پوے گریہ

اس بول وچ حضرت شاہ حسین دسیا پئی لوکاں دے آپس وچ رشتیاں تے سانگے ول جے اک ڈونگھی جھات پائیے تاں ایہہ گل نتر کے ساہمنے آوندی ہے۔ پئی ہر کم دے پچھے ہر تھاں اُتے جو کجھ ہو رہیا اے۔ ایہدی نیہہ سارے دی ساری مطلب اتے رکھی ہوئی اے۔ پر مطلب دی جڑت اندروں نہیں ہوندی اس واسطے ایہہ سب کجھ عارضی ہوندا اے۔ جس ویلے مطلب پورا ہو گیا تاں مڑتوں کون تے میں کون والی گل بن ویندی۔ اس واسطے حضرت شاہ حسین اس کافی دے اخیر لے مصرعے وچ ایہہ نثار وی کیتا اے پئی ساریاں توں وڈا امیر اوہ بندا ہے جس مطلب نوں چھوڑ دتا۔

کسے حسین جن مطلب چھوڑیا سو میرن سر میرا

اس بول وچ دسیا پئی جیہڑا بندہ دنیا دے لو بھ حرص توں بے نیاز ہو گیا اوہ صحیح معنیاں وچ امیراے بلکہ سارے امیراں

داسر دار بن ویندا اے۔

فنی حوالے نال پہلے اکھان وچ کالے تے سفیدی نوں صنعت تضاد طور تے ورتیا اے۔ جیہدے نال اس اکھان وچ

بیان ہووے مضمون دے معنے گوڑھے رنگ وچ نتر کے ساہمنے آوندے نیں۔ ”کاگ نہ تھیدے بگے“ وچ اک اٹل حقیقت توں سچے تے پھبویں ڈھنگ نال گھٹوگھٹ لفظاں وچ بیان کیتا اے جیہدے نال ایہہ بول امر ہو گیا اے۔

تقدیر دے اکھان

کہے حسین غریبڑ لکھیا ناہیں مڑے

اس بول وچ حضرت شاہ حسین انسان دی حیاتی دے اک وڈے گنجھل دار مسئلے بارے گھٹوگھٹ لفظاں وچ کھول کے دسیا اے پئی اللہ تعالیٰ پہلے دن توں ای کائنات دی ہر شے دے مقدر نصیب لکھ چھڈے نیں۔ ہن ہر بندہ اس لکھے نصیب دے مطابق ای اتھے حیاتی دے ڈنگ پورے کرے گا اس لکھے توں باہر کوئی وی نہیں جاسکدا۔

اس بول وچ اصل گھنڈی لفظ ”لکھیا“ وچ اے جیہدے وچ سارے داسارا مضمون لکھیا ہویا اے۔ ایہہ اصل وچ مسئلہ تقدیر دا اے۔ جیہڑا دین اسلام دا اک وڈا مسئلہ اے۔ جس نوں سمجھنا ڈھیر سارا اوکھا اے۔ تھوڑے علم والا بندہ ایہدی گھنڈی کھولدا کھولدا آپ وی گمراہ ہو سکدا اے۔

حضرت شاہ حسین اس اوکھے گنجھلدار مسئلے اتے ٹھکواں تے اٹل فیصلہ کردتا پئی جو کجھ قسمت وچ اک واریں لکھ دتا اے اوہ کسے قیمت تے مرنہیں سکدا۔ ایہہ ہونی ہونیوں رُکدی نہیں۔ اس اگے کسے دا کوئی واہ نہیں چلدا۔ تقدیر دے اگے ہر کوئی بے بس ہے۔ اس بے بسی تے عاجزی نوں حضرت شاہ حسین خاص نویکے ڈھنگ نال اک ہور کافی وچ اس طرح بیان کیتا اے۔

لکھی لوح قلم دی مائے موڑ سکنی ایں موڑ

اس بول وچ حضرت شاہ حسین ایہہ ہور وی کھول کے دسیا اے پئی ایہہ تقدیر تاں ازل دے دیہاڑے توں لکھی گئی اے۔ مائے ہن اسیں کیہ کر سکنے آں اتھے ساڈا کوئی واہ نہیں چلدا۔ ماں دی ہستی اس دنیا وچ اک اجیہا رشتہ ہے جیہدے نال ہر بندے دی جمن توں پہلاں دی جڑت ہوندی اے۔ بچے واسطے ماں ہر دکھ درد وچ اک سچی پناہ ہے جتھے اوہنوں سکھ ملدا اے تے اوہ اپنیاں ساریاں شکایتاں ماں نوں سُنا دے۔ ایس واسطے حضرت شاہ حسین وی ماں نوں مخاطب کر کے آکھدا ہے۔ پئی میرے نال جو کجھ گزر دی پئی اے۔ میرے اندر عشق دی جیہڑی اگ لگی اے اوہ ہن بھانڑ بن کے مینوں ہر ویلے اندر واندری پئی ساڈی اے میں تے دنیا داری دے کم کار جوگا نہیں رہیا تاں ایہدے وچ میرا کوئی قصور نہیں۔ ایہہ ازل دا لکھیا میرے پیش آیا۔ ایس لکھے نوں کون مٹاوے۔ میری مائے جے توں ایس لکھے نوں بدل سکدی ایں تاں بدل دے میرے تاں وس ہن کجھ نہیں رہیا۔ ایہہ لفظ ”مائے“ شاہ حسین دا اپنا نویکلا ڈھنگ اے جیہدے وچ اک گجھا درد عاجزی تے مسکینی دی کوک فریاد اے۔ ایہدے نال اک خاص ردھم تے رچاؤ وی بن ویندا اے۔

اک ہور کافی وچ حضرت شاہ حسین تقدیر بارے آکھیا اے۔

توڑی نہ ٹھدی چھوڑی نہ چھٹدی قلم ربانی وگی
ڈاکٹر راشد متین شاہ حسین دے فکر تے فن بارے لکھدے نیں۔

”ان کی کافیوں میں خیال کی گہرائی، جذبے کی مستی اور احساس کی شدت کے ساتھ ساتھ
موسیقی کا بھرپور تاثر بھی ملتا ہے۔ ان کی شاعری میں جذبہ اور خیال ساتھ ساتھ چلتے ہیں“۔ (۳۶)
شاہ حسین اس بول وچ وی تقدیر بارے پچھے ڈھنگ نال چنگی پکی پیڑی گل کیتی اے جس نوں کوئی رد نہیں کر سکدا اپنی
تقدیر دے لکھے نوں کوئی بدل نہیں سکدا۔ جتھے اللہ تعالیٰ دی قلم جواک واریں لکھ چھڈ یا اوہ ہو کے ای رہنا اے۔ اس لکھے اگے
پیغمبر، اولیاتے پیر سبھ بے بس نیں۔ ایہہ عاجزی دی تھاں اے۔
وارث شاہ تقدیر بارے لکھیا اے۔

”دتی زہر تقدیر نے حسن تائیں سیس شاہ حسین دا کھدی اے
وارث نبی دا دند شہید ہو یا تقدیر نہ کسے توں ہٹدی اے“ (۳۷)

فن دے حوالے نال حضرت شاہ حسین دا اتے دتا بول اپنے اندر ”توڑی نہ
ٹھدی چھوڑی نہ چھٹدی“ دی خاص ترکیب لفظی دی ورت پاروں اک خاص ردھم
تے رچاؤ وی رکھدا ای اے۔ ایہہ بول پڑھن والیاں واسطے اپنی اندر لی سچائی دے
نال نال لفظاں دے پھبویں ڈھکویں ڈھنگ پاروں چنگی کھچ رکھدا اے۔

حوالہ جات

- ۱۔ محمود شیخ المعروف محمد پیر حقیقت الفقراء احمد سید مولوی (مترجم) لاہور، مقصود پبلشرز، ۲۰۰۷ء، ص ۱۹
- ۲۔ فرزند علی شاہ حسین تے تصوف (مضمون) مہینہ وار ترجمہ، جلد پنجم، شمارہ ۲: ۳، شاہ حسین نمبر لاہور، فروری مارچ، ۲۰۱۱ء، ص ۱۳۶
- ۳۔ رمضان شاہد پروفیسر شاہ حسین دامزاحتی کردار (مضمون) ترجمہ، مہینہ وار جلد پنجم، شمارہ ۲: ۳، فروری مارچ، ۲۰۱۱ء، ص ۱۴۱
- ۴۔ ایضاً۔ ص ۱۴۳
- ۵۔ راشد متین ڈاکٹر شاہ حسین شخصیت فکر و فن، اسلام آباد، اکادمی ادبیات پاکستان، ۱۹۹۸ء، ص ۳۴
- ۶۔ ایضاً۔ ص ۳۱
- ۷۔ محمود شیخ، حقیقت الفقراء احمد سید مولوی (مترجم) ۲۰۰۷ء، ص ۹۲
- ۸۔ اختر جعفری سید ڈاکٹر ترجمہ، مہینہ وار جلد پنجم، شمارہ ۲: ۳، ص ۹۰
- ۹۔ ایضاً۔ ص ۹۲
- ۱۰۔ احسان باجوہ، تخت نہ ملدے منگے، ترجمہ، مہینہ وار جلد پنجم، شمارہ ۲: ۳، ص ۱۲۰۹
- ۱۱۔ ایضاً۔ ص ۱۱۴
- ۱۲۔ شاہ حسین، کلام شاہ حسین، ظفر مقبول میاں (مرتبہ) لاہور، مکتبہ دانیال، ۱۹۹۹ء، ص ۱۵۶
- ۱۳۔ ایضاً۔ ص ۱۶۴
- ۱۴۔ ایضاً۔ ص ۶۸
- ۱۵۔ جاوید قاضی، پنجاب دی صوفیانہ روایت لاہور، پاکستانی پنجابی ادبی بورڈ، ۱۹۹۳ء، ص ۸۰
- ۱۶۔ نجم حسین، سید سچ سدا آبادی کرنا، لاہور، سچیت کتاب گھر، ۲۰۰۷ء، ص ۷۱
- ۱۷۔ علی بلگرامی، سید تمدن ہند، لاہور، مقبول اکیڈمی، ۱۹۶۲ء، ص ۳۵۸
- ۱۸۔ ایضاً۔ ص ۳۶۰
- ۱۹۔ ایضاً۔ ص ۳۶۶
- ۲۰۔ ثناء چدھر، لوک تواریخ، لاہور، سانجھ پبلی کیشنز، ۲۰۰۸ء، ص ۶۷

- ۲۱۔ ابنِ حسن، سلطنتِ دہلی کا مرکزی نظام حکومت، نئی دہلی، قومی کونسل برائے فروغِ اردو زبان و وزارت ترقی انسانی وسائل حکومت ہند، سن ندارد، ص ۸۲
- ۲۲۔ محمد اشرف کنور، ہندوستان عہدِ وسطیٰ میں، کراچی، سٹی بک پوائنٹ، ۲۰۰۷ء، ص ۵۷
- ۲۳۔ نجم حسین، سید ساراں، لاہور، سُچیت کتاب گھر، ۲۰۰۷ء، ص ۲۷
- ۲۴۔ شاہ حسین، کلام حضرت مادھولال حسین، مقصود ثاقب (سودھی)، لاہور، سُچیت کتاب گھر، ۲۰۰۷ء، ص ۲۶
- ۲۵۔ ارشد محمود، ناشاد ڈاکٹر، مرآۃ العارفین (ماہنامہ)، جلد دوم، شمارہ ۱، جھنگ، مئی ۲۰۱۱ء، ص ۶۷
- ۲۶۔ نجم حسین، سید سچ سدا ابادی کرنا، لاہور، سُچیت کتاب گھر، ۲۰۰۷ء، ص ۵۲
- ۲۷۔ ایضاً، ص ۶۲
- ۲۸۔ شاہ حسین، کلام حضرت مادھولال حسین، مقصود ثاقب (سودھی)، لاہور، سُچیت کتاب گھر، ۲۰۰۷ء، ص ۱۴۳
- ۲۹۔ ایضاً، ص ۳۱
- ۳۰۔ شوکت علی قمر، ڈاکٹر، کہے حسین فقیر سائیں دا، (مضمون)، ترجمہ، مہینہ وار، جلد پنجم، شمارہ ۲، ص ۳، ۱۰۷
- ۳۱۔ شاہ حسین، کلام حضرت مادھولال حسین، مقصود ثاقب (سودھی)، ص ۴۳
- ۳۲۔ راشد، متین، ڈاکٹر، شاہ حسین شخصیت: فکر و فن، ص ۵۰
- ۳۳۔ عاشی، کافی، مادھولال حسین، نجم، مہینہ وار، بیڑ ۱۲، پراگا ۴، ۵، لاہور، اپریل: مئی، ۲۰۱۰ء، ص ۱۳۲
- ۳۴۔ راشد، متین، ڈاکٹر، شاہ حسین شخصیت: فکر و فن، ص ۴۶
- ۳۵۔ نجم حسین، سید سچ سدا ابادی کرنا، لاہور، سُچیت کتاب گھر، ۲۰۰۷ء، ص ۷۵
- ۳۶۔ راشد، متین، ڈاکٹر، شاہ حسین شخصیت: فکر و فن، ص ۵۱
- ۳۷۔ پیراندہ میاں، اصلی ہیرو وارث شاہ، لاہور، جہانگیر بک ڈپوسٹن ندارد، ص ۱۷۶

ترتیبِ باب

ابیاتِ باہو

ونج

اکھاناں داورتارا

حضرت سلطان باہو دے سہ داسیاسی سماجی پچھوکر

حضرت سلطان باہو شوروکوٹ ضلع جھنگ وچ جسے والداناں بازید محمد تے والدہ داناں بی بی راستی سی۔ آپ داتعلق پنجاب دے مشہور قبیلے اعوان نال سی آپ دے جمن تے وصال بارے ممتاز بلوچ لکھیا اے۔

”سلطان الفقراء حضرت سلطان باہو قدس اللہ سرہ ہوراں دی پیدائش ۱۰۳۹ ہجری بمطابق

۱۶۲۹ء وچ تے آپ دا وصال ۱۱۰۲ ہجری بمطابق ۱۶۹۰ء وچ ہويا۔“ (۱)

حضرت سلطان باہو جماندروولی اللہ سن نکلے ہوندیاں تون ای آپ دی تربیت آپ دی والدہ ماجدہ بی بی راستی ہوراں پورے دینی ماحول وچ کیتی۔ آپ دے والد بازید محمد پختے باتشاہ شہاب الدین شاہ جہاں دی حکومت وچ اُچے عہدیاں اتے فائز رہے۔ اس خدمت پاروں باتشاہ اوہناں نوں شوروکوٹ وچ بوہت وڈی جاگیر دتی ہوئی سی۔ اس واسطے آپ دا جم پل اس سہ دے امیر سیاسی گھرانے وچ ہويا۔ آپ دے جماندروولی اللہ ہون دی دھم دلی دربار تک اپڑی تاں چغتاشہزادہ اورنگ زیب عالمگیر وی آپ نوں توڑ شوروکوٹ ملن آیا سی۔

حضرت سلطان باہو دے سہ بارے ڈاکٹر سلطان الطاف علی لکھدے نیں۔

”جس زمانے میں آپ کی ولادت ہوئی۔ لاہور میں عنایت اللہ ایزدی گورنر تھا اور

ہندوستان پر مغل بادشاہ شاہ جہان کی حکومت تھی۔ رشید خان سیال کی جھنگ پر حکمرانی تھی۔

حضرت سلطان باہو کا وصال جہان خان سیال کے اقتدار کے ایام میں ہوا۔ ہندوستان

مغلیہ تاجدار اورنگ زیب عالمگیر کے تسلط میں آچکا تھا۔“ (۲)

حضرت سلطان باہو دے سہ پنجاب دے وسیب وچ سماجی دھڑا بندی موجود سی۔ جیہدے وچ اک پاسے حاکم دھڑا تے اوہدے نوکر چاکر حکومت دی ڈانگ ہتھ وچ پھڑکے جو چاہندا کرلیند اسی۔ اس دھڑے وچ اتوں لے کے پنڈوسوں دے مکھیا، چودھری تے ملک وی شامل نیں جیہڑے آپ کوئی محنت نہیں کردے ٹھگی دے حیلے بہانیاں نال کامیاں دی محنت نوں لٹ کے راج کردے سن۔ دوجے پاسے کائے سپیاں تے چھوٹے کاریگراں دا دھڑا جیہڑا اپنے ہڈ پیہہ کے اپنے واسطے تے حاکم دھڑے واسطے فصلاں اُگاندا اے تے ہور لوڑ دیاں چھوٹی موٹی شیواں بناوندا اے اس دھڑے دے لوک دینہہ راتیں اپنے کم کار وچ رُجھے رہندے سن۔

اس سہ وسیب وچ عام طور تے قبیلہ داری چلدی ہائی جیہدے وچ وڈکیاں تے پنچاں دا حکم چلدا آہا، رسماں رواجاں دا

کرڈاھڈا اکٹرا آہا، لوک ایہناں ریتاں دے بدھے ہوئے اک دوجے نال ورتدے سن۔

وسیب دی اس کافی ونڈ بارے گل کتھ کردیاں ہونیاں ڈاکٹر راشد متین لکھدے نیں۔

”طبقاتی سماج میں عدم مطابقت کو ایک مسلم مسئلہ قرار دیا جا چکا تھا۔ اس بنا پر برصغیر میں روشن خیالی اور راسخ الاعتقادی کی باہمی کشمکش نے بالآخر بالائی اور نچلے طبقات کے درمیان آویزش کی صورت اختیار کر لی تھی۔ آخر کار اس آویزش میں عوامی قوتوں کو فتح حاصل ہوئی۔“ (۳)

حضرت سلطان باہو دے سے ہندوستان دے وسیب اتے ہندوواں دیاں رسماں رواجاں دی چھاپ سی۔ کیوں جے مسلمان بادشاہاں ہندوستان وچ اپنی حکومت نوں اسلامی رنگ وچ رنگن دی تھاں سیاسی تے ہندوستانی رنگ ڈھنگ نال چلان دے رہے۔ نو مسلماناں دی تربیت یاں کچھ وڈیاں رسماں نوں بدلن واسطے کوئی خاص پکا پیڈا قدم نہ اٹھایا۔ جیہدے پاروں ہندوستان دے نو مسلمان قبیلیاں وچ خوشی غمی دیاں رسماں اوہ پرانے ہندو وسیب والیاں چل رہیاں سن۔ مسلمان ہندوواں دے مذہبی میلیاں ٹھیلیاں وچ جان دے سن۔

مسلماناں دے وڈے امیر طبقے وچ مال زردی فروانی سی اس واسطے اوہناں دے کول رہن واسطے وڈیاں حولیاں یا محل ہوندے سن۔ کماں کاراں واسطے نوکر چاکر رکھے ہوندے سن۔ ایہناں امیر لوکاں دارہن نیویں طبقے نالوں اکا ای وکھرا ہوندا سی۔ امیر لوک اپنے گھراں وچ ڈھیر ساریاں زنانیاں نوں اپنے حرم وچ رکھ دے سن۔ اوہناں عورتاں نوں کھان پین تے پہنن واسطے تاں ہر شے وافر مقدار وچ لبھدی سی پر اوہناں اتے باہر نکلن عام میل جول اتے ڈھیر ساریاں پابندیاں ہوندیاں سن تے اوہناں دی نگرانی واسطے سخت مزاج بڈھی زنانیاں نوں پہرے دار رکھیا جاندا سی۔ جدوں کہ تھلے غریب طبقے وچ عورت دی زندگی ڈھیر ساریاں مصیبتاں نال بھری ہوندی سی۔ ہندوواں دے وسیب وچ عورت جدوں تک بچہ پیدا نہیں سی کر لیندی اوہدی گھر وچ کوئی وقعت نہیں سی ہوندی جے کد کدائیں بد قسمتی نال اوہدا خصم اوہدی حیاتی وچ مر گیا تاں اس بیوہ عورت دی زندگی عذاب بن ویندی سی۔ چغتے باتشاہ جلال الدین اکبر توں پہلاں ہندو بیوہ عورت نوں بلدی اگ وچ ساڑ کے ستی کر دیندے سن۔ مسلمان باتشاہ توں ستی واسطے اک رسمی جیہی اجازت لینی ہوندی سی۔ اکبر باتشاہ اک حد تک اس رسم توں روکیا۔ جے کر عورت ستی ہون توں بچ جائے آہاتاں باقی دی ساری حیاتی اوہ بے چاری سارے وسیب توں وکھ ہو کے اچھوت بن کے جیندی سی۔ اوہدی دیکھنی نوں وی منحوس سمجھا جاندا سی۔ مسلماناں وچ بیوہ عورت نوں اگا نہہ شادی دی اجازت سی پر کچھ نو مسلمان قبیلے بیوہ دی شادی نہیں سی کردے۔

لٹ مار تے ظلم دی ینہہ اُتے اُسر یا وسیب کدی وی خوشحال نہیں ہو سکدا۔ جتھے وکھو وکھ دھڑیاں دے لوکاں دے اندر نفرت دی کوڑ تن بھری ہووے۔ بھانویں حکومت دے جبر دی ڈانگ پٹھ گچھ چر چپ نال لنگھ سکدا اے۔ اندروں دھندا دھواں کدی کدی ویلے دی ہونا نال بھانڑ وی بن ویندا اے۔ اس ویلے وی دیس پنجاب دے سورمیاں چغتہ شاہی دے حکم

نوں منن توں انکار کرتا تے پختیاں دیاں فوجاں نال ٹکرائی جویں اج وی ساندل بار وچ دُ لے بھٹی نوں لوک یاد کر کے اوہدیاں واراں گاوندے نیں۔

”میں ڈھاہ دیاں دلی دے کنگرے دیاں شکر وانگ بھور“

وسیہ وچ تبدیلی دا عمل کدی وی رک نہیں سکدا۔ ویلے دے وڈے وڈے فرعون اس تبدیلی دے عمل نوں ڈکا نہیں لا سکے۔ کیوں جے ایہہ ویلا وقت زمانہ اصل وچ تاں اللہ تعالیٰ دی ذات دا ای اک مظہر اے۔ اس واسطے ایہہ نوں روکیا نہیں جا سکدا۔ وسیہ وچ اس تبدیلی واسطے جے کوئی دھڑا سینہ تان کے اٹھ کھلے تاں اوہ دوں تبدیلی دی رفتار چوکی ترکھی ہوویندی اے تے قدرت دے نظام دیاں ساریاں طاقتاں اوہدے نال اٹھ کھلون دیاں ہن۔

سولہویں صدی دے سہ بارے نجم حسین سید لکھدے نیں۔

”سولہویں صدی توں پنجاب دی وسوں وچ اک نویں ہل جل ٹری جس بلھے شاہ دے ورہے ستارہویں صدی دے اخیر لے تے اٹھارویں صدی دے مہرباء چوکی ترکھ آں پھڑی۔ پرانی کم ونڈ تے پرانی واہ ورتن دا نویں سر دے اُتج ڈھنگ نال بھیڑودھ گیا پرانے وسیہ دی راکھی ریت دی پکڑ پولی ہوون لگ پئی۔“ (۴)

پنجاب دی دھرتی ہزاروں ورہیاں توں باہروں آوون والے دھاڑواں واسطے اک خاص کھچ رکھدی سی۔ کیوں جے اتھھے مال رزق چنگا چوکھاسی۔ مال رزق دی اس فراوانی نوں ویکھ کے اُنھے لہندے دے بھٹکھے دیساں دے دھاڑ و قبیلے جتھیاں دے جتھے بن کے ہندوستان اتے حملے کر دے سن۔ ایتھوں لٹ مار کر کے کجھ پچھاں پرت گئے تے کجھ اتھھے ای قبضہ کر کے بہہ گئے۔ ایتھوں دے بہادر سورمیاں ایہناں دھاڑواں نال متھاڈاہ کے ڈٹ کے جنگاں لڑیاں۔ ہار جت تاں اللہ دے ہتھ ہوندی اے بہر حال باہروں آوون والیاں نوں ڈکا ضرور پایا۔ اس واسطے ایہہ دھرتی ہمیشاں توں جنگاں دا میدان بنی رہی۔ ایہناں دھاڑواں دی لٹ مار بارے پنجاب دیاں پنڈاں تھاواں وچ ایہہ اکھان بولیا جانداسی۔

”کھاہدا پیتالا ہے داوا دھا احمد شاہ ہے دا“

احسان باجوہ اس بارے اپنے اک مضمون وچ لکھدے ہن۔

”پنجاب دی مٹی وچ نابری دا خمیر رلیا ہویا اے۔ اپنے توں اوکڑیاں ساہنویں ویر کھلون پنجابیاں دی پرانے سہ دی ریت اے اس دا کارن بھویں بھانڈا تے زمین دی گوڑھی سانجھ وی ہوسکدی اے تے علاقے دی رت دا اثر وی ہوسکدا اے۔ پئی پنجاب اندر لوکاں دی دانا بری ول چوکھا اُلا رہیا اے۔ اس جوہ دا خمیا کوئی بھگت سنگھ ہووے جاں دُلا بھٹی ہووے اس نوں جابر حاکم ڈھانیاں نال سنگھ اڑان وچ ای چس آوندی اے۔“ (۵)

ہندوستان وچ پختیاں دے سہ باہروں دے دھاڑواں دے حملے رک گئے سن۔ ہندوستان وچ اک چنگی ٹکڑی حکومت سی۔ اکبر باتشاہ سارے پختے باتشاہاں وچوں گھٹ پڑھیا لکھیا سی۔ پر بوہت آزاد خیال بندہ سی اس کئی واریں عیسائی پادریاں نوں سدوایا۔ اوہناں نوں کئی سال اپنے کول عزت نال رکھیا۔ اکبر باتشاہ نوں قائل کرن واسطے وڈے وڈے عالم فاضل پادری آئے۔ اکبر ہندو مذہب نوں وی چنگا نیڑیوں ہو کے ویکھیا۔ اس کئی ہندو زنانیاں نال شادیاں وی کیتیاں۔ ہندوواں دے مذہبی تہواراں وچ اکبر خود جانداسی۔ اوہ چاہنداسی سارے مذہباں دیاں چنگیاں گلاں باتاں رلا کے اک نواں سانجھا مذہب بنایا جاوے۔ جیہوں من اتے کسے وی قوم دا کوئی اعتراض نہ ہووے۔ ایس نوں مذہب دی اُساری پوری ہو گئی ایہہ ناں ”دین الہی“ رکھیا گیا۔

اکبر باتشاہ دے مرن پچھوں دین الہی۔ تاں ختم ہو گیا پر اکبر دے دور دی ایس آزاد خیالی دے اثرات شہاب الدین شاہ جہان دی حکومت تک رہے۔ اکبر باتشاہ دے اُسارے مذہب دین الہی دی مخالفت اکبر دے سہ وچ ای شروع ہو گئی سی۔ حضرت مجدد الف ثانی ایس مخالفت دی تحریک دے آگوسن۔ ویلے دے نال نال ایہہ مخالفت ودھدی گئی۔ ایہدی آڑ وچ اک واریں فیروز ہندوستان وچ عقیدہ پرستی وی دھیرے دھیرے ودھدی گئی۔ شہاب الدین شاہ جہان توں بعد جدوں اورنگ عالمگیر باتشاہ بنیا تاں اُس تختی نال پچھوں اکبر دے ویلے توں ٹری آندی آزاد خیالی نوں دبایا۔ اُس ہندوستان وچ سانجھے وسیب دے سوجھواناں تے چاہواناں اتے سختیاں کیتیاں تے اوہناں نوں ڈاھڈیاں سزاواں دتیاں۔ ایہہ دے وچ اس اپنے بھرا داراشکوہ جیہڑا اُس سہ دے اک وڈے فقیر حضرت میاں میر دمریدی نوں وی نہ بخشیا۔ نوبت ایہتوں تک پہنچی پئی دارے نوں لگ کے دلیوں نسا پیا۔

پنجاب وچ حضرت شاہ حسین مادھولال توں پچھوں حضرت سلطان باہوڈھیر مشہور ہوئے۔ ایہناں دا تعلق وی روحانی طور تے قادری سلسلے نال سی نال نال اپنے خاندانی پچھوکڑ دے حوالے نال شہاب الدین شاہ جہان باتشاہ دے سہ توں اک جاگیر دار سیاسی گھرانے نال تعلق رکھدے سن۔ اوہناں وی عام لوکاں تاں اپنی گل بات اپڑان واسطے شاعری نوں اک ذریعہ بنایا۔ اوہناں دی شاعری وی اپنے سہ دے چالو سیاسی تے سببی رہتل بہتل دے ویہار بغاوت نال بھری ہوئی اے۔ حضرت سلطان باہوڈھیر اپنے مرشد سید عبدالرحمان قادری نوں ملن دلی گئے۔ سید عبدالرحمان قادری پختیاں دے شاہی منصب داروی سن پر روحانی طور تے وڈے پنچے ہوئے بزرگ سن تے سید عبدالقادر جیلانی دی اولاد وچوں ہن۔

قاضی جاوید حضرت سلطان باہوڈھیر دے ایس دلی ول سفر بارے لکھدے نیں۔

”سید عبدالرحمان نوں ملن لئی سلطان باہوڈھیر دلی گئے۔ ایہہ اورنگ زیب عالمگیر دے ویلے دی گل اے کیوں جے سلطان باہوڈھیر دا تعلق قادری سلسلے نال سی جیہڑا داراشکوہ دے حوالے

عالمگیری تشدد و نشانہ بنیا ہو یا سی۔ اس لئی لگدا اے کہ دارالحکومت وچ سلطان باہودی
موجودگی نوں شک دی نظر نال ویکھیا گیا ہووے گا۔ ڈاکٹر لاجپتی رام کرشن نے تے
ایہوں تیک لکھیا اے کہ بادشاہ اوہناں دے بارے خبراں منگواندا رہنداسی۔ (۶)

اُتے دتے حوالے توں ایہہ گل ساہمنے آوندی اے پئی اس سہ چختے باتشاہ اورنگ زیب عالمگیر وسیب وچ جبر دماحول
بنادتا ہو یا سی۔ اک پاسے دلی تے تخت اُتے قبضہ کرن پچھوں اپنے سکے بیونوں قید وچ پادتا۔ اپنے سیاسی مخالفان نوں اک اک کر
کے وکھو وکھ حیلے بہانیاں نال مکا دتا تے دوجے پاسے فقیراں درویشاں اُتے سختیاں وی کیتیاں ایہدے نال عقیدہ پرستی نوں
وسیب وچ ودھن واسطے سازگار ماحول مل گیا۔ ایہدے نتیجے وچ آہستہ آہستہ ہندوواں تے مسلماناں وچ دھ و دھدی گئی۔ اس
اتے ہندو تے مسلمان عقیدہ پرستاں چنگا اپنے اپنے پاسیوں زور لایا۔ ایہدے نال وسیب وچ نویں نویں پواڑے پئے گئے۔
جیہناں ہندوستان دے وسیب نوں اندرواندری کھوکھلا کردتا۔ نال نال پختیاں دی حکومت وی اورنگ زیب عالمگیر پچھوں کمزور ہو
گئی۔ آزاد خیالی تے عقیدہ پرستی دے وچکاراں بھیر تے اکاڑ پچھاڑ دا ویروا کر دیاں ہو یاں قاضی جاوید لکھدے نیں۔

”سولہویں تے ستارہویں صدی وچ مسلم ہندوستان دے مرکزی علاقیاں وچ آزاد خیالی
تے عقیدہ پرستی دے وچالے جیہڑی کھچ دھروہ ٹردی پئی سی اوہنے اوڑک سخراں چھوہ لئیاں۔
اکبر بادشاہ مگروں عقیدہ پرست قوتاں دا پلہ بھاری ہو رہیاسی اوڑک اوہنے اورنگ زیب
عالمگیر دی صورت وچ زبردست معرکے دے بعد آزاد خیال قوتاں تے جت پالئی۔“ (۷)

ہر باتشاہ اپنی حکومت چلان واسطے اپنے ذہن دے مطابق اپنی اک وکھری پالیسی بنانداسی۔ تاں جے عام طور تے
وسیب وچ اوہدے مخالفان دی کوئی واہ نہ چلے تے اوہدی پکڑ لوکاں اتے پکی پیڈی رہووے۔ کجھ باتشاہاں مذہب نوں ڈھال بنا
کے ورتیا اے تے دوجیاں آزاد خیالی یاں لادینی پالیسی چلائی۔ ہندوستان دے مسلمان حکمران ترکیبی رویے نوں اپنے لئی خطرہ
سمجھدے سن۔ لودھیاں دے سہ بھگت کبیر تے نانک نوں قید و بند دیاں مصیبتاں جھلنیاں پئیاں تے کجھ ہو رہو سوجھواناں
نوں جان توں ہتھ دھونے پئے۔

پختیاں دے مڈھلے سہ وچ عوامی طاقتاں دا پلہ بھاری بن چکیاسی۔ اس دا اگھڑواں نظارا اکبر باتشاہ دے سہ لکھدا
اے اکبر دا دور مسلم ہندوستان وچ ترکیبی ثقافت دے ودھرے دا زمانہ سی۔ جدوں پرانے خیالاں نوں ہار ہوئی تے انسان دوست
قدراں دی فتح ہوئی۔ پراورنگ زیب دے دور تے آکے فیراک واریں عقیدہ پرست قوتاں آزاد خیالی نوں ہرادتا۔
پختیاں دی حکومت وچ پہلی واریں ہندوستان دے وڈے ڈھیر سارے حصیاں تے کجھ افغانستان دے علاقے اتے
اک مرکزی حکومت سی۔ اس سہ وچ باہروں دے ہلے وی رُک گئے سن۔ پختے باتشاہ اپنے سہ دے مطلق العنان ہوندے سن۔

اونہاں وچوں اکبر تے اورنگ زیب عالمگیر پنجاہ پنجاہ سال حکومت کیتی اکبر باتشاہ نوں دنیا دے وڈے باتشاہواں وچ شمار کیتا جاندا اے تے مغل اعظم دے لقب نال وی یاد کیتا جاندا اے۔ اکبر ان پڑھ ہوون دے باوجود ہندوستان وچ ساجھے وسیب دی اُساری واسطے ڈھیر ساری کوششاں کیتیاں۔ کنیں پاڑوی ویلے۔ ایہہ وکھری گل اے اپنے اس پروگرام وچ اوہ کامیاب نہ ہو سکیا پر اوہدے ایہنا کماں پاروں اوہدے پچھوں وی اوہدے پتر جہانگیر تے پوترے شاہ جہان دے سے ہندو چغتیاں دی حکومت نال جڑے رہے۔

سید علی بلگرامی اکبر دی ایہناں پالیسیاں دا ویروا کردیاں لکھدے نیں۔

”اس پادشاہ نے جو تاریخ عالم کے پادشاہوں میں ایک بہت بڑا فرمانروا گزرا ہے ہندوؤں اور مسلمانوں کو ایک نظر سے دیکھا..... ان دنوں اقوام کی طرز

تعمیر کو ترکیب دینے میں اسے پوری کامیابی حاصل ہوئی“۔ (۸)

سیاسی کچھ دے حوالے نال دیکھیے تاں پتہ چلدا اے۔ چغتے باتشاہ اپنے فیصلے بالکل مطلق العنانی نال کردے سن۔ جس بندے نوں چاہن جاگیراں دے دین مال و زر اوہدے اُتے نچھاو کر دین تے جس ویلے چاہن اُس توں جاگیر سمیت ہر شے واپس لے لین تے قید وچ پا دین۔ چغتے باتشاہاں نوں وڈیاں وڈیاں عمارتاں بنوان دا وڈا شوق سی۔ اوہناں دے سے دیاں بنیاں ہویاں عمارتاں اج وی اک وکھری سچ دھج نال روزانہ کھان لوکاں دی توجہ دامرکز ہن۔ شہاب الدین شاہ جہان آگرے وچ اپنی بیماری بیوی ممتاز محل دی یاد وچ تاج محل بنوایا جیہڑا اج وی صدیاں لگنھن توں بعد وی دنیا دی وڈیاں عمارتاں وچ شمار ہوندا اے پر اسے تاج محل نوں دو بے پکھوں دیکھیے تاں پتہ چلدا اے پئی کتنے سال پورے ملک دی آمدن تاج محل اتے خرچ ہوندی رہی تے ہزاراں کاریگر تے مزدور سالاں دے حساب نال اس کم اتے لگے رہے۔ ایہدے نال نال چغتے باتشاہ سیکٹروں عورتاں نوں اپنے حرم وچ رکھدے سن۔ مال و زر تے سوئی عورتاں واسطے جنگاں ہوندیاں سن۔ ایہہ باتشاہ زمین اُتے اپنے آپ نوں حکومت چلان وچ اللہ تعالیٰ دا خلیفہ آکھدے سن۔ سارے کماں دے اختیارات اپنے کول رکھدے سن اُنج وزیر تے مشیر ڈھیر سارے ہوندے سن پر اوہ صرف مشورہ دے سکدے سن۔ فیصلے دا آخری اختیار بادشاہ کول ہوندا سی۔ کئی واریں وزیراں نوں باتشاہ ہوراں دے مزاج دے خلاف مشورہ دین پاروں قیدیاں کٹنیاں پوندیاں سن۔

چغتیاں دے حکومت کرن دے طور طریقیاں بارے سید علی بلگرامی لکھدیہ نیں۔

”مغلیہ پادشاہوں کے اختیارات غیر محدود تھے اور ان کو وہ اس زرخیز ملک کی دولت کو اپنی طرف کھینچنے میں استعمال کرتے تھے۔..... کل ملکی، فوجی اور مذہبی اختیارات پادشاہ کے ہاتھ میں تھے۔ وہی ظل اللہ علی الارض اور خلیفۃ اللہ اور حاکم

مطلق ہوا کرتا تھا۔ (۹)

اس سے دے باتشاہ، امیر وزیر تے سپہ سالار وڈے وڈے محلاں تے پکیاں حویلیاں وچ دن عید تے راتاں نوں شبراتاں بنان اُتے اک اک رات وچ ہزاراں تے لکھاں روپے عیاشی تے ناچ گانے اتے اڈا چھڈ دے سن۔ اوہناں نوں اس روپے پیسے دا کوئی احساس نہیں سی ہوندا۔ ایہو پیسا کارِ بیکارِ محنتی تے کامے کیوں خون پسینے اک کر کے اپنے ہڈاں نوں پیہہ کے تھوڑا تھوڑا کر کے کماندے نیں تے اوہناں کامیاں تے محنتیاں دی حیاتی کیوں پئی لنگھدی اے۔ اوہ تاں دوویلے دی روٹی توں وی اوکھے نیں تے لکھاں کانیاں دیاں گلیاں وچ حیاتی دے ڈنگ پئے پورے کر دیں ہن اوہناں دی حیاتی وچ خوشی ناں دی کوئی شے نہیں سی۔ وسیب دی ایہہ اوہ وڈا اے جیہڑی صدیاں تو اک مذہبی ریت وانگوں ٹری آوندی سی۔ جس نوں ہر سے وچ لب پونج حاکم دھڑے دے وظیفہ خوار مذہبی عالم فاضل تے پیر لوک اپنی روٹی واسطے پکیر کر دے آئے۔ ہر سے کدائیں کدائیں ظلم تے لٹ مار دی کھینڈ نوں کسے لکاریا اے تاں اوہ صرف اور صرف اللہ تعالیٰ دے دوست صوفی فقیر سن جو پنجاب وچ پختیاں دے سہ لاہور وچ مست الست فقیر اپنے ویلے دے فرعونان تے قارونان نوں اک ملنگ لکھنمار دیاں ہویاں آکھیاں۔

”لکھ کروڑ جیہناں دے بڑیا سو بھی جھوری جھوری

بھٹھ پئی تیر چٹی چادر چنگی فقیراں دی بھوری“ (۱۰)

حضرت شاہ حسینؒ مادھولال توں کچھ پنجاب دے ضلع جھنگ دے شہر کوٹ شہر وچوں حضرت سلطان باہو ہوراں وی اپنے سے دے اوہناں عالماں تے پیراں دی ننڈیاں کر دیاں ہویاں آواز اٹھائی۔ جیہناں اپنے پیٹ پوجا پروگرام واسطے اللہ تعالیٰ دے سچے دین اسلام نوں وی دیکھنا شروع کر دتاسی۔ جتھے چنگا چوکھا مال دولت لہند او تھے وڈے وڈے مسلے چھوہندے سن تے وڈے وڈے پڑنھدے سن۔ حضرت سلطان باہو اوہناں دی ٹھگی دا پڑ دا پاڑ کے دسیا اے۔

”حافظ پڑھ پڑھ کرن تکبر ملاں کرن وڈیائی ہو

ساون ماہ دے بدلاں وانگوں پھرن کتاباں چائی ہو

جتھے پکھن چنگا چوکھا پڑھن کلام سوائی ہو

دوہیں جہانیں مٹھے جھان کھادی ویتج کمائی ہو“ (۱۱)

حضرت سلطان باہو دے سے وچ تے اس توں پہلاں دے چھتے باتشاہاں تے اوہناں وزیراں مشیراں دی حیاتی دے صبح شام عام بندے دے صبح شام نالوں اکای وکھرے سن محلاں تے اُچیاں وڈیاں حویلیاں اندر کتنے نوکر چاکر ہوندے سن۔ اوہناں وڈیریاں دیاں راتاں نوں شبراتاں بناون واسطے مال دولت پانی وانگوں لڑھایا جاندا آہا۔ ایہناں وڈیریاں دے ہر بچے بچی اگے کئی کئی نوکر چاکر ہوندے سن۔ ایہناں امیراں وزیراں تے باتشاہاں دے حرماں وچ وڈی تعداد وچ عورتاں

ہوندیاں سن فیروی کدائیں کسے جاہ تے کوئی سوتنی زنانی نظر آ جاوے ہاتاں او تھے ای اوہنوں مال زرتے حکومتی ٹل نال حاصل کر لیندے سن۔ اس پاروں عام طور تے دعوتیں محفلاں اندر عورتاں ڈردے ماریاں سہمیاں رہندیاں سن۔ ایہدے نال نال کجھ امیر وزیر لوک اپنی نو جوان خوبصورت دھیاں نوں شاہی محل اندر اپڑان واسطے کئی کئی پاڑوی ویلدے سن۔ اس دوڑ وچ ایہہ مال زرتے عہدیاں دے لو بھی لوک اک دو جے توں اگے ودھن واسطے شاہی محل دے خواجہ سراں نوں وی وڈی وڈی رشوتاں دیندے سن۔ کیوں جے کدھرے اوہناں دی دھی بادشاہ دی نظر تھلے آ گئی تے اوہنوں دلوں چنگی لگ گئی تاں بس فیر اس گڑی دے پیوتے پورے خاندان دے وارے نیارے ہو جاندے سن۔ شاہی محلاں اندر ایس کو بھی کھیڈ اتوں پڑا چکدیاں ہویاں سید علی بگرامی لکھدے نیں۔

”پادشاہی محل سراؤں میں عورتوں کی تعداد غیر محدود تھی۔ کیونکہ یہ سلاطین اس خاص مسئلہ میں نیز اور بہت سے مسائل میں شرح محمدی کے پابند نہ تھے۔ صرف شاہ جہان کے حرم میں دو ہزار بیبیاں تھیں۔ لیکن ایسا معلوم ہوتا ہے کہ وہ اس تعداد کو ناکافی سمجھتے تھے اور ہمیشہ اپنے امراء کی بیبیوں میں خوبصورت عورتوں کے جو یا رہتے تھے۔ اس کی وجہ سے امراء میں سخت بدلی رہتی تھی۔“ (۱۲)

چغتیاں عوام اُتے ڈھیر سارے ٹیکس لاچھڈے سن۔ زمینداراں دیاں کچیاں کھڑیاں فصلاں اتے وی پنڈاں تھواں وچ ٹیکس حکومتی ڈانگ نال وصول کیتا جاندا سی۔ ایہناں جبری اگرائیاں پاروں حاکم دھڑے تے عام لوکاں دے وچکار پاڑ ویلے دے نال نال ودھدا گیا کیوں جے عام لوک جس ویلے باتشاہاں تے امیراں وزیراں دے مال زردے خزانے تے وڈیاں وڈیاں عمارتاں ویکھدے سن۔ اوہناں دے عیاشی دے قصے سُندے سن تاں ایہدے توں عام لوکاں دے دلاں وچ حاکم دھڑے واسطے نفرت ودھدی سی۔ حاکم دھڑے دیاں لوڑاں دی اپنے عیاش پُنے پاروں ویلے دے نال نال ودھدیاں جارہیاں سن۔ اوہناں دی ایہہ خواہش ہوندی سی ایہناں دے شاہی محلاں وچ نوکر چاکراں دی اک فوج ہووے۔ عیاشی تے لُٹاؤن واسطے مال زردے خزانے ہوون۔ وڈے وڈے حرم ہوون تے اوہناں اتے زر جواہر لٹاکے سخاوت وچ اپنا اُچا ناواں بنا کے خوشامدیاں دے مُنہ وچوں اپنیاں تعریفیں سُنن دا چاہ ہوندا سی۔ محمد اشرف کنور شاہی محلاں دی اس کہانی دا ویروا کردیاں ہویاں لکھدے نیں۔

”ایران کے ساسانی شہنشاہوں کی طرح سلاطینِ دہلی کا بھی منتہائے نظر یہ تھا کہ وہ رفیع الشان عمارات اور محلات تعمیر کروائیں، پر شکوہ دربار منعقد کریں اور ایک عالم کو اپنے سامنے دیکھ کر لطف اندوز ہوں۔ وافر خزانے جمع کر لیں اور اپنی پسند کے لوگوں کو دولت بخشنے کے لیے دولت کے جملہ مال ذرائع اپنے قبضہ میں کر لیں۔“ (۱۳)

ایہناں شاہی محلاں توں باہر باتشاہاں دے درباری امیر، وزیر، صوبیدار تے فوجاں دے سپہ سالار وی باتشاہاں دی ویکھا ویکھی اپنے واسطے وڈے وڈے محل یاں وڈیاں قلعیاں وانگوں حویلیاں بنواندے سن۔ ایہناں حویلیاں وچ بیگماں، بچیاں، شاہی محافظاں، نوکراں تے نوکرانیاں واسطے وکھرے وکھرے کمرے ہوندے سن۔ ایہناں توں وکھ اعلیٰ نسل دے گھوڑیاں دے اصطل وی بنوائے جاندے سن۔ اس سبھ کچھ نوں چلان واسطے ڈھیر سارا مال زرچاہیداسی۔ اس واسطے زمیناں تے فصلاں نکلیاں وڈیاں شیواں بنان والیاں اتے ٹیکس لاد تے جاندے سن۔

جدوں باتشاہ، وزیریاں کوئی صوبیدار کسے شہر وچ پہلی واریں جانداسی تاں او تھے وی شاہانہ ٹھاٹھ باٹھ، امیراں تے نچن گاؤں والیاں عورتاں، ڈوماں، بہر وپیاں اُتے مال زردی بارش کردتی جاندی سی تاں جے لوک ایہناں باتشاہاں یا صوبیداراں دے ظلماں نوں بھل جان تے ایہناں دی سخاوت دے گیت گاندے رہن۔

شاہی محلاں یاں وزیریاں دیاں حویلیاں وچ جدوں کوئی شادی دا موقع ہونداسی تاں کنیں کنیں مہینے پہلے توں ای پورے شہر نوں سجایا جانداسی۔ وڈے وڈے ہاتھیاں اُتے وی رنگ برنگیاں جھولدریاں تے زرق برق اماریاں نال سجائے جاندے سن۔ گھوڑے تے اوہناں دے اسواراں واسطے قیمتی ساز سامان اکٹھے کیتے جاندے سن۔ نچن گاؤں والیاں دے طائفے ہر ویلے موجود رہندے سن۔ نچن گاؤں والیاں وچ سبھ توں وڈی تعداد سوہنیاں زنانیاں دی ہوندی سی۔ شادی یاں تخت نشینی دے موقعے اُتے دلہن یاں باتشاہ نوں سونے وچ تولن داوی رواج سی کنیں امیراں وزیراں تے ہندو شاہوکاراں کول مناں دے حساب نال سونا چاندی سی۔ مرن پچھوں وی ایہناں اُتے مال زر بارش دی طرحاں وسایا جانداسی۔ باتشاہاں، بیگماں، امیراں دے وڈے وڈے عالیشان مقبرے بنائے جاندے سن۔ اس سبھ وچ مقبریاں اُتے لکھاں کروڑاں روپے لاد تے جاندے سن۔ ایہناں مقبریاں دے نال ایصالِ ثواب واسطے خیرات خانے تے لنگر خانے وی کھولے جاندے سن۔ قرآن دے قاری قرآن پڑھ کے ثواب پہچان واسطے رکھے جاندے سن۔ ایہناں سارے خرچیاں واسطے مقبریاں دے نانویں چوکی آمدن والیاں جاگیراں وقف کردتیاں جاندیاں سن۔ سال پچھوں مرن والے دیہاڑے اُتے تاں کنیں کنیں دن میلے لگدے سن۔

پختے باتشاہ سیاست دے نویں ہتھکنڈیاں، حیلے بہانیاں، سازشاں تے جنگاں کر کے اپنی حکومت دیاں باہروں حداں نوں اگانہہ اگانہہ ودھاندے رہے انج کر کے ہندوستان وچ پہلی واریں اک جنگی ٹکڑی حکومت بن گئی۔ ۱۵۶۷ء وچ اکبر باتشاہ چتوڑ گڑھ تے رتھو ردے قلعیاں اتے قبضہ کر کے اپنے راج دیاں حداں کالجڑ، مارواڑ، بیکانیر تے گجرات تک ودھالیاں سن۔ پورب ول بنگال تے بہار دے علاقیاں اتے وی قبضہ کر لیا، سبھ سبھ کشمیر، افغانستان، بلوچستان تے سندھ تک اپنی راجدھانی ودھالئی سی۔ ایہو حال دھن داوی سی۔ ویلے گزرن دے نال نال پختہ سلطنت مضبوط ہوندی گئی۔ ایہدے نال ہندوستان دے اتنے وڈے علاقیاں اُتے اک حکومت برصغیر وچ اک سیاسی ایکتا دی غیہہ رکھی تے باہر دے دھاڑواں دے ہلے روک لئے

گئے۔ وکھو وکھ علاقیاں دے لوکاں دا آپس وچ میل ملاقاتاں ودھدیاں، ایہدے پاروں وسیب دی رھتل بہتل، رسم رواجاں تے علاقائی زبانان دے آپس وچ میل نال ہندوستانی وسیب وچ تبدیلی دے نویں ڈانڈے ابھرے۔ ایہتھوں تہذیب ثقافت نوں اگے ودھن وچ مدد مل گئی۔ پختہ شاہی دے سیاسی نظام تے حالات بارے ابن حسن لکھدے نیں۔

”سلطنت دہلی کے ایک آزاد اور خود مختار طاقت کی شکل میں ابھرنے سے شمالی ہندوستان کی سیاسی دنیا میں ایک نئے عنصر کا اضافہ ہوا جس نے وہاں کی سیاست کا رخ بدل دیا۔ غیر ملکی فوج اور اپنے غیر ملکی طبقہ امراء کے ساتھ اس نئی سلطنت کو مخصوص قسم کی مشکلات کا سامنا کرنا پڑا لیکن مذہب، نسل، تہذیب و تمدن اور زبان کے پیدا کردہ تمام اختلافات کے باوجود نئے حکمرانوں نے ہندوستان کو وحدت اور امن بخشا۔“۔ (۱۴)

حضرت سلطان باہو دے سے چغتیاں دی حکومت نے عوام اُتے ڈھیر سارے ٹیکس لائے ہوئے سن جینہاں پاروں زمیندار، محنتی کامے تے عام کاریگر ایہناں ٹیکساں دے بھارتلے دے ہوئے سن ایہہ محنتی لوک اپنے بیوی بچیاں نوں نال لاہ کے زمیناں اتے اپناں خون پسینہ اک کر کے فصلاں اگاندے سن۔ شہراں وچوں چھوٹے موٹے کاریگراں ہنر پیشہ لوک اپنے رچھاں نال وکھو وکھ چیزاں بناندے سن۔ حاکم دھڑے دے اہلکار، منصبدار، مقدم تے دیوان لوکاں کولوں جبری ٹیکس اُگرا ندے سن تے ایہناں محنتیاں کامیاں کول مسال او نا ای رہ جاندا سی۔ جیہدے نال اوہ اپنا تے اپنے خاندان داروٹی پانی پورا کر دے سن۔ ایہدے نال نال حاکم دھڑا حکومتی ڈانگ دے دا بے نال محنتیاں کامیاں کولوا پنیاں لوڑاں توں ودھ مال، رزق غلہ پیدا کرن اتے مجبور کردتاں جے مال دولت نال حاکماں دیاں تجوریاں بھر دے رہن۔ حاکم دھڑا ایہہ مال دولت اپنا راج پکیرا کرن واسطے تے نال نال عیاشی اتے خرچ کردا سی۔ جے اس ساری کھیڈ دا ٹھیک طرحاں متارا کرے تاں ایہہ گل نتر کے سائے آندی اے پئی اوہ ساری وادھو محنت غریب عوام دے گل دا پھاہ بن ویندی سی حاکم دھڑا ہر ویلے اس کوشش وچ لگا رہندا سی پئی محنتیاں کولوں ودھ توں ودھ محنت اُچھ کرائی جائے تاں جے ایہدے توں ودھ توں ودھ اگرا ہی ہووے۔

لٹ مار تے ظلم دی ایس کھیڈ وچ حاکم دھڑا عام لوکاں دے دلاں وچ اپنے راج دیاں نیہاں پکیاں کرن واسطے تے ذہنی بھلکھے پاؤں واسطے اپنے ویلے دے مذہبی آگواں نوں وی اپنے نال ملا کے رکھدا سی تاں جے اوہدے ہر ظلم تے لٹ مار اتے عام مخلوق چپ رہو وے تے اپنے نال ہوون والے ظلم نوں خدادی کرنی تے اپنی قسمت مقدر سمجھے۔ ایس کو بچھے کم واسطے حاکم دھڑے نوں وسیب وچوں لب پوج مفاد پرست مذہبی آگو ہر مذہب وچوں لہجہ جان دے سن۔ کچھلی تارنخ پڑھ کے ویکھیے تاں پتہ چلدا اے پئی ہر سسے وچ ویلے دافرعون تے قارون مذہبی آگوں ہاماں نوں لٹ مار دے مال وچوں حصہ دے کے نال رکھدا سی۔

حضرت سلطان باہو ہوراں اپنی شاعری وچ ایہنا لب پوچ عالماں دی رنج کے ننڈیا کیتی اے ایہہ مفاد پرست مذہبی آگو حاکماں دے راج نوں پکیرا کرن وچ اوہ کم کر دیندا آہا جیہڑا کم حاکماں دی تلوار وی نہیں کر سسکدی سی اک پاسے تاں ایہہ مذہبی آگو مذہب وچوں الٹی الٹی تعبیراں کر کے عام لوکاں نوں ذہن بھلکھے پاندے سن تے دوجے پاسے ویلے دے حاکماں نوں رب دا اتار دس کے عام لوکاں نوں ایٹھوں تک ذہنی طور تے تیار کر دے سن کہ عام لوکاں دا ذہن حاکماں دی لٹ مارتے ظلم دے دھروول نہ جاوے۔ سگوں حاکم ٹولے نوں پوجن وی سی۔ سویرے سویرے جھروکے وچوں بادشاہ دادرشن لینا لوک اپنے واسطے خوش قسمتی تے نیک فال سمجھن۔ انج کر کے حاکم ٹولے دا ہر ظلم زیادتی تے لٹ مار تقدس تے ہونی دے موٹے موٹے سوہنے پڑ دیاں تھلے دب جاندا سی۔

نجم حسین سید اس سے دے ظلم تے لٹ ماردی کھیڑ دا ویرا کر دیاں ہو یاں لکھدے نیں۔
 ”چغتیاں دے ویلے دے وسیب دا موٹا نقشہ ایہہ ہے جو ان اگا وں پار تے وست گھرن پار
 لوکی اپنی ہڈ کماں وچوں مساں ساہ دی ڈوری ٹورن جوگا ای اپنے کول رکھدے ہن۔ وادھو
 ان وست پنڈان دے چودھری شاہی منصبدار صوبیدار باتشاہ اپنی پتی سرونڈ لیندے
 سن۔“ (۱۵)

چغتیاں دی حکومت وچ تحت نشینی دا کوئی قانون اصول نہیں سی۔ جدوں اک باتشاہ فوت ہو جاندا سی تاں اوہدے پتراں وچکار تخت واسطے جنگاں ہوندیاں سن جیہڑا شہزادہ جنگ جت جاندا سی اوہ تخت اتے بیٹھدا سی۔ جدوں شاہ جہاں ۱۶ ستمبر ۱۶۵۷ء وچ چوکھا ڈاھڈا بیمار ہو گیا تے بچن دیاں امیدیں گھٹ ہو گئیاں تاں اس اپنے وڈے پتر دارا شکوہ نوں تخت سوئپ دتا۔ دارا درویش تے فقیراں دامن والا سی تے اوہدے وچ سیاسی سوجھ بوجھ گھٹ سی۔ اس ویلے دلی توں باہر دور علاقیاں وچ بادشاہ دی موت دی خبر پہنچ چکی سی دارے اپنے ناں نال حکم جاری کرنے شروع کردتے۔ شاہ جہاں دے چار بیٹے سن۔ دارا شکوہ سب توں وڈا بیٹا سی اوہدے توں چھوٹا شاہ شجاع تے ایہدے توں چھوٹا اورنگ زیب سی چوتھا سب توں چھوٹا بیٹا شہزادہ مراد سی۔ شاہ جہان دے ایہہ چارے پتر ممتاز محل وچوں سن پر ایہناں وچکار وی اپنے باپ شاہ جہان توں بعد تخت واسطے جھگڑا ہے سی۔ ایہہ چارے پتر وکھو وکھو صوبیاں دے گورنروں سن۔ دارا پنجاب وچ، شاہ شجاع بنگال، مراد گجرات وچ تے اورنگ زیب دکن وچ گورنری۔

شاہی جہان دی بیماری دی خبر سن کے سارے شہزادیاں اپنی اپنی تھاں تخت لین واسطے تیاریاں شروع کر دتیاں سن۔ بادشاہ دی وصیت اتے وڈے شہزادے دارے تخت سنبھال لیا تے کجھ اجیہے کم شروع کردتے پئی باقی شہزادے دی ہتھیار ہو گئے۔ شاہ شجاع بنگال وچ تے مراد گجرات وچ اپنی اپنی باتشاہی دا اعلان کردتا۔

اورنگ زیب مرادنوں اپنے نال ملا لیا تے دونوں اپنیاں فوجاں لے کے دھرمت دے میدان وچ آ گئے۔ دارے جسونت سنگھ نوں ڈھیر ساری فوج دے تے مقابلے واسطے گھلیا۔ دونہاں فوجاں وچکاراک وڈی جنگ ہوئی۔ دارے دیاں فوجاں نوں ہار ہو گئی۔ اس توں بعد اورنگ زیب دیاں فوجاں اگے ودھ کے ساموگر ٹھہرے پڑ وچ ڈیرہ لادتا۔ اتھے فیر دارے اپنی پنجہ ہزار فوج آندی۔ دارے آپ وی جنگ وچ شرکت کیتی۔ اک وڈے ہاتھی تے سواری۔ ایہہ جنگ وی دارا ہار گیا تے آگرے ول نس اٹھیا اس جنگ وچ دونہاں پاسیوں ہزاراں فوجی مر گئے زمین خون نال لال ہو گئی۔ اورنگ زیب دے ہتھ ڈھیر سارے ہاتھی تے باقی دامال اسباب لگا اوہ ہر شے سمیٹ تے آگرے ول ٹر پیا۔ آگرے دے باہر باغ نور وچ ڈیرہ لایا تے باتشاہ شاہ جہان کولوں معافی منگن واسطے خط لکھیا۔ شاہ جہان جواب وچ مشہور تلوار عالمگیر دے گھلی تے نال ملن واسطے سد گھلیا۔ پر اورنگ زیب بدگمانی پاروں نہ گیا۔ سگوں اپنے پتر شہزادہ محمد نوں قلعے نوں گھیر پاؤن واسطے گھل دتا۔ ایہدے توں بعد اورنگ زیب قلعے نوں اپنے قبضے وچ لین پچھوں اپنے پیو شہاب الدین شاہ جہان نوں نظر بند کردتا ۱۶۶۱ء وچ مرادنوں علی نقی دے قتل دے مقدمے وچ موت دی سزا دے دتی گئی۔ دارا دلی توں نس کے گجرات وچ پناہ لین اتے مجبور ہو گیا پر اُتھوں وی اوہنوں اورنگ زیب دے فوجیاں قید کر کے دلی آندا تے بعد وچ ذلیل خوار کر کے قتل کروادتا۔

اے شاہ جہاں دا چوتھا پتر شاہ شجاع بنگال وچ گورنری تے اس اپنے پیو شاہ جہاں دی موت دی خبر سن کے اپنی باتشاہی دا اعلان کردتا سی۔ اورنگ زیب ہر پاسیوں ویہلیاں ہو کے شاہ شجاع ول توجہ دتی۔ شاہ شجاع نوں خط لکھ تے صلح واسطے سد گھلیا پر شاہ شجاع مراد دا انجام ویکھ چکیا سی۔ اس واسطے اس ڈھیر ساری فوج اکٹھی کر کے اورنگ زیب نال جنگ کیتی۔ جس نوں کچھورہ دی لڑائی وی آکھدے نیں۔ اس جنگ وچ ڈھیر ساری تباہی پچھوں شاہ شجاع جنگ ہر کے بنگال دے علاقیاں ول نس گیا۔ بنگال وچوں اراکان چلا گیا۔ جتھے اورنگ زیب دے فوجیاں اوہنوں قتل کردتا۔ اورنگ زیب پورے اٹھ سال اپنے سکے پیو شہنشاہ ہند شہاب الدین محمد شاہ جہان نوں اپنی قید وچ نظر بند رکھیا۔ پہلے سال وچ تباہی پھرہ ڈھیر سخت کردتا سی تاں جے کوئی سازش نہ ہووے شاہ جہان کول صرف اوہدی پیاری لاڈلی دھی جہاں آرا بیگم قید وچ نال سی جیہڑی شاہ جہان دی دلجوئی کردی رہندی سی۔ اپنے تریں پتراں دے اورنگ زیب دے ہتھوں قتل پاروں شاہ جہان اندروں مک گیا سی۔ اخیر ۷۴ سال دی عمر وچ ۱۶۶۶ء وچ نظر بندی دی حالت وچ فوت ہو گیا۔

صفر حیات صفر چغتیاں دیاں تخت واسطے جنگاں دا ویروا کر دیاں ہو یاں لکھیا اے۔

”مغلوں میں جانشینی پر جھگڑے ہوتے ہی تھے۔ جہانگیر اور شاہ جہاں دونوں کو اور بعد میں اورنگ زیب عالمگیر کو اپنے تخت کے لیے اپنے وقت پر اپنے مخالفین سے جنگ کرنا پڑی تھی اگرچہ شاہ جہاں کے چاروں بیٹے ایک ہی ماں ممتاز محل سے تھے مگر ان میں بھی تخت

کے لیے جھگڑا موجود تھا۔ (۱۶)

حضرت سلطان باہو دے سے دے ایہہ سیاسی حالات سن جینہاں وچ راج گدیاں لئی پتر اپنے پیونوں مار کے تے اوہدی رت دا نکالا کے تخت اُتے بیٹھداسی۔ اس سے ہر پاسے طاقت زور نال دی کم چلدے سن۔ زور نال کیتے دھرونوں کوئی دھرو آکھن نوں تیار نہیں سی۔ ہوندا سگوں لوک ڈاھڈے نوں پوچدے سن۔ جدوں اورنگ زیب اپنے ترائے سکے بھراواں نوں قتل کروا کے تخت تک اپرن واسطے ہزاراں لکھاں لاشاں دے اتوں لنگھ کے آیا اپنے سکے باتشاہ شہاب الدین محمد شاہ جہاں نوں اٹھ سال نظر بند رکھیا۔ دل آئیاں سختیاں وی کیتیاں پر جدوں اوہ ای اورنگ زیب محی الدین تے عالمگیر دے لقب نال ہندوستان دے تخت اتے بیٹھا تاں اس ویلے دے وڈے وڈے جرنیل سیاسی تے مذہبی سوجھواناں ای اورنگ زیب عالمگیر نوں سجدے کر کے تاں مبارکاں دتیاں۔ ایہو جیہی رہتل بہتل جیہدے وچ عدل انصاف ناں دی کوئی شے نہ ہووے۔ سگوں زور تے طاقت نوں ای سب توں وڈا اصول منیا جا رہیا ہووے تاں او تھے کون غریباں مسکیناں دیاں کوکاں فریاداں سن داہے۔ جیہڑا بندہ مال زر ولوں کچھ لسا رہا جوے ہر کوئی اوہدے نال ٹھگی واسطے ہر ویلے تیار ہو جاندا اے۔ اس طرح ایہہ ظلم فساد تے لٹ مار داسمہ اے جیہنوں لب پوچ سوجھوان بھانویں جو کچھ آکھدے رہن۔

اک پاسے تاں غریب عوام دی ایہہ حالت سی پئی اوہ کچیاں کوٹھیاں یاں کانیاں لکھاں دیاں چھنا کلیاں وچ حیاتی دے ڈنگ پئے پورے کر دے سن۔ ۱۶۳۰ء دے کال وچ ہزاراں جاناں بھکھ پاروں تڑپ تے مر گئیاں ایہدے نال کسی مہلک وباواں کتنے ہزاراں لوکاں نوں نگل چھوڑیا جیہدے کوئی لکھیا حساب کتاب دی نہیں۔ اس غریب مخلوق نال حاکم دھڑے داصر ف اور صرف ایہناں دی محنت لٹن دا تعلق سی ایہناں دے دکھاں دی کسے نوں کوئی پرواہ نہیں سی۔

عام آبادی وستی دے بن یاں اُجڑن اتے بس اک دن لگداسی۔ وستی دے لوک اپنی روزی اپنے مال ڈنگر دے گھاہ پانی واسطے جدوں اک تھاں توں ٹردے سن تاں دو جھے دن اس تھاں اُتے آبادی دا ایڈا وڈا کوئی نشان نہیں سی رہ جاندا۔ نویں تھاں اُتے جدوں ڈیرا لاونا ہوندا سی تاں اوہ ای بس اک دن وچ پوری وستی آباد ہو جاندی سی۔ کیوں جے غریب لوک عام طور تے رُکھاں دے لڑے جوڑے اُتے وی رُکھاں دے ڈھنگر پتر یا گھاہ جوڑے کے اک دن وچ چھپر بنالیندے سن۔ بعد وچ اوہدے آسے پاسے کچی مٹی گنھ کے کدھاں اُسا رلیندے سن۔ عام طور تے ایہناں وستیاں نوں کسے وڈے امیر جاگیردار یاں فیر دریاواں دے نیڑے آباد کیتا جاندا تاں جے امیر بندے دے گوانڈھ وچ باہروں دی لٹ مارتوں بچے رہن۔ پرانے ہندو وسیب وچ نکلے نکلے کم کرتے صفائی کرن والے غریب لوکاں دیاں وستیاں وی شہراں توں باہر بنائیاں جاندیاں سن۔

ایہناں غریب لوکاں دارہن سہن سادہ ہوندا سی۔ گھر دے مردزیناں اُتے کم کردے سن یاں فیر اپنے ڈھور ڈنگر جنگل وچ چراندے سن۔ گھر دیاں زنانیاں گھرتے نکلیاں بچیاں نوں سنبھال دیاں سن تے ایہدے نال نال وایہی بیچی وچ اپنے مرداں

دی روٹی لے جانے والی سن تے مرداں نال زمیناں اتے کم کاروچ ہتھ وٹا دیاں سن۔ کمیاں دیاں زنانیاں اپنے گھراں دے نال نال وستی دے تکرے امیراں دے گھراں داکم کالج کردیاں سن۔ شادی دے مسئلے وچ ایہہ نیویں طبقے وچ صرف اک شادی اتے ای گزارہ کردے سن۔ مذہب تے وسیب دیاں اخلاقی قدراں پاروں اپنی بیوی نال ای ساری حیاتی لنگھاپھڈ دے سن۔ کجھ ول کھاندے پیندے تکرے لوک دوویاں تن بیویاں وی کرلیندے سن۔

وسیب دے اس نیویں طبقے وچ مذہب دارنگ وی چوکھا آہام لوک مذہبی حداں اندر رہ کے جیندے سن۔ صوفی، پیر، فقیر دی وسیب وچ سبھ توں وڈی مانتا ہائی۔ صوفی فقیراں دیاں خانقاہواں یا عرساں میلیاں اتے لوک خوشی نال جانندے سن۔ پنجاب دالوک وسیب اپنی تھاں تے بڑا امیر سی۔ شادی بیاہ دے موقعیاں اتے شگنناں دے گیت، سٹھیاں، بولیاں، ترنجاں وچ جوان کڑیاں دی ککھی، گدھے تے پیار محبت دے گیت، جوان مرداں وچ پیار محبت دے ماسیے، ڈھولے تے بہادر اداں واراں ڈھولے گائے جانندے سن۔ وسیب وچ دوستی دشمنی دیاں اُچیاں تے پُچیاں قدراں موجود سن۔

باتشاہ اپنے ذوق واسطے وڈیاں وڈیاں عمارتاں بنواندے سن۔ اکلاتاج محل بارہ سالوں وچ بنیا تے پنجاہ لکھ روپے لاگت آئی نال اک لکھ روپے سالانہ آمدن والی اک جاگیر تاج محل دی حفاظت تے باقی دے خرچیاں واسطے وقف کردتی ایہدے نال نال لال قلعہ دہلی، تخت طاؤس جیہدے اتے اس سے ایک کروڑ روپیہ خرچا آئی سی۔ لاہور تے ٹھٹھہ دیاں عمارتاں وڈے وڈے باغ تے کنیں اک مقبرے بنوائے۔ جیہناں اتے بے حسابا پیسہ لا دتا۔ صفدر حیات صفدر شاہ جہاں دے سے دی آمدن بارے لکھیا اے۔

”ارضی سے حاصل ہونے والے مال کی کل رقم ۴۵ کروڑ روپیہ سالانہ تھی جس میں سے سارے حکومتی اخراجات نکال کر ۲۴ ملین پونڈ رقم بچتی تھی۔ ایہہ رقم سونے چاندی اور جواہرات کے علاوہ تھی۔“ (۱۷)

شاہ جہاں توں بعد ۱۶۵۸ء وچ اورنگ زیب عالمگیر دے لقب نال باتشاہ بنیا۔ اورنگ زیب اپنی طبیعت تے اپنے وچاراں پاروں اپنے پیو دادے تے پردادے توں اک اکا ای وکھرے راہ دابا شاہ سی اس تحت سنبھال دیاں ای ڈھیر سارے نویں حکم جاری کیئے جو یں کہ

- ۱۔ سکیاں اُتے کلمہ طیبہ کندہ کرانا بند کردتا جے ناپاک ہتھ لگن نال بے ادبی ہوندی اے۔
- ۲۔ سجدے دی دربار وچ رسم ختم کرتی۔
- ۳۔ نوروز دی رسم نوں ختم کردتا۔
- ۴۔ دارے دے سنگی صوفیاں نوں سخت سزاواں دتیاں۔

- ۵۔ شراب تے نشے والیاں باقی شیواں اتے پابندی لادتی۔
 - ۶۔ مسجدیں تے خانقاہواں دی مرمت کروائی۔ موزناں تے اماماں دیاں تنخواہاں مقرر کیتیاں۔
 - ۷۔ شمسی سال دے استعمال نوں بند کردتا۔
 - ۸۔ جھوکہ درشن دی رسم نوں ختم کردتا۔
 - ۹۔ باتشاہ نوں سونے چاندی وچ تولن دی رسم ختم کردتی۔
 - ۱۰۔ دربار وچوں نجومیاں تے کاہناں نوں کڈھ دتا۔
 - ۱۱۔ گاؤں نچن والیاں تے کنجریاں نوں حکم دتا گیا کہ شادی کر لئو یاں چغتیا حکومت دالک چھوڑ جاؤ۔
 - ۱۲۔ دربار وچوں سونے چاندی دے خوشبودان سیاہی دان ہٹا دتے گئے۔
 - ۱۳۔ شیعہ مذہب دے محرم جلوس کڈھن اتے پابندی لادتی۔
 - ۱۴۔ مرداں واسطے سونا تے ریشم پاونے پابندی لادتی۔
 - ۱۵۔ میلیاں ٹھیلیاں اتے پابندی لادتی گئی۔
 - ۱۶۔ زنانیاں دے مزاراں تے جاوٹ اتے پابندی لادتی۔
 - ۱۷۔ ہندوواں دے اوہناں مندریں نوں ڈھان دا حکم دے دتا جیہڑے مسجدیں دیاں تھاواں اتے بنائے گئے سن۔ ایہدے نال نال اوہ مندریں ڈھادے جیہڑے ہندوواں دیاں سازشاں دے اڈے سن۔
 - ۱۸۔ نویں سرے توں فیروزپور لاگو کردتا
 - ۱۹۔ جوئے تے پابندی لادتی۔
 - ۲۰۔ وسیب و بہار وچ چل دیں کنیں رسماں نوں غیر شرح ہوون پاروں ختم کردتا۔
- اس سہ وچ ہندوستان توں باہروں تاں کسے باتشاہ ہندوستان اتے حملے نہیں کیتے پر ملک دے کنیاں صوبیاں وچ بغاوتاں وی ہوئیاں جویں کہ ۱۶۷۹ء وچ جو دھپور وچ راجہ جسونت سنگھ دے مرن پچھوں راجپوت چغتیاں دے خلاف اٹھ کھلوتے کئی لڑائیاں ہوئیاں جدوں تک اورنگ زیب باتشاہ رہیا راجپوت علاقیاں وچ چغتیاں دے خلاف نفرت دی آگ بھڑکدی رہی۔ پنجاب وچ سکھاں بغاوت کردتی۔ اورنگ زیب دے سہ سکھاں دے نانویں گورو گورو تیغ بہادر انند پور ضلع ہوشیار پور نوں اپنا مرکز متھیا سکھ اوہنوں سچا بادشاہ آکھدے سن۔ اوہ اورنگ زیب عالمگیر دا وڈا دشمن سی۔ گورو تیغ بہادر توں بعد دسویں گورو گوہند پہاڑاں وچ قلعے بناون لگ پیا۔ اخیر سکھاں تے چغتہ فوج دی جنگ ہو گئی جیہدے وچ سکھاں نوں ہار ہوئی انند پور توں سکھ نٹھ گئے پر گورو گوہند دے دو پتر چغتہ فوج دے ہتھے چڑھ گئے چغتہ فوج گورو دے دونوں پتریں نوں قتل کردتا۔ بس فیروز

سکھ آرام نال نہ بیٹھے چغتیاں دے خلاف گوریلا جھڑپاں جاری رکھیاں۔

دکن دے پہاڑاں وچ مرہٹہ قوم چغتیاں دے سسے سبھ توں ڈھیر حالات نوں خراب کیتا۔ لٹ مار، ظلم تے فساد دی اک لے دے پورے ہندوستان وچ لائی رکھی اخیر اورنگ عالمگیر تنگ آ کے اخیر لے ۲۵ سال دکن وچ آپ بہہ کے مرہٹیاں دی لٹ مار تے فساد نوں ختم کیتا۔ مٹھرا دی جاٹ قوم مالیہ دیون توں انکار کردتا تے فوجدار نوں قتل کردتا۔ اخیر چغتہ فوجاں تے جاٹ قوم وچ جنگ ہوئی۔ جیہدے وچ ڈھیر سارا نقصان ہویا تے جاٹ قوم نوں ہار ہوئی۔

حضرت سلطان باہو دے سسے دے ایہہ سیاست دے حالات سن۔ جیہدے وچ اپنے مطلب واسطے مارو مار تے مل مارن دی ریت سی مال زر تے حکومت واسطے اپنے مایو بھیناں بھراواں تے ہر ویلے دے سنگ ساتھ نال وی ٹھگی فریب تے قتل توں وی کوئی نہیں سی مڑدا۔ ہر سال کوئی نہ کوئی کسے پاسے جنگ چھڑ جان دی سی۔ جیہدے وچ ہزاراں فوجی اپنی جان توں ہتھ دھو پیٹھ دے سن پورے دے پورے علاقیاں نوں تباہ برباد کردتا جاندا سی کھڑیاں فصلاں تباہ تے اجڑ جان دیاں سن۔ ہزاراں زنانیاں بیوہ تے لکھاں بچے یتیم ہو جان دے سن۔ جنگ توں بعد جتن والیاں فوجاں پورے علاقے وچوں مال زر لہدے تے زنانیاں اٹھا کے لے جان دے سن۔ جنگاں دی زد وچ آون والے علاقے کئی سال بعد وچ بھکھ ننگ تے بربادی دی گواہی دیندے رہندے سن۔ ایہناں جنگاں دے ہون دے سبباں دا ڈنگھا کھوج کڈھیں تاں پتہ چلدا اے ڈھیر ساریاں جنگاں صرف اپنی بات شاہی حداں دیاں ودھاو یاں فیر کسے راجواڑے دی سوتلی راجکاری یاں شہزادی نوں شاہی حرم وچ شامل کرن دی ہوس پچھے ہوئیاں نیں۔ شاہ جہان دے سسے وچ راجہ کھٹانہ توں اوہدی دھی دارشتہ شاہ جہان منگیا۔ راجہ کھٹانہ جدوں ایہدے جواب وچ مغل شہزادی دارشتہ منگیاں تاں ایہہ جواب پڑھ کے شاہ جہان نوں اک لگ گئی۔ اس اک ڈھیر سارا وڈا فوجی لشکر تیار کے کے راجہ کھٹانہ تے چڑھائی کردتی۔ پوایاں دے قلعے اُتے کنیں مہینے جنگ ہون دی رہی۔ اس جنگ بارے علی حسن چوہان لکھدے نیں۔

”کھٹانہ ندی کے کنارے دونوں فوجوں کا مقابلہ ہوا بادشاہ اپنی تکمیل خواہش اور اس کی سپاہ

لوٹ مار کے لیے لڑ رہی تھی۔ گوجراپنی آن اور قومی غیرت میں مر رہے تھے۔ دلی اور آگرہ

سے فوجیں آتی رہیں۔ ستر سٹھ ۶ ہزار مغل اور راجپوت پہلے ہی گوجروں کے ہاتھوں مارے

گئے مگروں شاہی فوجوں کا تاننا بندھا رہا آخر کئی ماہ کی کشت و خون کے بعد گوجروں نے

شکست کا منہ دیکھا۔“ (۱۸)

جنگ جت جان مگروں شاہ جہان پوایاں دا قلعہ بارود نال اڈا چھڈیا پورا علاقہ تباہ کردتا گیا۔ اس پچھوں اتھے اک نواں شہر شاہ جہان پوروسایا اچ وی اوتھوں دے کھنڈر اُس تباہی دی گواہی دے رہے نیں۔ ایڈی وڈی تباہی پچھوں وی راجہ کھٹانہ دے خاندان ی کوئی زنانی شاہی فوجاں ہتھ نہ لگ سکی۔

انجے ای اورنگ زیب عالمگیر دے ویلے چتوڑ دی راجکماری چارومتی نوں زبردستی حاصل کرن واسطے چغتیاں دے شاہی لشکر چڑھائی کردتی۔ رانارتن سلومبر دیاں فوجاں تے چغتہ فوجاں وچکار جنگ ہوئی۔ راجکماری چارومتی دی عزت تے خاندانی غیرت اُتے راجپوت وڈی بہادری نال لڑے راجکماری نوں تاں رانارتن سلومبر صحیح سلامت میواڑ دربار پہنچا دتا پر اس جنگ وچ ڈھیر ساری تباہی بربادی ہوئی۔

حضرت سلطان باہودے سہ ہندوستان دے لوک وسیب وچ عزت، غیرت، دوستی تے دشمنی دیاں وڈیاں اعلیٰ تے سُچیاں قدراں سن تے لوک ایہناں قدراں دے پالن واسطے وڈے وڈے جتن کردے سن۔ کہیں اوکھے ویلے اتے پورا خاندان وی کوہاتے لوک ایہناں قدراں دا پالن کردے رہے نیں۔

اس حوالے نال ہندوستان داسر پوری دنیا وچ اُچا اے پئی سجنائی تاں اک پاسے رہی اتھے لوک دشمنی دیاں وی قدراں سن۔ جویں کہ لُگ کے وار نہیں کرنا پڑ وچ ڈھول وگاتے لاکار کے لڑنا، لڑ دیاں ہو یاں جے کتے دشمن دا ہتھیار ٹٹ گیا اے یاں اوہ اپنی سواری توڈھیہ پیا اے تاں اس حالت وچ وی وار نہیں کرنا سبھ توں اُچی تے اعلیٰ قدر ایہہ سی پتی جے کدائیں دشمن دیاں زنانیاں بچے ہتھے وی چڑ جان اوہناں نال ماں دھی تے بھین جیہا ورتار کردے سن۔ لُگ کے کنڈھ بچھوں یاں رات نوں سُتیاں اتے چڑھائی کرنا ایہہ اس دھرتی دیاں قدراں نہیں۔ ایہہ طریقے دو جھے ملکاں توں آون والے دھاڑواں نال اتھے آئے نیں۔ اتھے جے کوئی ایہناں کو بجھے مکاری دے طریقیاں اتے دشمن نال لڑے آہاتاں اوس دی بیڑھیاں تک لوک ادب وچ وی ننڈیا کیستی جاندی سی۔

ایتھوں دے وسیب وچ سوانیاں داوی مرداں نال اک بھرانواں تے سلاہن والا کردار رہیا اے۔ روزی کماون وچ وی مرداں نال موڈھا جوڑ ہتھ وٹا دیاں سن تے جے کدائیں اپنے خاندان یاں دلش اتے اوکھا ویلا آ گیا تاں مڑوی اپنے خاندان یاں دیس دی عزت واسطے قربانیاں دین توں وی پچھاں نہیں ہٹیاں۔ علی حسن چوہاں حضرت سلطان باہودے سہ دیاں زنانیاں دے کردار دا ویروا کر دیاں ہو یاں لکھدے نیں۔

”عورت اپنی عزت کی مثال پیش کر کے دنیا کو دکھانے آئی ہے وہ کنواری رہتے ہوئے اپنے باپ کی عزت کی نگہبان ہے اور شادی شدہ ہو کر وہ اپنے خاوند کی خادمہ ہے۔ بیوہ ہو کر وہ اپنے میکے اور سسرال کی عزت کی پاسبانی کرتی ہے اور جب قوم کی عزت کا سوال ہوتا ہے تو وہ تلوار ہاتھ میں پکڑ لیتی ہے اور جب اسے مقصد کی ناکامی کا یقین ہو جاتا ہے تو قوم کی عزت بچانے کے لیے اپنے آپ کو آگ کے سپرد کر دیتی ہے۔“ (۱۹)

حضرت سلطان باہودے سہ مسلماناں دی حکومت دیاں حداں برصغیر وچ دور دور تائیں ودھ چکیاں سن پر مسلمان

وسیب اندروں کھوکھلا ہوندا جارہی سی۔ بوہت سارے قبیلے جیہناں نوواں نوواں اسلام قبول کیتا سی۔ رسم و رواج اہجے وی اوہناں دے ہندو وسیب والے سن۔ مسلماناں دا حاکم دھڑا اپنے آپ شادیاں دی تعداد عیاشی دے کماں وچ اپنے آپ نوں شرح داپا بندنیں سمجھدا مال زردے اکٹھا کرن وچ ظلم تے قتل نوں ویکوئی گناہ نہیں سی سمجھدے۔ جہانگیر دے مرن پچھوں شہزادہ شہریار جیہڑا نور جہان دادا دسی تخت اُتے بیٹھیا تاں نور جہاں دے سکے بھرا آصف جاہ اوہنوں تخت توں لاہ کے اٹھا کر کے قید وچ پادتا۔ جدوں شاہ جہاں آگرے وچ تخت سنبھال لیا تاں شہزادہ دانیال شاہ مراد تے ہو رکئی شہزادیاں نوں سولی اُتے ٹنگ چھڈیا۔ شیخ محمد اکرام مسلماناں دے اندر لے زوال بارے لکھدے نیں۔

”فرنگستان سے آنے والے سامانِ زیب و نمائش نے نمود و نمائش کے نئے دروازے کھول دیئے تھے۔ ان سب چیزوں کا نتیجہ یہ ہوا کہ مغل امراء نے نہایت اونچا معیار زندگی قائم رکھنا شروع کر دیا تھا۔ دولت و ثروت کی نمائش اور اخراجات کی فراوانی میں ایک دوسرے سے بڑھ کر قدم مارنے لگے تھے نتیجہ وہی ہوا جو ہونا تھا یعنی فضول خرچے، تعیش کو شیاور سے نباہنے کے لیے رعایا اور زیر دستوں پر سختی، رشوت ستانی اور اخلاقی انحطاط“۔ (۲۰)

مال زردی فراوانی حاکم دھڑے نوں اک پاسے عیاشی تے فضول خرچی اُتے لادتا تاں دو جھے پاسے ایہہ حاکم ٹولہ اپنی مسلمانی کردار و لوں اُکا کنگال ہوندے گئے۔ اندروں جرأت ایمانی مُک گئی جیہدے زور اُتے چند سو مسلمان مجاہد لکھاں دی فوج اُتے وی بھاری راہندے سن۔ ہن فوجاں دے سپہ سالار جنگ اتے جاون ویلے اپنی بیویاں تے نچن گاؤں والیاں نونال لے جان دے سن۔

صرف شاہ جہان دے سہ تاج محل نوں ویکھیے تاں عام بندے دے حساب کتاب عقل سمجھ توں گل باہر اے۔ کئے لوگ اک لے چروا سٹے تقریباً ویہہ بائی سالاں تک تاج محل بناندے رہے۔ لاگت دا کوئی حساب وی نہیں کتنے سالاں دا محاصل اک اتنے وڈے غیر پیداواری منصوبے اتے خرچ ہوندا رہیا۔ اعتمراز احسن تاج محل دی لاگت بارے لکھدے نیں۔

”تاج محل ۲۰ ہزار ہنرمند افراد کی ۲۲ سالہ مشقت کا نتیجہ ہے۔ موجودہ حساب سے آج ہنرمند افراد کی مزدوری دس ارب سے زیادہ لاگت آتی ہے۔ مختلف قسم کے تعمیراتی سامان کی قیمت اس کے علاوہ ہے“۔ (۲۱)

ایہہ تاج محل چغتہ باتشاہ شہاب الدین شاہ جہاں اپنی پیاری بیوی ممتاز محل دی محبت دی نشانی دے طور تے بنوایا سی۔ جیہڑا آج وی دنیا دیاں چند وڈیاں شاہکار عمارتاں وچوں اک اے۔ اُس سے وی اوہدی ساری لاگت کروڑاں وچ سی۔ جے ایہہ سارا پیسہ غریب عوام اتے خرچ کیتا جاندا تاں کتنے ہزاراں گھراں دی غریبی مکا کے خوشحالی دی حیاتی جی سکدے سن۔ اک پاسے جے ایڈی رقم اک فضول کم اتے خرچ ہو کے ہمیشاں واسطے کھوہ کھاتے لگ گئی پردو جے پاسے عام لوکاں وچ نفرت

تے کمتری دا احساس ودھایا۔ وسیب وچ شاہ جہان نالوں ودھ اجیہے لکھاں لوک ہون گے جیہناں نوں کسے نہ کسے ہستی نال بے اوڑک بے انت محبت ہوسیں پر اوہناں دے پیاریاں دیاں قبریں عام قبرستاناں وچ مٹیاں کتیاں توں بناں ای بے نام نشاں رہیاں۔ گل ایہہ نہیں سی پئی اوہناں دے پچھلیاں نوں اوہناں نال پیار محبت گھٹ سی۔ اوہناں دے پیار محبت وچ کوئی کھوٹ سی۔ اصل وچلی تے سچی گل ایہہ سی پئی اوہناں دے پچھلیاں کول روپیہ دھیلا نہیں سی۔ شاہ جہاں اپنی پیاری بیوی ممتاز محل دی محبت دی نشانی وچ تاج محل بنوا کے اوہناں خالی ہتھڑ عاشقاں دے پیار محبت دے منہ اُتے جتی ماری سی۔ جیہدے پاروں الٹا نفرت تے کمتری دا احساس اگے نالوں دونا ودھ گیا۔

چختے باتشاہاں دی ویکھا ویکھی نکلیاں وڈیاں ریاستاں دے راجیاں، مہاراجیاں تے درباری لوکاں وی مال زردی فروانی پاروں وسیب وچ اُچا ناواں بنان واسطے کنیں کنیں اپٹھیاں سدھیاں حرکتاں کر دے رہندے سن۔ غریباں کامیاں دے ہڈ پسینے دی اوکھی کمائی نوں وڈی بے دردی تے لا پرواہی نال پانی وانگوں لٹھاندے رہندے سن۔ کامیاں بے چاریاں کول اپنا تن کج واسطے کپڑاں نہیں سی لہدا۔ اکوچولے تے تہ بند وچ کنیں سال لنگھ جاندے سن۔ بے اوہ پاٹ جانداسی اوہنوں ای ٹاکیاں لا کے سی لیا جانداسی۔ مزارعے بے چارے فصلوں اگا کے وی بھکھے مردے سن۔ راج روٹی نہیں سی لہدی۔ ہمیشاں غریب جٹ ہندو پیٹے دے مقروض رہندے سن۔ جواناں دھیاں داج نہ جڑن کچھے مایاں دے گھر وچ پٹھیاں بڈھیاں ہو جاندیاں سن۔ ایہناں جوان دھیاں دے ہتھ پیلے کرن واسطے ماپے بے چارے دینہ رات کماندے سن۔ پر ہندو سا ہوکاراں دے قرضے ویاج تے حاکم ٹولے دے محاسلاں توں بعد سال کھان واسطے دانے فیر ہندو سا ہوکاراں تو ادھار لے کے سال ٹپاندے سن۔ دھیاں پُتریں دے کاجاں دیاں سدھراں ارمان اندر واندراں مر جاندے سن۔

دو جھے پاسے باتشاہاں، وزیراں، درباریاں، امیراں، راجیاں، مہاراجیاں کول ہیرے جڑے زری زربغت پہناوے سن۔ ایہہ لوک مردیاں تائیں اپنے مال زردے ٹل تے جوان گڑیاں نال نویاں نویاں شادیاں رچاندے سن۔ شاہی محلاں تے وڈیاں اُچیاں حویلیاں اندر بیگماں قیمتی لباساں تے سونے چاندی دے گہنیاں نال لدیاں ہویاں پھر دیاں سن۔ اک اک بیگم دے اگے ڈھیر ڈھیر لونڈیاں نوکرانیاں ہوندیاں سن۔ اک واریں جونا گڑھ دے مہاراجے اپنی کُتی دی اک کتے نال شادی اُتے لکھاں روپے لاچھڈے۔ اعتراز احسن اس واقعے بارے لکھدے نیں۔

”دولت کے بل بوتے پر نمائشی رنگ رلیوں کی ایک مثال مہاراجہ جونا گڑھ بھی ہے۔ جس نے اپنی چہیتی کُتیا کی شادی پر لاکھوں روپے لٹا دیے۔ شاہی ہاتھی اور مہاراجہ کے محافظ مکمل شاہانہ تزک و احتشام کے ساتھ عروسی جلوس کی قیادت کر رہے تھے۔ اور راستے کے دونوں جانب کم و بیش ڈیڑھ لاکھ افراد رسم عروسی کے تماشا کی تھے۔ جلوس کے اختتام پر خوش

قسمت کلبی جوڑے کے اعزاز میں پر تکلف ضیافت کا اہتمام تھا۔ جس کے بعد انہیں خوبصورتی سے سجائے گئے جملہ عروسی میں پہنچا دیا گیا۔ اس شاہی ڈھکوسلے پر اٹھنے والے اخراجات سے چھ لاکھ بیس ہزار آبادی کی اس ریاست کے کم و بیش ۱۲ ہزار غریب عوام کی بنیادی ضروریات سال بھر کے لیے پوری ہو سکتی تھیں۔ (۲۲)

حضرت سلطان باہودے سے دی ایہہ سیاسی سماجی حالت سی حاکم دھڑاجیہدے کول مال زرتے حکومت، فوجاں، شاہی قلعے محل، وڈیاں اُچیاں حویلیاں، نوکر چاکر لونڈیاں، خزانے جاگیراں، ہاتھی گھوڑے مکدی گل دنیا دی ہر نعمت اس دھڑے دے قبضے وچ سی تے دوجے پاسے محنتی کامیاں تے غریب عوام دادھڑا سی جیہدے کول کجھ وی نہیں سی ایہہ فصلاں اُگاندے اپنے ہڈاں نوں پیہہ کے ساری مخلوق واسطے اناج پیدا کردے حیاتی وچ ورتن دیاں چھوٹیاں موٹیاں شیواں بناندے سن تے اوہدے بدلے اپنا پیٹ پالدے سن۔

اس کافی ونڈ دے وسیب وچ ہر پاسے طاقت داراج سی۔ طاقت ای سب توں وڈا دنیا پر دنیا اصول تے قانون سی۔ مال زردھن تے حکومت لین واسطے اپنے پرانے دی کوئی تمیز نہیں سی۔ پتر اپنے ماں بیو، بھیناں بھرانواں، ساکاں سیناں تے یاراں سنگیاں نوں وی قید کرن قتل کر دین توں نہیں سی چکدے۔ انسان دے خوں دی کوئی قیمت نہیں سی۔ گاجرمولی وانگوں انساناں نوں وڈھیا ٹکيا جانداسی۔ کئی کئی گل تے انا واسطے لڑائیاں تے جنگاں ہوندیاں سن۔ جینہاں وچ سنیاں تے ہزاراں انساناں نوں بے رحمی نال ماردتا جانداسی۔

اس ساری افراتفری، مار و مار وڈھ ٹک تے بھیڑ بھڑ کے توں دور اسے وسیب وچ ای صوفی، فقیر درویش لوک اپنی خانقاہواں وچ راہ بھلی مخلوق نوں انسان دوستی داسبق دے رہے سن۔ ایہہ صوفی لوکاں نوں اپنے اُچے اخلاق کردار دے ورتارے تے اپنی نظر دے فیض پاروں اپنا بنالیندے سن۔ جیہڑا اکواریں سدھی نیت نال ایہناں صوفی بابیاں کول پہنچ جانداسی اوہدی دنیا ای بدل دیندے سن۔ ایہہ صوفی بابے مذہب، رنگ، نسل توں ہٹ کے سبھ نال اکو جیہا پیار کردے سن۔

ابیاتِ باہو وچ ورتے اکھان

حضرت سلطان باہو اپنے سے دے تے پہلاں دے صوفی سوجھواناں وانگ خدا دی مخلوق تائیں اپنی گل بات نوں اپڑان واسطے شاعری نوں ذریعہ بنایا کیوں جے اس ویلے نثر نالوں شاعری نوں لوک ڈھیر شوق نال پڑھدے سن دے تے نالے وڈے وڈے مضموناں نوں شاعری راہیں گھٹو گھٹ لفظاں وچ پچھتے تے پھبویں ڈھنگ نال بیان کیتا جاسکد اسی۔

اصل وچ شعر انسان دی طبیعت دل و دماغ اتے عام گل بات نالوں اک بھرنواں اثر چھڈاے۔ شعرا اپنے معنی مفہوم دے حوالے نال انسانی قلب دی باریک وارداتاں تے ذہنی کیفیات دے مکمل شعور داناں اے۔ ایتھوں ایہہ گل نتر دیاے پئی قلب دی باریک وارداتاں دے مکمل شعور دے اظہار تے ابلاغ توں دکھ جیہڑا کلام بھانویں جنہاں دی فنی حوالے نال پھبواں ڈھکواں ہووے پیا اوہ شعر نہیں آکھواسکد ا۔ کیوں جے اوہدے وچ شعر دا بنیادی اندر لاست نہیں ہوندا۔ اس واسطے شاعری دا عرفان نال ازل توں چنگا گھوڑھاتے مڈھلا سا نگا اے۔ ایہناں نوں اک دو جے توں دکھ نہیں کیتا جاسکد ا۔ اس واسطے سارے ای صوفی سوجھواناں اپنی قلبی وارداتاں تے ذہنی کیفیات دے اظہار تے ابلاغ واسطے شاعری نوں ذریعہ بنایا۔

سید عابد علی عابد شاعری تے عرفان بارے لکھدے نیں۔

”شاعری کا مقصد غائی اور اس کا بنیادی جواز یہ ہے کہ نوع انسانی کے تجربے کو کسی ایسی منظرہ وسیع کا ایک حصہ بنا کر پیش کرے جو اس جابر، متلون المزاج اور ناپائیدار کا ایک نعم البدل ہو۔ دوسرے الفاظ میں وہ مثالی دنیا ہو۔ جس کی تصویر انسان کی روح کی گہرائیوں میں بسی ہوئی ہو۔ مذہب اس مثالی دنیا کا جو نقشہ پیش کرتا ہے وہ کلام الہی کی صورت میں کسی برگزیدہ انسان پر نازل ہوتا ہے۔ لیکن عرش معلیٰ کی جس لوح محفوظ پر کلام الہی ثبت ہے اس کی ایک چھوٹی سی عکسی تصویر ہر انسان کے سینے میں موجود ہے کبھی کبھی عام انسانوں کو بھی یہ توفیق نصیب ہو جاتی ہے۔ کہ وہ اس عکسی تصویر کو دیکھ سکیں اور الفاظ کی مدد دوسرے لوگوں پر بے نقاب کر سکیں۔ یہ لوگ وہ اہل بصیرت شعراء ہیں جو شاعری کی دنیا کے تاج دار ہیں ان کی شاعری وہ ہے جسے ہم مثالی شاعری کہہ سکتے ہیں اور جو فن انسانی کا سدرۃ المنتہی ہے۔“ (۲۲)

حضرت سلطان باہو دی پنجابی شاعری سی حرفی دے روپ وچ اے۔ پنجابی زبان و ادب دے کجھ پارکھ آپ نوں ای سی حرفی دا باضابطہ موڈھی شاعر من دے نیں۔ آپ دی سی حرفی دا ہر بیت جیہڑوں دو ہڑاوی آکھیا جاندا اے۔ عام طور تے چار مصرعیاں وچ اے۔ آپ دے کجھ بیت پنجاں تے چھیاں مصرعیاں وچ وی ملدے ہن۔ آپ ایہناں بیتاں وچ فقر دے وکھو

و کھ پکھاں نوں اپنے ماحول تے لوک وسیب دے عام ورتارے دیاں منیاں پرمنیاں علامتاں، تشبیہاں، استعارے، محاورے اکھاناں تے خاص ترکیباں راہیں بیان کیتا اے۔

ایہناں بیتاں دے کنیں مصرعے اپنے اندر بیان ہوئی حقیقت دے اندر لے ست، سچے تے پھبویں ڈھکویں ڈھنگ تے لوک وسیب وچ ورتارے پاروں اکھاناں داروپ وٹا چکے نیں۔ ڈاکٹر ارشد محمود ناشاد حضرت سلطان باہودی پنجابی شاعری دا تکنیکی تے فنی ویرا کردیاں ہویاں لکھدے نیں۔

”اُن کا کلام حکمت و دانش کی ایسی کان ہے جس سے ہر طبقہ ذہن کے لوگ اخذ و استفادہ کر سکتے ہیں۔ حکمت و دانش سے معمور ان اقوال میں پند و موعظت اور ہدایت و ارشاد کا رنگ گھلا ہوا ہے۔ مگر کہیں بھی مخاطب گراں بار نہیں ہوتا۔ کلام کے زرنکار پردے میں لپٹا ہوا پند و موعظت کا یہ رنگ دل و نگاہ کو اپنا اسیر کرتا جاتا ہے۔ حکمت و دانش کی گہرائی اور گیرائی فنی اور تکنیکی کاملیت سے یوں آمیخت ہوتی ہے۔“ (۲۳)

ابیات باہودے اکھان زمان و مکان دیاں حداں توں ماوراء نیں۔ ہر سہ وچ تے ہر وسیب وچ ایہہ بولیاں قول اٹل تے پکے پیڈے ٹھکویں فیصلیاں دا درجہ رکھدے نیں۔ سیانے لوک کسے وی الجھی ہوئی گل دی تہہ تک اپڑن واسطے یاں متارا کرن لئی ایہناں اکھاناں نوں اک پکی پیڈی سند دے طور اُتے ورتدے نیں تے اگوں سننہارا ایہناں اکھاناں دی سچائی نوں دلوں من لیندے نیں۔ حضرت سلطان باہودی پنجابی ابیات نوں اوہناں دی فکر دی بنیاد اتے سو دھن ہارڈاکٹر سلطان الطاف علی لکھدے نیں۔

”ابیات میں بعض مصرعے اور ترکیبیں عالمی سچائی (Universal Truth) کے حامل ہیں۔ اس لیے ابیات روزمرہ کے استعمال کے لیے سرائیکی پنجابی ادب میں بالخصوص ضرب الامثال بنتے جا رہے ہیں۔“ (۲۴)

ابیات باہو وچ اکھاناں دی وکھو وکھ سرنایاں پیٹھ وٹڈ اس طرح ہے۔

مرشد

- ۱۔ جاگ بنایا دودھ حمدے ناہیں بھانویں لال ہوون کڑھ کڑھ کے ہو۔ (۲۵)
- ۲۔ تیلایا باجھ نہ بلن مثالاں دردایا باجھ نہ آہیں۔ (کتاب مذکورہ ص ۷۳)
- ۳۔ پیر ملے پیڑ نہ جاوے ناں اس پیر کیہ دھرناں ہو۔ (ص ۲۰)

عشق

- ۱۔ عشق مشک نہ چھپے رہندے طاہر تھیں اُتھائیں ہو۔ (ص ۳)
- ۲۔ عاشق نیندر بھکھ نہ کوئی عاشق مول نہ مردے ہو۔ (ص ۲۶)
- ۳۔ عشق حقیقی جیہناں پایاں مونہوں نہیں الاون ہو۔ (ص ۶۳)
- ۴۔ عشق عقل وچ منزل بھاری سے کوہاں دے پاڑے ہو۔ (ص ۱۹)
- ۵۔ دل دریا سمندروں ڈونگھے کون دلاں دیاں جانے ہو۔
- ۶۔ نہ لگدی کستوری بھانویں دے رکھے سے پلے ہو۔ (۲۶)
- ۷۔ انگلاں مگرے دیہ نہ چھپد اد ریا رہن نہ ٹھلے ہو۔ (۲۷)

فقر

- ۱۔ رب اُنہاں نوں ملدا بابا ہونیتاں جیہناں اچھیاں ہو۔ (۲۸)
- ۲۔ باجھ حضوری نہیں منظوری پڑھن بانگ صلوتاں ہو۔ (ص ۱۲)
- ۳۔ لکھ ہزار کتاباں پڑھیاں ظالم نفس نہ مردا ہو۔
- ۴۔ ہرگز مکھن مول ناں آوے پھٹے دودھ دے کڑھیاں ہو۔ (ص ۱۸)
- ۵۔ کوڑا تخت دنیا دا بابا ہو فقر پچی بادشاہی ہو۔

عاداتاں حاصلتاں

- ۱۔ جیہڑے ہون مٹی دے بھانڈے کدی نہ تھیون کا نچے ہو۔
- ۲۔ جیہڑے مڈھ قدیم دے کھیڑے کدی نہ ہوندے رانچے ہو۔ (ص ۱۳)
- ۳۔ تے مول تر بوز نہ ہوون توڑ مکے لے جائیے ہو۔
- ۴۔ کاں دے بچے ہنس نہ تھیندے پئے موتی چوگ چگایے ہو۔
- ۵۔ کوڑے کھوہ نہ مٹھے ہوندے سے مناں کھنڈ پائیے ہو۔ (ص ۸۵)

- ۶۔ پتھر چت جینہاں دے او تھے ضائع اوسنا مینہاں ہو۔ (ص ۲۲)
- ۷۔ مکھی قید شہد چ ہوئی کیا اڈسی نال شہبازاں ہو۔ (ص ۴۸)
- ۸۔ جو یں اگ تے پانی تھیں اک واسا نہیں کریند اہو۔ (ص ۴۲)
- ۹۔ پتل سونا مول نہ بن دا جڑیئے لکھ گئیئے ہو۔ (۲۹)
- ۱۰۔ شوم سخی نہ بن دے توڑے ہوئے لکھ خزینے ہو۔ (۳۰)
- ۱۱۔ خالص نیل پرانے تے نہ چڑھد ارنگ مچھلی ہو۔ (۳۱)

تقدیر

- ۱۔ گھر تھیں ملیا دیس نکالا لکھیا جھولی پایا۔ (۳۲)

ابیاتِ باہودے اکھاناں دا فکری فنی ویروا

مرشد

جاگ بناں دودھ جمدے ناہیں بھانویں لال ہوون کڑھ کڑھ کے ہو
اس بول وچ حضرت سلطان باہو وڈے سچے ڈھنگ نال مرشدی لوڑ تے اہمیت نوں واضح کیتا اے۔ پئی جویں
دودھ دے اندر ساریاں خوبیاں ہوندیاں ہویاں وی جاگ لاون توں وکھرا نہیں جم سکدا۔ ایہہ کیمیا دا اک پکا پیڑ اصول ہے۔
انجے ای فقر دے پینڈے وچ مرشد توں وکھسا لک اک قدم وی اگا نہ نہیں پٹ سکدا۔ بھانویں اوہ جنیاں عبادتاں تے چلے کر
لے۔ ایہہ روحانی نظام وچ قدرت دی بنائی ہوئی ترتیب اے۔ جس نوں رد کر کے کوئی بندہ کسے منزل اُتے نہیں پہنچ سکدا۔
حضرت سلطان باہو اپنی پنجابی شاعری وچ تھیں تھیں اُتے مرشدی لوڑ تے اہمیت نوں وکھرے وکھرے ڈھنگاں نال کدائیں
تشبیہاں تے کدائیں ڈوہنگے کنائے دی رمزاں نال بیان کیتا اے۔ اک ہور بیت وچ مرشدی لوڑ بارے فرمیںدے ہن۔

تیلاں باجھ نہ بلن مشالاں درداں باجھ نہ آہیں

اس بول وچ وی حضرت سلطان باہو مرشدی لوڑ نوں استعارے دی ورت نال کھول کے دسیا اے پئی جویں مشال
نوں روشن کرن واسطے تیل ضروری اے۔ انجے ای بندے دا باطن وی مرشد توں وکھرا روشن نہیں ہو سکدا اتے بندے دے اندر
درد نہ ہووے تاں آہیں نہیں نکلیاں۔ ڈاکٹر سلطان الطاف علی اس پہلے مصرعے دی تشریح کردیاں ہویاں لکھدے نیں۔
”انسانی وجود بمنزلہ دودھ ہے اور کلام ربانی گھی۔ جب تک کوئی کامل مرشد نہ ملے تب تک

دودھ جم کر اس کا مکھن اور گھی تیار نہیں ہوتا“ (۳۳)

حضرت سلطان باہو فیض حاصل کرن واسطے اپنی شاعری وچ ڈھیر تھانواں اتے وکھو وکھ پکھاں دے حوالے نال گل
کھول کے دسی اے پئی بے شک کوئی جنے وظیفے پڑھ لئے چلیاں وچ بیٹھا رہو وے۔ اوہنوں کجھ حاصل نہیں ہو سکدا اسارے
دے سارے ورد و وظیفے تے چلے اوگت ویسن۔ جدون وی کجھ ملیا مرشدی کرم دی نگاہ نال ملیس۔ کنیں واریں انج وی ہو جاندا
پئی فقر دے پینڈے وچ سا لک مرشد توں وکھرا گمراہ وی ہو سکدا اے۔ کیوں جے اس اوکھے پینڈے وچ وڈیاں اوکھیاں
گھاٹیاں ہن۔ کنیں ون سونیاں تجلیاں ساہمنے آوندیاں نیں۔ ابلیسی طاقتاں وی سا لک داراہ ڈکن واسطے ون سوونے حیلے
حر بے ورتدیاں نیں تاں جے سا لک ایہناں دیاں رنگینیاں وچ کھب کے کسے پاسے جوگانہ رہو وے۔ نفس امارہ اک توں ودھ
چالاں چلدا اے۔ کنیں واریں تاں سا لک کفر دے نیڑے اپڑ جاندا اے۔ ایہو جئے اوکھے ویلے صرف اور صرف مرشد ای
سا لک نوں ہر طرح دے واراں توں بچا سکدا اے تے کسے منزل اُتے پہنچا سکدا اے۔ حضرت سلطان باہو اس پینڈے

دیاں اوکھیاں گھاٹیاں بارے فرماندے نیں۔

”مرشد باجھوں فقر کماوے وچ کفر دے بڈے ہو“۔ (۳۴)

اس بول توں وی ایہہ سبق ملدا اے۔ مرشد توں بنا فقر نہیں کما یا جاسکدا۔ مرشد توں بناں فقر کما ونا کفر وچ وڑنا اے۔ فقر دا پینڈا کدی وی سُنی سنائیاں گلاں یا کتاباں پڑھ کے نہیں مکدا اس پندھ وچ ہر ویلے تھاں تھاں اتے مرشد دی لوڑ پیندی اے۔ اوہ ای اُس ویلے ٹھیک راہ وکھاسکدا جیہڑا ایہناں گھاٹیاں وچوں لنگھیا ہو یا اے۔ جیہنوں ایہناں راہواں دی بھال اے۔ حضرت سلطان باہو اپنے اک ہور بیت وچ مرشد دی لوڑ اہمیت بارے فرماندے نیں۔

”باجھوں مرشد کامل باہو ہوندی نہیں تسلا“۔ (۳۵)

ایس مصرعے وچ ایہہ گل دی اے۔ پئی فقیری راہ وچ جیہڑیاں اوکڑاں آوندیاں نیں دل وچوں جیہڑے وسوسے اٹھدے نیں۔ ایہناں توں صرف کامل مرشد ای بچاسکدا اے۔ ہر طرحاں دیاں الجھناں نوں صرف مرشد ای سلجھاسکدا اے۔ اس واسطے اس راہ دے پاندھی کول اکوای راہ رہ جاندا اے پئی کسی کامل ہستی دا بوہاں کے بہہ جاوے۔ اس اگے اپنی میں نوں مار دیوے۔ اس دی رضا اتے خوش رہو وے تے ہر پل مرشد دی نوکری وچ حاضر باش رہو وے۔ جدوں مرشد نگاہ کرم دی ویکھسی دونہاں جہاناں وچ بیڑا پار کردیسی۔ حضرت سلطان باہو اپنے اک ہور بیت وچ اس بارے فرمانے نیں۔

”جے توں چاہیں وحدت رب دی تاں مل مرشد دیاں تلیاں ہو“

مرشد لطفوں کرے نظارہ گل تھیون سبھ کلیاں ہو۔ (۳۶)

اس پوری کائنات وچ رب دی وحدت دا بھید صرف ایس صورت مل سکدا اے۔ جے پہلاں طالب حق اپنے کردار تے شخصیت دے ظاہر تے باطن وچ وحدت پیدا کرے یعنی اوہدی گل تے فعل دے وچ وکھرپ نہ ہووے وچاراں تے جذبیاں وچکار سچی یکتائی ہووے۔ پراہیہ ساریاں گلاں اس ویلے پوری ہو سکدیاں ہن جدوں کوئی کامل اوہدی ہر قسم دی ذمہ داریاں اپنے اتے لے لووے۔ پروفیسر احمد سعید ہمدانی حضرت سلطان باہو دے کلام دا ویرا کردیاں ہو یاں اپنے اک مضمون وچ لکھدے نیں۔

”جے مرشد مہربان ہو جاوے تے توجہ کر دیوے تاں درویش دی مراد پوری ہو جاوے گی۔

اوہدیاں سُتیاں ہوئیاں صلاحیتاں تے قوتاں اس طرحاں جاگ اٹھن گیاں جیویں ڈوڈے

کھل کے پھل بن جاندے نیں“۔ (۳۷)

ایہہ سب ذات دی وحدت دے کرشمے ہن۔ ایہہ صرف وحدت ای ہے جیہڑی وکھری وکھری ونڈی ہوئی شخصیت نوں اک مرکز نال جوڑ دیندی اے۔ اس توں بعد اپنے آل دوالے ہر پاسے ذات ای ذات دے نظارے آوندے نیں۔ پر

ایہہ وحدت دادریا کامل مرشد توں بناں پار نہیں ہوسکدا۔ اتھتھے اپڑ کے ایہہ پک لگ ویندا اے جے مرشد کامل نہیں تاں ایہہ بندھ کھوٹا ہو ویندا اے۔ حضرت سلطان باہو مرشد کامل ہون دی وڈی سوخی ونڈ کر کے دس دتی اے۔

پیر ملے تے پیڑ نہ جاوے ناں اس پیر کیہ دھرنا ہو

اس مصرعے وچ حضرت سلطان باہو مرشد کامل دی وڈی نشانی دی اے جیہڑی اک منی پرمنی حقیقت اے پئی مرشد پھڑیاں سا لک دے اندروں روگ تے بیماریاں نہیں مکدیاں۔ اوہنوں مرشد دی نگاہ کرم نال اک نویں حیاتی نہیں ملدی تاں اوہ مرشد کامل نہیں۔ اوہنوں پیر پھڑن دا کوئی فائدہ نہیں ہوسکدا۔ مرشد کامل اوہ ہستی ہوندى اے جیہڑی اک کرم دی نگاہ نال مرید دے اندر دی میل کچیل روگ مال زرا و لا دیوی دی محبت غرض دنیا دی ہر چیز دی محبت توں پاک کر کے اوس نوں اک نویں جیاتی عطا فرما دیندی اے۔ سا لک نوں دنیا دی ہر چیز توں مرشد کامل بے نیاز کر دیندا اے۔

حضرت سلطان باہو اک ہور بیت وچ مرشد دیاں نشانیاں گنوا کے ایہہ دسیاں۔

”کامل مرشد ایسا ہووے جو دھوبی وانگوں چھٹے ہو

نال نگاہ دے پاک کرے سبھی صابوں نہ گھتے ہو

میلیاں نوں کر دیوے چٹا ذرہ میل نہ رکھے ہو

ایسا مرشد ہووے جیہڑا لوں لوں دے وچ وسے ہو۔“ (۳۸)

ایس پورے بیت وچ حضرت سلطان باہو کامل مرشد دیاں خوبیاں کھول کے دسیاں ہن۔ پہلی خوبی ایہہ دسی اے پئی کامل مرشد نوں دھوبی نال تشبیہ دے کے دسیا اے پئی کامل مرشد مرید دے اندر دے سارے روگ تے بیماریاں مکا دیندا اے تے ایہہ سارا کم اوہ اپنی نگاہ کرم نال کر دیندا اے۔ ایہدے واسطے دنیا دے مال اسباب تے دوائی دی لوڑ نہیں پیندی۔ کامل مرشد دی اک نگاہ کرم دی مرید دے چوداں طبق روشن کر دیندی اے تے فیر مرید نوں ہر شے وچ اس ذات دا جلوہ نظر آ وندا اے۔ اس توں بعد مرید دا اندر چنے کپڑے وانگوں ہو جاندا۔ اوہدے اندر ذارجنی وی میل کچیل (مال زر بیوی بچے تے وسیب وچ اُچے ناں دی حرص) نہیں رہ جاندی اخیر تے ایہہ دسیا پئی کامل مرشد اوہ ہستی ہوندى اے۔ جیہڑی مرید دے لوں لوں وچ رچ وس ویندی اے۔ مطلب ایہہ وے مرید اپنا میں پنا پک ویندا اے۔ مرید دے دل وچ صرف مرشد کامل توں سوا ہر شے نکل جاندی اے کیوں جے دل اک ایہو جیہا گھر اے۔ جیہدے وچ اک ویلے صرف اک ہستی ای رہ سکدی اے۔ اس بیت دی تشریح کردیاں ہویاں ڈاکٹر سلطان علی لکھدے نیں۔

”اس بیت کے ضمن میں دیگر کتاب میں بھی حضرت سلطان العارفین نے یہی خیال ظاہر

فرمایا ہے چنانچہ حضرت سلطان العارفین قدس اللہ سرہ فرماتے ہیں باہو فقیر کسے کہتے ہیں؟

جو لوگوں کو غیر سے بچائے اور دریائے وحدت میں دھوئے جس طرح کہ دھوبی ناپاک

کپڑے کو پاک کرتا ہے۔“ (۳۹)

حضرت سلطان باہو مرید دیاں ساریاں اوکڑاں مشکلاں دا علاج صرف اور صرف مرشد کامل دی ذات دسیا اے جیہڑی پہلے تاں اوہنوں وحدت دے دریا وچ پاک صاف کر کے اس قابل بنا دیندی اے کہ اوہ ذات حق نوں دیکھ سکے۔ فیر اس راہ دے راہزنّاں توں وی آپ بچائے تے ایہناں ساریاں اُچیاں نیویاں گھاٹیاں توں انگل پڑھ کے لنگھائے تے اخیر مرید نوں حق وچ واصل کر دیوے۔ محمد راغب حسن نعیمی حضرت سلطان باہو دے کامل مرشد دے تصور اتے لکھدے نیں۔

”مرشد کامل کا کمال یہ بھی ہے کہ وہ مرید کو سنبھال رکھتا، اپنی زندگی میں ہی نہیں بلکہ وہ اللہ کو پیارا تو بہت قبل ہو چکا ہوتا ہے لیکن اس کی روحانیت تابندہ و پائندہ رہتی ہے بلکہ استعداد کار میں اضافہ ہو جاتا ہے۔ مرشد اپنے مرید کے اصلاح احوال بھی کرتا ہے۔“ (۴۰)

جو پیر و مرشد باطنی طاقت نہ رکھے تے ہر پل مرید دے حال احوال دی خبر گیری نہ کرے تے مرید نوں گناہ تے کو بچھے کماں کر تو تاں توں نہ ڈک سکھے۔ اللہ تعالیٰ تے اوہ دے رسول اگے مرید نوں پیش نہ کر سکھے، اوکھیاں راہواں توں صحیح سلامت نہ گزار سکھے اوہنوں پیر و مرشد نہیں کہنا چاہیدا۔ اللہ تعالیٰ دے قرب واسطے مرشد دا ہونا ضروری اے کامل مرشد مرید نوں اللہ تعالیٰ دی ذات نال ملا دیندا اے۔ قیامت دے دینہہ حضرت محمد صلی اللہ علیہ وسلم دے اگے ہر بندے دا اپنا مرشد شفاعت کریسی۔ حضرت سلطان باہو اپنی اک ہو نثر دی کتاب عین الفقر جیہڑی فارسی زبان وچ اے وچ مرشد دی وضاحت کردیاں ہویاں لکھدے نیں۔

”مرشد اسے کہتے ہیں جو ایک ہی نظر سے علم کو بھلا دے اور دونوں جہانوں کی آشنائی بخش دے کہ اس کی ایک ہی نظر سے جاہل پر علم کلی واضح ہو جاتا ہے اور جو کچھ وہ پہلے نہیں جانتا اسے پڑھنے لگتا ہے۔“ (۴۱)

حضرت سلطان باہو دے نیڑے مرشد کامل اوہ ہے جیہڑا مردہ دلاں نوں زندہ کر دیوے تے پاک صاف زندہ دلاں نوں اپنی اک نگاہ نال اللہ تعالیٰ دی ذات نال ملا دیوے۔ عبادتاں، ریاضتاں توں چوک چھڑا تے ایہناں دی حقیقت دار از بخش دیندا اے تے کامل مرشد مرید نوں اسم ذات داہر پل ورد کروا اوہنوں انج دا پاک صاف کر دیندا اے۔ جے مرید دالوں لوں اسم اعظم دے ذکر وچ لگ ویندا اے۔ مرید اپنے مرشد دی خوشی رضا اگے اپنی مرضی تے ارادے نوں ختم کر دیندا اے۔ ایہدے بدلے مرشد اوہنوں ظاہر اکھیں نالا اپنے ہتھ دی تلی اتے رکھ کے دکھا دیندا اے ایہناں پڑاں وچوں لنگھ کے مرید اس قابل ہوویندا ہے جیہڑی شے اُتے جس ارادے نال تک مارے اوہ شے انجے امی بن جاندی اے۔

حضرت سلطان العارفین سلطان باہو مرشد بارے اپنی نثر دی کتاب محک الفقر وچ لکھدے نیں۔

”یاد رکھ گھڑی بھر مرشد کامل کی خدمت عمر بھر کی اس عبادت سے افضل ہے جو بکثرت کی

جائے خدمتِ مرشد سے انسان کے وجود میں سعادت پیدا ہوتی ہے وہ سعادت کہ جو اس کی دائمی عبادت سے افضل ہے۔“ (۴۲)

تصوف یا فقر اصل وچ اندر دی صفائی داناں اے۔ ایہہ تصوف ای دراصل اللہ تعالیٰ دی ذات دے قرب داناں اے پر ایہہ سارا کم مرشد توں دکھ رہ کے نہیں ہو سکدا۔ علامہ عنایت اللہ قادری حضرت سلطان باہو دے تصورِ مرشد دی شرح کردیاں ہو یاں لکھدے نیں۔

”مرشد کے چار حروف ہیں۔ م۔ ر۔ ش۔ دحرف ”م“ سے مرشد میدانِ ازل کا مرد پہلوان ہوتا ہے۔ وہ طالب سے نفس و شیطان کو دفع کر کے معرفتِ حق میں محو کرنے والا عارف باللہ ہوتا ہے۔ حرف ”ر“ سے راز رب العالمین بخشنے والا ہوتا ہے اور حرف ”د“ سے دائم غرقِ وسال ہوتا ہے۔ جو مرشد طالب اللہ کو حضور علیہ الصلوٰۃ والسلام کی مجلس میں نہیں پہنچاتا وہ مثل ابلیس ہے۔“ (۴۳)

حضرت سلطان باہوؒ مرشد دی لوڑ، اہمیت، پچھان، خوبیاں تے طور طریقے دکھو دکھ پکھاں بارے اپنے وسیب وچوں عام ورتارے وچ آون والیاں علامتاں تے مثالاں دے راہیں وڈے ڈوہنگے جذبیاں تے اک خاص نویکے ڈھنگ نال کھو کے دس دتا اے۔ حضرت سلطان باہوؒ دی پنجابی شاعری داتکنیکی تے فنی ویرا کردیاں ہو یاں ڈاکٹر ارشد محمود ناشا دکھدے نیں۔

”سلطان باہوؒ کا پنجابی کلام مقدار میں کم مگر فکر و فن کے تمام خصائص کا جامع ہے۔ بیان کے تمام رنگ اور اظہار کے جملہ اسالیب ان کے ہاں دکھائی دیتے ہیں۔ تشبیہات و استعارات، علامات و کنایات اور محاورات و اشارات کا استعمال اس قدر تخلیقی سانچے میں ڈھلا ہوا ہے کہ ان کا الگ الگ تجزیہ ممکن نہیں رہتا۔ حضرت سلطان باہوؒ کے کلام میں علم بیان کے تمام عناصر کے فن کارانہ استعمال کے ساتھ ساتھ علمِ بدیع کے کئی پیکر تمام تر عنایوں کے ساتھ جلوہ گر ہیں۔ تضاد، تلمیح، حسن، تعلیل، تجنیس، مراۃ النظر، ترصیع اور لف و نشر جیسی صنعتوں کا استعمال جہاں فکر کی موثر ترسیل میں مددگار ہے وہاں شاعری کے فنی اور تکنیکی حسن میں اضافے کا باعث بھی ہے۔“ (۴۴)

جے پہلے اکھان دافن دے پکھوں ویرا کرے تاں پتہ چلدا اے پئی حضرت سلطان باہوؒ پنجاب دے پنڈ و سب وچوں دودھ نوں جاگ لاون دا اک وڈا سوہنا استعارہ بالکنایہ ورت کے اگے لفظ ”کڑھ کڑھ“ دی لفظاوی تکرار نال اس بول وچ بیان ہوئی حقیقت دا اک وڈے سچے تے بھبھوے ڈھنگ نال نتارہ کہینا اے۔ لفظ ”کڑھ کڑھ“ دی تکرار ایہدے اندر بیان ہوئی حقیقت نوں اوہدی اُچی ٹیشی اُتے اپڑا کے ایہدے اُٹل تے ٹھکویں ہوون اتے مہر لا چھڈی جس توں کدی وی کوئی بندہ مکر

نہیں سکدا۔

حضرت سلطان باہو دے شعری فنی محاسن دا ویروا کردیاں ہوئیاں پروفیسر احمد سعید ہمدانی لکھدے نیں۔

”ویسے حضرت سلطان باہو کے ہاں ایسی تشبیہات و استعارات عام جوا نہوں نے اپنے باہر کے ماحول سے چنے۔ دریا، طغیانی، گرداب، جنگل، پرندے، چنبیلی کے پھول اور دودھ، لسی، مکھن وغیرہ۔ حضرت سلطان باہو بعض اوقات لفظوں اور ترکیبوں کو ایک دوسرے کے ساتھ بھینچ کر اس طرح جوڑ دیتے ہیں کہ اس سے ایجاز و اختصار پیدا ہو جاتا ہے۔ مگر جب مطلب پر غور کرتے ہیں تو ایک جہان معنی وہاں آباد نظر آتا ہے۔“ (۴۵)

حضرت سلطان باہو دے ابیات دی زبان سادہ آسان تے ریلی اے تے ایہدے نال نال ایہہ گل گوہ گوچری اے۔ پئی حضرت سلطان باہو کجھ نویاں ترکیباں تے اصطلاحواں نوں انج سچے تے پھبویں ڈھکویں ڈھنگ نال ورتیا اے جے اج وی آپ دے پنجابی دوہڑے اپنی مخصوص معنویت دے نال انج ای تروتازہ تے خوشبوواں وند دے نظر آوندے نیں جویں جس حال وچ حضرت سلطان باہو اپنے سے وچ ارشاد فرمائے سن۔

ایہناں مصرعیاں فنی حوالے اک وڈی خوبی سادگی تے قطعیت نکھر کے ساہمنے آوندی اے۔ جتھے بنیادی محرک یاں فکر دا اوہ کچھ جیہڑا ادب دی ینہہ ہوندا اے سادہ ہوندا اے۔ ایہدے وچ کسے قسم دا کوئی ول نہیں ہوندا تے مطلب بالکل واضح ہوندا اے۔ زبان دی سادگی لکھاری دے سنیے نوں عوام تک پُچان وچ سب تو بھرنواں کردار ادا کردی اے۔ سید عابد علی عابد اسلوب دی اس خوبی بارے لکھدے نیں۔

”زبان کا مقصد اصلی و بنیادی ابلاغ ہے کہ آپ اپنے خیالات و افکار و جذبات دوسروں تک منتقل کر سکیں۔ اگر اس میں کابیائی نہ ہوئی تو تخلیق ادب کا منصب ہی فوت ہو گیا۔“ (۴۶)

سادگی دے مقابلے وچ قطعیت اسلوب دی خاص صفت اے جیہدے وچ فکر دے سوتے تے جذبے دے کچھ ڈونگھے ہوندے نیں۔ اتھے الفاظ شاعر اوہ ورتدا اے جیہڑے اپنے مطلب تے مفہوم دی وضاحت واسطے سادہ ہوں اس مقصد واسطے شاعر عام طور تے تشبیہات تے استعاریاں دا سہارا لیندا اے تاں گل بات نکھر کے پوری ساہمنے آوے۔ حضرت سلطان باہو دے ابیات وچ اسلوب دے حوالے نال سادگی تے قطعیت تھان تھان تے لہدی اے۔ جیہدے نال آپ اپنی گلبات نوں عام لوک و سبب دے جانے پچھانے استعاریاں تے اکھاناں راہیں اس سچے ڈھنگ نال پہنچایا اے۔ پئی پنجاب دا عام ان پڑھ بندہ وی اوہنوں پورا سمجھ سکدا اے۔

دو جھی وڈی خوی ایہناں نویاں ترکیباں تے اصطلاحواں دی ایہہ وی ساہمنے آوندی اے پئی ایہناں دوہڑیاں یاں

بیتاں داہر بند اپنی تھان اتے اک پورے مضمون نوں ہر پکھوں مکمل بیان کردا اے تے ایہدے نال نال معنیاں دا بند وچ انج داٹورا نظریں آ وندا اے۔ جویں کجھ معنیاں دا التواء وی سامنے آ وندا اے پر آپ دی پوری شاعری وچ فکر دی مرکزیت اپنی تھان قائم رہندی اے۔

حضرت سلطان باہو دے ابیات اکو بحر یاں وزن وچ لکھے گئے نیں۔ ڈاکٹر سید نذیر احمد حضرت سلطان باہو دے ابیات دی بحر اتے گل کردیاں لکھدے نیں۔

”ابیات کا ہر مصرع دو ٹکڑوں میں بٹا ہوا ہے جنہیں چرن کہتے ہیں۔ دو چرنوں کے درمیان ایک وقفہ یا وسرام ہوتا ہے۔ مثال میں ”الف اللہ چنے دی بوٹی“ ایک ٹکڑا یا چرن ہے اس کے آگے جہاں قاری پڑھنے میں ذرا رکتا ہے وہ مقام وسرام ہے۔ وسرام کے بعد دوسرا چرن ”مرشد من وچ لائی ہو“ ہے ماتروں کے حساب سے اس مصرعے کی تقطیع دیکھیے

ال فل آ چن بے دی بوٹی مُرشد من وچ لائی ہو

سلیبل ا ا ا ا ا ا ا ا ا ا

۱۶

ماتر دل دریاں من درو ڈوں گھے کو ند لاں دیا جانے ہو ۱۴
پہلا چرن: ۸ سلیبل یا ۱۶ ماترے وسرام یا وقفہ دوسرا چرن: ۷ سلیبل یا ۱۴ ماترے
اب چونکہ ابیات کی اکثریت یہی وزن رکھتی ہے اس لیے ہم اسے ابیات کا معیاری وزن کہنے میں حق بجانب ہوں گے۔ (۴۷)

حضرت سلطان باہو دا پنجابی کلام زبان تے بیان دے حوالے نال پنجاب زبان وادب وچ اک نویکلا اُچا تھان رکھدا اے۔ آپ نے پنجابی شاعری وچ سی حرفی دی صنف نوں اپنی گل بات نوں مخلوق تائیں اپڑان واسطے اک ذریعے دے طور اُتے چُنیا۔ اس حوالے نال آپ نوں پنجابی ادب وچ سی حرفی دا موڈھی شاعر منیا جاندا اے۔ آپ دی سی حرفی داہر بیت یاں دوہڑا چار مصرعیاں وچ اے۔ کدائیں کدائیں کوئی بیت پنجاں تے چھیاں مصرعیاں وچ وی ہن۔ ہر مصرعے دے اخیر اُتے آپ دے ناں داں اخیر لاصہ ”ہو“ آندا اے ایہدے نال آپ دے کلام دی مٹھاس تے موسیقیت و دھ جاندی اے۔ حضرت سلطان باہو دے اسلوب بارے پروفیسر ڈاکٹر سعید خاور بھٹا لکھدے نیں۔

”باہو کے اسلوب کو پرکھنا اور کسی رمز کے حوالے سے بات کرنا اتنا آسان نہیں۔ وہ اپنی طرز کے آپ شاعر ہیں لیکن ہم یہ بات ضرور کہہ سکتے ہیں کہ سادگی باہو کے کلام کا حسن ہے وہ مشکل سے مشکل بات کو بھی سادہ الفاظ میں بیان کرتے ہیں جو دل کی گہرائی میں اتر کر اثر کر

جاتی ہے۔ (۴۸)

حضرت سلطان باہوؒ اپنی پنجابی شاعری وچ زبان دی نویکلی ورت، بیان ڈھنگ تے نفسِ مضمون دے اندر لے ست تے وسیب وچ کھلار پاروں پنجابی دے دو جھے صوفی شاعراں وچ اک نویکلا تے اُچا مقام رکھدے نیں۔ تصوف تے فقر نوں شاعری وچ موضوع بناون والے ڈھیر سارے شاعر ہو گزرے نیں پر اج اوہناں دا کلام کتاباں وچ تاں ہے پر لوک وسیب نظر نہیں آ وندا اس حوالے نال دیکھیے تاں حضرت سلطان باہوؒ ایہہ پنجابی کلام صوفی سوجھواناں توں علاوہ وسیب دی ہر پدھر اُتے پڑھے لکھے توں لے کے ان پڑھاں تک پڑھیا تے سمجھیا جاندا اے۔ سبھ توں وڈی گل ایہہ وے پئی آ؛ دے ایہہ بیت تصوف، فقر تے عشق دے ڈونگھے مسئلیاں توں ہٹ کے حیاتی دے کسے وی کچھ اُتے ورے تاں ایہناں دی فکر دا اثر پوری طرح قائم رہندا اے۔ ایہہ رنگ پھیکا نہیں ہوندا۔ اس واسطے آپ دی پنجابی شاعری دیاں وکھو وکھ ڈھیر ساریاں جہتاں ہن۔

عشق

عشق مُشک نہ چھپے رہندے ظاہر تھیں اُتھائیں ہو

اس بول وچ حضرت سلطان باہوؒ عشق دی اک خاص نویکلی خوبی بارے گل کیتی ایے جو یں مُشک لکایاں تے ڈکیاں کدی وی چھپ نہیں سکدا۔ انجے کر کے عشق وی کدی نہیں چھپ سکدا۔ بھانویں جنے کوئی جتن کر لے۔ عشق وی مُشک وانگوں چو نہاں پاسے کھلر جاندا اے۔

حضرت سلطان العارفین، سلطان باہوؒ اپنی نثر دی کتاب عین الفقر جیہڑی فارسی زبان وچ اے وچ لکھدے نیں۔

”جان لے کہ عشق بلند پروازی کا نام ہے۔ مکھی چاہے ہاتھ ملے یا سر مارے یا ہزار ہا اڑائیں بھرتی پھر پروانے یا شہباز کے منصب و مرتبے پر نہیں پہنچ سکتی۔ اس طرح زاہد جتنی بھی ریاضت کر لے صاحبِ راز نہیں بن سکتا۔ جان لے کہ عشق کی تعلیم مدرسے کے کسی بھی امام نے نہیں دی کیونکہ عشق اک بارِ گراں ہے۔ عشق کی ریت جہاں بھر سے بیگاگی ہے۔“ (۴۹)

حضرت سلطان باہوؒ دے نیڑے دین دا مڈھ تے تانا پیٹا سبھ کچھ عشق ای ہے۔ اس توں وکھ ہو کے نہ تاں بندہ شریعت دے راہ اُتے ٹرسکدا تے نہ ای طریقت وچ اک قدم اگا نہہ دھر سکدا اے۔ آپ اپنے کئی بیتاں وچ عشق نوں ایمان نالوں اعلیٰ تے افضل دسیا اے۔ ایمان سدھیاں تے بنی بنائیاں راہواں اتے ٹردا اے تے شریعت دیاں مقرر کیتیاں حداں دے اندر چلدا اے۔ جدوں کہ عشق اک لاحد میدان اے جیہہ نہ کوئی اوڑک نہ بنا اے۔ ایہہ بنی بنائیاں راہواں اتے نہیں ٹردا۔ ڈاکٹر سلطان الطاف علی عشق دی شرح کردیاں ہو یاں لکھدے نیں۔

”عشق دینوی اور مذہبی رسوم سے بلند و بالا ہوتا ہے۔ اسی لیے اس کے ہر انداز کو انوکھا اور متلون سمجھا جاتا ہے۔ دراصل رسوم مذاہب اور شریعت کے قوانین سے سوسائٹی میں ایک ضابطہ اور ڈسپلن قائم رکھنے کیساتھ مقصد اعلیٰ یعنی عرفان ذات الہی کے لیے فرد کو تیار کرنے کا کام لیا جاتا ہے۔ حضرت سلطان باہو فرماتے ہیں جب عشق کو فیوضات سے عرفان ذات حاصل ہو جاتا ہے تو مقام شریعت کی رسوم سے بلند ہو کر سالک معرفت کی راہ میں قدم رکھتا ہے۔“ (۵۰)

عاشقاں داہر کم لوگوں اوپر ہوندا اے۔ عام طور تے شریعت والے لوک عاشقاں اتے شریعت دی خلاف ورزی دا الزام لا دیندے ہن پر ظاہر وچ عاشق کجھ وی کردے ہون اندروں اللہ تعالیٰ دی محبت وچ گم ہوندے نیں۔ اوہ ہر ویلے اللہ تعالیٰ دی یاد وچ لگے ہوندے نیں۔ ایہو اوہناں دی نمازا اے۔ اوہناں دی نظر کسے وی عمل دے ظاہر اتے نہیں جاندی۔ عاشق لوک اپنی نظر خلوص اتے رکھدے نیں۔

حضرت سلطان باہو اک ہور بیت وچ عاشقاں دے حال بارے فرماندے نیں۔

”عاشق پڑھن نماز پریم دی جیں وچ حرف نہ کوئی ہو

جیہا کیہا نیت نہ سکے اُتھ درمند دل ڈھوئی ہو

اکھاں نیر تے خون جگر دا وضو پاک سزوئی ہو

جیہ نہ ہلے ہونٹ نہ پھر کن خاص نمازی سوئی ہو“ (۵۱)

جہاں دے دل عشق دی شمع نال روشن ہوون اوہناں نوں ایہدے توں کم درجے دے چانن والے علم عقل دی کیہڑی لوڑ اے۔ کیوں عام علم عقل جتھے حداں مک ویندیاں ہن اوہناں اگانہہ عشق دیاں حداں شروع ہوندیاں نیں۔ اس واسطے عام طور تے عشق دے مالمیاں تے نظاریاں نوں سمجھنا عقل دے وس داروگ نہیں۔ عقل دی عشق دنیا وچ پہنچ ای نہیں۔ اس واسطے اصل وچ تاں عشق ای عقلِ کامل ہے۔ عاشق لوک خوش نصیب ہوندے نیں جہاں نوں ایہہ نعمت دولت ملدی اے۔ ایس کائنات وچ ایس توں وڈی کوئی دولت تے خزانہ نہیں ہے۔ عشق ایہو جی دولت اے جیہڑی عاشق نوں سوا محبوب توں ہر شے ہر رشتے ناطے توں بے نیاز کر دیندی اے۔ عاشق نوں کسے شے دی لوڑ نہیں ہوندی، ایہتوں تک پئی عاشق نوں اپنے تن دیاں لوڑاں دا کجھ خیال نہیں رہندا۔ نہ مرن توں عاشق ڈردے ہن۔ اوہ صرف ہر ویلے ای محبوب دیاں یاد وچ ڈبے ہوندے نیں اوہناں نوں بھکھ پیاس دی فکر نہیں ہوندی اے۔ حضرت سلطان باہو اک ہور بیت وچ عاشقاں دی بے نیازی بارے فرماندے نیں۔

عاشق نیندر بھکھ نہ کائی عاشق مول نہ مردے ہو

حضرت سلطان باہو اپنے بیتاں وچ عشق دے دکھو دکھ پکھاں دی حقیقت نوں اک خاص نویکلے ڈھنگ نال کھول کھول کے دسیا اے۔ اصل وچ اس دنیا دی حیاتی وچ بے کلی تے بے قراری اک پکی پیڈی قدر درجہ رکھدی اے۔ صوفیاں دے بھانے اخیر ایہو بے قراری تے بے اطمینانی اک غم داروپ دھار لیندی اے۔ انسانی روح دے ضمیر وچ خدا نال اپنے اس ڈونگھے واسطے دا احساس ہمیش توں جاگدار ہیا اے۔ اس وچھوڑے دے احساس نے درد مندی نوں جنم دتا۔ اس درد مندی وچ عاشق ہر پل کوکدے گرا لاندے رہندے ہن۔ حضرت سلطان باہو دے مطابق دل دے راہیں اپنے آپ نوں لبھن یا پچھان والے نوں ذات الہی دی پچھان وچ اوکھن آوندی کیوں جے اللہ دا اصل ٹھکانہ بندے دا دل ہے۔

حضرت سلطان باہو اپنے اک ہور بیت وچ دل دی دنیا بارے فرمایا اے۔

”دل دریا سمندروں ڈونگھے کون دلاں دیاں جانے ہو

وچے بیڑے وچے جھیرے وچے ونجھ مہانے ہو

چوداں طبق دے اندر تنبو وانگن تانے ہو

جوئی دل دا محرم ہووے سوئی رب پچھانے ہو“ (۵۲)

اصلوں اک صوفی ہون کر کے رب دی ذات باہو دے نیڑے ہستی دے روپ وچ اُچی تے سچی صورت اے جیہدے نال وصال واسطے روح اندر ہر ویلے کوکاں فریاداں تے گرا لاون اے۔ اوہ دل دیاں ڈونگھیاں سمندراں وچ تہہ تیک ٹھھی لاؤن دا پورا جتن کردے نیں۔ ایہہ ہستی دا ادراک تے اپنی ذات دا شعور باہر دی دنیا نوں سمجھن وچ مدد دیندا اے۔ ذات دے بارے ایہو شعور جدوں اک مکمل روپ وچ سامنے آوند اے تاں سالک دی روح دا اک حصہ بن جاندا اے۔ اس ویلے سالک خلوت پسند کردا اے۔ کیوں جے اوہدی خلوت ای جلوت داروپ وٹالیندی اے۔ اس ویلے سالک نوں ہر پاسے ذات دا ای جلوہ نظر آندا اے۔ اک ہور بیت وچ حضرت سلطان باہو عاشقاں دی اس حالت بارے فرماندے نیں۔

”عشق جھاں دے ہڈیں رچیا رہن اوہ چپ چاپ تے ہو

لوں لوں دے وچ لکھ زبان کرن اوہ گنگی باتے ہو

کر دے وضو اسم دا جیہڑے دریا وحدت نہاتے ہو

تداں قبول نمازاں باہو جد یاراں یار پچھاتے ہو“ (۵۳)

اک نماز اوہ اے جیہڑی پنج ویلے پڑھیندی اے تے دوجھی نماز ہر ویلے دی ہے جیہڑی عاشق لوک پڑھدے نیں، جیہدے وچ عاشق اپنی ہستی توں گزر کے اللہ تعالیٰ دی ذات وچ گم ہو ویندا اے۔ اتھے اپڑ کے عاشق ذات حق دی پچھان کر لیندا اے۔ کیوں جے جدوں کوئی بندہ اپنے آپ نوں اسفل وچوں کڈھ ذات حق نوں دیکھن واسطے اولیٰ دی طرف جاندا اے تاں ایہہ وی معراج اے۔ معراج اصل وچ اعلیٰ اُچے مرتبے نوں پچھن داناں اے۔ اس واسطے عارفاں تے عاشقاں دی نماز

اللہ تعالیٰ دی ذات وچ گم ہو جان دا نام اے۔

پروفیسر سمیع اللہ قریشی حضرت سلطان باہو دے تصور عشق بارے لکھدے نیں۔

”باہو عشق نوں اوہ قوت جاندے نیں جیہدے واسطے نال عشق نوں اخیر حسن ازلی دا نظارہ لینا آسان ہو جاندا اے تے عشق دی قوت ای اوہ قوت اے جیہدے نال حقیقت مطلقہ دی نہ صرف بجھارت بجھنی سوکھی ہو جاندی اے سگوں اوہدے تائیں رسائی تے اوہدا حصول وی ممکن ہو جاندا اے“۔ (۵۴)

عشق اک اوہ جذبہ اے جیہدیاں تجلیاں نوں ویکھیا تے محسوس تاں کیتا جاسکدا اے۔ پر اس واردات نوں پوری طرح بیان کرنا ایہہ انسانی عقل دے وس داروگ نہیں۔ کیوں جے عقل حواس ادراک تے فہم دیاں مٹھیاں ہو یاں حداں دے اندر رڈی اے۔ دو جھے پاسے عشق اک لاحد میدان اے ایہہ عقل دیاں حداں اندر نہیں آسکدا، ایہہ تعلق اللہ تعالیٰ دی ذات دے باطنی جوش جذبے نال اے اس واسطے جو یں عقل نال اللہ تعالیٰ دی ذات نوں نہیں سمجھیا جاسکدا۔ انجے کر کے ایس ذات، ایس جوش جذبے نوں وی نہیں سمجھیا جاسکدا۔

حضرت سلطان باہو اپنے اک بیت وچ عشق تے عقل دا ویروا کر کے دسیا اے۔

عشق عقل وچ منزل بھاری سے کوہاں دے پاڑے ہو

اس مصرعے وچ حضرت سلطان باہو ہوراں عشق تے عقل دا ویروا کر کے نتارا کرن پچھوں ایہہ سٹاکڈھیا، پی عشق عقل وچ ڈھیر ساریاں تھوں ہن۔ مطلب ایہہ وے پی عشق دی دنیاوی اک وکھری ہے تے عقل دی دنیا کا ای وکھری اے کیوں جے عقل دی طور دی دنیا حساب کتاب دی دنیا اے ایہہ اندر اصول قاعدے کھیتے تے قانون دی مٹھیاں ہو یاں حداں بنے ہن، چینہاں دے نال ہر شے نوں پرکھیا تے تولیا جاندا اے تے نال عقل ہمیشاں فائدے داسو چدی اے گھاٹے ول نہیں جان دیندی۔ جدوں کہ دو جے پاسے عشق دی دنیا وچ کوئی انج دے متھے اصول، قاعدے تے حداں بنے نہیں ہن۔ ناں اتھے حساب کتاب چلدا اے۔ سبھ توں وڈی اوپری گل عشق دی ایہہ ہے پی عشق انسان توں سبھ کچھ لٹاؤنا سکھاندا اے۔ نیواں ہوو نا سکھاندا اے۔ ملک نور حیات خان حضرت سلطان باہو دے تصور عشق تے عقل دا ویروا کر دیاں لکھیا اے۔

”آپ نے تصوف اور سلوک کی دنیا میں تقویٰ کی زندگی کے لیے جذبہ عشق کو بنیاد قرار دیتے

ہوئے اس کی ماہیت اور اعلیٰ و ارفع مقام کی وضاحت بھی بڑے خوبصورت عارفانہ انداز میں فرمائی ہے۔ کہ وہ ذات جس کا سرچشمہ (ابتداً) ہاھویت (حق تعالیٰ) کی آنکھوں کا نور ہے یعنی حضرت عشق سب جہانوں سے اوپر بارگاہ کبریا میں اپنی بادشاہی کا تخت سجائے بیٹھا ہے۔ انتہائے عبرت کی وجہ سے اس کی ذات پاک کی ماہیت سمجھنے کی کوشش کرنے

والے کی ہزار بلکہ بے شمار عقل کے قافلے سنگسار ہو گئے (سمجھ نہ سکے)۔ (۵۵)

حضرت سلطان باہوؒ اپنی شاعری وچ عشق نوں وڈا اُچا مقام مرتبہ دتا اے تے نال نال ایہدے مقابلے وچ عقل دی رنج کے ندیا کیستی اے۔ اپنی ساری شاعری وچ ایہناں بیتاں وچ مخلوق نوں ایہہ سبق دسیا اے۔ پئی دین اسلام دا مقصد منشاء تدوں پورا ہو سکدا اے۔ جدوں سبھ توں پہلاں کامل مرشد دا لڑ پھڑ کے عقل نوں چھوڑ کے عشق دے راہ اتے ٹرے۔ تاں ای دنیا اُتے آون دا مقصد پورا ہو سکدا اے۔

فن دے پکھوں ایہناں مصرعیاں دا ویروا کرے تاں پتہ چلدا اے پئی حضرت سلطان باہوؒ اپنے خاص نویکلے اسلوب، ایجاز و اختصار دے نال گھٹو گھٹ لفظاں وچ اک بوہت وڈے موضوع نوں بیان کردتا اے۔ عشق نوں مشک دی مثال راہیں بیان کیتا اے۔ بلکہ نتارا کر کے دس دتا، جو یں مشک کسے قیمت چھپائیاں وی نہیں چھپدا انجے ای عشق وی نہیں چھپ سکدا۔ چونہاں پاسیاں وچ ایہدی خوشبو کھلر جاندی اے۔ حضرت سلطان باہوؒ دے ایس نویکلے ڈھنگ بارے پروفیسر ڈاکٹر سعید خاور بھٹا لکھدے نیں۔

”باہوؒ نے اپنے خاص رنگ سے اس میں دانش، حکمت، فقر، درویشی، تصوف، عشق، تصورِ مرشد انسانوں کے ساتھ ہمدردی، سچائی اور عمل کی تلقین جیسے کئی مضمون اس میں پیش کیے ہیں۔ سی حرفی کا موضوعاتی اور فنی اعتبار سے گھیرا بہت وسیع ہے۔ یہ ان کا ہی فیضان ہے کہ آج پنجابی میں اعلیٰ معیار کی سینکڑوں سی حرفیاں ملتی ہیں۔“ (۵۶)

حضرت سلطان باہوؒ دی پنجابی شاعری وچ لفظاں دی ورت انج دے پچھے تے پھویں تے ڈھکیں ڈھنگ نال ملدی اے جو یں کسے ماہر جوہری کارگیری نال نگینے جڑے ہوں۔ پراہیدے وچ سبھ توں گوہ گوچری گل ایہ وے پئی حضرت سلطان باہوؒ سلطان الفقراء سن۔ اس واسطے آپؒ تاں ماسوائے اللہ دنیا دی ہر شے توں بے نیاز سن۔ آپؒ اپنی گل بات نوں عام لوکاں تائیں اپڑان واسطے شاعری نوں اک ذریعہ تاں بنایا پراوہدے شنگارن واسطے اُچھی کھچل کدیں وی ناہی کیتی۔ ایہہ صرف آپ دے فقر دا اک معجزہ اے پئی فکری ڈونگھیا ئی دے نال نال آپ دی شاعری فن دے دکھو دکھ پکھاں دے حوالے نال اعلیٰ نمونہ اے۔ ڈاکٹر ارشد محمود نشاد آپؒ دی پنجابی شاعری دا تکنیکی تے فنی ویروا کردیاں ہو یاں لکھدے نیں۔

”علم بیان کی مختلف صورتیں جیسے محاورہ، تشبیہ، استعارہ اور علامت جہاں شعر کی تہہ داری اور رمزیت کے رنگ کو چوکھا کرتی ہیں وہیں اس کی تفہیم کے لیے بھی کئی دروازے کھلتے ہیں۔

تکنیکی اور فنی عناصر کے معجزانہ استعمال سے فکر کی شعلگی میں اضافہ ہوتا ہے۔“ (۵۷)

حضرت سلطان باہوؒ وسیب وچ اپنی پنجابی شاعری راہیں پچھانے جاندے نیں۔ آپ دی ایہہ پنجابی شاعری اپنے اندر لے ست تے خاص نویکلے بیانن ڈھنگ پاروں سدا بہار شاعری داروپ وٹا چکی اے۔ ایہدے پچھے سبھ توں وڈا کارن

حضرت سلطان باہوؒ داپنجاب دے لوک وسیب وچوں منیاں پر منیاں تے پکیاں پیڈیاں علامتاں استعاریاں تے تشبیہاں دے پھبویں ڈھکویں ڈھنگ نال ورتن اے۔ جس ایہناں بیتاں نوں پڑھے لکھے بندے توں ہٹ کے چٹے ان پڑھ تک دل دے وچ وی جیندا تے تروتازہ رکھیا ہویا اے۔ آپؒ دے ایہہ وڈے پن دی علامت اے پئی آپؒ پنجاب واسیاں نال انہاندے لوک ادب راہیں اک عام بندے دی ڈہنی پدھر اُتے کھلو کے فقر تے عشق دیاں وال نالوں باریک تے تلواروں تکھیاں، قلبی وارداتاں نوں وی پنجابیاں دی عام بولی جان والی زبان وچ نویکے ڈھنگ نال بیان کیتا اے۔ جیہدے پاروں آپؒ دی پنجابی شاعری دا ڈھیر سارا حصہ پیڑھیوں پیڑھی زبانی لوکاں دے دلاں وچ موجود اے۔

فقر

رب انہاں نوں ملدا ابا ہونیتاں جہاں اچھیاں ہُو

اس بول وچ حضرت سلطان اک بوہت وڈی سچائی نوں سدھے سادھے ڈھنگ نال بیان کیتا۔ اتھے دنیا وچ ہر بندا رب نوں پاؤن واسطے چلے مجاہدے عبادتاں، ریاضتاں، ورد وظيفیاں تے کنیں اوپرے اوپرے روپ وٹائی پھر دا اے۔ مقصد سب دا اکو اے۔ اس ذات حق دا مشاہدہ کرنا۔ حضرت سلطان باہوؒ ایہناں سبھ طریقیاں اتے لیک مار دتی تے اصل گل کھول کے دسد دتی پئی رب دی ذات نوں صرف اوہ بندہ پاسکدا اے۔ جیہدی نیت صاف تے اچھی ہووے۔ ایہہ ایک پکی پیڈی تے لوہے اُتے لیک والی گل اے اسے اندر لی سچائی دے ست پاروں ایہہ مصرعے یاں بول اک اکھان دا درجہ پا گیا اے۔ حضرت سلطان العارفین سلطان باہوؒ اپنی نثر دی کتاب محک الفقر وچ فقر بارے فرماوندے نیں۔

”فقراء اللہ کے نام سے ہی فقیر بنتے ہیں اور اللہ کے نام سے ہی شہباز بنتے ہیں۔ راہ فقر میں اگر کوئی ثابت قدم رہتا ہے تو وہ صاحب راز حقیقی بن جاتا ہے۔ اگر کوئی فقیر اللہ کے نام سے برگشتہ ہوتا ہے اور ہمت و استقامت کو چھوڑ کر دنیا و اہل دنیا کی طرف مراجعت کرتا ہے تو وہ مرتبہ شہبازی فقر و راز سے منہ موڑتا ہے۔ وہ گویا چیل ہے۔ جس کی نظر مردار پر اٹکی ہوئی ہے۔ اس لیے وہ دونوں جہانوں میں ذلیل و خوار ہے۔“ (۵۸)

دنیا دے مال زر زن، حرص ہوس بیوی بچے تے وسیب وچ سبھ توں اُچاناں ایہہ ساری اوہ چیزاں نیں جیہڑیاں کسے وی سالک نوں فقر و لجاؤن نہیں دیندیاں۔ ایہناں چیزاں دے اندر اک خاص کھچ اے۔ جیہڑا ایہناں دی طرف اک واریں چلا جاوے مڑ اس دلدل وچوں نکل نہیں سکدا صرف اور صرف کامل مرشد ای اک مرید نوں ایہناں دلدلاں وچوں کڈھ کے پاک صاف کر سکدا اے۔ پچھا نہاں تاریخ ول ویکھیے تاں کجھ کامل فقیر ہستیاں نظر آندیاں نیں۔ جیہناں دنیا داری وی کیتی پر نیڑیوں ہو کے ویکھیے ایہہ گل لہدی اے۔ پئی اوہناں ذات حقیقی نوں پچھان توں بعد دنیا داری کیتی اے۔ پر دنیا داری دی کسے وی شے

نوں اپنے دل وچ ٹکانہ نہیں بناتا۔ دنیا داری وچ رہندیاں ہوئیاں وی اوہناں دا طور طریقہ ایہہ رہیا ”دل یا رول تے ہتھ کار ول“ اس واسطے اوہ دنیا داری وچ دلوں گھبے نہیں اوہناں دی نگاہ ہر ویلے اُس ذات ول رہی اے۔ حضرت سلطان باہو اپنی اک ہو ر کتاب عین الفقر وچ فقر دی ابتداء تے انتہا دے بارے لکھدے نیں۔

”ابتدائے فقر اشک ہے اور انتہائے فقر عشق ہے۔ ابتدائے فقر تصور ہے اور انتہائے فقر تصوف ہے۔ حضور علیہ الصلوٰۃ والسلام کا فرمان ہے۔ ”قریب ہے کہ فقر کو کفر سمجھ لیا جائے“ فقیر وہ ہے جس کے وجود میں شریعت پنہاں ہو بظاہر اگرچہ وہ مست الست ہو باطن وہ ساکن لا مکان ہو ابتدائے فقر علم الیقین و عین الیقین ہے اور انتہائے فقر حق الیقین ہے۔“ (۵۹)

فقر وچ بندہ جس ویلے عشق دی منزل تے جا پہنچدا اے تاں اوہ ذات الہی وچ گم ہوندا اے تاں ہر پاسے اس نوں ذات دے جلوے ای نظر آوندے نیں۔

فقر بندے نوں ذات الہی توں دکھ ہر شے توں بے نیاز کردیندا اے۔ فقیر ایس دنیا وچ رہندیاں ہوئیاں دنیا دی ہر شے توں بیگانہ تے بے پروا ہوندا اے۔ رانا تجل حسین حضرت سلطان باہو دے فقر بارے لکھدے نیں۔

”جہاں تک فقر کا تعلق ہے فقر میں بنیادی بات بے نیازی ہے۔ بے نیازی دراصل خدا کی صفت ہے۔ بے نیازی صرف خدا کو ہی زیب دیتی ہے۔ خدا کی یہ صفت اس کے بندوں میں بھی آ جاتی ہے اور یہ صفت صرف ان بندوں میں آتی ہے جو خود کو خدا کی ذات میں فنا کر لیتے ہیں۔ وہ جس حساب سے خود کو فنا کرتے ہیں اسی حساب سے ان میں بے نیازی آتی ہے۔“ (۶۰)

فقر دا معاملہ بند دی اندر دی نیت تے خلوص اتے ٹردا اے۔ جتنی نیت اچھی تے خالص ہوسی اتنا ای جلد فقیر اپنی منزل نوں پالیندا اے۔ اس واسطے حضرت سلطان باہو رب نوں ملن دا طریقہ نیت دی اچھائی تے خلوص دسیا اے۔ خلوص نال ای تقوی پیدا ہوندا اے تے ایہدے نال ای اک سالک دے معاملات اگے چلدے نیں۔ ڈاکٹر سلطان الطاف علی حضرت سلطان باہو دے ایات دی شرح وچ لکھدے نیں۔

”فقر محض حق کی تلاش کرتا ہے اور حق کو چاہتا ہے۔ اس کی راہ دل سے ہے باطن کی صفائی و تزکیہ نفس اس کا خاصہ ہے۔ گویا دنیا و عقبی پر بلند حاکم مُستغنی کی طرح ہے اور مولانا کا طالب ہے۔ شریعت عقبی و دنیا میں کامرانی ہے۔ فقر عقبی اور دنیا سے مُستغنی ہے۔ شریعت اللہ کی خوشنودی ہے۔ فقر اللہ کا حصول ہے۔ فقر میں کامل شریعت ہے مگر شریعت میں فقر لازم

نہیں گویا شریعت میں جملہ علوم ظاہر، کتب، احادیث، تفسیر، فقہ، مسئلے مسائل شامل ہیں اور فقر میں سوائے عرفان و رویت حق تعالیٰ کے اور کوئی مدعا نہیں۔“ (۶۱)

فقر و علم شریعت دانچوڑتے مقصد اے۔ کیوں جے اللہ تعالیٰ ایس دنیا نوں بنایا ای صرف اس واسطے اے پئی میں پہچانیا جاواں۔ ایہتوں ایہہ گل لبھدی اے۔ پئی بندے دی حیاتی دا اصل مقصد تاں ہے ای رب دی پہچان کرنی۔ شریعت دا سارے دا سارا علم اللہ تعالیٰ دی پہچان ول لے جاندا اے۔ اک حدیث شریف وچ نبی کریم ﷺ ایہہ فرمایا پئی ”جس بندے اپنے آپ نوں پہچان لیا۔ گویا اس اپنے رب نوں پہچان لیا۔“ اس واسطے اصل مقصد تاں ہے ای اللہ تعالیٰ دی ذات دا عرفان جس نوں معرفت دا علم آکھدے نیں تے رب دی معرفت اپنی معرفت وچوں اگا نہہڑدی اے۔ ایہہ تاں باقی لب پوج عالماں مخلوق نوں شریعت دے مسئلے وچ الجھا کے رکھیا ہو یا اے نہیں تاں دین اسلام سدھاسا دھاتے آسان اے۔ اک بیت وچ حضرت سلطان باہو شریعت تے فقر دے حال بارے فرمایا۔

”شرح دے دروازے اُچے راہ فقر دا موری ہو
عالم فاضل دین نہ لنگھن جو لنگھے سو چوری ہو
پُٹ پُٹ اٹاں مارن درد منداں دی کھوری ہو
راز ماہی دا جانن عاشق کبہ جانے لوک اتھوری ہو“ (۶۲)

حضرت سلطان باہو اس بیت وچ ایہہ گھنڈی کھول دتی اے۔ پئی شریعت دارا اے اچے دروازاں وانگوں معروف، سدھا تے دور توں ای نظر آندا اے پر فقر دارا ”موری“ مطلب اینا باریک اے جے ہر اک نوں نظر نہیں آسکدا۔ اس راہ توں صرف اوہ خوش نصیب لنگھ سکدے ہن جیہڑے کامل مرشد دے وسیلے نال فقر دے حرم دے محرم راز بن جاندے نیں۔ فقر دے حرم ول جان واسطے ویلے دے لب پوج ملاں ملوانیاں توں چوری چھپ کے لنگھنا پیندا اے ایہہ ملوانے حقیقت نہ جانن پاروں فقیراں اتے الزام لاندے تے پتھر اٹاں مار دے ہن۔

جدوں کوئی اک داریں کامل مرشد دے وسیلے نال فقر دے حرم وچ جاوڑدا اے اوہ نوں فیہ پہچانہہ پرت کے ویکھن دی حسرت نہیں رہندی۔ اوہ نوں ہر پاسے ذات حق دے نظارے نظر آندے نیں۔ اوہ اس تھاں اتے اُڑ کے ایہناں نظاریاں وچ گم ہو کے چپ دی بکل مار کے بہہ جاندا اے۔ حضرت سلطان باہو فقر دے کھلار بارے فرماندے نیں۔

”عاشقاں بکو وضو جو کیتا روز قیامت تائیں ہو
وچ نماز رکوع سجو دے رہندے سنجھ صباہیں ہو
استھے او تھے دوہیں جہانیں سبھ فقر دیاں جائیں ہو
عرشاں توں سے منزل اگے پیا کم تینا ہیں ہو“ (۶۳)

حضرت سلطان باہو فقر دی دنیا ول جاو ن واسطے مرشد کامل دے نال نال علم اُتے وی زور دتا اے۔ جس نوں علم لانی آکھ دے نیں۔ ایہہ علم کتاباں وچوں نہیں لکھدا۔ ایہہ صرف اور صرف پاک صاف سینیاں وچوں پھٹھدا اے صرف خاص خاص چُنے ہوئے لوکاں نوں ملدا اے۔ حضرت سلطان باہو اپنے اک بیت وچ فرمیںدے ہن۔

”علموں باجھ جو کرے فقیری کافر مرے دیوانہ ہو

سے ورھیاں دی کرے عبادت اللہ کئوں بیگانہ ہو

غفلت کئوں نہ گھلسن پردے دل؛ جاہل : بتخانہ ہو

میں قربان تنہاں توں جہاں ملیا یار یگانہ ہو (۶۴)

اس بیت وچ حضرت سلطان باہو علم تو باجھوں فقر کماون نوں کفر آکھیا اے کیوں جے علم اوہ اک چانن اے جیہدی لو وچ اک سالک اگا نہہ قدم رکھدا اے۔ علم دے چانن نال ای ہر شے دی پچھان ہو سکدی اے۔ فقر دا علم تاں اوہ علم اے جیہدے نال ہر شے دی حقیقت وی سائے آجاندی اے۔ مڑ کوئی بھلیکھا بھل نہیں رہ جاندی۔ ڈاکٹر سلطان الطاف علی اس بیت دی شرح وچ لکھدے نیں۔

”علم راہ فقر کے لیے مشعل ہے اور مرشد راہ کے لیے رہنما ہے۔ گویا جہاں کے ساتھ فقر

حاصل کرنے کی کوشش غفلت کے گڑھے میں پڑے رہنے کے مترادف ہے۔ کیونکہ جاہل

کے لیے پاکیزگی، تزکیہ نفس اور بلند اخلاق اختیار کرنا مشکل کام ہوتا ہے اور اس کے ساتھ

اسرار باطن و رموز ظاہر کو بھی سمجھنا ناممکن ہوتا ہے۔ چہ جائیکہ وہ حق تعالیٰ کا عرفان حاصل کر

سکے۔“ (۶۵)

سچے تے کامل فقیراں دے نال نال مال زر تے زن دے طالب دکھالے دے فقیر وی موجود رہے نیں۔ حضرت سلطان باہو ہوراں اپنے سہ وچ دکھالے دی فقیری تے دکھو دکھ اوپرے اوپرے چالیاں و طیریاں تے ڈھنگاں دی ندیا کردیاں ہوئیاں فرمایا۔

”نہیں فقیری جلیاں مارن سٹے لوک جگاؤن ہو

نہیں فقیری ویہندی ندیاں سکلیاں پار لنگھاؤن ہو

نہیں فقیری وچ ہوا سجادہ پا ٹھہراؤن ہو

نام فقیر تنہاں دا جیہڑے دل وچ دوست ٹکاؤن ہو“ (۶۶)

ایس بیت وچ حضرت سلطان العارفین علم معرفت اک وڈا مڈھلاکتہ دسیا اے اصل وچ فقیری تاں ایس

اعلیٰ مرتبے داناں جیہدے وچ عارف کامل دے دل وچوں ہر شے کوچ کر جاندی اے تے صرف اور صرف اوہ ذات حقیقی ای رہ

جانندی اے۔ فیراگا نہہ ودھ کے اوہدے لوں لوں وچ سما جانندی اے۔

”اور فرمایا فرمانِ ربانی ہے کہ اے میرے حبیبؑ لوگوں کو کہہ دیجئے کہ اگر تم خدا کو دوست رکھتے ہو تو میری اتباع کرو تب خدا تعالیٰ تمہیں دوست رکھے گا پس اگر کسی نے یہ مراتب حاصل کر لیے ہوں کہ پانی پر چلتا ہے تو سمجھیں گھاس کا تنکا ہے اور اگر کسی کو دیکھیں کہ ہوا میں اڑتا ہے تو جان لیں کہ یہ مکھی ہے۔ اس سے اس کی کچھ قدر نہیں۔ فقیر کو چاہیے اللہ کے رسولؐ کی رضامندی حاصل کرے تو کچھ ہے اور بس باقی ہوس“۔ (۶۷)

اج وسیب وچ سدھے سادھے تے گھٹ علم والے لوکاں فقیری نوں پرکھن واسطے اپنے آپ معیار گھڑ لے ہن کوئی کرامتاں وکھاؤن والے تے کوئی ترک دنیا کر کے جنگلاں وچ پھرن والیاں نوں فقیر منہدے نیں تے کوئی اپنے دنیاوی کماں دے پورا کرن والے نوں فقیر من دا اے۔ حضرت سلطان باہوؒ دل وچ مرشد نوں وساؤن تے فیرا بہدے واسطے ہر پل قلب دی حضوری اتے زور دیندے نیں۔

”باجھ حضوری نہیں منظوری پئے پڑھن بانگ صلوتاں ہو

روزے نفل، نماز گزارن پئے جاگن ساریاں راتاں ہو

باجھوں قلب حضور نہ ہووے پئے کڈھن سئے زکاتاں ہو

باجھ فنا رب حاصل ناہیں نہ تاثیر جماتاں ہو“ (۶۸)

ایہتھوں ایہہ گل لبھدی اے پی فقیری بانگاں صلاتاں تے زکاتاں نال نہیں ملدی۔ فقیری تاں اپنے آپ نوں مٹا دیون تے ہر پل قلب دی حضوری نال ملدی اے۔

فن دے پکھوں حضرت سلطان باہوؒ ہوراں دے ایہہ مصرعے اعلیٰ درجے دے نمونہ ہن۔ ایہناں وچوں زبان دی سادگی وچاراں دی روانی لبھدی اے۔ ایہناں مصرعیاں وچ معنیاں دا ٹورا اک مصرعے اتے رُکدا۔ نہیں اوہ اک وگدے دریا وانگوں اگانہہ ودھدے جا پدے نیں۔ ڈاکٹر محمد ایوب خان، حضرت سلطان باہوؒ دی علامات نگاری تے تمثیل دے فن دا ویرا کر دیاں ہو یاں لکھدے نیں۔

”حضرت سلطان باہوؒ کا کلام سادہ شیریں پر مغز تو ہے ہی۔ قانون ادب و سخن کی رو سے یہ لہر، بحر، وزن، قافیہ اور ردیف میں ہر لحاظ سے پورا ہے اگرچہ نظم و نثر میں آپ کا مضمون ایک ہی ہے یعنی توحید و مرشد اور طالب ہے۔..... آپ نے توحید کی تفسیر روحانی تجربات اور اصطلاحات کے ساتھ اصلاح عامہ، اصلاح معاشرہ اور اصلاح نفس کو بل دیئے بغیر سادہ اور دلچسپ الفاظ میں بیان فرمایا جس میں تعقل اور تصنع کی بجائے وہم اور وجدان کی کیفیت

نظر آتی ہے۔ (۶۹)

حضرت سلطان باہودی پنجابی شاعر وچ فقر دیاں ازلی سچائیاں نوں عوام تک اپڑان واسطے وجدان دارنگ اگھڑواں
نظر آندا اے۔ تخیل دی وی ایہدے وچ اک خاص ڈونگھیا ئی اے۔ پر بیان ڈھنگ وچ ایجاز و اختصار دے حوالے نال گھٹو
گھٹ لفظاں نوں ورت کے وڈے وڈے مضموناں نوں بیان کیتا اے۔ ایہدے نال شعروچ اک خاص قسم من موہنی کچھ پیدا ہو
جاندی اے۔

آپؑ اپنے ماحول وچوں انج دیاں تشبیہاں تے استعارے ورتے نیں جیہڑے آپ دے روحانی تجربات دی وی
نشاندہی کردے نیں تے ایہدے نال آپؑ دی فکرنوں سمجھن وچ مددوی دیندے نیں۔

عاداتاں خصلتاں

جیہڑے ہون مٹی دے بھانڈے کدی نہ تھیوں کانجے ہو

جیہڑے مڈھ قدیم دے کھیڑے کدی نہ ہوندے رانجے ہو

ایہناں مصرعیاں وچ حضرت سلطان باہو بندے دی فطرت تے عاداتاں خصلتاں بارے دسیا اے۔ جیہڑے بندے جیہو جیہی عادت خصلت وچ پکے پیڈے ہو گئے اوہ اس عادت خصلت نوں چھوڑ نہیں سکدے۔ کیوں جے بھیڑیاں عاداتاں وچ شیطان چسکے سواد تے لالچ داک نہ مکن والا چوگانج کھلاردا جاندا اے۔ پئی بندہ اس چسکے سواد تے لالچ لو بھ حرص پاروں اس دلدل وچ اگے توں اگے ٹردا رہندا اے۔ اوہنوں پتہ ای نہیں چلدا پئی اوہ صراطِ مستقیم نوں چھوڑ کے گناہواں دی دلدل وچ کتھے آن پہنچیا اے۔ ہر پل شیطان اوہنوں ہورا گانہ ٹورن تے پکیاں پیڈیاں کرن واسطے تھا پڑالائی رکھدا اے۔ اخیر مُڑاک ویلے ایہہ لوک مڈھ قدیم دے کھیڑیاں تے کیدواں دے قبیلے وچ جارلدے نیں۔ جتھے جا کے ایہناں دے دلاں اُتے مہراں لگ جانیاں نیں تے مڑ ہمیشاں ہمیشاں واسطے کھیڑیاں تے کیدواں دے دھڑے دے جوٹی وال بن جانداں نیں۔ اتھے اپڑ کے مڑ ایہناں اُتے کوئی وعظیاں چنگی مت دی گل اثر نہیں کردی۔ اوہناں دے دل پتھراں وانگ سخت ہو جانداں نیں۔

حضرت سلطان باہو دا ایہناں لوکاں بارے ایہہ اُٹل تے ٹھکواں فیصلہ اے پئی جو یں مٹی دے بھانڈے جتھے وی لے جاؤ، اوہناں اُتے چنیاں وی پالشاں مارلو، اوہ کدی وی شیشے دے نہیں بن دے۔ مٹی دے ای رہنے نیں۔ انجے کر کے جیہڑے لوک عاداتاں سوچاں دے حوالے نال کھیڑیاں دے دھڑے دے ہن، اوہ ہن مسمسں واسطے کھیڑے ای راہسن۔ اوہ ہن کسے وی قیمت تے رانجے دے دھڑے نال نہیں رل سکدے۔ کیوں جے کھیڑے مل مارن، میل بند وسیب دی علامت تے رکھوالے ہن۔ جتھے مال زر زن تے اُچا ناواں بناون دالو بھ حرص تے ہوس نوں ای رب منیا جاندا اے۔

دوجھے پاسے رانجھا اپنا گھر بار مال ڈنگر زر زمین وطن تے وسیب وچ اپنے ماپیاں دی چودھراہٹ نوں چھوڑ چھڈا کے ان ڈٹھے پندھ وچ بیاتاں عاشق بنیا تے اج وی زندہ اے۔

نجم حسین سید رانجھے دی رمز دا ویروا کردیاں ہو یاں لکھدے نیں۔

”رانجھا میل پال وسیب نوں رب من توں نابرتھی گیا۔ دریاؤں پار جاوون رمز ہے رانجھے دی نابری دی نابری دے نینہہ دی۔ دریاؤں پار گیا تاں اوہداست ودھیا۔ پرانی رہتل دیاں جڑاں اوہدے اندروں پٹ گھتیاں۔ اوہدے سُر باجھ مجھیں نہ چردیاں تے اوہدے ساہ نال رنگ پوریں بھاگ ویندی۔ چنانہوں پار دا پندھ اک نویں جو جیون دا پندھ ہے۔ اپنے آپ اندرونوں رنگ رنگن داتے اپنے ویہڑے نوں نویں سرسارن دا“۔ (۷۰)

حضرت سلطان باہوؒ ہوراں اس بول وچ اپنا اک اٹل فصیلہ کردتا اے پئی جیہڑے بندے کھیڑیاں دیاں سوچاں تے عاداتاں رکھدے ہن اوہ بھانویں جنے روپ وٹالین اوہ رانجھے نہیں بن سکدے۔ کیوں دونہاں دھڑیاں دیاں عاداتاں تے سوچاں وچ زمین آسمان دی تھہ اے۔ حضرت سلطان باہوؒ اپنے اک ہور بیت وچ اس گل نوں ہورا گانہہ ودھا کے فرمایا اے۔

تے مول تر بوز نہ ہوون توڑے مکے لے جائیے ہو
کاں دے بچے ہنس نہ تھیندے پئے موتی چوگ چگائیے ہو
کوڑے کوہ نہ مٹھے ہوندے سئے مناں کھنڈ پائیے ہو

ایس بیت وچ وی حضرت سلطان باہوؒ اپنے وسیب وچوں وکھو وکھشیواں دیاں قدرتی صفتاں نوں استعارہ دے طور تے ورت کے ایہناں عاداتاں خصلتاں بارے اٹل تے ٹھکویاں گلاں یا فیصلے دتے ہن۔ پئی تمہ نوں بھانویں مکے وی لے جاؤ اوہ تر بوز نہیں بن سکدے تے دے اندر قدرت دی بھری ہوئی کڑتن نہیں مک سکدی۔ انجے کر کے کاں دے پچیاں نوں بھانویں موتی خوراک دیئے تاں وی اوہ کاں ای راہسن اوہدی فطرت نہیں بدل سکدی۔ اوہ ودھیا اعلیٰ خوراک دین نال ہنس نہیں بن سکدے۔ انجے ای جینہاں کھواں دا پانی کوڑا ہووے اوہناں وچ جنے مناں دے من وی کھنڈ پادیئے اوہ کھوہ کدی وی مٹھے نہیں ہو سکدے۔

ایس بیت دی شرح کردیاں ڈاکٹر سلطان الطاف علی لکھدے نیں۔

”راہ سلوک و معرفت کے سالکوں کو نامحرم اسرار ذات لوگوں کی رفاقت سے احتراز کرنا چاہیے۔ کیونکہ جو لوگ فطرت ازلی سے نامحرم ہیں۔ وہ دانائے راز اور آشنائے حقیقت کبھی نہیں ہو سکتے یہ نامحرم لوگ حظل کی طرح ہیں جن کی سرشت میں تلخی ہے مٹھاس پیدا ہو ہی نہیں سکتی۔ اور ان کی مثال کووں کی سی ہے جو اپنی ازلی فطرت کو نہیں بدل سکتے نیز ان کی مثال ایسی زمین کی سی ہے جس میں سے صرف کڑوا پانی ہی نکلتا ہے۔ اگر سالک کسی ایسے نامحرم کی رفاقت اختیار کرتا ہے تو گویا عشاق ذات کے طورے طبقہ کو بدنام کرتا ہے۔“ (۷۱)

معرفت دے راز نیاز توں جیہڑے لوک واقف نہیں ہن اوہناں نوں سمجھاونا فضول اے۔ کیوں جے ایہہ راز سمجھاوان نال نہیں آوندے ایہناں واسطے کسے خاص ویلے دی قبولیت ہوندی اے یاں ایہہ خوش نصیب روح قدرت دے اپنے چنے ہوئے نیں۔ جینہاں دے سینیاں وچ معرفت دا بوہت وڈا خزانہ رکھیا جاند اے۔ ایہہ خزانہ کسے کمال نال نہیں ملدا۔ بلکہ اللہ تعالیٰ دی کرم نوازی دی عطا اے۔ اس واسطے ایہناں لوکاں نوں کوشش نال محرم راز نہیں بنایا جاسکدا۔ حضرت سلطان باہوؒ اک ہور بیت وچ ایس بارے فرمایا اے۔

پتھر چیت: جہاں دا اوتھے ضائع و سنا مینہاں ہو

ہر گز نکھن مول نہ آوے پھٹے دودھ دے کڑھیاں ہو

پہلے مصرعے وچ حضرت سلطان باہو ایہہ گل سمجھائی اے پئی جینہاں بندیاں دے وچارتے دل پتھر وانگوں سخت ہو گئے نیں۔ اوہناں نوں سمجھاون تے مت دین دیاں ساریاں کوششاں فضول تے بیکار ہن۔ جویں پتھراں اتے جناوی مینہہ وے ضائع ویندا اے۔ اوتھے کوئی وی بوٹا اگ نہیں سکدا۔ انجے ای ایہہ معرفت دے نامحرم لوکاں دا حال اے۔

دوہے مصرعے وچ ایہو اتے کیستی گل نوں اک ہو رڈھنگ نال پھٹے دودھ دی مثال راہیں سمجھایا اے پئی جویں پھٹے دودھ نوں کاڑھن نال مکھن نہیں آندا انجے ای معرفت دے غیر محرم لوکاں نوں سمجھاون نال محرم نہیں بنایا جاسکدا۔ ایہہ دولت تاں اک طرحاں دی عطا نال ملدی اے۔ ایہہ کسی نہیں اے۔ اس راہ اتے تاں مرن توں پہلاں مرنا پوندا اے۔ اپنا آپ مٹاؤنا پوندا اے۔ اپنا سبھ کجھ مُرشد دی ذات اتوں قربان کرنا پیندا اے۔ مرشد دی رضا اگے اپنی مرضی ارادے تے ساریاں سدھراں نوں چھری پھیرنی پوندی اے تاں کتے جا کے مرشد دی خاص کرم نوازی نال معرفت دی نعمت ملدی اے۔ اس واسطے جہاں لوکاں دے دل پتھر ہو گئے نیں تے ایہناں دے دلاں اتے مہراں لگ چکیاں نیں۔ ایہہ لوک ہن کسے وی قیمت تے معرفت دی دنیا دے محرم نہیں بن سکدے۔ اس واسطے ایہہ بھانویں مکنتہ المکرمہ یاں مدینہ منورہ وی جاوَن جو روپ وٹاندے پھرن ایہناں دی ازلی فطرت نہیں بدل سکدی۔ اس واسطے حق دے طلبگاراں نوں ایہناں نال صحبت رفاقت اختیار کر کے عاشقاں فقیراں نوں بدنام نہیں کرنا چاہیدا۔ پروفیسر احمد سعید ہمدانی ایہناں مصریاں دی شرح وچ لکھدے نیں۔

”ویسے تو تمام صوفیاء کرام نے صحبتِ ناجنس سے بچنے کی ہدایت فرمائی ہے اور عام طور پر اس سے مسلک کی غیر آہنگ، طبیعت کی عدم موافقت، بدعتیگی یا بد اعمالی مراد ہوتی ہے۔ مگر سلطان العارفین سلطان باہو نے یہاں ان بد فطرت انسانوں کی صحبت سے احتراز کی بات کی ہے جو اپنی فطرت میں رذیل اور دل کے کثیف ہوتے ہیں۔ جو نہ تعلیم سے بدل سکتے ہیں اور نہ تربیت سے ان کی اصلاح ہو سکتی ہے جو نہ احسان کا خوشگوار اثر لیتے ہیں اور نہ کسی کی خوش اخلاقی سے سنورتے ہیں۔“ (۷۲)

فن دے پکھوں ویکھیے تاں ایہناں مصرعیاں اندر حضرت سلطان باہو اپنے لوک وسیب وچ عام ورتارے دیاں شیواں جویں تے مٹی دے بھانڈے، لوک داستان ہیرا رنجد دے مکھ پاتراں تے پکھواں دی فطرت تے عاداتاں دے استعارے تے تمثیلاں نوں اپنے خاص نویکلے ڈھنگ انج ورتیا اے جے ایہہ مصرعے پنجاب دے لوک ادب وچ اکھاناں داروپ وٹا چکے نیں۔ سیانے لوک ایہناں بولاں نوں ستھ پر بہا وچ موقع محل دے مطابق ورت کے رو لے پیاں گلاں دا نتارا کر کے فیصلے

دیندے نہیں۔ پروفیسر خاور سعید بھٹا حضرت سلطان باہو دے اس خاص نونیکلے ڈھنگ بارے لکھدے نہیں۔
 ”ان کے ہاں تشبیہات اور استعاروں کا استعمال ضرور ملتا ہے لیکن ان میں اس قدر مطابقت
 ہوتی ہے کہ شعر کا اثر دوگنا ہو جاتا ہے۔

دانا لوگوں کا قول ہے کہ فطرت نہیں بدلتی باہو نے اس بات کو اتنی خوبصورتی اور پُر اثر
 طریقے سے بیان کیا ہے کہ ادبی حسن کے ساتھ ساتھ قاری کا بھی اس بات پر یقین قائم ہو
 جاتا ہے۔“ (۷۳)

حضرت سلطان باہو دے ایہناں بیتاں وچ اک وڈی خوبی طاقت تے قوت دا بھرواں عنصر اے۔ ایہدے نال
 مطلب تے معنیاں وچ اک چنگا چوکھا زور پیدا ہوویندا اے۔ ایہہ دو جیاں زباناں دے ادب وچ گھٹ نظریں آندا اے۔
 آپ دے ڈھیر سارے بیت اچھے ہن، جہاں وچ آپ گھٹو گھٹ لفظ ورت کے اک پاسے تاں بوہت وڈی گل کتھ یا کہانی نوں
 بیان کیتا اے۔ دو جھے پاسے ایہناں دے مطلب تے معنیاں وچ ایڈاز ورنظریں آندا پئی جویں اوہ آپ نے اک اٹل تے
 ٹھکویں فیصلے دے طور تے دتا اے۔ جیہدے توں بعد اوہ دے اتے ہو رکوئی گل کرن دی گنجائش ای نہیں رہ جاندی۔

حضرت سلطان باہو تصوف دی اس ریت جیہڑی بابا فرید گنج شکر پاک پتن والیاں توں وی پہلوں اک صوفی بزرگ بابا
 حاجی رتن توں تھردی لہدی اے۔ ایس توں بعد بابا فرید گنج شکر ایس ریت نوں ڈھیر سارا پکا پکا کیتا تے فیرو گوروناک تے شاہ
 حسین لہوری ہوراں اپنے اپنے خاص نونیکلے ڈھنگ نال اس ریت نوں اُساریا تے جدوں ایہہ ریت حضرت سلطان باہو گول اپڑ
 دی اے تاں آپ وی اپنے نونیکلے ڈھنگ نال تصوف دی ایس پرانی ریت نوں اگا نہہ ودھایا۔ آپ دا کلام معرفت تے ربی عشق
 نال دند و دند بھریا ہویا اے۔ آپ دے ایہناں بیتاں وچ صوفی شاعری دے تنوں مڈھلے مضمون ملدے نہیں۔ اللہ تعالیٰ دی
 ذات انسان دی ہستی تے کائنات۔ آپ تصوف دیاں باریکیاں نوں اپنے وسیب دیاں علامتاں تے استعاریاں راہیں نکھیر کے
 بیان کیتا اے۔

آپ دے بیتاں دا پڑھن تے سنن والیاں اتے اک ڈونگھا وجدانی اثر ہوندا اے۔ ہُو دی آواز کناں وچ پیندیاں سار
 ای دل دے تار و جن لگ پیندے نہیں تے دل و دماغ وچ اک خاص طرح سر و پیدا ہو جاند اے۔ ایہہ چیز حضرت سلطان باہو
 دے کلام وچ موسیقیت تے ایہدی اک خاص لے نوں ودھاندی اے۔

ایہناں مصرعیاں دی زبان سادہ اے تے ایہدے وچ اک خاص روانی وی اے۔ معنیاں دا کھلا ریڈا وڈا اے پئی
 انسانی حیاتی دے ہر کچھ اُتے لاگو ہوندے نہیں۔ لوکاں دی قبولیت تے ورتن ایہناں بولاں دی سچائی اتے اک طرحاں دی مہر لگ
 چکی اے۔ اس واسطے ایہہ بول لوکاں دے دلاں وچ موجود نیں۔

تقدیر

گھر تھیں ملیا دیس نکالا، لکھیا جھولی پایا

اس بیت وچ حضرت سلطان باہو حضرت آدم علیہ السلام دے جنت وچوں نکل کے زمین تے آون ول اشارہ کر کے دسیا اے پئی اللہ تعالیٰ دے لکھے نوں مننا پوندا اے۔ اوہدا لکھیا نہیں ٹلدا۔ اسے لکھے لیکھاں پاروں حضرت آدم علیہ السلام تے حضرت حوا علیہ السلام نوں جنت جیہڑا ساڈا اصل گھر آہا وچوں نکل کے اس زمین اُتے آ کے وسنا پیا۔ ایہہ سارا کجھ تقدیر داملمہ اے جس وچ بولن دی کائی جاہ نہیں۔ تقدیر دے اگے کسے دی کوئی واہ نہیں لگدی۔ اس اگے ہر کوئی بے وس اے۔ اس کتھا دی حقیقت توں واقف بندہ اتھوں دے رُجھے، رو لے رپھڑ، مل مارن دی مارو مارُ حرص تے لو بھ دے کرتوتاں نوں ویکھ ویکھ کے گھبرا ویندا اے تے اخیر تنگ آ کے پکارا ٹھدا اے۔

”روہ نی دنیا نہ کر جھیرا ساڈا دل گھبرایا ہو“

اس پردیسی وطن دوراڈا دم دم الم سوریا ہو“ (۷۴)

حضرت محمد صلی اللہ علیہ وسلم دافرمان مبارک ایہہ ہے۔ پئی ایہہ دنیا اک مسافر خانہ اے۔ جیہدے اندر ہر بندے نوں مسافر وانگوں کجھ چروا سطرے رکنا پوندا اے۔ پردیسی یا مسافر دی اندروں تاں نگاہ اپنی منزل اتے رہندی اے۔ جویں اوہ مسافر راہ دیاں رنگ برنگیاں نظاریاں وچ نہیں گھبدا۔ اپنی منزل ول ٹردار ہندا اے تے جیہڑا بندہ ایہناں نظاریاں وچ گھب کے اتھے بہہ رہیا اوہدا پندہ کھوٹا ہو گیا تے اوہ کدی وی اپنی منزل تے نہیں پہنچ سکدا۔ اس واسطے حضرت سلطان العارفین سلطان باہو ایس بیت دے آخری دو مصرعیاں اندر دنیا دے نظاریاں تے رونقاں تو تنگ آ کے فرمایا اے۔ دنیا ساڈے کچھ نہ پواسیں تاں پہلاں ای اپنے اصل گھر جنت الفردوس توں ڈھیر دور لے پندہ وچ پئے ہاں توں ساڈا پندہ کھوٹا نہ کر۔ ساڈا کچھا چھڈ دے۔ ساڈے اندر دا غم پہلے ای ہر پل ودھدا جا رہیا اے۔ ساڈے اندر وچھوڑے دے درداں دی دھندلی چنگاری بھانبر اہندا جا رہیا اے۔ اسیں اس دنیا وچ پردیسی ہاں اس واسطے اس دنیا وچ رہندیاں ہو یاں ایہدی کسے شے نال دل نہیں لاونا چاہیدا۔ پروفیسر احمد سعید ہمدانی اس بیت دی شرح وچ لکھدے نیں۔

”حضرت سلطان العارفین نے آفرینش انسانی کے ابتدائی دور کے ایک مرحلے کی طرف

اشارہ کر کے مرد راہ کو باطن کی اس کیفیت سے آگاہ کیا ہے جو انسان کو شروع میں کبھی شعور

کی نیم بیداری کے حال میں حاصل کی تھی۔ لیکن اب اسے شعور کی پوری بیداری کے ساتھ

اسے دوبارہ پانا ہے“۔ (۷۵)

ایس بیت وچ حضرت سلطان العارفین سلطان باہو ہور اں بندے دی روز ازل توں لے کے اس دنیا وچ رہن ٹکانے

دی حقیقت تے بندے دے باطنی پندھ دے حال احوال نوں چار مصرعیاں وچ وسیب وچ عام سمجھے جان والے سدھے سادے لفظاں وچ کھول کے دس دتا اے۔ اس بیت دادو جھامصرعہ ”گھر تھیں ملیا دیس نکالا“ لکھیا جھولی پایا۔“

اپنے اندر بیان ہوئی حقیقت دے اندر لے ست تے سوہنے پھویں ڈھکویں ڈھنگ پاروں وسیب وچ اک اکھان دا روپ وٹا چکيا اے۔ ڈاکٹر سلطان الطاف علی اس بارے لکھدے نیں۔

”جب انسان اپنے اصل مقام سے جدا ہونے کے بارے میں احساس کرے اور واپس جانے کے لیے تجسس اور تفکر کرے اور ہو سکتا تھا۔ کہ وہ اشتیاق و درد کی دولت حاصل کر کے معرفت و عشق کے مقامات کو پالیتا مگر اب بہت دیر ہو گئی۔ حرص و ہوس، ننگ و نمود، مردم آزاری، تکبر و حسد، زر و وحی، زر، ظلم و سیاہ کاری نے اسے خود کشی کے مقام پر پہنچا دیا ہے۔“ (۷۶)

قرآن مجید تے حدیث دے ڈونگھی نظر نال مطالعہ کیتا جاوے تاں پتہ چلدا اے۔ پئی انسان دی حیاتی دا اصل ست اوہی روح اے۔ ایہہ اصل وچ اللہ تعالیٰ دی ذات دا اک جز اے۔ ہن اے جز اپنے کل توں جدا ہو جان توں بعد فیر اپنے اصل وچ جاملن واسطے اس دنیا وچ بے قرار رہندی اے۔ اس واسطے جدوں کسے بندے دی روح پرواز کر جائے تاں وصال دا لفظ بولیا جاندا اے پئی ہن روح اپنے اصل ول لوٹ گئی اے۔

فن دے حوالے نال ایہہ بول اک اعلیٰ درجے دا نمونہ اے۔ زبان سادہ پُر تاثیر تے آسان اے۔ انج جا پدا جو یں دریا کوزے وچ بند کر دتا اے۔

اختصار حضرت سلطان باہو دے پنجابی کلام دی اک بہت وڈی فنی خوبی اے۔ گھٹو گھٹ لفظاں نوں سچے ڈھنگ نال ورت کے حضرت آدم دے جنت توں زمین اتے آون دی ساری کہانی اک چھوٹے جیسے مصرعے وچ سمیٹ کے بیان کر دتا اے۔ اسلوب دی اس خوبی بارے سید عابد علی عابد لکھدے نیں۔

”شعر اختصار کی نمود کی دو مشہور صورتیں ہیں۔ ایک تراکیب تازہ کا اختراع کہ ان میں ایک جہان معنی پوشیدہ ہوتا ہے اور مطلب کا ایک انبار ایک ترکیب میں سما جاتا ہے۔ دوسرے استعارہ کہ شاعری کی جان ہے اور ایمائی و علامتی رموز سے کام لے کر مطلب کو ذہن نشین کر دیتا ہے۔“ (۷۷)

حضرت سلطان باہو ہوراں کنیں تھانواں تے اشارے تے علامتاں راہیں وی اپنا سنیہا عام لوکاں کی تائیں اپڑایا اے۔ فن دی دنیا وچ اشارہ عمل دا اک ذریعہ ہوندا اے۔ اس راہیں عمل نوں اک مجسم مورت دے روپ وچ ویکھیا جاسکدا اے۔ جدوں کہ علامت دا تعلق سوچ وچاراں نال ہوندا اے۔ سوچ فکر دی تھاں لفظاں توں ڈھیر اُچی ہوندی اے۔ فکر نوں پوری

طرحاں صرف وڈے گھیرے والی زبان ای بیان کرسکدی اے۔

عام طور تے اشارے کنائے وچ شاعری اک خاص طبقے تے اک خاص سہ تائیں رہندی اے۔ اس توں بعد اوہنوں کوئی پڑھداوی نہیں کیوں جے اوہدے استعارے تے تمثیلاں دا اوتھوں دے لوک وسیب نال کوئی جڑت نہیں ہوندی اس واسطے عام پڑھن والیاں واسطے مبہم تے ماورائی ہوندے نیں۔

حضرت سلطان باہودی پنجابی شاعری اس حوالے نال ڈھیر ساری امیر تے فن ندا اک اُچا تے سُچا نمونہ اے۔ ایہدے وچ ورتے استعارے، تشبیہاں تے علامتاں لوک وسیب وچوں لنیاں گنیاں نیں۔ جیہناں نوں اک عام بندہ وی چھیتی نال پورے مطلب مفہوم سمیت سمجھ لیندا اے بلکہ خاص نویکلے ڈھنگ پاروں حضرت سلطان باہودی شاعری لوکاں دے دلاں وچ موجود اے۔

حضرت سلطان باہودی فن تمثیل تے علامت نگاری بارے ڈاکٹر محمد ایوب خان لکھدے نیں۔
 ”آپ کے کلام کا مطالعہ کیا جائے تو پتہ چلتا ہے کہ آپ نے تمثیل اور استعارہ کو جس خوبصورت انداز میں استعمال کیا اس میں آپ اپنی مثال آپ ہیں۔ آگ، آتش، دھواں، شوہ، حیض، کھوہ، ندی، باغ، بہاراں، حج، قیام، رکوع، سجود، مشک، حبرا، دیوا، کوزے، مصلے، کدھی، ریت، لہراں، نرگس، کفنی، بھانڈے، کھیرے، رانجھے، مکالا، مکھن، دودھ، چٹورا، انگوری، جھگی، کتڑا، ہاتھی جیسے الفاظ بطور تشبیہ اور استعارہ کے لیے گئے ہیں۔ تمثیل اور استعارہ سے جہاں آپ کا کلام سادہ دلچسپ اور خوبصورت ہوا ہے وہاں یہ بھی پتہ چلتا ہے کہ زبان دانی کے علاوہ اپنے علاقے اور معاشرے میں پائے جانے والی اشیاء ان کا استعمال اور ان کے متعلق اچھا اور براتناثر لوگوں کی نفسیات اور ذہن پر آپ کی گہری نظر تھی۔“ (۷۸)

حضرت سلطان باہودی کلام دیاں خوبیاں وچوں اک ایہہ وی اے۔ پئی پہلے مصرعے وچ عام طور تے آپ مدعا بیان کردے نیں۔ دو جھ تے تیجھے مصرعے وچ تمثیل تے استعارے دی ورت نال اس مدعے اتے دلیل پیش کردیندے نیں تے اخیر لے مصرعے وچ پُر مغز خلاصہ بیان کردیندے نیں۔

حضرت سلطان باہو اپنے پنجابی بیتاں وچ لفظ ”ہو“ نوں اپنے کلام وچ ردیف دے طور تے ورتیا اے۔ ہُن ایہہ لفظ ”ہو“ آپ دی پچھان بن چکیا اے۔ کجھ لوکاں دا خیال اے پئی ایہہ لفظ ”ہو“ آپ دے دنیا توں پردہ کر جان پچھوں پڑھن ہاراں وچ رلایا اے۔ اج اس گل دا کھوج کڈھ کے نتارا کرنا دکھا اے۔ پرا ایہہ حقیقت اے لفظ ”ہو“ توں وکھ آپ دے بیتاں دے کجھ مصرعے پورے نہیں ہوندے اس لفظ ”ہو“ نوں حضرت سلطان باہو اپنے فارسی کلام وچ وی ورتیا اے۔ جویں لفظ ”ہو“ ہر تھاں تے آپ دی خاص پچھان بنیا اے انج دی مثال ہو نہیں لہدی۔ اج وی کسے تھاں توں ”ہو“ دی آواز کنیں پیندی اے

تاں آپ مہارے دل دماغ دیاں سوچاں آپ دے ابیات اُتے جاکدیاں نیں تے اک خاص وجدانی تاثیر پاروں دل دے تاروجن لگ پیندے نیں۔ ایہدے نال اک خاص قسم دی قلندرانہ سرمستی تے سرشاری بندے دے دل تے دماغ نوں اپنے سحر وچ لے لیندی اے۔

حضرت سلطان باہو دے ایہناں مصرعیاں دی اک وڈی خوبی فطری پن اے۔ فطری پن توں مراد ایہدی بے ساختگی تے قدرتی انداز اے۔ ایہہ قدرتی انداز آپ مہارے اُگے پھل تے بوٹیاں دا ہوندا اے۔ اوہناں دی کانٹ چھانٹ اس واسطے نہیں کیتی جاندی پی کدائیں ایہہ بناوٹی نہ لگن۔ دو جھے پاسے کیاریاں تے گملیاں وچ لگیاں ہوئیاں بوٹیاں اُتے محنت ڈھیر کیتی جاندی اے پر اوہناں وچ فطری سُنہپ نہیں راہندا۔ اس واسطے آپ دی پوری پنجابی شاعری وچ اک نویکلے ڈھنگ دی بے ساختگی موجود اے۔ ایہدے وچ تکلف ناں دی کوئی شے نہیں لبھدی۔ آپ دے کلام نوں پڑھدیاں کدائیں وی بناوٹ دا احساس نہیں ابھر دا۔ ایہہ شاعری آپ دے سینے وچوں پھٹ کے باہر نکلی جا پدی اے۔ جویں دھرتی دی مکھوں آپ مہارے پھل بوٹے نکلدے تے پتھر دے ہن۔ آپ دے ایہناں بیتاں وچ فطری پن تے انتاں دی روانی لبھدی اے جیہڑی اک وگدے دریا واں گول اے۔

کدائیں کدائیں حضرت سلطان باہو شیبہ، تمثیل تے استعارے نوں اک اک وکھرے اپنے خاص نویکلے ڈھنگ وچ بیان کیتا اے جیہدے نال آپ دا کلام مقدار دے حوالے نال بھانوس تھوڑا اے۔ پر فکری ڈونگھیاں تے سچائی دے اندر لے ست تے فن دے سچے نویکلے پھبویں ڈھکویں ڈھنگ پاروں پنجابی زبان و ادب وچ اک اُچا تھاں تے اپنی خاص پہچان رکھدا اے۔ جدوں تک پنجابی زبان و ادب موجود اے۔ حضرت سلطان باہو دا ایہہ پنجابی کلام پنجابی ادب تے لوکاں دے دلاں وچ زندہ راہسی تے ہر سہ وچ ایہدیاں نویاں نویاں فکری تے فنی پرتاں ساہمنے آندیاں رہن گیاں۔ حق تے فن دے کھوجی ایہدے توں راہنمائی لیندے رہن گے۔ آپ دے ایہہ بیت اپنی حکمت تے دانش دے اُملے خزانے لوکاں وچ ونڈے رہن گے تے لوکاں دے دلاں نوں روحانیت نال آباد رکھن گے۔

حوالہ جات

- ۱۔ سلطان باہو، ہودے بیت، ممتاز بلوچ (مرتبہ)، لاہور، سانجھ پبلی کیشنز، ۲۰۰۷ء، ص ۲۹
- ۲۔ سلطان الطاف علی ڈاکٹر، مرآت سلطانی، لاہور، باہو پبلی کیشنز، ۲۰۱۰ء، ص ۷۲
- ۳۔ راشد متین، ڈاکٹر شاہ حسین شخصیت: فکر و فن، اسلام آباد، اکادمی ادبیات پاکستان، ۱۹۹۸ء، ص ۳۴
- ۴۔ نجم حسین، سید سچ سدا ابادے کرنا، لاہور، سچیت کتاب گھر، ۲۰۰۷ء، ص ۲۹، ۳۰
- ۵۔ احسان، باجوہ، ترجمان: مہینہ وار جلد پنچویں، شمارہ ۳۲، لاہور، فروری مارچ ۲۰۱۱ء، ص ۱۱۴
- ۶۔ جاوید، قاضی پنجاب دی صوفیانہ روایت، لاہور، پاکستان پنجابی ادبی بورڈ، ۱۹۹۳ء، ص ۹۲
- ۷۔ ایضاً، ص ۳۶۰
- ۸۔ علی بلگرامی، سید تمدن ہند، لاہور، مقبول اکیڈمی، ۱۹۲۲ء، ص ۳۵۸
- ۹۔ ایضاً، ص ۳۶۰
- ۱۰۔ حسین مادھولال، کلام مادھولال حسین، مقصود ثاقب (سودھی)، لاہور، سچیت کتاب گھر، ۲۰۰۷ء، ص ۲۶
- ۱۱۔ سلطان باہو، کلام سلطان باہو، نذیر احمد، سید ڈاکٹر (مرتبہ)، لاہور، پیکیجز لمیٹڈ، ۱۹۹۹ء، ص ۳۵
- ۱۲۔ علی بلگرامی، سید تمدن ہند، ص ۳۶۵
- ۱۳۔ اشرف، محمد، کنور، ہندوستان عہد وسطیٰ میں، کراچی، سٹی بک پوائنٹ، ۲۰۰۷ء، ص ۵۷
- ۱۴۔ ابن حسن، سلطنت دہلی کا مرکزی نظام حکومت، نئی دہلی، قومی کونسل برائے فروغ اردو زبان و ادب ترقی انسانی وسائل حکومت ہند، ص ۸۲
- ۱۵۔ نجم حسین، سید سچ سدا ابادی کرنا، ص ۷۱
- ۱۶۔ صفدر حیات، صفدر عہد مغلیہ مع دستاویزات، لاہور، نیو بک سیلس، ص ۳۴۵
- ۱۷۔ ایضاً، ص ۳۶۸
- ۱۸۔ علی حسن چوہان، گرج، تاریخ گرج (حصہ سوئم)، کراچی، انٹرنیشنل پبلشرز، ۱۹۶۰ء، ص ۳۸۹
- ۱۹۔ علی حسن چوہان، گرج، تاریخ گرج (حصہ سوئم)، ص ۴۰۴
- ۲۰۔ محمد اکرام، شیخ، رُو کوثر، لاہور، ادارہ ثقافت اسلامیہ، ۱۹۹۲ء، ص ۶۰۰
- ۲۱۔ اعتر از احسن، سندھ ساگر، مستنصر جاوید (مترجم)، اسلام آباد، دوست پبلی کیشنز، ۱۹۹۹ء، ص ۲۲۸

- ۲۲۔ ایضاً۔ ص ۲۵۳، ۲۵۴
- ۲۲۔ عابد علی عابد سید اسلوب لاہور، مجلس ترقی ادب، ۱۹۹۶ء، ص ۱۷
- ۲۳۔ ارشد محمود ناشاد ڈاکٹر سلطان باہو کی پنجابی شاعری کا تکنیکی اور فنی جائزہ، مشمولہ: ماہنامہ مراۃ العارفین، جلد دوم، اشاعت خاص حضرت سلطان باہو نمبر، جھنگ، مئی ۲۰۱۱ء، ص ۶۷
- ۲۴۔ سلطان باہو ابیات باہو سلطان الطاف علی ڈاکٹر (مترجم و شارح) لاہور، باہو پبلی کیشنز، ۲۰۰۹ء، ص ۴۴
- ۲۵۔ سلطان باہو کلام سلطان باہو نذیر احمد سید ڈاکٹر (مرتبہ) لاہور، پیکیجز لمیٹڈ، ۱۹۹۹ء، ص ۲۲
- ۲۶۔ سلطان باہو دے بیت، ممتاز بلوچ (مرتبہ) لاہور، سانجھ پبلی کیشنز، ۲۰۰۷ء، ص ۲۱۲
- ۲۷۔ ایضاً۔ ص ۲۱۲
- ۲۸۔ سلطان باہو کلام سلطان باہو نذیر احمد سید ڈاکٹر (مرتبہ) ص ۳۰
- ۲۹۔ سلطان باہو دے بیت، ممتاز بلوچ (مرتبہ) ص ۱۹۹۹ء
- ۳۰۔ ایضاً۔ ص ۱۹۹
- ۳۱۔ سلطان باہو کلام سلطان باہو نذیر احمد سید ڈاکٹر (مرتبہ) ص ۲۷
- ۳۲۔ ایضاً۔ ص ۱۳
- ۳۳۔ سلطان باہو ابیات باہو سلطان الطاف علی ڈاکٹر، مترجم و شارح) ص ۲۱۳
- ۳۴۔ سلطان باہو کلام سلطان باہو نذیر احمد سید ڈاکٹر (مرتبہ) ص ۸۰
- ۳۵۔ ایضاً۔ ص ۶۰
- ۳۶۔ ایضاً۔ ص ۴۲
- ۳۷۔ احمد سعید ہمدانی، پروفیسر، کلام باہو وچ مرشد مقام، مشمولہ سانجھ و چار سعید بھٹا (مرتبہ) لاہور، اے ایچ پبلشرز، ۱۹۹۷ء، ص ۴۶
- ۳۸۔ سلطان باہو کلام سلطان باہو نذیر احمد سید ڈاکٹر (مرتبہ) ص ۲۰
- ۳۹۔ سلطان باہو ابیات باہو سلطان الطاف علی ڈاکٹر (مرتبہ) ص ۵۰۱
- ۴۰۔ راغب حسن، محمد نعیمی، کامل مرشد کی تلاش، مشمولہ: ماہنامہ مراۃ العارفین، جلد دوم، مئی ۲۰۱۱ء، ص ۴۶
- ۴۱۔ سلطان باہو، عین الفقر، امیر خان نیازی، سید (مترجم) لاہور، العارفین پبلی کیشنز، ۲۰۱۰ء، ص ۱۵۳
- ۴۲۔ سلطان باہو محکم الفقر، امیر خان نیازی، سید (مترجم) لاہور، العارفین پبلی کیشنز، ۲۰۱۰ء، ص ۲۱۷

- ۴۳۔ عنایت اللہ قادری، علامہ، حضرت سلطان باہو کا تصور مرشد، مشمولہ: ماہنامہ مراۃ العارفین، جلد دوم، مئی ۲۰۱۱ء، ص ۴۸۲
- ۴۴۔ ارشد محمود ناشاد ڈاکٹر، سلطان باہو کی پنجابی شاعری کا تکنیکی فنی جائزہ، مشمولہ: ماہنامہ مراۃ العارفین، جلد دوم، ص ۶۷
- ۴۵۔ سلطان باہو ابیات، سلطان باہو احمد سعید ہمدانی، سید پروفیسر (شارح) لاہور، زاویہ پبلشرز، ۲۰۰۵ء، ص ۴۱
- ۴۶۔ عابد علی عابد، سید اسلوب، ص ۱۰۷
- ۴۷۔ نذیر احمد، سید ڈاکٹر، کلام سلطان باہو، ص (ت)
- ۴۸۔ سعید خاور بھٹا، پروفیسر ڈاکٹر، حضرت سلطان باہو کا نوکلپ اپ ن، مشمولہ: ماہنامہ مراۃ العارفین، جلد دوم، مئی ۲۰۰۱ء، ص ۶۷۰
- ۴۹۔ سلطان باہو عین الفقر، امیر خان نیازی، سید (مترجم)، ص ۱۸۲
- ۵۰۔ سلطان باہو ابیات، سلطان الطاف علی ڈاکٹر (مرتبہ)، ۴۵۳
- ۵۱۔ سلطان باہو کلام سلطان باہو نذیر احمد، سید ڈاکٹر (مرتبہ)، ص
- ۵۲۔ ایضاً، ص ۲۶
- ۵۳۔ ایضاً، ص ۳۸
- ۵۴۔ سمیع اللہ قریشی، پروفیسر، باہو بھانے عشق، تصور، مشمولہ: سانجھ و چار، سعید بھٹا (مرتبہ)، ص ۴۶۳
- ۵۵۔ نور حیات خان، ملک، حضرت انسان اور فلسفہ عشق، مشمولہ: ماہنامہ مراۃ العارفین، جلد دوم، مئی ۲۰۱۱ء، ص ۴۰۴
- ۵۶۔ سعید خاور بھٹا، پروفیسر ڈاکٹر، حضرت سلطان باہو کا نوکلپ اپ ن، مشمولہ: ماہنامہ مراۃ العارفین، جلد دوم، ص ۶۷۰
- ۵۷۔ ارشد محمود ناشاد ڈاکٹر، سلطان باہو کی پنجابی شاعری کا تکنیکی اور فنی جائزہ، مشمولہ: ماہنامہ مراۃ العارفین، مئی ۲۰۱۱ء، ص ۶۷
- ۵۸۔ سلطان باہو محکم الفقر، امیر خان نیازی، سید (مترجم)، ص ۶۳۲
- ۵۹۔ سلطان باہو عین الفقر، امیر خان نیازی، سید (مترجم)، ص ۶۳۲
- ۶۰۔ تجل حسین رانا، تعلیمات باہو میں فقر اور دنیا، مشمولہ: ماہنامہ مراۃ العارفین، جلد دوم، مئی ۲۰۱۱ء، ص ۱۹۳
- ۶۱۔ سلطان باہو ابیات، سلطان الطاف علی ڈاکٹر، ص ۳۹۴
- ۶۲۔ سلطان باہو کلام سلطان باہو نذیر احمد، سید (مرتبہ)، ص ۵۲
- ۶۳۔ ایضاً، ص ۵۶
- ۶۴۔ ایضاً، ص ۶۷

- ۶۵۔ سلطان باہو ابیاتِ باہو سلطان الطاف علی ڈاکٹر (مرتبہ/شارح) ص ۴۱۳
- ۶۶۔ سلطان باہو کلام سلطان باہو نذیر احمد سید (مرتبہ) ص ۹۰
- ۶۷۔ سلطان باہو عین الفقیر امیر خان نیاز سیّد (مترجم) ص ۶۳
- ۶۸۔ سلطان باہو کلام سلطان باہو نذیر احمد سید ڈاکٹر (مرتبہ) ص ۱۲
- ۶۹۔ ایوب خان محمد ڈاکٹر سلطان باہو کی علامت نگاری اور فنِ تمثیل، مشمولہ: ماہنامہ مراۃ العارفین جلد دوم، مئی ۲۰۱۱ء، ص ۶۷۹
- ۷۰۔ نجم حسین سید ساراں، لاہور، سچیت کتاب گھر، ۲۰۰۷ء، ص ۱۴
- ۷۱۔ سلطان باہو ابیاتِ سلطان باہو سلطان الطاف علی ڈاکٹر (مرتبہ/شارح) ص ۵۶۱
- ۷۲۔ سلطان باہو ابیاتِ سلطان باہو سعید احمد ہمدانی، پروفیسر (مرتبہ/شارح) ص ۴۱۱
- ۷۳۔ سعید خاور بھٹا، پروفیسر ڈاکٹر سلطان باہو کا نوبلکلا پن، مشمولہ: ماہنامہ مراۃ العارفین جلد دوم، مئی ۲۰۱۱ء، ص ۶۷۱
- ۷۴۔ سلطان باہو کلام سلطان باہو نذیر احمد سید (مرتبہ) ص ۱۳
- ۷۵۔ سلطان باہو ابیاتِ باہو سعید احمد ہمدانی، پروفیسر (مرتبہ/شارح) ص
- ۷۶۔ سلطان الطاف علی ڈاکٹر باہو شناسی (جلد دوم)، لاہور، باہو پبلی کیشنز، ۲۰۱۲ء، ص ۶۵
- ۷۷۔ عابد علی عابد سید اسلوب، ص ۱۲۷
- ۷۸۔ ایوب خان محمد ڈاکٹر سلطان باہو کا فنِ تمثیل اور علامت نگاری، مشمولہ: ماہنامہ مراۃ العارفین جلد دوم، مئی ۲۰۱۱ء، ص ۶۷۹

چوتھا باب

ہیروارث شاہ
وچ اکھاناں دا
ورتارا

وارث شاہ دے سمداسیاسی سماجی پچھوکر

وارث شاہ دے جمن سال بارے ڈھیر سارا اختلاف موجود اے۔ ۱۷۱۷ء توں ۱۷۲۲ء تک ہر کھوجکار اپنے حساب نال جمن سال لکھیا اے۔ آپ اپنی شاہکار کتاب ”ہیر وارث شاہ“ وچ اوہدے مکمل ہون دا سال ۱۱۸۰ ہجری لکھیا اے تے نال ای اپنے سمدے سیاسی حالات بارے وی لکھیا اے۔

”سن یاراں سے اسیاں نبی ہجرت لمیں دیس دے وچ تیار ہوئی
اٹھاراں سے تریہا سمتاں دے راجے بکرماجیت دی سار ہوئی
جدوں دیس دے جٹ سردار آہے گھروں گھری جانویں سرکار ہوئی
چور چودھری یار نے پاک دامن بھوت منڈلی اک تھوں چار ہوئی
وارث جہاں نے آکھیا پاک کلمہ بیڑی تنہاں دی عاقبت پار ہوئی“ (۱)

وارث شاہ ہوراں دی اپنی گواہی توں پتہ چلیا پئی آپ داسمہ ۱۷۱۷ء توں ۱۸۰۵ء تک بن دا اے۔ ۱۷۶۶ء دے لاگے ہیر دا قصہ مکمل ہو یا۔

اس سمدے وچ ہندوستان اُتے چغتیاں دی باتشاہی آہی پر چغتہ راج اندروں گھن والی لکڑ وانگ کھوکھلا ہو چکیا سی۔ ۱۷۰۷ء وچ جدوں چغتہ باتشاہ اورنگ زیب عالمگیر فوت ہو یا تاں اوہ دا وڈا پتر معظم شاہ دلی دے تخت راج اُتے قبضہ کرن واسطے چھیتی نال کابل توں فوجاں لے کے دلی اپڑیا۔ آگرے دے نیڑے اُس اپنے سکے بھرا اعظم نوں ہرا کے قتل کردتا اس توں ویہلیاں ہو کے فیر اپنے سکے بھرا کام بخش نال ٹکر لین واسطے لے ہندوستان ول ٹر پیا۔ کام بخش دیاں فوجاں نال جنگ ہوئی کام بخش خود اس جنگ وچ ماریا گیا تاں معظم شاہ دلی دے تخت اُتے ”بہادر شاہ“ دے لقب نال بیٹھا پر پنج ورہیاں پچھوں ۱۷۱۲ء وچ جدوں لاہور وچ بہادر شاہ فوت ہو گیا تاں اس پچھوں فیر اک واریں دلی دے تخت واسطے خونی کھید شروع ہو گئی۔ اعتر از احسن اس واقعے بارے لکھدے نیں۔

”۱۷۱۲ء میں بہادر شاہ کی موت کے ساتھ ہی اقتدار کے لیے ایک نئی کشمکش کا آغاز ہوا بہادر شاہ کا بڑا بیٹا جہاندار شاہ تخت دہلی پر قابض ہونے میں کامیاب ہو گیا اور پیش بندی کے طور پر اس نے بادشاہت کے ہر ممکن دعویدار کو قتل کر دیا“۔ (۲)

سیانے لوک آکھدے ہن ”جیہنوں رب رکھے اوہنوں کون چکھے“ جہاندار شاہ اپنے ولوں تاں سارے متوقع تخت دے دعویداراں نوں مروادتا پر اوہ اک بھتیجا فرخ سیرنج گیا سی۔ اس وی تخت حاصل کرن واسطے اسے پرانی ریت اُتے عمل کیتا۔ فرخ سیر فوج اکٹھی کر کے اپنے چاچے جہاندار شاہ نوں قتل کردتا تے آپ دلی دے تخت اُتے قابض ہو گیا۔ اس سمدے سیاست وچ

دوسید بھرا ”سید برادران“ دے ناں نال تخت دلی دے مالک بن گئے سن۔ دربار وچ اوہناں دا اثر رسوخ اتنا ودھ گیا سی پئی اوہناں نوں لوک ”بادشاہ گر“ آکھن لگ پئے۔

ایہناں سید برادران دے ہتھوں فرخ سیروی اپنے انجام نوں پہنچ گیا۔ سید برادران دی مدد نال ۱۷۱۹ء وچ اک ہور چغتہ شہزادہ روشن اختر دلی دے تخت اُتے محمد شاہ دے لقب نال بیٹھا۔ ایہو محمد شاہ بعد وچ اپنی عیاشی تے رنگ رلیاں پاروں رنگیلے دے ناں نال مشہور ہويا۔

چغتیاں دی حکومت وچ تخت نشینی واسطے کوئی نیا پر نیا تے پکا پیڑا اصول کوئی نہیں سی جدوں اک بادشاہ فوت ہو جاوے آہاتاں اوہدے مرن پچھوں اوہدے پتر کنیں ہوو رشتہ داریاں فوج دا کوئی سپہ سالار وچکار تخت واسطے کنیں جنکاں ہونداں سن جینہاں وچ ہزاراں ہافوجی تے کنیں ہوو بے گناہ شہری وی مارے جان دے سن۔ کھڑیاں فصلاں اجڑویندیاں سن۔ معاشی طور تے وی ڈھیر سارا نقصان ہو جاندا سی۔ ایہدے نال نال ایہناں لڑائیاں وچ قید ہووون والے دشمنان جیہڑے عام طور تے سکے پیو، بھرا، بھتر، یے ہوندے سن۔ اوہناں دیاں اکھیں وچ لوہے دیاں تتیاں بھکدیاں سلایاں پھیر کے اٹھیاں کر کے قید وچ سٹ دینا تاں اک چلدا ویہار سی۔ ایہناں لڑائیاں وچ قیدیاں نوں ہوووی سخت سزاواں دیندے سن جینہاں نوں اج وی پڑھدیاں جئے دالوں لوں کھڑا ہوویندا اے۔ ۱۵۵۳ء وچ چغتہ باتشاہ ہمایوں اپنے سکے بھرا کامران کولوں کابل دی حکومت کھون پچھوں اوس نوں اکھاں توں اٹھا کر کے قید وچ پادتا تے اک دو بے سکے بھرا ہندال جیہڑا ظہیر الدین محمد بابر نوں بہت پیار سی تے بابر مردیاں ویلے ہمایوں نوں اپنے بھرانواں نال چنگے ورتارے واسطے وصیت وی کیتی سی پر ہمایوں لڑائی وچ ہندال نوں قتل کردتا۔ اسے سال ۱۵۵۳ء وچ سوری خاندان دے باراں سالان دے بچے فیروز شاہ سوری نوں محمد شاہ سوری عادی ماں دی جھولی وچوں گھسیٹ گھسیٹ کے پہلے اوہدیاں اکھیں کڈھ لیاں تے فیروہنوں قتل کردتا۔

جدوں جہانگیر دنیا توں ٹریا تاں نور جہاں اپنے جنوائی شہر یار نوں لاہور وچ ای تخت نشین کرا دتا۔ سارے درباریاں تے فوج دیاں سپہ سالاراں وی سلامی دے دتی پر نور جہاں دے سکے بھرا آصف جاہ اپنی فوج نوں لے کے شہر یار نوں گرفتار کر لیا تے اوہدیاں اکھیں کڈھ کے اوہنوں قید کر لیا تے دکن وچوں اپنے جنوائی شہاب الدین شاہ جہاں نوں سد کے تخت نشین کروایا۔ تخت نشینی واسطے ایہہ خونی ریت انجے ٹردی آئی۔

فرخ سیر جدوں جہاندار شاہ نوں قتل کر کے اوہدی لاش نوں دلی دے بزاراں وچ دکھاوون واسطے پھرایا اوہدے سرنوں اک وکھرے نیزے اُتے ٹٹکلیا ہويا سی۔

اعتر از احسن اس واقعے بارے لکھیا اے۔

”فرخ سیر نے جہاندار شاہ کو قتل کر کے سارے دہلی شہر میں اُس کے مردہ جسم کی نمائش کی اس

کاسرا لگ ایک نیزے پر پرویا ہوا تھا تاکہ لوگ عبرت پکڑیں جانشینی کی اس جنگ میں اس نے کئی شہزادوں کی آنکھوں میں لوہے کی گرم دھبکی سلاخیں پھروا کر اندھا کر دیا تھا ان میں اس کا ایک چھوٹا بھائی ابھی صرف دس سال کا تھا۔“ (۳)

جدوں روہیلے سردار غلام قادر دلی اُتے چڑھائی کر دیتی تے بادشاہ نوں قید کر دتا۔ شاہی محلاں تے خزانیاں دی لٹ مار شروع کیتی تاں غلام قادر روہیلے باتشاہ کو لوں خزانیاں دیاں کنجیاں واسطے پچھیاں تاں پختے باتشاہ شاہ عالم جیہڑا اس ویلے بڑھپے وچ سی تے انگریزاں دا وظیفہ خوار سی۔ روہیلے نوں آکھیا پئی خزانہ خالی اے۔ انگریزاں ہر پاسیوں گھیرا تنگ کر کے آمدن اپنے ہتھے کر لی اے۔ میں تاں مرہٹیاں دی قید وچ ساں ہن انگریزاں دلی ٹراؤن پچھوں میرا وظیفہ وی بند کر دتا اے۔ اس واسطے خزانہ خالی اے۔ شاہ عالم دی اس گل اتے روہیلے نوں یقین نہ آیا۔ اوہ گھبھرتے نالے باتشاہ شاہ عالم نوں دھمکی دتی پئی میں تیریاں اکھیں کڈھ لیساں تے دلی دی اٹ نال اٹ و جا چھڈ ساں۔ شاہ عالم غصے وچ آکھیا توں کیہ کہہ رہیا ایں؟ اوہ اکھیں کڈھیں جیہڑیاں پنجہ سالوں توں قرآن مجید دی تلاوت واسطے وقف نیں پر روہیلے اتے کوئی اثر نہ ہویا۔ اس اپنے فوجیاں نوں آکھیا باتشاہ نوں ڈھاہ کے لمیاں پاد یو۔ سپاہیاں بڑھے ضعیف پختے باتشاہ شاہ عالم نوں ڈھاہ کے لمیاں پادتا ایہہ ظالم روہیلے خنجر لے کے باتشاہ دے سینے اتے چڑھ گیا تے خنجر نال دونوں اکھیں کڈھ لئیاں تے دوراک لگے مکان وچ خونوں خون بڑھے ضعیف شاہ عالم نوں قید کر دتا۔ بعد وچ اسے غلام قادر روہیلے شاہی محل وچ دربار لا دتا تے پختے شاہی خاندان دیاں جوان زانیاں نوں تنکیاں کر کے نچایا۔ آپ اپنا خنجر کھول کے میز اتے رکھ چھڈیا تے آپ سوون دا بہانہ بنا کے لمپے گیا۔ ایہہ دیکھن واسطے پئی ایہناں شہزادیاں وچ تیموری خون ہے یاں مک گیا۔ شہزادیاں نجدیاں رہیاں پر کسے نوں وی خنجر چا کے روہیلے اتے حملہ کرن دی جرأت نہ ہوئی۔ ایہہ غلام قادر روہیلے بوہت ظالم انسان سی۔ بندیاں نوں مردیاں تڑپدیاں ویکھ کے خوش ہونداسی۔ ایہہ اپنے دشمنان نوں عجیب وحشیاں والیاں سزائیں دیندا آہا۔ ایہدے اک ایہو جے ظالم طریقے بارے اعتراض احسن لکھدا اے۔

”روہیلے جب کسی کاسرتن سے جدا کرتا تو فوراً وہاں جہاں پر پہلے سر تھا اس جگہ پر انگاروں سے دھبکی طشتری رکھ دیتا جس کی بے پناہ حدت سے خون کے دباؤ کی وجہ سے باقی جسم ایک طرح کا آسبی رقص کرتا۔ مرنے والا اس ”رقصِ بکھل“ میں جتنے زیادہ قدم ہیچانی حالت میں ادھر ادھر چلتا روہیلے سردار اس سے اتنا ہی زیادہ لطف اندوز ہوتا تھا۔“ (۴)

اورنگ زیب عالمگیر دے سے تک برصغیر وچ چغتیاں دی حکومت مضبوط رہی۔ چڑھدے پاسے بنگال توں لے کے لہندے ول قندھار تک اوہی ہمالیہ پہاڑ توں لے کے لمے دکن تائیں اک مرکز دلی دے ماتحت ہندوستان وچ اک مرکزی حکومت سی۔ اس حکومت پاروں سارا ہندوستان اک سیاسی وحدت وچ پرویا ہو یا سی۔ پر اورنگ زیب عالمگیر دے مرن پچھوں

تخت نشینی دیاں جنگاں تے نا اہل چختے حاکماں دیاں کمزوریاں توں فائدہ چک کے کنیں صوبیاں وچ نکلڑے زور آور صوبیداراں خود مختاری دا اعلان کردتا۔ اوہ اپنی آمدن داک رسمی جیہا حصہ دلی نوں بھیج دے سن۔ میسور وچ حیدر علی بنگال وچ علی وردی خان تے نواب سراج الدولہ تے حیدر آباد دکن وچ نظام الملک خود مختار حاکم بن گئے۔ ایہناں کول اپنے خزانے تے وڈیاں وڈیاں فوجاں سن۔

اس بارے وچ اعتراف حسن لکھدے نیں۔

”اٹھارہویں صدی میں مغل اثر رسوخ کے زوال کے ساتھ ہی برصغیر میں بے شمار چھوٹی چھوٹی ریاستیں نمودار ہونے لگیں۔ ان میں سے اکثر مغلوں کی واجبی سی بالادستی قبول کرتی تھیں۔ کیونکہ ان کے پاس اپنی افواج تھیں۔ اپنے تمام معاملات میں سے وہ قطعی خود مختار تھے۔ سراج الدولہ اور علی وردی خان کا بنگال۔ شجاع الدولہ کا اودھ، ضابطہ خان اور اس کے بیٹے غلام قادر روہیلہ کا روہیل کھنڈ، مرہٹوں کا مہاراشٹر، کلہوڑوں اور تالپوروں کا سندھ، مڈر حیدر علی اور جری ٹیپو کا میسور، نظام الملک کا حیدر آباد دکن اور وادی سندھ میں سکھوں کی ابھرتی ہوئی قوت اپنی اپنی باری کی منتظر تھیں۔“ (۵)

برصغیر وچ پنجتیاں دی حکومت دی ایس ٹیٹج تے کمزوری نوں ویکھ کے برصغیر توں باہروں ایران دے بادشاہ نادر شاہ درانی ۱۷۳۹ء وچ حملہ کردتا اوہ جیہڑے جیہڑے شہر وچوں لنگھیا لٹ مار تے قتل غارت گری دا بازار گرم کیتا۔ کنیں پنڈاں نوں لٹ مار کرن پچھوں اک وی لاچھڑی۔ پنجاب وچ نادر شاہ دا پہلا ٹاکرا ایمن آباد دے لاگے قلندر خان نال ہویا۔ قلندر خان ہار گیا تے ایمن آباد تباہ کردتا گیا۔ اس سے پنجاب دے گورنر نواب ذکریا خان سن۔ نواب ذکریاں خان اپنے ولوں تن دناں تک نادر شاہ نال ڈٹ کے لڑائی کیتی پر جدوں دلی ولوں اوہنوں کوئی امداد نہ اڑی تاں اخیر اوہ صلح کرن تے تیار ہو یا تے لکھاں روپیہ نادر شاہ نوں دے کے باقی پنجاب نوں تباہی توں بچایا۔ انج کجھ دناں پچھوں نادر شاہ درانی لاہور توں دلی ول ٹر پیا۔ دریا پیاس دے کنڈھے اُتے ہزاراں جنگی قیدیاں نوں قتل کروادتا۔ ایہہ قدم انسان دی تاریخ وچ اک دکھری طرح دا ظلم سی۔

دلی وچوں خان دوراں نوں شاہی لشکر دے کے نادر شاہ نوں ڈکن لئی گھلیا۔ خان دوراں شاہی لشکر لے کے کرناں وچ اپڑ کے ڈیرے لادتے۔ نادر شاہ نال جنگ وچ خان دوراں ہار گیا تاں نادر شاہ داراہ صاف ہو گیا۔ اوہدے راہ وچ ہن ہور کوئی رکاوٹ نہیں سی دلی شہر اُتے قبضہ کر لیا۔ بازار وچ نادر شاہ دے کجھ سپاہیاں نوں جدوں اک جھگڑے وچ قتل کردتا گیا تاں جدوں ایہہ خبر نادر شاہ کول اپڑی تاں اس عام قتل امی دا حکم دے دتا۔

”دن بھر شہر دہلی میں شہریوں کا قتل عام ہوتا رہا نادر شاہی سپاہیوں کے سامنے جو آیا مار دیا گیا۔ شام تک دہلی کی گلیاں خون اور لاشوں سے بھر گئیں تو شام کو مغل بادشاہ محمد شاہ نادر شاہ

کے پاس حاضر ہوا اور اپنا سر نادر شاہ کے قدموں پر رکھ دیا اور قتل عام بند کرنے کی درخواست کی تو نادر شاہ نے قتل عام بند کرنے کا حکم دیا۔ (۶)

نادر شاہ کچھ دیہاڑیاں پچھوں جدوں اپنے دیس پچھاہاں پر تیا تاں ڈھیر ساریاں دولتاں، کوہ نور ہیرا تے شاہ جہان دے سمدانیا تخت طاؤس وی اپنے نال لے گیا۔

نادر شاہ دی لٹ مارتے قتل امی دا اس سے دے بنے لوک گیتاں وچ ذکر لہجہ اے۔

آیا نادر

ڈھے پئی چادر

بابل نیویں دھون گڑے

گلیاں دے لکھ رون گڑے

آیا نادر

پھٹی چادر

بانہوں چوڑا الہیا گڑے

کیہ اسا ڈار ہیا گڑے (۷)

نادر شاہ دے ظلماں دیاں کہانیاں لوکاں نوں اجیں و ساریاں نہیں سن کہ احمد شاہ ابدالی پنجاب اتے اٹھ حملے کیتے۔ نادر شاہ دے حملیاں وچ جے کوئی کسر رہ گئی سی تاں اوہ احمد شاہ دے حملیاں پوری کر دتی۔ دیس پنجاب وچ جدوں وی فصل تیار ہو جاندی سی تاں احمد شاہ حملہ کر دیندا سی۔ انج کر کے اناج، مال زر، ڈنگر ڈھور سبھ کچھ لٹ کے لے جانداسی۔ سعید بھٹہ اپنے اک مضمون وچ اس لٹ مار بارے لکھدے نیں۔

”کرائے دے قاتل پنجاب وچ اٹھی مچا دیندے سن۔ لوکاں دیاں عزتاں لٹیاں جاندیاں، دھیاں دے سراں اُتوں چُنیاں کھوہ لیاں جاندیاں، دھوناں اچیاں کر کے ٹرن والیاں دی عزت نفس مجروح کیتی جاندی، اٹھارویں صدی دے لوک سخن شاعراں نے ایہناں ظلمناں نوں تخلیقی سطح اُتے بیان کیتا اے۔ لوکاں وچ ابدالی دے ظلمناں بارے اجیہے بول مشہور سن۔

کھادا پیتالا ہے دا

وادھا احمد شاہ ہے دا“ (۸)

نادر شاہ تے احمد شاہ ابدالی دے ہلیاں دے سٹے وچ چغتیاں دی حکومت دیاں جڑھا کھوکھلیاں ہو گئیاں سن۔ وسیب وچ مارو مارتے مل مارن دی ریت و دھن لگ پئی۔ طاقت والیاں دے وارے نیاری ہو گئے۔ ہیناں دیاں پگاں لیر ولیر ہو گئیاں

گھر وگھریں نویں سرکاراں بن دیاں جارہیاں سن۔ کوئی اصول تے قانون نہیں سی۔ طاقت دا ای ہر پاسے راج سی۔ مال زرتے اقتدار واسطے دھی ماں نوں پتر پیونوں دھوکہ دین توں نہیں سی جھکدا۔

اس سے وچ بابا بلھے شاہ (۱۶۸۰ء جنم سال تے ۱۷۷۱ء وچ وصال ہويا) قصور وچ رہندے سن۔ آپ داروحانی سلسلہ قادری شطاری سی آپ شاہ عنایت قادری لاہور والیاں دے مرید سن۔ آپ اتے جلالی رنگ دا چوکھا اثر سی؛ حق سچ دی گل آکھن توں نہیں سن جھکدے۔ آپ ہر قسم دے ڈریاں لالچ توں بے نیاز سن۔ آپ دی شاعری وچ اس سے دے پنجاب دا سیاسی تے سماجی منہ مہاندرا اپنے اصلی روپ وچ نظر آ ونداے۔ اس سے وچ ہر پاسے سیاسی افراتفری مار دھاڑتے اگاڑ پچھاڑ چوکی و دھچکی سی، ایہدے نال نال انسانیت دیاں اخلاقی قدراں تے وسیب دے چلدے ویہار دے صدیاں توں اس دھرتی دیاں دوستی دشمنی دیاں قدراں آپوں وڈیاں داجیا، ادب دین اسلام دیاں شرعی حداں تے قانون، پیار محبت مہر و وفا تے لچالی دیاں قدراں سب کجھ اکھیں ویکھدیاں ای مٹدا جارہیا سی۔

پنجاب دی دھرتی اُتے ایہہ بد امنی دا زمانہ سی ایہتوں دے وسنیک جیہڑے صدیاں توں انسانیت دی قدراں دے رکھوالے تے پیار محبت دے گیت گاؤن والے سن ڈھڈھڑے پریشان سن۔ ہر آون والے دن دا کوئی وساہ نہیں سی پئی کیہ ہو جانا اے۔ اک ان ہونی تے ان ڈٹھا ڈر ہر پاسے چھایا ہو یا سی۔ بابا بلھے شاہ اس سے بارے اپنی اک کافی وچ فرمایا۔

جدوں اپنی اپنی پے گئی دھی ماں نوں لٹ کے لے گئی

مُنہ بارھویں صدی پساریا سانوں آمل یار پیاریا

درگھلا حشر عذاب دا بُرا حال ہو یا پنجاب دا

ڈرہاویے دوزخ ماریا، سانوں آمل یار پیاریا“ (۹)

سائیں بلھے شاہ ہوراں اس سے دے پنجاب دی تباہی، بربادی، بد حالی تے وسیب وچ اصولاں، قدراں، معیاراں تے کسے قانون نہ ہون پاروں مارو مارا، افراتفری تے وڈیاں عزتاں تے شاناں والیاں عزتاں مٹی وچ رلدیاں دھکے کھاندیاں تے چور اچکیاں، بچ کمینیاں دے ہتھ حکومت دی ڈانگ دے ظلماں بارے اپنی اک ہور کافی وچ اپنے وسیب دے جیوندے جاگدے تے جانے پچھانے استعاریاں راہیں بیان فرمایا اے۔

”اٹے ہور زمانے آئے، تاں میں بھیبت سجن دے پائے

کاں لگڑاں نوں مارن لگے، اتے گدھوں خویہ پوائے

اپنیاں وچ الفت ناہیں، کیا چاچے کیا تائے

پیواں پتراں اتفاق نہ کائی، دھیاں نال نہ مائے

سچیاں نوں پئے ملدے دھکے جھوٹے کول بہائے
 اگلے ہو کنگالے بیٹھے، پچھلیاں فرش وچھائے
 بھوریاں والے راجے کیتے راجیاں بھیکھ مگائے
 بلھیا حکم حضوروں آیا، تس نوں کون ہٹائے
 اٹے ہور زمانے آئے

تاں میں بھیت بچن دے پائے، (۱۰)

وارث شاہ دے سے پنجاب اتے اک ڈاھڈھا آزمائش دا ویلا آئی سی۔ جدوں ساری مخلوق نکلے دھڑیاں وچ وٹدی ہوئی سی۔ زور آور دھڑے دن دیہاڑے وستیاں دیاں وستیاں لٹ لیندے سن۔ مرداں نوں قتل کر دیندے تے زنانیاں نوں چُک کے بنھ کے لے جاندے سن۔ کنیں دھڑے آپس وچ لڑن جُٹے ہوئے سن۔ لوکاں نوں اپنا مال تے عزت جان بچان واسطے ہر ویلے ہتھیار اپنے کول رکھنے پیندے سن۔ زندگی اُکا ای غیر محفوظ ہو گئی سی بندے دے خون داتاں کوئی مل وی نہیں سی۔ اک پاسے زور آور قبیلیاں دیاں آپس وچ لڑائیاں پھٹتے شہزادیاں دیاں تخت واسطے جنگاں اس سارے علاقے نوں میدان جنگ بنایا ہوئی سی تے دوجے پاسے نادر شاہ تے احمد شاہ ابدالی دے ہلیاں پنجاب دی رہی سہی کسر کڈھ دتی سی۔

دلی وچ جدوں پختہ باتشاہ محمد شاہ رگپلا فوت ہو یا تاں احمد شاہ ابدالی اک واریں فیر چڑھائی کردتی۔ لہور دے صوبے دار میر منو سہدرے کول افغان فوجاں داراہ ڈکیا پر لڑائی دی نوبت نہ آئی۔ او دوں صوبے دار میر منو احمد شاہ ابدالی نوں چار ضلعیاں سیالکوٹ، ایمن آباد، پسرورتے امرتسروں ۲۳ میل ترن تارن دے پاسے والے ”محال“ اورنگ آباد دالگان دین دامعاہدہ کر کے احمد شاہ ابدالی نوں پچھا نہہ پرت جان اُتے راضی کر لیا۔ جنہاں دناں وچ لہور دا صوبے دار احمد شاہ ابدالی داراہ ڈکن سوہدرے گیا ہو یا سی۔ پچھوں سکھاں لہور وچ وڑ کے ڈھیر ساری لٹ مارتے تباہی کیتی انج ۱۷۹۷ء دے نیڑے تیرے دا کجھ عرصہ لہور دے دیوان کوڑا مل دی صلح پسند پالیسی پاروں سکھاں خالصہ دل نوں نویں سریوں چنگا چوکھا مضبوط کر لیا۔ ایہدے نال سکھا نے مضبوط ہو گئے پئی حسا سنگھ آہلو والیہ پورے مانجھے دے علاقے دا حاکم بن بیٹھا۔ اک واریں حسا سنگھ آہلو والیہ آدینہ بیگ دیاں فوجاں نوں ہوشیار پور دے نیڑے شکست دے دتی۔ ایس واقعے توں پچھوں حسا سنگھ آہلو والیہ سکھ فوجاں داسپہ سالار ہون پاروں بادشاہ وی آکھوان لگ پیا۔ اس سہی خالصہ دل نوں ایہناں باراں مسلاں وچ وٹیا گیا۔ سجاد حیدر ہوراں اپنے اک مضمون وچ ایہناں باراں مسلاں بارے لکھیا۔

”آہلو والیہ، فاضل پوریہ، شکر چکیہ، نشان والیہ، بھنگی، نکائی، کہنیا، دھلے والیہ، شہید کروڑا، سنگھیا، رام گڑھیاتے پھلکیاں۔ ایہ مسل گورو گوہند سنگھ دی اُس پیش گوئی نوں پورا کرن

واسطے پہلا قدم سی جہدے توں سکھاں دا جنگی ایہہ نعرہ بنیا
راج کرے گا خالصہ“ (۱۱)

احمد شاہ ابدالی نوں جدوں میر منو معاہدے دے مطابق چار ضلعیاں دا محاصل نہ گھلیا تاں احمد شاہ ابدالی ۱۷۵۱ء وچ
پنجاب اُتے تیجا حملہ کردتا۔ میر منو ابدالی داراہ ڈکن واسطے لہوروں باہر بائی میل دور پر بت پاسے شاہ دولہ پل آن ڈیرہ کیتا۔ جنگ
وچ دیوان کوڑا مل مر گیا۔ آدینہ بیگ بچھا نہ نس آیا۔ میر منور ابدالی نوں صلح دی درخواست کیتی، جدوں احمد شاہ ابدالی سامنے پیش
ہو یا تاں احمد شاہ ابدالی اُس توں پچھیا۔

جے میں پھڑیا جاندا تاں توں کیہ کردا؟

میر منو بے دھڑک ہو کے جواب دتا ”میں تیرا سر کپ کے اپنے شہنشاہ نوں گھلدا“ ابدالی آکھیا ”ہن توں میرے قابو آ
گیا ایں مینوں کیہ کرنا چاہیدا اے۔“

میر منو جواب دتا ”جے توں وپاری ایں تاں مینوں وچ چھڈ جے قصائی ایں تاں مینوں مار چھڈ پر جے توں بادشاہ ایں
تے میرے اتے احسان کر کے مینوں معافی دے چھڈ۔“

احمد شاہ ابدالی اوہدے جواب توں بہت جوش ہویا۔ اپنے گل نال لالیا تے میر منو نوں اپنا پُتر آکھ کے اپنی پگ اوہدے
سرا تے رکھ چھڈی۔ فیر میر منو دی سفارش اُتے سارے پنجابی قیدی وی آزاد کردتے اس موقع اُتے جیہڑا معاہدہ تیار ہویا
اوہدے مطابق لہور تے ملتان دے صوبے افغانستان دی حکومت وچ شامل کردتے۔ احمد شاہ ابدالی لہور وچ میر منو نوں ای صوبے
دار رہن دتا تے ملتان وچ اپنا نائب مقرر کر کے اوہدے ڈھیر سارے سدوزئی پٹھاناں نوں جاگیراں دے کے وسایا۔ ایہدے نال
نال پختے بادشاہ وی لہور تے ملتان دے صوبیاں توں وکھ ہر سال پنجاہ لکھ روپیہ محاصل دین دا اقرار وی کیتا۔

احمد شاہ ابدالی سکھاں پچھوں صوبہ لہور دی کمزوری فائدہ چکدیاں ہو یاں تھیں تھیں توں لٹ مار کرنی شروع کردتی۔ میر
منو سکھاں دی پناہ گاہ اُتے حملہ کر کے سکھاں نوں نسا دتا۔ ۱۷۵۳ء وچ فیراک واریاں دی رُت وچ سکھ لٹ مار کر دے لہور دے
بالکل نیڑے اپڑ آئے پر میر منور دیاں فوجاں راوی دے نیلے وچوں اک دیہاڑی پنجاہ پنجاہ سکھ مارے۔

جدوں معاہدے دی خلاف ورزی کردیاں ہو یاں دلی دربار نے لہور دا صوبہ تریہہ لکھ روپے خراج دے بدلے آدینہ
بیگ نوں دے دتا تے احمد شاہ ابدالی چوتھی واریں پنجاب اُتے حملہ کر دتا ۱۷۵۶ء دی اخیر وچ جدوں احمد شاہ ابدالی لہور دے
نیڑے اپڑیا تاں آدینہ بیگ شہر چھڈ کے ہانسی حصارول نس گیا۔ دلی پرت کے احمد شاہ ابدالی پنجاب دی حکومت اپنے تھہ وچ
لے لئی تے اپنے پُتر تیمور شاہ نوں لہور تے ملتان دوواں داناظم مقرر کر کے آپ قندھار پرت گیا۔

آدینہ بیگ مرہٹیاں تے سکھاں نوں نال رلا کے تیمور شاہ نال ۱۷۵۸ء وچ کمر لئی جہدے وچ تیمور شاہ شکست کھا کے

کابل ول نس گیا۔ مرہٹیاں پنجاب وچ ہر پاسے لٹ مارتے لڑائی دا بزار گرم کردتا۔ اخیر مرہٹے آدینہ کولوں پچھتر لاکھ روپے دا خراج دا وعدہ لے کے دکن پرت گئے۔ احمد شاہ ابدالی اپنے پتر دی شکست دابدلہ لین واسطے اک واریں فیر پنجاب اُتے حملہ کر دتا۔ احمد شاہ ابدالی دے حملہ دی خبر سن کے آدینہ بیگ پہاڑاں وچ جا کے لگ گیا جدوں احمد شاہ ابدالی لٹ مار کر کے پچھانہ پرت گیا تاں آدینہ بیگ فیر پچھانہ پرت آیا پر اس واریں روہیل کھنڈ تے ملیر کوٹلے دے پٹھاناں آدینہ بیگ دے خلاف بغاوت کردتی۔ ڈھیر ساری خونریز لڑائیاں توں بعد آدینہ بیگ پٹھاناں اُتے قابو پالیا۔ بن آدینہ بیگ پنجاب دا صدر مقام بٹالہ بنالیا تے لہور تے ملتان وچ اپنے ناظم مقرر کردتے۔ لہور وچ اوہدانا نوب مرزا خان سی۔ پہاڑی راجیاں وی اوہدی اطاعت قبول کرلی تے دلی دربار وی آدینہ بیگ نوں پنجاب دا آزاد حکمران تسلیم کر لیا تے نال آدینہ بیگ نوں مظفر جنگ بہادر دا خطاب وی دے دتا۔

حالات دی ایس اگاڑ پچھاڑ وچ پنجاب دے عام وسنیک چوکھے پریشان سن۔ احسان باجوہ اس بارے لکھدے نیں۔

”اس ویلے اک پاسے لہندے پاسیوں دھاڑ وی اپنی ازل بھکھ مکاؤن لئی مذہب دا جھانسه دے کے لوکاں نوں پاٹو ڈھاڑ کر کے ایتھوں کھوتیاں دے کھوتے مال دولت بھر بھر کھڑ دے رہے تے کجھ لوکاں نوں دا بے دھاسے تے گجھناں نوں لالچ لو بھ دے کے نال رلا کے دھن دولت دیاں گھر جیاں تیکر اپڑا دے رہے۔ اس بے وساہی وسوں اندر ہر بندے دی سوچ ایہ بن گئی سی پئی جیہڑا جھٹ لنگھدا اے اُس نوں ای سوال کھ سمجھ کے لنگھاؤ تے کل کلوترا دا کیہ پتہ پئی کیہڑے لٹیرے نے لٹن آوڑنا اے۔ اس ویلے اکھان وی انج دے بن گئے ہوئے ہن۔ جویں کھاہدا پیتا لاہے داتے رہندا احمد شاہ ہے دا۔ پئی جو کجھ کماندا اوہ کھاؤ رہندا تاں لہندیوں پین والے دھاڑ وی احمد شاہ ابدالی ہورالٹ کے لے جانا ایں۔“ (۱۲)

لہندے پاسیوں آون والے دھاڑ و مسلمان حاکم سن۔ ایس وجہ پاروں ہندوتے دو جھے غیر مسلم برصغیر وچ رہن والے مسلماناں توں کھار کھان لگ پئے تے کتے کتے تاں جتھے غیر مسلم طاقت وچ سن اوہ مسلماناں کولوں بدلہ لین واسطے مسلماناں دیاں وستیاں نوں لٹ ماردا نشانہ بناندے سن۔ ایس طرح ایتھوں دے وسیب وچ پھٹ پین لگ پئی تے کئی تھاواں اُتے ہندو سکھ ایہ وی آکھن لگ پئے پئی ایتھوں دے مسلمان باہروں دھاڑواں نوں بلاندے نیں۔ انج کر کے بدگمانیاں تے نفرتاں ودھدیاں گیاں۔ حالاں گل ایہہ نہیں سی لٹیرے دا دین دھرم سمجھ کجھ لٹن ای ہوندا اے۔ مذہب دی تاں اوہ صرف اپنے کڑتوتاں تے لٹ مارنوں لکاؤن واسطے اتے چھتری لیندے سن۔ ہندوستان وچ دین اسلام دا بوٹا تاں صوفی فقیراں اپنے اخلاق تے کردار نال لایا آہا۔

وارث شاہ دے سبے ہندوستان افراتفری، نفسا نفسی تے دھکے دھونس دا شکاری۔ مغلاں دی سلطنت شمال تے جنوب

وچوں اٹھن والے حملہ آوروں دی آئے دن دی لٹ مار ہتھوں ادھ موئی ہو چکی سی۔ جنوبی ہندوستان دے پہاڑی علاقے مہاراشٹر وچ مرہٹے بوہت طاقت وچ سن تے گوریلا جنگ دے وڈے ماہر سن۔ چغتے باتشاہ اورنگ زیب عالمگیر مرہٹیاں نوں نتھ پاؤں واسطے اپنی حکومت دے آخری پنجی ۲۵ سال دکن وچ پکا ڈیرا کر کے لگا تار جنگاں لڑا رہیا۔ اپنے سسے تاں اس اک حد تک مرہٹیاں نوں نتھ پائی پر اورنگ زیب عالمگیر توں پچھوں لگا تار تخت نشینی دیاں جنگاں ۳۹ء وچ نادر شاہ درانی دے حملے پچھوں چغتے باتشاہاں دا کوئی رعب نہیں سی رہیا۔ ایہدے پچھوں طاقتور صوبیدار اپنے اپنے صوبیاں وچ خود مختار حاکم بن گئے سن۔ ایہناں حالات وچ مرہٹیاں مہاراشٹر توں باہر نکل کے حملے کرنے شروع کردتے۔ شیواجی دے مرن پچھوں مرہٹیاں دے کنیں گروہ بن گئے سن۔ ہراک دھڑا اپنے سردار دے ماتحت سی۔ ہر دھڑے کول لڑاکے جنگجو ڈاکوواں دی اپنی فوج سی۔ ایہ اس سسے وچ جیہڑے پاسے منہ کردے سن مار دھاڑ تباہی لٹ مار کر کے فیر مہاراشٹر نوں پرت جان دے سن۔ مرہٹیاں دے ایہناں جتھیاں توں عوام ہر ویلے دردے رہندے سن۔ مار سڈن مرہٹیاں دی لٹ مار بارے لکھدے نیں۔

”مرہٹے قزاقوں کے دل ملک میں پھرتے تھے۔ اپنے گھوڑوں کے لیے کسانوں کی کھڑی کھیتیاں کاٹ ڈالتے تھے اور رعیت کو لوٹتے اور مارتے تھے۔ اس زمانے میں ہر گاؤں کے آس پاس مضبوط فصیلیں بنائی گئیں۔ چاروں طرف کانٹوں کی باڑھیں لگائی گئیں تاکہ لیرے نہ گھس آئیں۔ کسان ہل جوتے جاتے تو اپنی تلوار ساتھ لے جاتے تھے۔ اونچے اونچے مچانوں میں محافظ بٹھائے جاتے تھے تاکہ وہ ہر طرف دیکھتے رہیں اگر قزاقوں کے گھوڑوں کی گرداٹھتی دیکھیں تو بتا دیں۔“ (۱۳)

مغلان دی سلطنت شمال تے جنوب دے حملہ آوراں دے لگا تار تھپیڑیاں پاروں ڈھیر کمزور ہو چکی سی۔ جویں مردہ لاش دیاں بوٹیاں نوچن لئی گدھاں تے گرجاں اڈیک لائی ہوئی ہندی اے۔ تیویں مغلیہ سلطنت دے حصے بحرے کرن واسطے مرہٹیاں سکھاں تے ہوراں کمران کسیاں ہوئیاں سن۔ بھانویں پانی پت دی تہی لڑائی (۱۷۶۱ء) وچ مرہٹیاں دی شکست نال شمالی ہند وچ ہندوواں دے غلبے دا خواب چکنا چور ہو کے رہ گیا۔ پر پنجاب وچ اک نویں طاقت دے کھل کھیڈن لئی میدان خالی ضرور ہو گیا۔ ایہہ نویں طاقت سکھاں دی سی۔ سکھ پہلاں لٹ مار کرن والیاں دا اک جتھہ سی پر ہولی ہولی ایہہ جتھہ اک لڑاکو فوج دی صورت اختیار کر گئے۔ ۱۷۴۸ء وچ خالصہ فوج جسا سنگھ دی اگوائی وچ اک منی پر منی تنظیم بن گئی سی۔ کئی واری اوہناں نوں شکستیاں دا سامنا کرنا پیا پر ایس تاریخ توں پچھوں اوہناں آ پننا مخصوص کردار کدی وی ہتھوں نہ چھڈیا۔ ۱۷۶۲ء وچ سکھاں نوں پٹھاناں دے ہتھوں لدھیانے وچ وڈی تباہی دامونہہ ویکھنا پیا۔ ایس تباہی نوں سکھ ”گھلو گھارا“ کہندے نیں۔ پر پٹھاناں کولوں پچھلے سال دی شکست دا سکھاں چنگا بدلہ لیا۔ اگلے سال وٹ اوہناں پٹھاناں دے آخری حملے دا سامنا کیتا جس دا نتیجہ ایہہ ہویا

کہ اوہ لاہور دے مالک بن گئے۔ تے اوہ سال امرتسر دے استھان تے اک مذہبی جلسے وچ اوہناں آپنے آپ نوں اک حکمران سیاسی نظام وچ منظم کر لیا جنہوں ساڈے مورخ ”مذہبی جاگیر داری دی جتھہ بندی“ کہندے نیں۔

ایس خون خرابے تے افراتفری وچ پنجاب دیس دی جیہڑی بُری گت بنی۔ اوس دی مثال اسیں یورپ دی تاریخ وچوں تلاش کریئے تے اسانوں شاہ سٹیفن دے انگلستان نال تیبہ سالہ جنگ دے بدترین واقعات وچ مل سکدی اے۔

پروفیسر انور بیگ اعوان اس بارے وچ اپنے اک مضمون وچ لکھدے نیں۔

”اوس سس سکھاں دی متحدہ طاقت تقریباً ستر ہزار سوار سی، جیہڑی مختلف سرداراں دے ماتحت سی۔ ہر سردار اپنی حکومت دے دائرے وچ خود مختاری۔ جو کسے دے دل وچ آوندی سی اوہو کرداسی۔ کوئی کچھن کچھن والا نہیں سی۔ اوہ آپس وچ وی کتھم گتھا ہندے رہندے سن۔ پر جد کوئی بیرونی حملہ آورا ونداسی تہ اک مک ہو جان دے سن تے خالصہ جھنڈے تلے جمع ہو کے پنہ دی حفاظت واسطے لڑدے سن۔ جدوں خطرہ ٹل جاندا تے وت آپس دی خانہ جنگی وچ جُٹ جان دے سن۔“ (۱۴)

مکدی گل ایہہ دے پئی اُس سس ہر پاسے ہر طرح دی بدانتظامی سی۔ نکلے وڈے تے اسراف کمیں دی تمیز اٹھ گئی سی۔ چور اُچکے چودھری تے گنڈی رن پردھان بن گئی سی۔ ایہہ دور سکھ شاہی دادور کہلاندا اے۔ ایس دور دا نقشہ وارث شاہ انج بیان کردا اے۔

”جدوں دیس تے جٹ سردار آہے گھر وگھری جاں نویں سرکار ہوئی
اشراف خراب، کمیں تازہ، زمیندار نوں وڈی بہار ہوئی
چور چودھری یارنی پاک دامن بھوت منڈلی اک دوچار ہوئی“ (۱۵)

ایس اندھیر نگری وچ سارا دیس پنجاب خراب خستہ حال ہو گیا سی۔ پروارث شاہ نوں جس شہر دی تباہی دا ڈھیر دکھ تے افسوس ہوئیا اوہ قصوری۔

سارے ملک خراب پنجاب وچوں مینوں بڑا افسوس قصور دا ای

اوہنوں قصور دا زیادہ افسوس کیوں سی؟ میرے خیال وچ اوہ دیاں ترے (۳) وجوہات ہن۔ اک تے ایہہ کہ وارث شاہ اتھے پڑھدار ہیاسی۔ اوہ دے اُستاد بزرگوار داتھاں ٹھکانہ سی تے نالے سید غلام مرتضیٰ پاروں قصور اوہدا پیر خانہ وی سی۔ صوفیا دا مشہور عقیدہ اے ”جت ول پیر اُتے ول کعبہ“ چنانچہ ایس مذہبی تے روحانی عقیدت پاروں قصور دی تباہی دلاں دے کعبے دی تباہی سی۔ کبھڑا صاحب دل اجیہا ہو سکدا اے پئی اوہ دل دے کعبے دی تباہی تے بربادی اتے چپ چاپ بیٹھا رہوے۔ اک ہو روجہ اس سس مرہٹیاں تے سکھاں دی اٹھ دی ہنیری وچ انج جا پداسی پئی کدائیں پنجاب وچ اسلام دادیوای

نہ بجھ جاوے۔ اس انہیرے دے گھسن گھیر وچ ہر اک دیاں نظراں قصور دے پٹھان حاکم اتے لکیاں ہوئیاں سن۔ اس سہ قصور پٹھاناں دی طاقت دا گھڑھ بنیا ہو یا سی۔ اس سہ ایہناں پٹھاناں ای سبھ توں پہلاں سکھاں ولوں خطرے نوں بھانپ کے سکھاں نال نبڑن واسطے سینہ ٹھپیا سی پر تقدیر دے لکھے نوں کوئی نہیں سی مٹا سکدا۔ سکھاں نال جنگ وچ قصور دے پٹھاناں نوں ہار آ گئی تے سکھاں قصور دی اٹ نال اٹ وچا چھڈی۔ ایہہ دلاں نوں ہلا چھڈن والا واقعہ سی جس توں وارث شاہ وی چیک اٹھیا۔ اس توں کچھ سکھاں دے جتھے ملیر کوٹلے دے پٹھاناں کولوں پرانے بدلے چکان واسطے ودھدے گئے تے او تھے ہنگن خان پٹھان سردار نوں وڈھ ٹک سٹیا ایہہ لڑائی ۱۷۶۳ء وچ ہوئی سی۔

ہری سنگھ بھنگی دے مرن مگروں جھنڈا سنگھ اوہدا جانشین بنیا۔ ایہہ ۱۷۷۰ء دا واقعہ اے۔ اس دی جموں دے علاقے نوں باجگزار بنان دے بعد قصور دے پٹھاناں ول توجہ کیستی تے اوہناں دی شامت آ گئی۔ بھانویں پٹھاناں ڈٹ کے مقابلے کیستی پر تقدیر دا لکھیا کون مٹائے۔ پٹھاناں نوں بھا جڑ پے گئی۔ تے اوہ وی سکھاں نوں خراج دین توں مجبور ہو گئے۔ معلوم ہوندا اے کہ وارث شاہ نوں جد قصور دے پٹھاناں دی فتح دی خبر دی کوئی گل کن پیندی سی تے اوہ بڑا خوش ہوندا سی۔ اک جگہ اوہ تشبیہ دے انداز وچ آپنے دل دی گل انج کہندا اے۔

ڈیرا بخشی دامار کے لٹ لینا پائی فتح پٹھان قصور دے نیں

چونکہ اندرونی طور تے قصور دے پٹھاناں دی اگوائی پٹھ مسلماناں دی جدوجہد دے شے چنگے نہیں نکل رہے سن اس لئی لوکاں دیاں نظراں کابل ول اٹھن لگ پیاں۔ نادر شاہ دے بعد احمد شاہ ابدالی ای اک ایسی ہستی سی جس کولوں بجا طور تے ایہہ توقع کیستی جاسکدی سی کہ اوہ مرہٹے تے سکھاں دے دلاں کولوں پنجاب وچ مسلماناں دے رہے سہے اقتدار نوں بچا سکدا سی۔ وارث شاہ اک جگہ کہندا اے۔

احمد شاہ از غیب تھیں آن پوسی رب رکھ جنڈیا لے نوں لیسیاوے

احمد شاہ ابدالی (درانی) نے پنجاب تے وارو واری پنج حملے کیستے تے ۱۷۷۳ء وچ اوہ فوت ہو یا۔ اوہدا پہلا حملہ ۱۷۷۸ء وچ ہو یا سی۔ اوہناں حملیاں دا اثر ایہہ ہو یا کہ جتھے مغلاں دا بچا کھچیا و قار ختم ہو گیا۔ او تھے ۱۷۶۱ء وچ پانی پت دی تیسری لڑائی صدقے مرہٹاں دی فوج وی تباہ ہو کے رہ گئی۔ اُتے شمالی ہندوستان وچ اوہناں دے سارے منصوبے مٹی وچ رل گئے۔ پر مسلماناں دی کم بختی کہ اوہناں ایس فتح توں کوئی فائدہ نہ اٹھایا۔ جس دا نتیجہ ایہہ نکلیا کہ ۱۷۶۷ء وچ احمد شاہ ابدالی سر ہندی فوجداری تے مہاراجہ دا خطاب امر سنگھ نوں دے کے آپ کابل واپس مڑ گیا۔ مگروں سکھاں پنجاب وچ اٹھی پادتی۔ ایس دی مثال وارث شاہ انج دیندا اے۔

وارث شاہ جیوں دلاں پنجاب لٹی تینویں جوگی نوں لٹیا ڈاریاں نیں

آخر ایس ہاتھ پائی تے آپادھاپی دا ایہہ نتیجہ نکلیا کہ سکھاں کرنال اُتے ہانسی توں لے کے دریائے جہلم تک دے میدان تے قبضہ کر لیا۔ حتیٰ کہ ۱۷۶۸ء وچ شیر شاہ سوری دا بنایا ہویا قلعہ رہتاس وی اوہناں دے قبضے پٹھ آ گیا تے پنجاب وچوں مسلماناں دی حکومت دا بالکل خاتمہ ہو گیا۔

عام طور تے ایہہ دسیا جاندا اے پئی احمد شاہ ابدالی نوں حضرت شاہ ولی اللہ اس سے دے اک وڈے عالم دین خط لکھ ہندوستان اُتے حملہ کرن واسطے سد گھلیا آپرٹنا وچ جدھر احمد شاہ ابدالی دے ہندوستان اُتے حملے کرن سبب ایہہ لکھیا اے۔

”ابدالی کسے عالم دے سد دے اُتے ہندوستان نہیں سی آیا۔ اوہ تے گورنر پنجاب شاہ نواز خاں دے اس خط اُتے کہ ”توں بادشاہ تے میں وزیر“ اُتے بھجیا آیا سی۔ شاہ نواز نے ایہہ خط اس لئی لکھیا سی کہ اوہنے اپنے بھراترگی خان نوں قید کیتا ہو یا سی۔ جیہد اسوہرا قمر الدین کسے وی ویلے چڑھائی کر سکد اسی۔ جس پاروں اوس اپنے ولوں سیاست کھیڈی کہ اک لائے ابدالی نوں چٹھی گھل دتی تے دوجے لائے دلی دربار نوں اپنے کیتے کارے دی معافی منگی۔ ہن ہو یا ایہہ کہ دلی دربار وی سیاست کھیڈی تے اوہنوں معافی دے کہ اوہ دے ای جال وچ پھسدا تے“۔ (۱۶)

ابدالی نے شاہ نواز دے لکھے خط مطابق عہد نامہ تیار کروا لیا سی۔ کہ احمد شاہ ابدالی لہور دا بادشاہ تے شاہ نواز اوہد اوہد اوہد عظیم ہووے گا۔ ایہہ عہد نامہ احمد شاہ نے اپنے خاص بندے نعرہ خان پوپلزئی ہتھ لہور ٹوڑتا۔ اتوں قمر الدین خان نے شاہ نواز نوں خط لکھ دتا کہ ”ساڈا خاندان ہمیش مغل راج دا وفادار رہیا اے۔ تیری نمک حرامی پورے قبیلے لئی بدنامی دادا بن جائے گی۔ کیہ توں اک بھید اں چارن والے افغان کی دی نوکری کریں گا۔ تینوں ایہہ ای گل سو بھدی اے کہ ابدالی ہندوستان دی سرحد الا نگھ نہ سکے۔

ایہہ خط پڑھ کے شاہ نواز نے اپنے نک نموز لئی احمد شاہ دا مقابلہ کرن دا فیصلہ کر لیا پر جدوں ابدالی حملہ کیتا تاں اوس دلی دربار توں امداد منگی جیہڑی نہ ملنی سی نہ ملی۔ قمر الدین اوہنوں دوہری مار دے چکا سی۔ ابدالی لہور اپڑ کے لہور نوں گھیر گھت لیا تاں شاہ نواز اک رات ہنیرے وچ اجیہا لوپ ہو یا کہ مُر کدی نظر نہ آیا۔ لہوریاں جان بخشی لئی ۳۲ لکھ روپے دا تاوان بھرن دی عرضی پائی۔ جیہڑی ابدالی من لئی پراوہنے تاوان وصول کے وی گنڈا سنگھ مطابق بڑے گھر لٹے خاص کر مغل محلہ (مغل پورہ) تے سارا ای لٹیا۔ اس جت اُتے ابدالی بڑا مال اکٹھا کیتا۔ لہور دے شہریاں ولوں دتے گئے تاوان (دے ۳۲ لکھ روپے) توں دکھ شاہ نواز خان گورنر لہور دا تے اوہدے سارے ٹبر دا وست و لیوا۔ شاہی خزانہ پچھلے ۳۵ ورہیاں توں جُودا آ رہیا جنگ دا سامان اتے نقدی وغیرہ ابدالی قبضے لے لیا۔ جیہد اتھویدار شفقت میر خان بنایا گیا۔ ایس توں دکھ لہوروں جنے وی اوٹھ گھوڑے لہجے سب ابدالیاں دے

قبضے چلے گئے۔ سگوں اگلے پنڈیاں، وستیاں وچوں وی گھوڑے کھولے لیاندے تے فوج نوں دے دتے۔ جیہدے نال ابدالی دے پنج ہزار پیادے، سوار رجمنٹ وچ بدل گئے۔ ایہدے نال نال ابدالی کول ہلکے توپ خانے داوی چنگا وادھا ہو گیا۔

سرہند اک نگر ہے چڑھے پنجاب دی ریاست پٹیالہ وچ، شہر پٹیالہ توں ۴۵ میل دی واٹ اُتے پہاڑ دے لاہے اُتھ انبالا توں ۲۷ میل دور ہے۔ سرہند مسلمان بادشاہاں وارے اک نامی شہر سی جیہدی اپنی تے وکھری حاکی سی اتے دلی سرکار ولوں اتھ صوبیدار حاکم پٹھد اسی۔ اتھ وڈے وڈے عالم فاضل، شیخ مشائخ، امیر تے وزیر وسدے سن، جیہناں دے ذکر نال کتاباں بھریاں ہوياں نیں۔ پنجاب دی حد سرہند تک گئی جاندی سی۔ ثناء وچدھر سرہند دے سیاسی حالات بارے لکھیا اے۔

”عالمگیر اورنگ زیب وارے دسویں گرو گوبند سنگھ جی دی بغاوت نوں کچلن لئی شاہی حکم موجب صوبیدار سرہند نے گرو گوبند جی نوں گھیرا لیا تاں گرو جی دی ماتا جی تے دو پتر قلعے وچوں بھج نکلے تے شاہی فوج دے قابو آ گئے۔ جیہناں نوں صوبیدار سرہند دے سامنے پیش کیتا گیا۔ اس ظلم کمایا تے اوہناں نوں قتل کروا دتا۔ اس وجاتوں سکھ اس شہر دے ہی دشمن ہو گئے۔ جو ای مغل حکومت لسی پئی تے احمد شاہ ابدالی نے سرہند تک اپنی حکومت ودھائی تاں سکھاں کئی وارا لیس شہر تے چڑھائی کیتی اتے رج کے لٹیا۔ اتھ ای احمد شاہ ابدالی سکھاں نال جنگ کیتی جیہدے وچ گھٹ ودھ ۳۰۰۰۰ ہزار سکھ شہید ہوئے۔“ (۱۷)

جویں ابدالی واپس ہويا۔ سکھاں آلا سنگھ، نواب پٹیالہ دی اگوائی وچ سرہند اُتے چڑھائی کیتی۔ اس لڑائی وچ زین خان صوبیدار سرہند ماریا گیا۔ سرہند پٹیالے دا حصہ بن گئی۔ اتھ کئی مقبرے، مسیتاں سن جو سکھاں ڈھا دتیاں پر مجدد الف ثانی تے اوہناں دے پتراں دے مزار موجود ہن۔ سکھاں داسر ہند نال ایہتوں تک ویراے کہ جد کوئی سرہندوں لنگھد اے تاں دواٹاں اس شہر دے دریا برد کرنا نیکی جاند اے۔ پرانے سرہند دے کھنڈر دور تک دکھائی دیندے نیں۔ اتھ گرو گوبند سنگھ دے دوہاں پتراں دے ڈیرے (گردوارے) بنے ہوئے نیں۔ جتھے دوروں دوروں سکھ متھائیکین آوندے نیں۔

مغل راج دے اصلے سسے وچ لہور اُتے تن سکھ سرداراں نے قبضہ کر لیا سی۔ ایہہ سن سو بھاسنگھ، گجر سنگھ تے لہنا سنگھ۔ جس ویلے ۱۷۶۲ء وچ احمد شاہ ابدالی لہور اُتے قبضہ کیتا تے ایہہ تن سکھ سردار لہور چھڈ کے بھج گئے۔ جویں ای احمد شاہ ابدالی واپس پریتاں اوہناں مڑ لہور اُتے قبضہ کر لیا۔ ۱۱۸۰ھ مطابق ۱۷۶۶ء وچ احمد شاہ ابدالی ولوں لہور دا گورنر کاہلی مل سی۔ جدوں احمد شاہ ابدالی ہند نوں لٹ کے پریتاں تاں کاہلی مل وی اوہدے نال سی۔ لہور وچ اوس ویلے کاہلی مل ی تھان اوہدا بھتر یا امر سنگھ عیاشی کردار ہیا۔ لہور نوں لگا ویکھ کے بھنگی مثل دے دوسر دار لہنا سنگھ تے جگر سنگھ صلاح کر کے ”رنگ روائی“ توں دو ہزار فوج نال فیہر لہور تے چڑھائی کردتی تے باغبان پورہ دے نیڑے آکھلو تے مگر نیاز بیگ دا اسی سو بھاسنگھ دوسو سکھاں دا اک ہور جتھ لے کے

اوہناں نال آریا تے لہور دا قبضہ لے کے تن حصے کر لیا۔ لہوروں دکھن وچ نیاز بیگ تک جہدے وچ مزنگ، کوٹ عبداللہ شاہ، اچھرا، چوہر جی سن سو بھاسنگھ دے حصے آیا۔ جینے چوہر جی باغ دے اک حصے نوں کچے قلعے وچ بدلایا تے اوہاناں نوں کوٹ رکھیا۔ لہوردی چڑھدی لاہے مغل پورا، شالامار تے کابل مل دی حویلی گجر سنگھ اتے شہر لہور، شاہی قلعہ، شاہی مسیت، شاہدرہ تے لہور دا لہندا حصہ لہنا سنگھ دے حصے آیا۔

گجر سنگھ دے پیوداناں ”نا تھا“ سی۔ اوہ قوم دا سندھو جٹ سی۔ پر گھردی بھکھتس ہتھوں مجبور ہو کے چوری چکاری کر لیندا۔ اوہ پنڈ ”بھوریاں“ دارہن والا سی۔ اک دو وار جدوں اوہ دے اُتے چوری ثابت وی ہوگئی تاں پنڈ دے نمبر دار نے اوہنوں پنڈوں ای کڈھ چھڈیا۔ بھوریاں پنڈ دے رہن والے چور نا تھا جٹ دا پتر جدوں راج پاٹ دامال بن گیا تاں بابا بلھے شاہ آکھیا۔

پھر ن اشرف چپ چپتے بھوریاں والے راجے کیتے

نا تھا بھوریاں چوں نکلیا تے اوہ دے تن پتر گجر سنگھ، گرجا سنگھ تے بنا ہو سنگھ سن۔ تنے کھلے ہڈاں پیراں دے گھرو جواں سن۔ اوہ وارا ای سکھاں دی چڑھت داسی۔ تنے بھرا سردار گور بخش سنگھ بھنگی کول گئے تے پاہل لے کے سکھ سج گئے۔ سردار گور بخش سنگھ نے اک بھرانوں گھوڑا تے ہتھیار دے کے اپنی مثل وچ رلا لیا۔ نا تھا دے پتر اں سردار گور بخش سنگھ دی بڑی سیوا کیتی۔ لٹ دا جیہڑا مال وی اوہ لیا وندے اوہ دے وچ ادھ گور بخش سنگھ نوں دیندے۔ اس لئی گور بخش سنگھ جدوں بڈھا ہوا اوہنے گجر سندھ دی ہشیاری تے وفاداری ویکھ کے اوہنوں اپنی مثل دا افسر بنا دتا۔ گجر سنگھ جدوں امر گڑھ فتح کیتا تے اوہ اوہنے ای رہن لگ پیا۔ مغل اں دی حکومت لہور وچ کمزور ہوئی تاں گجر سنگھ نے اپنے سنگی لہنا سنگھ تے سو بھاسنگھ نال لہور اُتے قبضہ کر کے، تن حصیاں وچ ونڈ لیا۔

شاہو چدھڑ گجر سنگھ دے راج بارے لکھدے ہن۔

”گجر سنگھ لہورتوں وکھ کئی ہو علاقے وی فتح کیتے۔ بھمبر دا حکم سلیمان خان نذرانہ دیندا سی۔

لکھڑ تے دھنی دے سردار کرم اللہ تے منصور خان ٹکے تار دے سن۔ شہر گجرات تے

اوہ دے لاگے دے علاقے وچ اپنی حاکی بنائی۔ گجر سنگھ دے تن پتر سن۔ صاحب سنگھ، سکھا

سنگھ تے فتح سنگھ، صاحب سنگھ اک بہادر تے تگڑا سردار سی پر گجر سنگھ نکلے دونہ نال بہتا پیا کر دا

سی۔ (۱۸)

صاحب سنگھ ویکھیا کہ گجرات لگا اے۔ اوس گجرات تے سوہدرے اُتے قبضہ کر لیا۔ گجر سنگھ نوں پتہ لگاتے اوہ میدان وچ اُتر کھلوتا۔ پیو پتراں وچ لڑائی ہوئی کئی لوک مارے گئے۔ اخیر صاحب سنگھ نوں قلعے بند ہونا پیا۔ گجر سنگھ گھیرا پالیا اخیر شکر چکے مہان سنگھ نے وچ پے کے صلح کروادتی۔ مہان سنگھ نے ای صاحب سنگھ نوں پیوتوں خرچے واسطے سوہدرادی جاگیر لے دوائی۔ گجر

سنگھ موپاتاں صاحب سنگھ گدی اُتے بیٹھا پراوس و سوں گجرات ای رکھی۔ لہور ر ہندے سکھا سنگھ فتح سنگھ وڈے بھراتوں خرچالیندے رہے۔

صاحب سنگھ نے مہان سنگھ دی بھین راج گورنال ویا کیتا۔ جیہڑی چڑھت سنگھ شکر چکیا دی دھی سی۔ جدوں رنجیت سنگھ نے لہور اُتے قبضہ کیتا تاں اوہدی صاحب سنگھ نال وی سخت دشمنی پے گئی۔ مہاراجا نے اوہدے سارے علاقے اُتے قبضہ کر لیا۔ تے گزرارے لئی ”بجوات“ دا علاقہ گزارے لئی اوہدے کول رہن دتا۔ جیہڑا صاحب سنگھ دے مرن پچھوں اک وار فیہر مہاراجا رنجیت سنگھ نے اپنے قبضے وچ لے لیا تے اوہدیاں دو پیہیاں نال جیہڑیاں سکیاں بھیناں وی سن آپ ویاہ کر لیا۔

سردار لہنا سنگھ لہور دے تن سانجھے حاکماں وچوں اک حاکم سی۔ اوہ مہاراجا رنجیت سنگھ دے وارے تائیں جیوندار ہیا۔ اوہ ”درگا“ دا پترسی جو ”سندھاں والی“ (امرت سر) دارہن والا سی پر کہنیا لال دے مطابق ایہہ شخص نون قوم دا جٹ سی جو ”لدھے“ دارہن والا سی۔ اوہ محنت مزدوری کرداتے کدی منگ پن کے گزرا کر لیندا۔ بھک تہ دامار یا اوہ روڑاں والا دے بھنگی سردار گور بخش سنگھ کول چلا گیا تے پاہل لے کے سکھ سچ گیا۔ ہن اوہ بھنگی مثل وچ رل کے لٹ مار کرن لگ پیا۔ لہنا سنگھ اک ہشیار چلاک بنداسی۔ اوس بڑی تیزی نال ترقی کیتی۔ لٹیا ہو یا مال اسباب روپیا دھیلا، ولپٹیا، بھوئیں بھانڈا جوڑے عزت دارن بیٹھا۔ اوس گور بخش سنگھ دی اجازت نال ”دکھنی“ وچ اک کچا قلعہ وی اسار لیا تے او تھے ای رہن لگ پیا۔ اوہ اک طاقتور سکھ سردار سی اس لئی گجر سنگھ نے جدوں لہور اُتے قبضے لئی چڑھائی کیتی تاں اوس سردار لہنا سنگھ نون نال رلا لیا۔ اس طرح اوہی طاقت دونی ہو گئی سی۔

سردار لہنا سنگھ نے ۳۲ ورہے تک لہور دے تیجے حصے اُتے حاکمی کیتی۔ لہنا سنگھ دے ملازم تے سپاہی اوہدے پورے پورے وفادار سن۔ ۱۷۶۱ء وچ جدوں احمد شاہ ابدالی نے لہور اُتے چڑھائی کیتی تاں سردار لہنا سنگھ قصور چلا گیا۔ لہوریاں نے احمد شاہ ابدالی اگے سردار لہنا سنگھ دی بڑیہ تعریف کیتی تے اوہنوں سفارش کر دیاں آکھیا کہ اوہ سردار لہنا سنگھ نون ای لہور دا گورنر بنا دیوے۔ جیہدے اُتے اوس لہور دی گورنری لئی سردار لہنا سنگھ نون اک خط وی گھلیا تے پراوس موضع ”موڑھ“ دے رحمت اللہ بیگ راہیں ایہہ پیشکش ایہہ کہہ کے رد کردتی کہ ”جے میں گورنر بن گیا تاں سکھاں دی نظر وچوں گرجاواں گا“ ایہناں تن حاکماں ویلے لہور واسی بہوں تنگ سن۔ اوہناں اس قہر توں بچن لئی رنجیت سنگھ نون لہور اُتے حملے لئی ترلا ماریا۔ ایہدی شاہدی یونس ادیب ہوری کجھ اس طرح دیندے نی کہ ”۱۸۱۰ء وچ حیرا شاہ مقیم توں اک بندامیر محکم لاہور آیا۔ اوس ویلے لہور وچ تناسکھاں دی سانجھی حاکمی سی لہندے ول بھائی تک سو بھاسنگھ دی حاکمی سی۔ میر محکم سو بھاسنگھ نون ملیا تے بھاٹیوں باہرواہی نیجی دی اجازت منگی۔ اوس بھائی دے اندر اپنا مکان وی بنالیا۔ سو بھاسنگھ اوہدی سو جھ بوجھ پاروں اوہدے اُتے پورا بھروسہ کر داسی۔ اس لئی سو بھاسنگھ نے اوہنوں بھائی لوہاری دروازے دا انچارج بنا دتا۔ اوس ویلے شہر دی حالت ایہہ سی کہ سارے شہر دی کمائی تن حاکم آپو وچ وٹڈ لیندے سن۔ لوک اپنے کمزور سن کہ فصیلاں ٹپ کے لٹن آون والیاں نون روکنا اوہنا دی ہمت توں باہر سی۔ میر محکم نے ایدھر

اودھرتھ مار کے اپنے آپ نوں چنگا تگڑا بنا لیا۔ اوہنے نواں کوٹ تے چوک جھنڈا وچ غلامنڈی بنائی۔

میر محکم داسکھاں دے وارے ہورا گے ودھنا مشکل سی۔ اس لیے اوہنے رنجیت سنگھ نوں لہور دے اندر لے حالات تے فوجی طاقت بارے بھروسے جانکاری دتی۔ رنجیت سنگھ پہلاں ای لہور اتے نظراں گڈی بیٹھاسی۔ (انج وی شاہ زمان افغانستان جاندا چنانچہ دریا وچ توپاں ڈبیاں چھڈ کے چلا گیا سی۔ جیہناں نوں رنجیت سنگھ نے دریا چوں کڈھا کے شاہ زمان نوں گھلیا سی، جیہدے صلے وچ اوہنے رنجیت سنگھ نوں لہور دی مالکی دا پروانہ وی دتا ہو یا سی) اوہ دوسو جوان لے کے لہور اُتے چڑھ آیا میر محکم نے بوہاکھول کے رنجیت سنگھ نوں لہور دے اندر واڑ لیا تے جا کے سو بھاسنگھ نوں آکھیا کہ رنجیت سنگھ دس ہزار جواناں نال لہور شہر اندر وڑ آیا اے۔ سو بھاسنگھ اوہنے ویلے لگ گیا۔ رنجیت سنگھ نے مگروں لہنا سنگھ تے گجر سنگھ مرچکے سن پر لہنا سنگھ اوہنے ویلے جیوندا سی پر لہور اُتے قبضے ویلے اوہ وی مر گیا سی۔

جس ویلے رنجیت سنگھ نے لہور اُتے قبضہ کیتا تاں سو بھاسنگھ تے گجر سنگھ مرچکے سن پر لہنا سنگھ اوہنے ویلے جیوندا سی پر لہور اُتے قبضے ویلے اوہ وی مر گیا سی۔

ایتھے انج جا پدا اے جو یوں یونس ادیب ہوراں سنی سنائی لوک روایت درج کردتی اے۔ اوہناں دی اس غلطی نوں غلطی اس لئی نہیں آکھیا جاسکدا کہ اوہناں دا موضوع زبانی روایت سی پر قیاس آکھدا اے کہ میر محکم آیا تے سو بھاسنگھ دے وارے ای ہوئے گا۔ ایس لئی اوہنے رنجیت سنگھ دے لہور اُتے قبضے ویلے سو بھاسنگھ دے پتر نوں رنجیت سنگھ دے آون دادسیا ہوئے گا۔ پروفیسر نصیر احمد چیمہ لکھدے نیں۔

”پنجاب دی دھرتی اُتے ایہہ بد امنی دا زمانہ سی۔ بے یقینی تے بے کسی توں پنجاب دے وسنیک اپنی حیاتی دا بھار چکن توں وی اواز ارسن۔ دہلی دا تخت کمزوری تے ایس صوبے وچ نرا بے (لا قانونیت) دی افراتفری پئی ہوئی سی۔ علاقے دے زور آور مالک اک دوجے دے علاقے اتے حملہ کر کے لٹ مارتے کشت و خون دا بزار گرم کری رکھدے سن۔ لوکاں نوں اپنا مال تے عزت بچان واسطے سر ہتھ تے رکھ کے مقابلہ کرنا پیندا سی“۔ (۱۹)

وستیاں وستیاں نال تے قبیلیاں دو جھے قبیلیاں نال لڑائیاں چھوہیاں ہوئیاں سن۔ ساری مخلوق نکلے نکلے گروہاں وچ ونڈی گئی سی تے زندگی بڑی غیر محفوظ ہو گئی سی۔ لوکاں دے دل سخت ہو گئے سن۔ بھائی چارے دا جذبہ منک گیا سی۔ چوری چکاری ود گئی سی تے دھوکھا فریب ظلم تے تشدد عام ہو گئے سن۔ اک پاسے مقامی دشمنیاں سن تے مغل شہزادیاں دیاں اقتدار واسطے جنگاں توں سارا علاقہ زیر زبری تے دوجے پاسے سکھاں دی یلغار تے بیرونی حملہ آوراں احمد شاہ ابدالی تے نادر شاہ دی فوج کشی پاروں پنجاب تباہ و برباد ہو رہی سی۔ پروفیسر نصیر احمد چیمہ وارث شاہ دے سہمے بارے لکھدے نیں۔

”وارث شاہ دیہ سسے دا پنجاب سیاسی پکھوں لہو لہان سی دیویاں نوں بھجھیاں تے اوہناں
توں اٹھدے ہوئے دھوئیں نوں اپنے سنگھ توں تھلے لنگدیاں محسوس کیتا گھوڑیاں دیاں
ٹاپاں دی آواز تے اوہناں دی بھگدڑ دی اڈن والی مٹی دا انھیر اوہناں دے سامنے آپا
دھاپی دے اس دور وچ بس دنیا ای دنیا سی۔ قتل و غارت انج سی جیونیں کیڑیاں مکوڑیاں
نوں پیراں پیٹھاں مدھ دتا جاوے۔“ (۲۰)

جدوں باہرلی دنیا وچ ایہو جے سوالات ہوں تاں انسان دی اندرلی دنیا تے وی اک چگا چھو کھا اثر پیندا اے اس اثر
نوں تن طرحاں ویکھیا جاسکدا اے۔

- ۱۔ اک تے ایہہ کہ بندہ اس رنگ و چوں لذت محسوس کردا اے ایہہ لہودی ہولی اوس دے من دی کھیڈ بن جاندی اے
تے اوہ وی عام درندیاں نال رل کے ایس خونی کھیڈ دامہرا بن ویندا اے۔
- ۲۔ ایہہ سارے حالات ویکھ کے اوہ دا دماغ چل جاندا اے اوہ اللہ دی ایس احسن تے اشرف المخلوق دے کارنامے ویکھ
کے اپنے ہوش حواساں نوں قائم نہیں رکھ سکدا تے انج اوہ پاگل ہو جاندا اے۔
- ۳۔ تے تربیگی تھان تے اوہ دے سامنے حقیقتاں کھل کے سامنے آ جاندیاں نے تے اوہ ایہناں سارے حالات دا ٹھیک
طرح ساکڈھ لہندا اے پئی ایہہ لوبھ حرص تے لالچ وچ ڈبی ساری مخلوق اندروں تاں نفسا نفسی نال بھری پئی اے۔
ہر بندے دا مال زر جوڑن تے وسیب وچ اچا نانو اں بنان واسطے ہر دو جھے بندے نال شریکے داسا نگا ہوندا اے۔ ایس
کھیڈ وچ جو کوئی اوہ دے سامنے آ وندا اے اوہنوں وڈھ ٹک کے اپنا مطلب کڈھ لہندا اے۔ تے اخیر ایس خونی کھیڈ
وچ کسے ہتھوں آپ وی اپنے کیتیاں پاروں پار ہو جاندا اے۔

اخیر لے ویلے جدوں دنیا دا فانی ہوں داسا پک کے اوہ دے سامنے آ وندا اے تاں اس ویلے اوہ اندروں چیک اٹھدا
اے۔ اتھے پہنچ کے اوہ دنیا دے سواداں تے ساریاں رنگ رلیاں اتے لعنت بھجھدا اے تے اپنے اندر دے سکون لئی اک نویں
دنیا دے خیالاں وچ ڈب جاندا اے۔ اس دنیا وچ اوہ جتنی اگانہہ اڈاری ماردا اے اوہ دے اتے نویں نویں دنیا دے پردے
اٹھدے جاندے نیں۔ ایہہ ترجیجا راہ اے جیہدے اُتے وارث شاہ ٹریا۔ وارث شاہ ہوراں اپنے سسے دے پنجاب اُتے
واپریاں نوں قصہ ہیرا رانجھاراہیں نوں یکلے ڈھنگ نال بیان کیتا۔ وارث شاہ دے سسے دے سیاسی حالات جینہاں دی اتھل پتھل دا
مڈھ پختے بادشاہ اورنگزیب دے مرن پکھوں بدھا جوں جوں وقت لنگھدا گیا، ہندوستان دے سیاسی اسماں اتے اندروں مرہٹیاں
تے سکھاں تے باہروں نادر شاہ افشار تے احمد شاہ ابدالی دے ہلیاں دے روپ وچ لال ہنیریاں گھلیاں رہیاں تے وسیب وچ
بدامنی تے بے سکونی ودھدی گئی۔ ہر پاسیوں انجانے ڈرتے خوف دے بدل گجے رہے۔ ایہدی اک وڈی وجہ تاں اس سسے

دے پختے باتشاہاں دی سیاسی تے فوجی کمزوری سی۔ چغتیاں ہندوستان نوں اک لمے چرگروں خون دیاں ندیاں وہا کے اک مضبوط سیاسی وحدت بخشی سی جیہدے نال آسے پاسے دے مکاں اتے وی اس سے ہندوستان داسیسی رعب آہا۔

اس سمدے سیاسی کچھ بارے گل کتھہ کردیاں ہویاں آر۔ پی۔ تریپاٹھی لکھدے نیں۔

”بادشاہ سلطنت کی علامت تھا وہی ساری طاقت اور امن و امان کا مرکز و منبع سمجھا جاتا تھا۔

مقتدر اعلیٰ کی تبدیلی سے عام طور پر وراثت کی جنگ شروع ہو جاتی جس کے سبب نظم و ضبط

معطل ہو جاتا۔ بد امنی پھیل جاتی اور کاشتکاروں، تاجروں اور سرکاری ملازموں کے روزمرہ

کے کاموں میں خلل پڑتا۔ ہر چیز کی کاپلٹ ہو جاتی کسی چیز کا توازن برقرار نہ رہتا

تھا۔“ (۲۱)

وارث شاہ دے سمدے ایہہ سیاسی حالات سن چینہاں وچ لٹ مارتے نظم فساد دا ہر پاسے بازار گرم سی۔ اعتبار و سہا

لچپالی تے بھرا بندی دیاں قدراں مکدیاں جا رہیاں سن۔ خون دے رشتیاں دا وی اعتبار اٹھد جا رہیسی ہر پاسے اندروں تے

باہروں دے ہلیاں پاروں نفسا نفسی تے افراتفری دا راج سی۔ اس سمدے اس دھرتی دے نامور سپتر وارث شاہ ہیر رانجھے دی لوک

داستان راہیں اپنے سمدے سیاسی حالات نوں اجیہے پتھے تے پھویں ڈھکویں ڈھنگ نال بیان کیتا پئی اوہناں وچوں کنیں

مصرعے اچ وی اکھاناں دے روپ وچ ورتے جاندے نیں۔ لوک ہیر پڑھ کے سُن کے اپنا من پر چاندے نیں۔ جدوں تیک

دلیں پنجاب تے پنجابی موجود رہن گے وارث شاہ اپنی ہیر سمیت لوکاں دے دلاں وچ زندہ رہے گا۔

سماجی پچھوکڑ

وسیب انسان دے شعور وچوں پھٹیاں سوچاں دے وکھو وکھرو پاں دا اک اوہ اکھ ہوندا اے جیہدے مطابق لوک اپنی حیاتی گزار دے ہین۔ سوتی تے سچھی حیاتی گزارن واسطے ہر سہ دے سیانے سو جھواناں چنگے مندے دا نکھیرا کرن واسطے کچھ مڈھلے اصول تے قانون متھے۔ جینہاں اُتے ٹر کے اک بندہ اپنی دنیاوی لوڑاں دے نال نال روحانی طور تے وی کچھ پوڑیاں اگانہہ چڑھ سکے تاں بے اوہ اپنے آپ دی حقیقت نوں سمجھ کے اس کائنات وچ اپنا مقام پچھان سکے۔ ہندوستان دے وسیب دی اُساری وچ ایٹھوں دے پرانیاں وسنیکاں تے باہروں آون والیاں قوماں رل مل کے اپنی اپنی تھان تے ڈھیر سارے جتن کیتے۔ ہزاراں ورہیاں توں اس دھرتی اُتے کھاون پیون تے دو جیاں لوڑاں دیا شیواں دی کدی وی تھوڑ نہیں رہی۔ سگوں ایٹھوں دے مال رزق پانیاں تے موسماں دے وکھو وکھرنگاں دی کچھ پاروں ہمیشاں باہروں دیاں دھاڑ و قوماں اتھے آ کے قبضے کر دیاں رہیاں۔ ایس دھرتی دا پوری دنیا وچ اس پاروں ڈھیر سارے مان نال سر اُچا اے پئی ایٹھوں دے وسیب وچ انسانیت دے حوالے نال اُچیاں تے سُچیاں قدراں رسماں تے ریتاں موجود سن۔ جینہاں اُتے لوک اپنیاں جاناں وار کے وی ایہناں دا پالن کر دے سن۔ چغتیاں دے اخیر لے سہ ہندوستان دے وسیب اُتے ڈھیر سارا اکھا ویلاسی۔ سیاسی بد امنی، لٹ مار، قتل دنگے تے افراتفری پاروں وسیب دے سماجی پکھ اُتے ٹٹ بھج دا عمل شروع ہو چکیا سی۔

آغا اشرف چغتیاں دے سہ دے ڈول دے وسیب دی حالت بارے لکھدے نیں۔

”امراء اور درباری عیش کے دلدادہ تھے اور فرائض منصبی سے لاپرواہ، جاگیر درانہ نظام کی حرابیاں حکومت پر اثر انداز تھیں، سپاہی، شاعر، صوفی، مفت خوری کے عادی تھے۔ جاگیر داروں اور منصب داروں میں غدار بھی تھے۔ قاضیوں اور محسبیوں میں رشوت خور تھے۔ مسجدوں کے امام جاہل تھے۔ رمضان کا احترام تک باقی نہ رہا تھا۔ دستکار اور اہل حرفہ اپنے بیوی بچوں کے نان نفقہ اور پرورش کی ذمہ داریاں پوری نہ کرتے تھے۔“ (۲۲)

وارث شاہ دے سہ پنجاب دی سماجی حالت وی سیاسی اگاڑ پچھاڑ تے اتھل پتھل دے پاروں خراب ہو چکی سی۔ غیر یقینی سیاسی حالات دے سببوں اگلے دن دا کوئی وساہ نہیں سی پئی باہروں یا اندروں کوئی نویں مصیبت یا عذاب نہ نازل ہو ونجے۔ ایہدے پاروں لوکاں دے ذہن اتے انجانا جیہا ڈر خوف سوار رہندا سی۔ اس ڈر دے نال لوکاں دے اعتقاد پہلے نالوں وی کمزور ہو گئے سن۔ کوئی پکا پیڈا چاراکرن دی تھان ٹوٹے ٹوٹکے کیتے جاندے سن۔ کسے سفریاں مہم اتے جان واسطے پہلاں نجومیاں نوں سد کے حساب کران دار واد و دھدا جار ہیا سی۔ موت دے موقعے اتے عجیب رسماں کیتیاں جاندیاں سن۔ وارث شاہ دے سہ وسیب وچ ہندو تے مسلمان اکٹھے سن۔ ہندواں وچ کسے دی موت اتے باہمنان نوں سد لیا جانداسی تے مرن

والے نوں فرش اتے لٹا دتا جاندا سی تے اہدے اتے منتر پڑھے جاندا سی نیڑے دے رشتہ داراں تے غریب لوکاں وچ کھانا وٹیا جاندا سی۔ تاں جے مرن والے دی روح نوں اگلے جہان وچ سکون مل جائے۔ فرش نوں گاں دے گو برنال لیپ کروا تے اوہدے اتے گھاہ وچھایا جاندا سی۔ اوہدے اپر مردے نوں لٹا دتا جاندا سی۔ اوہدا سر اُبھے پاسے تے لتاں لمے پاسے۔ تے مُنہ تھلے نوں کردتا جاندا سی۔ فیر اوہدے اتے گنگا داپانی چھڑکیا جاندا سی۔ مرن والے دے پچھلے اک گاں باہمن نوں دان کردیندے سن۔ تلسی دے کجھ پتے مرن والے دے سینے اُتے ذات دان نشان متھے اتے لایا جاندا سی۔ فیر مردے نوں ارتھی تے رکھ کے چتا ول لیا جاندا سی۔ جے کر کوئی بندہ اپنے گھرتوں دور پردیس وچ مرونجے آہاتاں اوہدے پچھلے مرن والے دی یاد وچ اک چتا تیار کرواندے سن جیہدے اتے ہرن دی کھل، اک بانس، آٹا تے گری دا اک کھوپا ساڑ دتا جاندا سی۔ ایہدا مطلب ایہہ ہوندا سی پئی مردے دیاں ہڈیاں وی سڑ گئیاں، مرن آ لے دے بھرا، پتر تے نیڑے دے لگدے اپنے سردے وال تے داڑھی وی مُنا چھڈ دے سن تے جیہڑے کپڑے مرن آ لاشوق نال پہندا آہا وہی ساڑ دتے جاندا سی سن ایس توں بعد چتا دی سواہ نوں اکٹھا کر کے ہرن دی کھل وچ بنھ کے گنگا وچ لڑھا دتا جاندا سی۔ ایس موقعے اتے رسماں بارے محمد اشرف کنور لکھدے نیں۔

”ضعیف الاعتقاد پر مشتمل متعدد رسومات مردے کو گھر سے لے جانے سے پیشتر اور اس کے بعد ادا کی جاتی تھیں ان سے یہ یقین کرنا مقصود ہوتا تھا کہ مرنے والے کی روح لوٹ کر واپس نہیں آئے گی۔ تقریباً ۱۰ دن تک (الگ الگ ذاتوں کے رواج کے مطابق دنوں کی تعداد بھی مختلف ہوتی تھی) گھر کو ناپاک سمجھنے کا رواج عام تھا۔ ان دنوں میں نہ گھر میں کھانا پکتا تھا اور نہ ہی چولہے میں آگ جلتی تھی۔ رشتہ دار کھانا اور دیگر ضروریات مہیا کرتے تھے۔ پورا کنبہ فرش پر پتوں کے بچھونے پر سوتا تھا۔ اس دوران مرحوم کو بھی فراموش نہیں کیا جاتا تھا۔ درحقیقت مرحوم کی غیر مادی روح کو اصل روح کی شکل یا پریت کا جسم حاصل کرنے سے باز رکھنے کے لیے متعدد درمیں ادا کی جاتی تھیں۔“ (۲۳)

ہندو وسیب وچ ایہہ ساریاں رسماں کیتیاں جانداں سن تاں جے مرن والے دی روح نوں اگلا پنیڈا کرن وچ طاقت ملے تے اوہ چھیتی چھیتی نال ہندو دھرم دے کرم دے اصول مطابق اپنا اگلا جنم لے لووے۔ اس کم نوں پورا کرن لئی مرن آ لے دے پچھلے ہو ۱۰ دن صرف چاولاں دی کھیر اُتے گزارا کردے سن۔ تاں جے مرن آ لے دی روح نوں اگلا نہ سکھ ہووے۔ مرن والا جے گھر دا وڈیرہ ہووے آہاتاں پورا خاندان ایہناں رسماں وچ شامل ہوندا سی۔ جے مرن والا باتشاہ ہووے آہاتاں اوہدا سوگ پوری باتشاہی وچ تن دنوں واسطے منایا جاندا آہا۔ سلطان دا جانشین نیلے رنگ داما تھی لباس پہندا آہا۔ باتشاہ دے جنازے اتے شاہی چھتر رکھیا جاندا سی۔ اس بارے وچ ڈاکٹر محمد اشرف کنور لکھدے نیں۔

”دوبہ اور تعظیم کے لحاظ سے جو اہمیت اس کو زندگی میں کو حاصل تھی وہی حیثیت موت کے

بعد اس کی قبر کو حاصل ہو جاتی۔ مرحوم سلطان کے ذاتی محافظوں، ہاتھیوں اور گھوڑوں کو بالکل اسی طرح اظہار عقیدت کے لیے اس کے مقبرے پر لایا جاتا تھا جس طرح اس کی زندگی میں۔ اس کے جوتے اس کی قبر کے پاس رکھ دیئے جاتے تھے اور لوگ انہیں مرحوم سلطان کی نشانی سمجھ کر اظہار عقیدت کرتے تھے۔“ (۲۴)

مسلمانان وچ موت توں بعد دیاں رسماں وچوں تیجھے دن نوں ڈھیر اہم سمجھیا جانداسی۔ مرن والے دی روح نوں ثواب پہنچان واسطے قرآن پڑھیا جانداسی تے کجھ تھانواں اُتھے موجود لوکاں اتے گلاب داعرق وی چڑایا جانداسی۔ اخیر اُتے روٹی دتی جاندی سی، کجھ قبیلیاں وچ شربت تے پان پیش کرنا ضروری سمجھیا جانداسی۔ انجے کر کے اتھوں دے وسیب وچ شادی بیاہ دیاں رسماں وی اپنے مڈھیاں پچھو کڑ دے حوالے نال چوکھیاں ہندو وسیب وچوں ای ٹریاں آندیاں نیں۔ شادی واسطے عمر دی کوئی خاص حد مقرر نہیں سی ہندو تے مسلمان دونہاں وچ عیسیٰ عمر وچ شادی نوں چنگا سمجھیا جاند آہا۔ پختے باتشاہ اکبر اس مسئلے وچ اک قانون بنایا جیہدے مطابق لڑکے دی عمر گھٹو گھٹ ۱۶ سال تے کڑی دی، گھٹو گھٹ ۱۴ سال مقرر کییتی۔ اس مسئلے وچ کڑی منڈے دامان پیو ایہد ا فیصلہ کرنا اپنا حق سمجھدے سن۔ ہر قبیلے وچ شادی ویاہ وچ ڈھیر ساریاں رسماں نوں اپنی وسیب وچ حیثیت مطابق کر دے سن۔ سبھ توں پہلاں گڑی منڈے دے خاندان والے کنیں ملاقاتاں توں بعد جدوں رشتہ کرن اتے رضا مند ہو جاندے سن تاں اوہنوں تلک لگا ون یا منگنی دی رسم ادا کییتی جاندی سی۔ اس توں بعد شادی دا دیہاڑا دونہاں خانداناں دے مشورے نال متھیا جاندی سی جس توں پچھوں شادی دی تیاریاں وڈے جوش جذبے نال شروع کیتیاں جاندیاں سن۔ عام طور تے کنیں دیہاڑے پہلاں توں گڑی دے گھرنیڑے دے رشتہ داراں تے محلے دیاں گڑیاں اکٹھے ہو گئے گیت گاندیاں سن۔

دو جھے پاسے منڈے والے سہاگ دے گھروں گھروں گڑیاں تھالی یا ڈھولک دی تھاپ اُتے نڈھے دے گاؤں گاندیاں سن تے باہر ڈیرہ اُتے گوئیے طبلے سارنگی و جا کے جواناں دے دلاں نوں خوش کر دے تے کنیں جوان منڈے ڈھول دی تھاپ اُتے بھنگڑا پاندے سن۔ اخیر برات والے دن سارے جانجی زرق برق کپڑے تلے گچ بھتیاں نال سج دھج تے آ پنیاں سواریاں اٹھاں، گھوڑیاں نوں نولکے ڈھنگاں نال سجا کے برات جوڑ کے وڈی سج دھج نال گڑی دے پنڈول ٹردے سن۔ اس سے جانجیاں دی سج دھج صدیاں پرانی ثقافت تے رہتل بہتل دا اک سچا نمونہ ہوندی سی۔ ہندواں وچ کڑی دا پیو کڑی نڈھے نوں بندھن وچ بٹھن توں پہلاں گڑی نڈھے نوں اک منڈپ اتے بٹھا دیندا سی۔ ایہتھوں شادی دی اصل رسماں شروع ہوندیاں سن۔ اتھے نڈھے کڑی دی چادر دی اک چوک نوں گنڈھ دے کے بنھ دیندے سن ایہد مطلب ہمیشاں ہمیشاں واسطے اک نہ ٹٹن والے بندھن وچ بٹھنا ہونداسی۔ ایس توں بعد آگ دے آسے پاسے ست پھیریاں دی رسم ہوندی سی۔ ہندوواں دے پنڈت پھیریاں دے نال منتر پڑھدے سن۔ ایہہ رسم کڑی نڈھے نوں ہمیشاں واسطے پتی پتی دے بندھن وچ

بندھ دیندی سی۔ باقی ساریاں رسماں دی حیثیت دو جھے درجے دی ہوندی سی۔ مسلمانواں وچ شرح محمدی دے مطابق عالم دین گڑی نڈھے دے خاندان دے گواہاں دی گواہی وچ نکاح پڑھدا سی۔ اس نکاح دی رسم توں بعد چھوہارے تے لڈولوکاں وچ ونڈے جاندے سین۔ وارث شاہ دے سسے براتاں گڑی والے خاندان کول کنیں دیہاڑے راہندے سن۔ اس موقعے دیاں رسماں بارے ڈاکٹر محمد اشرف کنور لکھدے نیں۔

”دلہا کی بارات ایک دن اور زیادہ سے زیادہ دس دن تک ٹھہرتی تھی دلہا اور دلہن رخصتی سے قبل کی شام کو متعدد دیگر تقریبات ہوتی تھیں۔ جو دو روز قدیم کی دلچسپ یادگاریں معلوم ہوتی ہیں۔ دلہن تک پہنچنے کے لیے دلہا اور اس کے سبالڑے کو زبردستی راستہ بنانا پڑتا تھا۔ بعض مقامات کے رواج کے مطابق دلہا کسی چرائی ہوئی چیز کو حاصل کرنے کے لیے یا دلہن کو لے کر باہر نکلنے کے لیے کنواری لڑکیوں کو رشوت دے کر اپنا پیچھا چھڑاتا تھا۔ بڑے پیمانے پر جہیز دلہن کے ساتھ دینا ہوتا تھا۔ بعض حالات میں دلہا کو چند لونڈیاں بھی دی جاتی تھیں جو بعد میں دلہا کی داشتہ بن جاتی تھیں۔“ (۲۵)

وڈے امیر طبقے دیاں شادیاں ہووڑ ہیر سچ دھج نال ہوندیاں سن۔ کیوں جے امیر وزیر جاگیر دار باتشاہاں دی ویکھا ویکھی مال زرنوں پانی وانگوں لڑھاندے سن۔ اس امیر طبقے کول مال زر سونے چاندی دے ڈھیر سن۔ کجھ خانداناں کول مناں دے حساب نال سونا چاندی سی اس وڈے طبقے وچ عیاشی تے فضول خرچیاں ڈھیر ساریاں سن۔ ایہہ امیر وزیر یا صوبیدار ایہناں فضول کماں وچ اک دو جھے توں اکا نہہ وھن واسطے کنیں کنیں پٹھے سدھے جتن کردے سن۔ تخت نشینی دی رسم تا جیوشیاں شادی ویاہ دے موقعے اتے باتشاہ کنیں پیاریاں نوں سونے یا چاندی نال تولدے سن۔ محمد شاہ رنگیلے دیاں عیاشیاں تے فضول خرچیاں بارے علی حسن چوہان لکھدے نیں۔

”۱۷۳۰ء کا واقعہ ہے کہ دلی کے تخت پر مغل محمد شاہ رنگیلا حکومت کرتا تھا۔ جس کے زمانے میں قلعہ دہلی میں روزانہ چار سو طوائفیں برہنہ ناچتی تھیں۔ قلعہ میں قوالیاں ہوتی تھیں۔ بیگمات پر حال آتا تھا، تین کروڑ روپیہ صرف سالانہ باورچی خانہ کا خرچ تھا۔ مغل محمد شاہ بادشاہ ہند کے لیے روزانہ پانچ سو کا مٹن پکا کرتا تھا۔ بادشاہ کا فرمان تھا کہ خوبصورت عورتیں فراہم کی جائیں۔ چنانچہ ایک تاجرا محمد خان بہت دور دراز سے ایک مسلم گوجر لڑکی شاہرخ کو فروخت کرنے دلی لایا جسے محمد شاہ نے ایک لاکھ اشرفی ادا کر کے خرید لیا۔“ (۲۶)

اس گڑی دے وکن تے محمد شاہ دے خریدن دی خبر جدوں دلی دے چوہناں پاسے وسدے گوجراں سنی تاں اوہ قومی غیرت پاروں چغتیاں نال لڑن واسطے اٹھ کھلوتے۔ ضلع کرناں دے موضع باپاٹل دے اک مشہور گوجر سردار میدا اس کڑی نوں

چھڈان واسطے سونہ کھا آہروچ رجھ گیا۔ گوجراں اس کڑی نوں آزاد کران نوں اپنی موت حیاتی دامسلہ بنالیا۔ میدے گجراپنی قوم دے سورمیاں دا اک وڈا لشکر تیار کیتا۔ ایہہ لشکر دلی ول ٹر پیا۔ اس جنگ وچ گوجراں نوں ہار ہو گئی۔ اخیر بھاجڑ ویلے گجراں پانی پت دے اک وڈیرے چھتے سردار نال لڑائی کر کے جاگیر کھوہ لئی تے اوہدے بیوی بچیاں نوں قیدی بنالیا۔ اس پچھوں گوجراں آسے پاسے دے کئیں پنڈاں توں مالگزار دی دائیکس وصول کرنا شروع کردتا۔ دلی دے چھتے باتشاہ محمد شاہ رنگیلے گوجراں نوں کوئی نہ پچھیا اس طرحاں نادر شاہ دُرانی دے آون تائیں اس علاقے اتے ایہناں دازور رہیا۔ شادیاں تے دو جھے خوشی دے موقعیاں اُتے فضول خرچی وچ اس سے راجے مہاراجے وی باتشاہاں توں کدی وی کچھ نہیں سی راہندے۔ ایس سلسلے وچ جونا گڑھ دے راجے دیاں فضول خرچیاں بارے اعتراض احسن لکھدے نیں۔

”دولت کے بل بولتے پر نمائی رنگ رلیوں کی ایک مثال مہاراجہ جونا گڑھ بھی ہے جس نے اپنی چہیتی کتیا کی شادی پر لاکھوں روپے لٹا دیئے۔ شاہی ہاتھی اور مہاراجہ کے محافظ مکمل شاہانہ تزک و احتشام کے ساتھ عروسی جلوس کی قیادت کر رہے تھے اور راستے کے دونوں جانب کم و بیش ڈیڑھ لاکھ افراد اس رسم عروسی کے تماشا ئی تھے۔ جلوس کے اختتام پر خوش قسمت کلبی جوڑے کے اعزاز میں پر تکلف ضیافت کا اہتمام تھا۔ جس کے بعد انہیں خوبصورتی سے سجائے گئے جملہ عروسی میں پہنچا دیا گیا۔ اس شاہی ڈھکوسلے پر اٹھنے والے اخراجات سے چھ لاکھ بیس ہزار آبادی کی اس ریاست کے کم و بیش بارہ (۱۲) ہزار غریب عوام کی بنیادی ضروریات سال بھر کے لیے پوری ہو سکتی تھیں۔“ (۲۷)

ایہناں فضول خرچیاں تے اُچا معیار زندگی دے کچھے مال دولت دی فراوانی سی۔ ایسے دولت دی فراوانی پاروں ہندوستان دے لہندے پاسیوں بھکھیاں قوماں ایٹھوں دے مال زراتے قبضہ کرن واسطے حملہ کردیاں سن۔ باہر دی دنیا وچ ہندوستان نوں سونے دی چڑی وی اسے پاروں آکھدے سن۔ وارث شاہ دے سے وسیب وچ رہتل بہتل دے حوالے نال دو وڈے دھڑے نظریں آوندے نیں۔ اک حاکم دھڑا جیہدے وچ باتشاہ شہزادے وزیر امیر درباری مشیر صوبیاں وچ صوبیدار تے کئیں وڈے عہدیدار نکلیاں ریاستاں وچ راجے مہاراجے ایہناں دے نال فوجی افسر تے جاگیر دار سن جیہڑے اپنے اپنے ذوق شوق تے مال زردے حساب مطابق شاہی محلاں، قلعیاں تے اچیاں وڈیاں وڈیاں حویلیاں وچ راہندے سن۔ ایہناں محلاں یا حویلیاں اندروی پورا اک شہر آباد ہوندا سی جیہدے وچ وکھو وکھ کماں کاراں واسطے نوکر چاکر نوکرانیاں تے محافظ دستیاں دے سپاہی، مال زردے خزانے، گھوڑیاں دے اصطبل تے اسلحہ خانے سبھ کچھ رکھیا جاندا سی۔ دو جھا دھڑا غریب زمیندار و اگیاں، محتیاں کامیاں تے حیاتی دیاں لوڑاں دیاں نکلیاں وڈیاں شیواں بناونے والے کاریگراں تے پیشہ وراں داسی جیہڑے شہراں تے پنڈاں تھانواں تے نکلیاں کچے گھراں وچ رہندے سن۔ اس سے صرف وڈے طبقے دے لوک کچی اٹاں دے مکان تے محل بنا

سکدے سن۔ تھلے دے طبقے نوں پکی اٹ ورتن دی اجازت نہیں سی۔ شہراں وچ چھوٹے موٹے کم تے صفائی کرن والیاں دیاں وستیاں شہروں باہر ہوندیاں سن۔ پنڈاں تھانواں دی وسوں اکا عارضی ہوندی سی۔ اکدن وچ وستی آباد ہو جاندی سی تے جے لوک اپنی یاں اپنے ڈنگراں دے گھاہ پٹھے تے پانی واسطے جدوں اک تھانوں چھڈ دے سن تاں اوس وستی والی تھان تے اک دن بعد کوئی نہیں سی کہہ سکدا اپنی اتھھے وی کوئی آبادی رہی اے۔ نویں تھان اُتے وی اک دودن وچ پوری وستی آبادی ہو جاندی سی۔ اس سبب جنگل عام سن تے اوتھوں لکڑا سانی نال لہج جاندی سی۔ اس واسطے رکھاں دے لمے تے موٹے لڑے جوڑ کے چھپر بنا لئے جاندے سن۔ ایہناں چھپراں دی چھت گھاہ تے رکھاں دیاں پرانہاں دی ہوندی سی۔ کئیں واریں موسم دے مطابق اوہدے آسے پاسے مٹی دیاں کچیاں کندھاں اُسار لینیاں جاندیاں سن۔ کھاندے پیندے لوک اپنے گھراگے اک تھلہ یاں چبوترہ وی بناندے سن تاں جے اوتھے خاندان دے مرد اکٹھے ہو کے راتاں نوں یادن وچ پٹھدے سن۔ عام رہن سہن بارے ڈاکٹر محمد اشرف کنور لکھدے نیں۔

”خوش حال کساں پیتل اور ملی جلی دھاتوں کے برتن استعمال کرتے تھے جبکہ غریب لوگوں کے برتن پکی مٹی کے ہوتے تھے جو گاؤں میں ہی بنتے تھے۔ عام لوگوں کی زندگی میں لباس کے رکھ رکھاؤ، سنگاریا کھانے پینے کے معاملات کا زیادہ اہتمام نہ تھا۔ غریب لوگ عام طور پر فرش پر سوتے تھے۔ جسم کو ڈھکنے کے لیے ایک دھوتی اور ایک معمولی کپڑے کی چادر استعمال کرتے تھے۔ باجرے کی روٹی، چاول اور دال اور کبھی کبھی مریچ اور پیاز کی چٹنی ان کی روزمرہ خوراک تھی۔ اگر رات کا کھانا بچ جاتا تو دوسرے دن صبح کھالیا جاتا اور نہ عام طور پر دو وقت کھانے کا رواج تھا۔“ (۲۸)

اس سبب روٹی نال گھیو شکر تے دودھ وڈی خدمت سمجھی جاندی سی۔ لوکاں کول ڈھیر ڈھور ڈنگر ہوندے سن۔ اس واسطے پنڈاں تھانواں وچ دودھ وچکن دارواج نہیں سی۔ دودھ توں گھیو بنا کے وینچیا جانداسی اس واسطے ہر کسے نوں دودھ لسی عام مل جانداسی۔ میلیاں ٹھیلیاں تے شادیاں دے موقعیاں اتے دیسی شراب پین داوی رواج سی۔ وارث شاہ ہوراں آپ وی کھیڑیاں دی جج دی سچ دھج تے جانجیاں دیاں ٹوہراں تے شراب پین داوی ذکر کیتا تے ایہدے نال نال جج ڈھکن ویلے ڈھاڈی کنجریاں، ڈوماں، ڈھول، ڈھکے، وکھو وکھنساں دے گھوڑیاں تے اوہناں دے ناچ دا ذکر انج نولکے ڈھنگنال کیتا پئی اس سبب دے پنجاب دا سارا نقشہ اپنے وکھو وکھاں رنگاں سمیت ساہمنے آ وندا اے۔

”ڈھاڈی کنجریاں بھگتنے نقلیے سن نالے ڈوم سرور خود گائے کے جی کشمیریاں کھنی نال واہے ترہیاں توتیاں چھنا چھکائے کے جی چڑھ گھوڑیاں کھیڑیاں گنڈھ پھیری چڑھے گبھرو جج پھانیکے جی

کیسر بھڑے پگاں دے پیچ دونوں گھوڑے لوہل میل چھکائیے جی
کاٹھیاں سرخ بنات دیاں تھہ نیزے داروپی کے دھرگ و جائیکے جی
پھلاں سہرے طُریاں نال لٹکن ٹکے دتے نیں لکھ لوٹائیے جی

وارث شاہ دے مکھ تے بنھ مکٹاں سوئَن سہرے بناں بنائیے جی، (۲۹)

کپڑیاں دے سلسلے وچ وکھو وکھ طبقیّاں وچ فرق سی غریب زمیندار تے دو جھے لوکاں دے کپڑے قریباً اکو جینے
ہوندے سن اک چولا تے تہ بند سر اُتے پگڑی ننھن دارواج سی اس سہ ہندوستان وچ پگڑی یاں پگ بارے ڈھیر سیاریاں
روایتاں لہجہ یاں ہن جوئیں کہ کدائیں کسے رُسے ہوئے بندے نوں منان واسطے کوئی بندہ اپنی پگ سرتوں لاہ کے اوہدے پیراں
اُتے رکھ دیند اسی تاں وڈیاں وڈیاں دشمنیاں تے ناراضگیاں پگ مکا دیندی سی۔ بے عزتی نوں دسن واسطے پگ پیراں وچ رولن
دامحاورہ بولیا جاند اسی۔ امیر لوک سر اُتے کلاہ زری زربفت مخملی کام دا چونہ تے لک اُتے اک چٹے رنگ دی پیٹی ننھی جاندی سی۔
کچھ طبقے اپنی خاص پچھان واسطے کچھ خاص قسم دے لباس وی پہندے سن۔ سپاہیاں دی کوئی خاص وردی نہیں سی ہوندی سپاہیاں
دی خاص پچھان تاں صرف اوہناں دے ہتھیار ہوندے سن۔ شاہی نوکراں دی پچھان واسطے لک دی پیٹی تے جیب دالال رنگ
دار و مال لال رنگ دیاں جتیاں ہوندیاں سن۔ سرکاری اہلکار عام طور تے مہر والیاں مندریاں پاندے سن۔ پنجاب وچ پگ
توں علاوہ اک ان سلی چادر موڈھے اُتے لئی جاندی سی۔ ایس سہ غریب لوک لکڑ دیاں کھڑاواں وی پاندے سن۔ صوفی فقیر
لوک اون دا بنیا ہویا ڈھیلا ڈھالا لباس پاندے سن۔ ہندو باہمنّاں تے سادھواں جوگیاں دے لباس بارے ڈاکٹر محمد اشرف کنور
لکھدے نیں۔

”برہمن اپنی پیشانی پر تلک لگا تا سنہری حاشیے کی ٹوپی استعمال کرتا اپنے ہتھ میں ایک دو شاخہ
(بیساکھی) رکھتا تھا۔ اور پیروں میں قیمتی دھات کی جڑی ہوئی چپل پہنتا تھا اور اسی حال میں
پورے قصبے میں ہر خاص و عام کو برکت کی دعائیں دیتا ہوا گھومتا پھرتا تھا۔ تارالدنیا
افراد (سادھو جوگیوں) کا کوئی مقرر کردہ لباس نہ تھا۔ زیادہ دکھاوا کرنے والے ہرن کی
کھال استعمال کرتے تھے۔ اچھے لوگ نام و نمود سے پرہیز کرتے تھے۔ کچھ تارک الدنیا
لوگ ایسے بھی تھے کہ جن کا لباس صرف لنگوٹی تک محدود تھا۔ اور دیگر ضروریات زندگی کے
لیے ایک تو نبی کافی ہوتی تھی۔“ (۳۰)

ناتھ جوگی جگ دی جھلن وچ پھسان والے چکڑ، کھو بے تے مایا توں سدا بچ کے رہندے سن۔ تے لو بھ، کام، کرو دھ،
موہ تے ہنکار و لوں سدا امی کنڈ کری رکھدے سن۔ اوہ جتی ستی رہندے سن تے صدق لنگوٹ نوں داغ نہیں سن لگن دیندے۔
ایہناں دے گرو ناتھ جوگیاں توں وڈیاں وڈھاڈیاں مشتقاں کراوندے سن پہاڑاں وچ اوکھیاں تھانواں تے چلے کرواندے سن۔

عام طور تے بارہ بارہ سال اوہناں کولوں پانی تے ہوڑ ڈھیر سارے اوکھے کم کرواندے سن۔ سرداڑھی دے سارے وال مُن کے ہر ویلے گھونیاں بنائی رکھدے سن تاں جے ایہناں اندروں حیاتی وچ سکھ سواد نال پیار کرن دابی ای مکا دتا جاوے ایہناں ناتھ جوگیاں دے لباس رہن سہن تے کھاؤن پیون بارے احسان باجوہ لکھدے نیں۔

”اوہناں داسر گرگڑ کے من دتا جاندا سی تے کنناں وچ مندر اں پادیتیاں جان دیاں سن تے اوہناں دا واس لوکوسوں توں دور ہوندا سی اتے کسے زنانی ول میلی اکھ نال ویکھن دی مناہی سی اوہ ہر جمعرات نوں گرو دے حکم نال منکن لئی جدوں لوکاں دے دروازاں اتے جان دے سن تاں اکھاں نیویاں رکھدے سن اتے اُتہ نہ جھاتی پان ولوں اوہناں نوں کرڑی ہٹک سی اوہناں نوں کوئی پائی پیسہ یا آٹہ دان منکن دی آ گیا نہیں سی۔ گوں اوہ پکا بھوجن (پکی ہوئی روٹی) منگ لیاندے سن۔ مڑ کے پورے اٹھ دن اوہی منگیاں ہویاں روٹیاں نوں پانی وچ بھیسوں کے کھاندے رہندے سن تے اگلی جمعرات نوں کسے ہوڑ وستی منکن لئی ٹر جان دے سن اوہناں نوں اگلی جمعرات مڑاوسے پنڈ جان دی مناہی سی۔ اوہناں چوں چوکھے منڈی (منے سراں والے گھونے) اتے ورلے ورلے جٹا دھاری (چڑ کے رسیاں بنے لمے وال) ہوندے سن۔“ (۳۱)

اس سہ ہندو مذہب دے من والے عام طور تے ننگے سر تے ننگے پیر پھر دے سن۔ دھوتیاں لمبے کپڑے دی اکو چادر اوہناں داعزت والا لباس منیا جاندا سی۔ ایہہ تاں عام حالت وچ لباس سی۔ جدوں کتے شادی ویاہ ہوندا سی تاں فیرون سوونے کپڑے زیور پوشا کاں پائیاں جان دیاں سن۔ صرف ایہتھوں تیکر ای نہیں سوگوں سواری جینہاں برات نال جانا ہوندا سی اوہناں نوں وی زرق برق رنگ برنگیاں جھولداریاں کچاوے، تمیلاں، گانیاں تے کاٹھیاں وی موقعے دے مطابق سجدیاں ہوندیاں سن۔ صرف ہیر دے ویاہ اتے داج تے باقی رسماں دے حوالے نال ویکھیے تاں اُس سہ دے پنجاب دی پوری ثقافت رہتل بہتل تے چلدا ویاہار اک چلدی فلم وانگوں ساہمنے آ جاندا اے۔

”لال گھگھرے کاڈھویں نال مشرومشکی پگاں دے نال تسلیڑے نے دریائی دیاں چولیاں نال متی کھواب تے چنیاں پیلڑے نے بوک بند تے عنبری بادلا سی زری خاص چوتار رسیلڑے نے چار خانیے ڈورے ممللاں سن چھولی جالیاں سبھ سکھیلڑے نے الاہ تے جالیاں جھمیاں سن شیر شکر گلبد رسیلڑے نے وارث شاہ دواوڑھنیاں ہیر رانجھا سکے تیلڑے تے جیلڑے نے“ (۳۲)

وارث شاہ دے سہ پنجاب وچ شادی ویاہ دے موقعے اُتے پروہنیاں دا شادی والے گھر آون نوں میل آکھیا جاندا سی اج وی پنڈاں تھانواں تے میل ای آکھیا جاندا اے۔ ایہدے وچ کڑی نڈھے دونہاں گھراں وچ نیڑے دے ساک سین یار بجن مردزنانیاں اپنی اپنی طبیعت مزاج تے حیثیت مطابق سنبہ ستر کے میں والے گھر آندے سن۔ میل پھبن نال وسیب دے سماجی کچھ دا اچھی طرح پتہ چلدا اے۔ خاص طور تے جوان گڑیاں ویاہیاں زنانیاں سولہ سنگار کر کے شادی والے گھر آوندیاں نیں، کیوں جے شادی والے گھر شادی دے موقعے آتے ہسن، گاؤن، نچن، ٹرن پھرن، اندردیاں سدھراں سکاں نوں گیتاں راہیں کڈھن دی پوری آزادی ہوندی اے۔ کنیں عاشقاں نوں سونہیاں ٹیاریاں اکھاں دی خاص ویکھنی راہیں انج دے بھلیکھے پاوندیاں نیں جے اوہ کسے پاسے جو گے نہیں رہ جاندا۔ وارث شاہ میل پھبن تے ہیر سیال دے ویاہ اُتے آئیاں کڑیاں دے جو بن پھبن بارے لکھدا اے۔

”ڈاراں خوباں دیاں سیالاں دے میل آئیاں کڑیاں حور پری دے ہوش گواندیاں نیں
لکھ جٹیاں مُشک پلٹیاں نیں اٹن پدمنی وانگ سہاندیاں نیں
باراں ذات تے ست منات ڈھکی رنگ رنگ دیاں صورتاں آوندیاں نیں
اتے بھوچن سن پنچ تولے دے اتے لنگیاں تیر جھاؤں دیاں نیں
لکھ سنھٹی دیہن تے لین گالیں واہ واہ کیہ سہرا گاوندیاں نیں
پری ذات جٹیاں نیں خونی نال ہیک مہین دے گاوندیاں نیں
نال آر سی مکھڑا ویکھ سندر کول عاشقاں نوں ترساندیاں نیں
اک کھول کے چادرال کڈھ چھاتی اُپر واڑیوں جھاتیاں پاوندیاں نیں“ (۳۳)

وارث شاہ دے سہ سولہ سنگھار داکم چوکھا سارا ودھ چکیا سی۔ مرد ہووے یاں زنانی سنگھار تے فیر زیور ڈھیر ساری وقعت رکھدے نیں۔ ایہہ اک اندروں اٹھن والی نفسیاتی بھکھ اے پئی ہر بندہ ایس گل دا چاہیوان اے کہ اوہ دو جھیاں نالوں ودھ سوہنا نظریں آوے تے ہر کوئی اوہدے نال پیار کرے۔ خورے ایہہ چیز ازل توں اللہ تعالیٰ بندے دے خمیر اندر رکھ چھڈی اے۔ حضرت محمد ﷺ دی حدیث شریف اے جس دا ترجمہ مفہوم ایہہ وے ”اللہ خوبصورت اے تے خوبصورتی نوں پسند کردا اے“۔ وارث شاہ دے سہ مردوی کنناں وچ والے پاندے سن کیوں جے کنناں وچ والے پاون اک اعلیٰ مرتبہ خاندان دی نشانی ہوندی سی تے اوہدی اوئی ڈھیر قدر کیستی جاندی سی۔ ڈاکٹر محمد اشرف کنور ہندوستان دے وکھو وکھ طبکیاں وچ زیور پھبن بارے لکھدے نیں۔

”اک راجپوت جنگجو کی نمایاں خصوصیت اس کے اُوپر کوڑے ہوئے گل مچھیاورکانوں کے بالے ہوتے تھے۔ گجراتی بپے قیتی پتھروں سے جڑے ہوئے سونے کے بالے انگلیوں میں

بہت سی اگھوٹھیاں اور کپڑوں کے اپور ایک سہنہری پٹی پہننے کے شوقین تھے۔ مردوں کے دیگر زیورات اگر ہم انہیں زیور کہہ سکیں خوبصورت تلواریں، کناریں اور دیگر ہتھیار تھے۔ ہندوستان میں آج کل کی طرح صنفِ نازک کی عام کمزوری سر سے پیر تک زیور پہننا تھی۔ اضافہ حسن کے لیے جو زیورات استعمال کیے جاتے تھے ان میں عورتیں زیادہ اور زنی زیورات کو پسند کرتی تھیں۔ (۳۴)

وارث شاہ دے سے ہندوستان دے وڈے وڈے شہراں وچ دکھو دکھ شیواں گھڑن بناون وچ ماہر کار گیر کمال دافن رکھ دے سن۔ بنگال دی جار جٹ تے ململ دے کپڑے نوں پورے ہندوستان وچ بوہت پسند کیتا جاندا سی۔ کنیں تھانواں اتے زری تلے دیاں جتیاں بوہت مشہور سن۔ شہراں تے پنڈاں وچ وکھرے وکھرے نمونیاں دے زیور گھڑے جان دے سن۔ ایس طراں دا کجھ قیمتی سامان ملک توں باہروں وی آ جاندا سی، اس سامان سوچ وسط ایشیا تے ایران توں اسامان آندا سی۔ پرہن ہندوستان وچ چوکھا سامان ولایت وچوں آون لگ پیا۔ انگریز بوہت مکار سن اوہ ولایت توں عیاشی تے نمائش دا سامان ولایتی شراب لے آندے سن تے ایتھوں اپنیاں کارخانیاں واسطے خام مال سستے مل لے جان دے سن۔ اپنیاں ولایتی شیواں ماہنگیاں وچ دے سن۔ ایتھوں دا امیر طبقہ ولایتی شیواں ورتدا سی۔ کیوں جے اس طبقے کول مال دولت دی کوئی تھوڑ نہیں سی۔ عیاشی دے کماں اُتے فضول پیسہ ضائع کرنا ایہناں دا مشغلہ بن چکیا سی۔ کیوں جے مال پیسے دی ٹھیک قدرتاں اوس نوں ہوندی اے جس خون پسینہ اک کر کے کمایا جوڑیا ہووے۔ ایہہ کتیاں، بٹیریاں، ککڑاں تے ہاتھیاں دیاں لڑائیاں اُتے اس سے ہزاراں تے لکھاں روپے اڈا چھڈ دے سن۔ نچن گاؤں والیاں کنجریاں اُتے مال زردی بارش وسا چھڈ دے سن۔ محمد اکرام شیخ پختے بات شاہاں تے امیر لوکاں دیاں فضول خرچیاں بارے لکھدے نیں۔

”فرنگستان سے آنے والے سامان زیب و نمائش نے نمود و نمائش کے نئے دروازے کھول دیے تھے۔ ان سب چیزوں کا نتیجہ یہ ہوا کہ مغل امراء نے نہایت اونچا معیار زندگی قائم رکھنا شروع کر دیا۔ دولت و ثروت کی نمائش اور اخراجات کی فراوانی میں ایک دوسرے سے بڑھ کر قدم مارنے لگے۔ نتیجہ وہی ہوا جو ہونا تھا یعنی فضول خرچی، تعیش کوئی اور اسے نباہنے کے لیے رعایا اور زیر دستوں پر سختی اور رشوت ستانی اور اخلاقی انحطاط۔“ (۳۵)

اتے بیان کیجے واقعات تے حوالیاں توں ایہہ گل نتر کے ساہمنے آوندی اے پئی وارث شاہ دے سے پورے ہندوستان وچ تے خاص کر پنجاب وچ سیاسی اگاڑ پچھاڑ تے بدامنی پاروں لوکاں دی زندگی بے رنگ تے بے مزہ ہو کے رہ گئی سی۔ اس سے وچ برائیاں تے خوبیاں گنیاں چنیاں ہوئیاں سن۔ اوس سے وچ ہندوواں تے مسلماناں وچ ودھدی ہوئی تھ و سیب دیاں جڑاں نوں کھاندی جارہی سی۔ اس سے وچ باہروں آون والے دھاڑواں نادر شاہ درانی، احمد شاہ ابدالی تے خاص

طور تے انگریز جیہڑے سوداگراں دے روپ وچ آئے سن۔ ہندوواں تے مسلماناں وچ ایس دھدی وٹھ تے وٹدی رفتار نوں تیز کیتا تے ہندوواں تے مرہٹیاں نوں مسلماناں نال لڑاں اُتے انگریزاں ڈھیر سارا کم کیتا تے پیسہ وی خرچ کیتا ایہہ نتیجہ ایہہ نکلیا، وسیب وچ موجود کھوکھو دھڑیاں دے وچکار وٹھ دھدی گئی۔ کل تک جیہڑے ایہو دھڑے اک دوجے دیاں بانہواں سن۔ اوکھے ویلے اک دوجھے دادھ درد وٹھادے سن۔ باہروں آون والے دھاڑواں دارل کے ڈٹ کے مقابلہ کردے سن۔ اج ایہہ دھڑے دشمنان تے کجھ اپنے غداراں دے کو بجھے کرتوتاں پاروں اک دوجھے نال جنگاں وچ آئے ساہمنے سن۔ ناردشاہ درانی تے احمد شاہ ابدالی دے ہند اتے حملیاں تے اندروں سکھاں، مرہٹیاں تے روہیلے سرداراں دی لٹ مار دھاڑ دا نتیجہ ایہہ نکلیا پئی انگریز دے ہندوستان اُتے قبضے دیاں راہواں صاف ہو گئیاں۔ ایہہ ساریاں کاروائیاں سیاست دے میدان وچ ہو رہیاں سن۔ پراہیناں دا نتیجہ وسیب دیاں عینہاں نوں پُٹ کے تباہ کر رہیاسی۔ ہندوستانی وسیب دی ساری چھت کنیں مذہباں تے قوماں دے ستوناں اُتے کھڑی سی۔ جدوں ایہہ سارے ستوں اک اک کر کے اس اکٹھی چھت تھلوں کھسکدے گئے تاں اکٹھے وسیب دی اس چھت دا وجود خطرے وچ پے گیا۔ ایہہ سانجھے وسیب اوہ چھت سی جیہدی ہنتر تے مضبوطی وچ بھگتی تحریک، مسلمان صوفی فقیراں تے جلال الدین اکبر چھتے باتشاہ اپنے اپنے سہمے اپنی اپنی تھان وڈے وڈے جتن تے چنگا بھرنواں کردار ادا کیتا سی۔ ایہدے وچ چھیک کرن وچ کجھ کردار اپنیاں ادا کیتا تے رہندی کسر انگریزاں تے اوہناں دیاں ہتھ ٹھوکیاں انتہا پسند ہندو لیڈراں پوری کر چھڈی۔ اک دوجھے تے جان وارن والے اک دوجے دے خون دے تسے ہتھیا چک کے آئے ساہمنے سن۔ وارث شاہ دے سہمے دے وسیب دیاں اعلیٰ اُچیاں تے سُچیاں قدراں جنہاں دا پالن کردیاں ہوئیاں ایہتھوں دے کنیں سورمیاں اپنی رت نال اس ماں دھرتی نوں رنگیا۔ ہندوستان داسرا ایس حوالے نال پوری دنیا وچ اُچاسی پئی دوستی تاں رہی اک پاسے اتھے لوک لڑ دیاں ہوئیاں وی میدان جنگ وچ وی دشمنی دیاں قدراں دا پورا پورا پالن کردے سن۔ اس دھرتی تے دشمنی دی ایہہ قدر موجود سی پئی دشمن دا ہتھیا رڈگ جائے یاں ٹٹ جائے یاں دشمن اپنی سواری توں ڈگ پئے تاں اوہدے اُتے وار نہیں سی کیتا جاندا۔ دشمن دے بیوی بچیاں نال چنگا سلوک کیتا جاندا سی۔ ایہہ وی ایس دھرتی دی قدر سی پئی دشمن نوں للکار کے لڑدے سن لڑائی توں پہلاں ڈھول مار یا جاندا سی جے کوئی ایہناں قدراں دی خلاف ورزی کردا سی تاں اوہنوں لوک واراں یا ڈھولیاں وچ ندیاں جاندا سی تے اوہدے پچھلے لوکاں کولوں شرم مارے منہہ چھپاندے پھر دے سن۔

جدوں باہروں دے دھاڑ وگرجاں وانگوں ہندوستان دے مال دولت تے خوشحالی نوں چونڈن واسطے وارو واری جھانٹاں مار دے سن تاں حملہ کرن توں پہلاں اوہناں دے جاسوس ایہتھوں کسے غدار نوں زن، زرتے جاگیراں دالالچ دے تے پہلاں اندروں سنھ لاندے سن۔ ایہہ قدرت دی اک وڈی حقیقت اے پئی جتھے خیر ہووے شروی اتھے آدھمکد اے۔ اک پاسے سارے جہاناں دی رحمت انسانیت دا سبھ توں وڈا محسن حضرت محمد ﷺ دنیا اتے تشریف لے آئے تاں دوجھے پاسے مجھرا

واسطے ابلیسی طاقتاں ابو جہل تے ابولہب دے روپ ساہمنے آن کھلوتیاں۔ انجے ای باہروں آون والیاں دھاڑواں نوں ہر تھاں میر جعفر تے میر صادق لبھ جان دے رہے۔ جنہاں مال زر زن تے اقتدار دے لالچ وچ آکے اپنیاں بیڑیاں وچ ای چھیک کر دے رہے تے اوہناں نوں پتہ اوداں لگا جدون آپ دی بڈ گئے تے کجھ وی نہ رہیا۔

وارث شاہ دے سمے پنجاب وچ بابا بلھے شاہ وی سن کجھ کھوجیاں تاں اپنی کھوج بھال وچ بلھے شاہ تے وارث شاہ نوں ہم مکتب تے اکو استاد دے شاگرد دسیا ہے۔ بابا بلھے شاہ وی اپنے سمے دے پنجاب حاکماں بارے اپنیاں کافیاں وچ لکھا اے۔ اک کافی وچ آپ فرماندے نیں۔

”ماٹی قدم کریندی یار
 ماٹی جوڑا، ماٹی گھوڑا، ماٹی دا اسوار
 ماٹی ماٹی نوں دوڑائے ماٹی دا کھڑکار
 ماٹی قدم کریندی یار
 ماٹی ماٹی نوں مارن لگی ماٹی دے ہتھیار
 جس ماٹی پر بہتی ماٹی تس ماٹی ہنکار
 ماٹی قدم کریندی یار
 ماٹی باغ بچے ماٹی، ماٹی دی گلزار
 ماٹی ماٹی نوں ویکھن آئی ماٹی دی اے بہار
 ہس کھیدڑ ماٹی ہوئی ماٹی پاؤں پیار
 بلھا ایہہ بجھارت بھجھیں لاہ سروں بھونیں مار
 ماٹی قدم کریندی یار“ (۳۶)

خلقت داکم ہے محنت کرنا۔ مالکاں داکم ہے محنت دا پھل سانھنا تے اوہدے نال گھوڑیاں جوڑیاں والیاں فوجاں تیارنا تے ایہناں فوجاں دے زور تے محنت والا اُتے راج کرنا۔ حاکماں کول چوکی ویہل ہے۔ اوہ ایس ویہل نوں رج ہنڈاوندیہن۔ لہور وچ تے ہور نکلیاں شہراں وچ (بلھے شاہ دے قصور وچ وی) اوہناں دیاں سینکڑیاں چونے گچ حویلیاں سن۔ شاعر، لکھاری، گاؤں و جاؤں والے، مورتاں بناؤں والے ہور وں سونے کسی گئی تے کارِ یگر اوہناں دے غلام سن۔ باگاں لکچیاں وچ نہراں پھوارے تے باراں دریاں سن۔ دیس دیس دے پھل بوٹے سن۔ باگاں دوالے اُچیاں اُچیاں ولگناں سن تے بوہیا اگے پھرے سن۔ گلزاراں دیاں بہاراں چھڑا حاکماں مالکاں درحق ہے۔ محنتیاں کامیاں دے ہڈ گلزاراں نوں سوار دیاں بہاراں دا آہر کریندیاں گل جاوندے سن۔ اوہناں نوں باگاں وچ وڑن دی کھل ہے نہ بہاراں ویکھن دی ویہل۔ نجم حسین سید بلھے شاہ دی

اس کافی داویروا کردے لکھدے نیں۔

”بلھے شاہ نے حاکماں مالکاں دی رُجھ دیاں چار تصویراں سانوں دکھائیاں ہن۔ دواوہناں دی طاقت تے راج کاج دیاں تے دواوہناں دے عیش ارام دیاں۔ پہلیاں دونہہ وچ حاکم مالک جنے دے روپ ہے۔ دو جیاں دونہہ وچ جنانا رنگ ودھ جا پدا ہے۔ ایہہ چار نکلیاں تصویراں چاروڈے کھلار دیاں رمزاں ہن جیہناں راہیں حاکماں دے جنے جنائیاں اوہناں دے آہر ویہل، اوہناں دے سویر شام اساڈے ساہمنے آجاوندے ہن۔“ (۳۷)

مغلاں دے وارے نکلیاں مورتیاں واہن دا بہوں رواں جا۔ وڈے وڈے مورت کار باتشاہواں امیراں دی نوکری وچ ہوندے سن۔ باتشاہواں امیراں دیاں شکلاں بنا سوار کے اوہناں نوں پئے دکھاندے سن۔ ایہناں نکلیاں مورتاں وچ چوکھی مہین کاراگری ہوندی۔ پھلاں بوٹیاں رنگاں دے میلے وچ باتشاہ تے امیر، شہزادے، شہزادیاں جنگلی جانوراں اُتے اپنا رعب بٹھاوندے باگاں وچ ٹہلاں اُتے بیٹھے پھل سنگھدے، درباراں وچ سلامیاں وصولدے، پینگھاں جھوٹدے۔ سبیاں اُتے موج میلے کریندے دسدے ہن۔ ایہہ تصویراں وڈی نیچھ نال ورہیا جان دیاں سن۔ حاکم مالک آپ تصویراں وہاندے تے آپو بہہ کے ویکھدے۔ ایہناں تصویراں وچ اوہناں نوں آپنی ڈانڈی من کچھویں شکل دسدی تے اوہ آپ آپنے آپ اُتے عاشق ہو جاندے۔

آپنے آپ اُتے عاشق ہوون حاکم میل والیاں دا قدرتی وسب ہوندا اے۔ جیہڑا دوجے دی محنت اُتے آپنا آپ پالے اوہنوں دوجے دی کھپیل، اوہدی پیڑا کھوں اوہلے کرنی پوندی ہے۔ دوجے نوں پورے بندے دا درجہ اُتے رکھ دیوے تاں اوہدی محنت کیویں کھاسکدا ہے۔ سو مالک کا مے نوں آپنے ورگا بندہ جان ای نہیں سکدا۔ تے جدوں اسیں کسے نوں ڈھڈوں آپنے برابر دا بندہ نہ جائیے تاں اساڈا اوہدے نال سانگا وی اصلی نیں ہو سکدا۔ تے اصلی سانگیاں باجھ رجویاں ملاپاں باجھ بندے دا جیون کچ پکاتے تھڑ ماریا رہندا اے۔ سو مالک مالکیاں تاں سانجھی رکھدے ہن پر اوہناں دے اندر کچ پکے تے تھڑ مارے ہوندے ہن۔ آپنے آپ سوا اوہناں دی جہان اُتے کسے نال جُوت نہیں ہوندی۔ اوہ آپنے آپ نوں ای آپنا معشوق بناون لوڑدے ہن۔ پر جے کسے نال جُوت نہ ہووے تاں آپنے آپ نال وی نہیں ہو سکدی۔ کوئی دوجا نہ دے تاں آپنا آپ وی نہیں دسدا۔

مالک آپنے آپ نال عشق کرن چاہوندے ہن۔ ایہہ عشق ہوندا نہیں۔ بے سواد دی جاوندی نہیں۔ سواوہ مُر مُر آپنی شکل نوں ای ویکھی جاونا چاہوندے سن۔ اوہناں دے نوکر مورت کار اوہناں دا ایہہ روگ جاندے سن۔ اوہ آپنے ہنر راہیں مالک نوں اوہناں دا حُسن شان تے طاقت وڈیا وڈیا کے پئے دکھاندے سن۔ مہین بُتی نال تصویراں نوں سجاوندے سن۔ اک اک سوتر

وچ رنگاں لیکاں دے الوکارا کر دے ہن۔ جُسیاں شکاں، گھوڑیاں، جوڑیاں، ہتھیاں، پھلاں بوٹیاں نوں جان مار کے سجاوندے سن تاں جو دیکھن والے نوں آپنے ہوون دا پک ہو جاوے۔ آپنے آپ اُتے پیارا وے۔ نوکر مورت کارا مالک نوں ایہہ دستا اے پئی ویکھتوں ہیں۔ توں سوہناں ایں شان طاقت رُعب والا ہیں۔ توں ہیں کیوں جے میرے ہُمرتے میر روح نے تینوں من لیا ہے۔ توں پوچن جوگا ہیں کیوں جو میرے کسب نے تینوں پوچیا ہے۔ مالک اک پل لئی وی آپنی ایس تصویر نوں اکھوں پرے نہیں کر سکدا۔ ایس تصویر وچ اوہدی جند ہے۔ ایس تصویر دے کوڑ نوں سچ من وچ اوہدا جیون ہے۔ نجم حسین سید اس بارے لکھے نہیں۔

”بلھے شاہ وی آپنے ویلے دیاں مالکاں حاکماں نوں اوہناں دی تصویر واہ وکھائی ہے۔ پر ایس تصویر وچ اوہناں نوں آپنی موت دسدی ہے۔ جے اک پل وی مالک بلھے شاہ دی واہی مورت ویکھ لووے تاں اوہنوں آپنا گُڑ، آپنی ان ہوندی صاف دس پوے تے اوہ دو جا ساہ نہ لوے۔ مر کے مالکی چھڈ کے مڑ بندے دے روپ وچ جمن توں تا نگھے۔“ (۳۸)

بلھے شاہ نے تصویر نوں نوکر مورت کاراں وانگ سجایا نہیں۔ دونہہ چونہہ ترکیاں لیکاں تے رنگاں کھید بنا دتی ہے۔ جیویں بال بناوندے ہن۔ اوہدی کرت انھول جیہی لگدی ہے۔ پراجیہاں ترکیاں رنگاں تے لیکاں واسطے اخیراں دی کاراگری لوڑیدی اے۔ اوہ کاراگری جیہڑی آپنے وسیب نوں سمجھو، آپنے ویلے دے جیون دی باریک پڑچول کیتوں، ہوئی ورتی دا کھوٹا کھرا تار یوں باجھ ہتھ نہیں آوندی۔

انج جا پدا ہے جیویں بلھے شاہ نے نوکر مورت کاراں دیاں ورہیاں مورتیاں لے کے سہج سبھائیں اوہناں اُتے اک دوا جیہاں لیکاں لائیاں ہن پئی اوہناں مورتاں دے کپڑے لٹھ گئے ہن۔

اوہ تنکیاں ہو گئیاں ہن تے حاکماں مالکاں دی اصل شکل ویکھن والیاں دے ساہمنے آ گئیاں ہن۔ لیک وی بلھے شاہ نے اصل وچ اکو واہی ہے۔ اوہ ہے۔ ”ماٹی“ ایس اک لفظ دے آکھن نال جوڑیاں دی لشک پشک ہتھیاں دا کھڑکار، گھوریاں دے سبھاں دی دھمک پھلاں دے رنگ تے خشبو واں سبھ اڈ گئے ہن۔ ہر شے مٹی دا کھڈ ونا جا پدی ہے۔ بلھے شاہ دیاں تصویراں حاکماں مالکاں دے آپاڑ جھے ہوون دا نقشہ وکھاوندیاں ہن۔ اسوار آپنے گھوڑے جوڑے نوں ویکھدا، آپنیاں ہتھیاں نوں تولدا، آپنے بھسے دی تیاری اُتے بھوئے ہوندا جا پدا ہے۔ پھلاں نوں ویکھن، باگیں ٹہلن وچ وی ایہو گل ہے تے پیرسار کے سوون وچ وی۔ ”ماٹی پاؤں پسار“ وچ ترے گلاں ہن۔ اک تاں پاؤں پسارن دا مطلب ہے مالکی تے دولت دا کھلا رو دھاوون، دوا آرام کرن، ترے جے ایہدے وچ مرن دی حالت ول سنیت ہے۔ ایہہ تریوے گلاں رلا کے ویکھینے تاں ”ماٹی پاؤں پسار“ دا

پورا چانن ہوندا ہے۔ مالکی دا کھلا رو دھان واسطے مالکاں دی نس بچج تے اوہناں دا ارام دونویں موت دیاں ای شکلاں ہن۔
 حاکم مالک آپنے سجاوٹی آہراں وچ مست سن۔ آپا پوجن وچ رُجھے ہوئے سن۔ دنیا اوہناں دے رُعب تے شان
 اگے پئی نیوندی ہے۔ بلھے شاہ اپنے نال دیاں نوں ایہہ نقشہ اپنیاں اکھاں نال دیکھن وی آکھیا ہے۔ آون نوں ”قدم کرن“ آکھ
 کے بلھے شاہ نے دربار ادب ادب دی نقل بنائی ہے۔ (اک سو جھوان نے ایہہ نوں ”کدُم کریندی“ وی لکھیا ہے۔ کدُن توں
 کدُم۔ ایہدے نال گل دا سبھا نقل والا نہیں رہندا، کھلی سٹ مارن والا ہو جاندا ہے۔ بلھے شاہ نوں سبھ حاکم مالک مٹی دے
 کھڈو نے جاپدے سن۔ اوہناں دا ہلن جُلن سبھ کوڑ جاپا دا ہے۔ اوہناں دیاں چڑھتلاں اوہناں دے عیش سبھ بے جان لگدے
 سن۔ ایس واسطے اوہدے سرتوں مالکاں حاکماں دا رُعب دا بالیا جاندا ہے تے اوہ ہولا پھل تھی ویندا ہے۔ ایہہ کھل اوہدیاں
 پیراں وچ نچن دا اُدم بھریندی ہے تے اوہ کافی دیاں بولاں وچ کافی دی تال راہیں نچدا ہے۔ نجم حسین سید اس کافی دے آخری
 مصرعے وچ بھارت دا ویرا کر دے لکھدے نیں۔

”بلھے شاہ نے آپنی کافی نوں بھارت کوں آکھیا۔ پرانیاں ریتاں وچ بھارت بکھن
 جیوندى رمز پچھان داناں ہوندا ہے۔ جدوں سورمیاں اوکڑاں بکھن لئی پندھ کرنے اجاڑ
 بھوگئے تاں اپنے من وچ آون والے ڈرتے سوال اوہناں نوں بھارتاں دے روپ وچ
 ٹکرنے۔ جے اوہناں بھارت بکھ لینی تاں سہل ہو جاندا، اوہناں دی قوم دے سر
 توں اوکھا ویلا ٹل وینا۔ جے اوہناں نوں جواب نہ اوہڑنا تاں تقدیر نے اپنا وار
 کرنا۔“ (۳۹)

تقدیر ویلے دا تاریخ دا ای پرانا ناں ہے ایہہ ہمیش بندیاں نوں گھیر گھیر کے ای بھارتاں پاوندی ہے۔ جیہڑے بکھ
 سکدے اوہناں نوں کھڑیاں کھلویتیاں پتھر کر دیندی ہے۔ تقدیر دیاں ساریاں بھارتاں اصل وچ آپنے بارے ہوندیاں ہن۔
 ایہہ جیہڑا پل پیا لنگھدا ہے ایہدے وچ ویلے دا تاریخ دا نک نقشہ کیہ ہے۔ جیہڑا نہ دس سکے اوہدے اُتے اسوار ہو ویندی ہے۔
 جیہڑا دس سکے اوہدے نال پیار کریندی اوہنوں وادی ہے۔ جیہڑا نہ دس سکے اوہنوں ڈین بن کے کھا جاندى ہے۔

بلھے شاہ وی آپنے آپ نوں تے آپنے جیہاں عامان لوکاں نوں تواریخ دی شکل دکھاندا ہے۔ ویلے دیاں حاکماں
 مالکاں دا اندر باہر اشاریاں نال اُلکیدا ہے۔ دسدا ہے پئی جیہڑے شانناں طاقتاں والے دسدے ہن ایہناں دے اندر جند کوئی
 نہیں جے۔ ایہناں دا سارا کھڑکا دھڑکا پھوکا ہے۔ ایہہ اصل وچ حیاتی دی تھن ٹرٹ اولاد ہن۔ جیہڑے ایہہ گل سہی کر لین
 بھارت بکھ جاون اوہناں واسطے اگوں راہ کھل جاندا ہے۔ اوہ راہ کیہ ہے۔ ”لا سروں بھوئیں مار“ جے مالک حاکم اصولوں مٹی
 ہن جے اوہناں دا ورتار کوڑا ہے اوہناں دیاں رُجھاں دا مول حیاتی نہیں موت ہے تاں اساں اوہناں دا رُعب کیوں جھیلیے۔

اوہناں ورگا بن دی رتجھ کیوں پالیئے۔ سروں لاه کے بھونئیں تے کیوں نہ ماریئے۔ مٹی دے اُسارنوں ڈھا کے مٹی وچ نہ نہ رلائیئے۔ سر اُتے پگ ہوندی ہے۔ پگ سرداری دانشا نہ ہے۔ ہر رنگ دی عزت پت تے ویسی رتبہ پگ ظاہر کریندی ہے۔ جدوں بلھے شاہ سروں لاه کے بھونئیں مارن دی آکھدا اے۔ تاں اوہ پورے رُتبے بندورتا وے نوں ای نکھد کے سٹ دیندا ہے۔ پگ دالفظ نہ آکھ کے شاعر نے اس بولدے معنے بہوں موکلے کردتے ہن۔ معنیاں واسطے بوہاکھول چھوڑیا ہے۔ ہن ساڈی سوچ پگ توں تڑدی ہے پر ہور بہوں ساریاں گلاں وچوں لنگھدی اوہناں نوں نال لیندی ”بھونئیں مار“ اُتے اپڑدی ہے۔ سر اُتے کوئی مفت دا بھار ہے جیہڑا لاکھ تھلے سٹ دینا چاہیدا ہے۔ سر اُتے کوئی اجیہی چیز بندہ چائی آیا ہے یاں اوہنوں چوائی گئی ہے۔ جیہدے بارے اوہنوں ہن چائن ہو یا ہے پئی ایہہ تاں اصلوں مٹی ہے۔

حاکم مالک ”مائی“ کیوں ہن۔ بلھے شاہ دے واریوں ڈھیر چر پہلوں توں ایہہ سوچ عام آہی جو دنیا دا جیون جگ تے وسن والی گل جیائون ”مایا“ (کوڑا جھاکا) ہے۔ اصل ہستی ہے روح دی۔ روح جگوں باہری ہے تے رب دی ذات دارنگ ہے۔ ایہہ سوچ کامیاں اُتے مالکاں دی حاکمی وچون جی تے ایہنے ودھ پھل کے ایس حاکمی نوں تھمیا۔ ایہدے نال رلدیاں سوچاں ہور وی آہیاں جیہڑیاں دسدیاں جو مالک جن سورج دی اولاد ہن تے کامے مٹی دی۔ ایہناں سوچاں دا توڑ کیتا اوہناں سوجھواناں شاعران جیہڑے عام لوکاں دی دردی آہے۔ اوہناں آکھیا پئی جیہڑی شے جیاجون نوں ہلاوندی ملاوندی ہے جوال کے ودھن پھلن دے راہ پاؤندی ہے اوہ ہے کہ اک دوجے نال رن دی اک دوجے دی دوئی وچوں اک تریگی اکائی والی ہستی بناون دی تانگہ۔ جیہنوں بلھے شاہ عشق آکھدا ہے۔ جتا کتے عشق دازور ہے ایناں ای او تھے حیاتی دی چال ترکھی تے سیک گھنیرا سہین ودھیرا ہے۔ بُت اتوں ہلدے بولدے ”قدم کریندے“ جاپدے ہن پر وچوں اصلوں بے پرانے ہن۔ اوہناں دا ہلن بولن نرا دکھالا ہے۔ دکھالے راہیں اوہ اپنے آپ نوں دیکھن والیاں نوں اپنے ہون دا پک کریندے ہن۔ بے عشقا جیون ”مائی“ ہے۔

حاکماں مالکاں دی شرح عشق دا اُلٹ ہے۔ مالک چاہوندے ہن رزق دیاں وسیلیاں اُتے ودھتوں ودھل مار کے راج نوں اپنے ہتھ وچ کر کے خلقت کولوں اصلوں نکھڑ جاون تے نویکلے ہو جاون۔ سو عشق تے مالکی دا دھروں ویر ہے۔ ایس ویردی شکل مالکی دیاں شکلاں دے نال نال بدلدی رہی ہے۔ عشق اپنے واسطے ہوون واسطے مالکی نوں نیہوں پٹنا چاہوند ہے۔ جتھے مالکی داکر ہووے او تھے عشق دی فصل نہیں ہوسکدی۔ مالکی اپنے ہوون واسطے عشق دا بی مارنا چاہوندی ہے۔ مالکاں دی لڑائی اوہناں دے گھوڑے جوڑے تے ہتھیار۔ ایس واسطے ہن جو مالکی داکھلا رودھے اوہدا چر چاہووے۔ جی جی دے دل وچ اسانجھی مل مار کے دو جیاں اُتے راج کرن دالو بھ جاگے۔ عاشقاں دی لڑائی اسانجھی مل نوں مالکی دے ورتارے نوں اصلوں مکاون واسطے ہے۔ کیوں جو جتھے مالکی دارزم وی ہووے عشق نوں سوڑ پوندی ہے۔

ایس واسطے بلھے شاہ حاکماں مالکاں والے ورتارے دی مائی نوں سروں لاہ کے بھونیں مریندا ہے۔ ”لاہ سروں بھونیں مار“ وچ اک ترنگ اُدم تے بے خوفی ہے۔ جیہڑی تواریخ دی پائی ہوئی بجھارت نکھن پاروں جی ہے۔ آہلسی تے لب پال آپ ایس بجھارت دے وچ ہن۔ اوہناں نوں ایہہ بجھارت دسری ای نہیں اوہ ایہنوں نکھن کیویں۔

سماجی قدراں دے پالن واسطے لوک اپنی عزت تے جان وی وارچھڈ دے سن اک پاسے محلاں وچ بے حسابی دولت لٹائی جاندی سی۔ عیاشیاں اُتے مال زلٹاؤن بارے سید علی بلگرامی لکھدے نیں۔

”محلات کے اندر بے پناہ دولت صرف کی جاتی تھی۔ ہر ایک خاتون کے لیے علیحدہ علیحدہ لونڈیاں اور ناپنے والیاں ہوا کرتی تھیں۔ ان میں سے ہر ایک روز ایک نیا جوڑا جواہرات کا پہنتی۔ بیگمات کے درجے کی عورتوں کو شاہی باورچی خانے سے خاصہ ملتا تھا اور خواص کے لیے نقد تنخواہ مقرر تھی جس سے وہ اپنا خرچ چلاتیں۔“ (۴۰)

وارث شاہ دے سہ دے ہندوستان دے وسیب دی بتر وچ اس دھرتی دے اصل وسنیکاں جیہڑے آریاں دے آون ویلے کجھ تاں اُچھے دے پہاڑاں وچ جا لگے، کجھ ایٹھوں دے دریاواں دے نال کچے دے جنگلاں وچ لگے تے کجھ قبیلے بھاجڑ وچ نسدے لمے دے ہندوستان وچ جا آباد ہوئے سن۔ ایہناں ساریاں قبیلیاں، قوماں تے باہر آون والیاں قوماں دے مذہباں تے رسم رواج نال ایٹھوں دے سانجھے وسیب دی اُساری وچ اپنے اپنے سہ ڈھیر سارے جتن کیئے۔ وارث شاہ دے سہ دیس پنجاب دے پنڈوسوں تے شہراں دے وسیب وچ فرق سی۔ ایہہ فرق ایہہ سی پئی شہراں دی وسوں وچ باہروں آون والیاں دھاڑواں، تاجراں، حیاتی دیاں لوڑاں واسطے نکلیاں وڈیاں شیواں گھرن والیاں کارگراں تے دو جیاں دیساں توں آون والیاں عالماں، صوفی فقیراں تے فنکاراں دے اس وسیب وچ رلن نال ایٹھوں دی وسوں وچ نویاں سوچاں، رسماں، ریتاں تے وکھو وکھو نویاں رنگاں دا وادھا ہوندا رہیا۔ شہری وسوں خاص طور تے لاہور، قصور، سیالکوٹ، ایمن آباد، ملتان تے گجرات دے وسیب وچ چوکی تیزی نال پرانے وسیب دیاں قدراں دی جتھے ٹٹ بھج ہو رہی سی او تھے ای باہروں دیاں وسیباں دیاں نویاں تے اوپریاں اوپریاں قدراں تے رسماں ایٹھوں دے چلدے ویہار وچ شامل ہونداں جارہیاں سن۔ خاص کر وڈے طبقے وچ انگریزاں نہ رلن تے ولایتی مال دے ورتارے نال اکا ای اک نواں رنگ رھتل بہتل ساہمنے آ رہی سی۔ جدوں کہ پنجاب دے پنڈاں تھانواں تے باراں وچ وسن والے لوکاں دی وسوں اتے اجیں وی ہزاراں ورہیاں دے پرانے وسیب دیاں قدراں، رسماں تے ریتاں دارہتل بہتل اُتے گوڑھارنگ سی۔ اس سہ وی لوک وڈکیاں دیاں رسماں ریتاں رھتل بہتل، زبان تے روزی کماؤن دے ڈھنگاں تک جڑے ہوئے سن۔

وارث شاہ ہوراں اپنے سہ دے وڈیاں شہراں نوں وی نیڑیوں ہو کے چنگی طرحاں دیکھیا او تھوں دے چلدے ویہار

پرائیاں قدراں۔ رسماں تے ریتاں نوں ٹندیاں ویکھیا، سیاسی آپادھاپی، بد امنی، افراتفری تے مار دھاڑ نوں وی ویکھیا تے فیر پنڈاں تھانواں، باراں پیاں، کچیاں تے جنگاں داسیلان کر کے وچ رہ چنگی طرح مشاہدہ کیتا اپنے سمے دے چالو و بہار دے علم وی حاصل کیتے ہوئے سن۔ اخیر ملکہ ہانس وچ مجازی عشق وچ ڈب کے اپنے سمے دے سیاسی، سماجی، معاشی تے مذہبی حالات نوں قصہ ہیر رانجھا وچ اک سچے نوئلے تے پھبویں ڈھنگ نال بیان کیتا جے وارث شاہ اپنی ہیر سمیت اج وی لوکاں دے دلاں وچ زندہ اے۔

ہیر وارث شاہ وچ ورتے اکھان

وارث شاہ توں پہلاں وی دمودرداس، حافظ شاہ جہاں مقبل تے احمد کوئی گجر ہیر رانجھے دے قصے نوں شاعری دے روپ وچ لکھ چکے سن۔ وارث شاہ توں پچھوں وی ڈھیر سارے شاعر ایں قصے نوں اپنے اپنے ڈھنگ وچ لکھیا اے پر جدوں وارث شاہ ہیر رانجھے دے قصے نوں پنجابی محاورے، تشبیہاں، استعاریاں، کنایاں، تلمحیاں تے لفظاں نوں گھڑ کے نویکلے سچے ڈھنگ نال ورتیا، کرداراں دی اُساری تے اوہناں دی نفسیات دیاں بریکیاں دی اصلیت تے ایس سمے دے سیاسی، سماجی، مذہبی تے معاشی حالات دی تصویر کشی انج دی قادر الکلامی نال کیتی جے ایس سبھ کجھ نے وارث شاہ تے اوہناں دی ہیر نوں دوجھیاں لکھاریاں دی پر یہاں وچ اک اُچا تے سچا مقام مرتبہ دتا، جیہدے پاروں ہیر تے وارث شاہ ہمیشاں ہمیشاں واسطے امر ہو چکے نیں۔

جدوں ہیر وارث شاہ نوں اک ڈونگھی نظر نال پڑھیے تاں تھیں تھیں تے ایہو جیسے مصرعے لکھدے نیں جیہڑے اپنی وچلی سچائی دے ست، پھبویں ڈھکویں ڈھنگ تے عام لوکائی وچ ورتارے وچ آون پاروں اکھاناں داروپ وٹا چکے نیں۔ ایہناں اکھاناں وچ وسیب دے وکھو وکھ پکھاں تے حیاتی دے وکھو وکھ رنگاں بارے ڈونگھی تے کنگھی جانکاری، سیانی مت دیاں گلاں، ونڈاں تے یکے پیڈے ٹھکویں فیصلے لکھدے نیں۔ امجد شریف وارث شاہ دی شاعری وچ اکھاناں بارے لکھدے نیں۔

”تیرے اُتے کرم اے پنجاں پیراں دا

تاہیوں لفظاں دے ویچ جان اے وارث شاہ

تیری سوچ اُچیری، لہجہ وکھرا اے

تیرا ہر اک شعر اکھان اے وارث شاہ“ (۴۱)

ہیروارث شاہ وچ عشق، فقر، عاداتاں، خصلتاں، ویلے وقت، تقدیر، واہی، نیچی، موسماں، ذات برادریاں، علاقیاں، شہراں تے کجھ اجیہے اکھان وی ملدے نی، جہاں دے اک اک بول وچ حیاتی دے وکھو وکھ پکھاں بارے یاں شیواں دی ونڈ بارے اکھان نیں۔ ایہناں اکھاناں نوں وچلے مضمون پاروں وکھو وکھ سرنانوں پڑھ لکھیا جارہیا اے۔ اکھاناں دے متن واسطے شیخ عبدالعزیز دی مرتب کیتی ہوئی ”ہیروارث شاہ“ توں استفادہ کیتا اے۔

عشق دے اکھان

- ۱۔ ”کھلے تمھاندے باغ قلوب اندر جہاں کیتا عشق قبول میاں۔ (۴۲)
- ۲۔ ”سردیتاں باجھ نہ عشق پکے ایہہ نہیں سکھالیاں یاریاں وے۔ (کتاب مذکور ص ۱۸۷)
- ۳۔ ”کوئی ہیر ہے نواں نہ عشق کیتا، عشق کیتا خلقتاں ساریاں نی۔“ (ص ۴۳۳)
- ۴۔ ”جیہڑے عشق دی اک دے تاتے تنہاں دوزخاں نال کیہ واسطائی۔“ (ص ۲۱۷)
- ۵۔ ”مرد باجھ مہری پانی باجھ دھرتی عاشق ڈھڑے باجھ نہ رجدے نیں۔“
- ۶۔ ”لکھ سریں اول سول آئون یار یاراں تھوں مول نہ بھجدے نیں۔“ (ص ۲۷۰)
- ۷۔ ”اگے نظر دے مزا معشوق دا ہے تے ڈھول سوہندا دور جیہا۔“ (ص ۳۰۰)
- ۸۔ ”سر جائے نہ یار داسر دیجیے شرماں رکھیے اکھیاں لائیاں دیاں۔“ (ص ۳۰۴)
- ۹۔ ”دوست سوئی جو بیت وچ بھیڑ کٹے یار سوئی جو جان قربان ہووے۔“ (ص ۳۱۱)
- ۱۰۔ ”نہیں ڈرن ہن مرن تھیں بھور عاشق جہاں سولیاں سراں تے جھلیاں وو۔“ (ص ۲۵۱)
- ۱۱۔ ”چک شینہ وانگوں گج منہہ دا جس نوں دندا مارن ہڈ چور ہے جی۔“ (ص ۲۷۰)
- ۱۲۔ ”وارث شاہ میاں جنہوں عشق لگا دین دنی دے کم تھیں جارہیا۔“ (ص ۲۴۸)
- ۱۳۔ ”داغ انب دی رس دا لئے نہیں داغ عشق دا بھی نہ جامیاں۔“ (ص ۱۵۵)
- ۱۴۔ ”وارث شاہ او تھے نہیں پھرے منتر جتھے دندیاں عشق نے ماریاں جی۔“ (ص ۴۴۱)
- ۱۵۔ ”اس عشق دے روگ دی گل اینویں سر جائے ایہہ نہ جامیاں۔“ (ص ۱۵۵)
- ۱۶۔ ”عاشق بھور فقیر تے ناگ کالے باجھ منتروں مول نہ کیلیے نی۔“ (ص ۱۳۱)
- ۱۷۔ ”اک عشق تے افترے لکھ کرنے یاروں اوکھیاں یاراں دیاں یاریاں نی۔“ (ص ۴۳۳)
- ۱۸۔ ”عشق پیر ہے عاشقاں ساریاں دا بھکھ پیر ہے مستیاں پاٹیاں دا۔“ (ص ۳۰۳)
- ۱۹۔ ”رسم عشق دے ملک دی چپ رہناں مونہوں بولیا سواوہنوں ماریونی۔“ (ص ۴۷۷)
- ۲۰۔ ”انہاں یاریاں راجیاں فقر کیتا اسیں کنہاں دیاں پانی ہاریاں نی۔“ (ص ۴۳۳)
- ۲۱۔ ”وارث شاہ تاں عشق دی نبض دے جدوں اپنی جان نوں تجھے نی۔“ (ص ۲۱۸)
- ۲۲۔ ”وارث شاہ اس عشق دے ونج وچوں کسے پلے نہ بدھیاں دمڑی ہے۔“ (ص ۱۵۲)
- ۲۳۔ ”تسیں کملیاں عشق تھیں نہیں واقف نیوں لاو ناہم دا پیو ناہیں۔“ (ص ۱۹۴)

فقر

- ۱۔ ”وارث شاہ اوہ سدا ای جیوندے نیں جنہاں کیتاں نیک کمائیاں نیں۔“ (کتاب مذکور ص ۳۳۸)
- ۲۔ ”جیہڑا وطن تے ذات ول دھیان رکھے دنیا دار ہے اوہ درویش کیہا۔“
- ۳۔ ”سبھ خاک در خاک فنا ہوو نا وارث شاہ پھر تنہاں نوں عیش کیہا۔“
- ۴۔ ”راجھا آ کھدا خیال نہ پو میرے شینہ سپ فقیر داد لیس کیہا۔“
- ۵۔ ”کونجاں وانگ مولیاں دلیں چھڈے اساں ذات صفات تے بھیس کیہا۔“ (ص ۲۸۱)
- ۶۔ ”اساں لاہ پنجالیاں جوگ چھڈے تسیں پھیر مڑ کھونوں گیر دیاں ہو۔“ (ص ۲۸۳)
- ۷۔ ”جو کجھ کہن فقیر سوب کر دا آ کھے فقیر دے تھوں نہیں نیسے نی۔“
- ۸۔ ”بر بھلا جو ویکھیے مست کڑیے بھیت فقر دامول نہ دسیئے نی۔“ (ص ۳۲۶)
- ۹۔ ”سبھا کبر ہنکار گمان لدے آپ وچ ایہہ انت نوں ڈیہن گے نی۔“ (ص ۳۳۲)
- ۱۰۔ ”ایہہ انت ہنکار نہ مال رہندے کدی موت تحقیق پچھائیاں جے۔“ (ص ۴۶۷)
- ۱۱۔ ”جنہاں اک دے نانوتے صدق بدھا انہاں فکر اندیشہ کا سدا ئے۔“ (ص ۲۱۷)
- ۱۲۔ ”سبھو جگ فانی ہو رب باقی حکم کیتا ہے رب رحمان میاں۔“ (ص ۲۱۴)
- ۱۳۔ ”اکھیں میٹ کے وقت لنگھا موئے ایہہ جہاں ہے بدلاں چھاں ہیرے۔“ (ص ۲۱۵)
- ۱۴۔ ”وارث شاہ میاں سبھے کم ہوندے جدوں رب ہوند امہربان میاں۔“ (ص ۲۳۶)
- ۱۵۔ ”او تھے خودی گمان منظور ناہیں سرو پیچے تاں بھیت جالینے۔“ (ص ۲۳۹)
- ۱۶۔ ”وارث شاہ محبوب نوں تدوں پائیے جدوں اپنا آپ گنوالینے۔“ (ص ۲۳۹)
- ۱۷۔ ”منگ کھا ونا کم نہ کاج کرنا نہ کجھ چارنا تے نہیں چوونا جے۔“ (ص ۲۴۰)
- ۱۸۔ ”نہیں دینی ودھائی پھیر جمنے دی کسے موئے نوں مول نہ روونا جے۔“ (ص ۲۴۰)
- ۱۹۔ ”جنہاں ہک داراہ درست کیتا تنہاں فکر اندیشہ کاہ دے نی۔“ (ص ۲۱۹)
- ۲۰۔ ”بناں مرشداں راہ نہ ہتھ آوے دودھ باجھ نہ ہوندی کھیر میاں۔“ (ص ۲۴۱)
- ۲۱۔ ”وارث شاہ میاں انت خاک ہوو نا لکھ آب حیات جے پیونا جے۔“ (ص ۲۴۲)
- ۲۲۔ ”ایہہ جگ مقام فناہ دے سبھاریت دی کندھ ایہہ جیونا جے۔“ (ص ۲۴۲)
- ۲۳۔ ”حرص اک تے فقر دا پوے پانی جوگ ٹھنڈ گتے وچ سینیاں دے۔“ (ص ۲۴۵)

- ۲۴۔ ”اک فقرای رب دے رہن ثابت ہو تھڑ کدے اہل خزیناں دے“۔ (ص-۲۴۵)
- ۲۵۔ ”نام فقر دا بہت آسان لینا کھرا کھن ہے جوگ کما وناؤ“۔ (ص-۲۴۵)
- ۲۶۔ ”عملاں باہجہ درگاہ وچ پون پون لے لوکاں وچ میاں وارث شاہ ہویا“۔ (ص-۳۹۵)
- ۲۷۔ ”جدوں رب اعمال دی خبر کچھی ہتھ پیر گواہیاں دین گے“۔
- ۲۸۔ ”کام کرودھ تے لو بھ ہنکار مارن جوگی خاک در خاک ہو جا وناؤ“۔ (ص-۲۴۶)
- ۲۹۔ ”جیہڑے مرن سو فقر تھیں ہون واقف نہیں کم ایہہ مرن تھیں سنگیاں دا“۔ (ص-۲۴۷)
- ۳۰۔ ”خواب رات دا جگ دیاں سبھ گلاں دھن مال نوں نہ جھورے جی“۔ (ص-۲۴۳)
- ۳۱۔ ”وارث شاہ فقیر بن حرص غفلت یاد رب دی وچ مستان ہووے“۔ (ص-۳۱۲)
- ۳۲۔ ”وارث شاہ جاں عاقبت خاک ہو ونا تھے اپنی شان ودھائیے کیوں“۔ (ص-۳۸۸)
- ۳۳۔ ”کل چیز فنا ہو خاک رسیں ثابت ولی اللہ دے رہن گے وے“۔ (ص-۳۸۸)
- ۳۴۔ ”وارث شاہ سرائے دی رات وانگوں دنیا خواب خیال پچھانیاں جے“۔ (ص-۴۶۷)
- ۳۵۔ ”صلح کیتیاں فتح جے ہتھ آوے کمر جنگ تے مول نہ کیسے نی“۔ (ص-۳۲۶)
- ۳۶۔ ”رب آن سبب جاں میل دا اے خیر جاندی نالسیے نی“۔ (ص-۳۲۶)
- ۳۷۔ ”ہتھ نہ فقیر تے صدق کیجیے نہیں ٹوپیاں سہلیاں کھیسے نی“۔ (ص-۳۲۶)
- ۳۸۔ ”ایہہ مثل مشہور ہے جگ سارے کرم رب دے جیڈ نہ مہر ہے نی“۔ (ص-۲۹۹)
- ۳۹۔ ”صبر ذکر عبادتاں باہجہ جوگی دماں باہجہ جیون درکار نہیں“۔ (ص-۳۰۳)
- ۴۰۔ ”رب جیڈ نہ کوئی ہے جگ داتا ز میں جیڈ نہ کسے دی صابری وے“۔ (ص-۳۱۴)
- ۴۱۔ ”موت جیڈ نہ سخت ہے کوئی چٹھی او تھے کسے نا ہیوں نابری وے“۔ (ص-۳۱۴)
- ۴۲۔ ”ہولی سچ سجاو دی گل کیجیے نائیں کڑ کیے بولے گئے نی“۔ (ص-۳۱۷)

تقدیر دے اکھان

- ۱۔ ”بناں حکم دے مرن اوہ بندے ثابت جہاں دے رزق دیاں ڈھیریاں نین“۔ (ص-۳۰۹)
- ۲۔ ”جتنے قلم تقدیر دی وگ مکی کسے وید کی نال نہ موڑنی وے“۔ (ص-۳۲۵)
- ۳۔ ”لکھ وید کی وید لگا تھکے دھروں ٹٹری کسے نہ جوڑنی وے“۔ (ص-۳۲۵)
- ۴۔ ”لکھ جھٹ تے لے پھرے کوئی کرداد تے رب دیا باہجہ نہ رچیے نی“۔ (ص-۳۲۷)

- ۵۔ ”وارث شاہ اوہ آپ ہے کرن کارن انہاں بندیاں دے کائی ہتھ نہیں“۔ (ص ۳۸۸)
- ۶۔ ”خواہش حق دی قلم تقدیر وگی موڑے کون اللہ دیاں بھانیاں نوں“۔ (ص ۴۰۴)
- ۷۔ ”جیہڑی ہوونی گل سوہور ہی سبھے ہوونی دیاں خرابیاں جی“۔ (ص ۴۳۲)
- ۸۔ ”اس ہوونی شاہ فقیر کیستے پنوں جیہاں کرے شرابیاں جی“۔ (ص ۴۳۲)
- ۹۔ ”وارث شاہ رضا تقدیر ویلا پیراں اولیاں نے نہیں ٹالیاو“۔ (ص ۴۴۴)
- ۱۰۔ ”اسمان ڈھیہ پوڑے تاں نہیں مردے باقی جہاں دی زمین تے چوگ ہے نی“۔ (ص ۴۷۲)
- ۱۱۔ ”وارث شاہ نصیب ای پوون جھول کرم ڈھین نہیں نال جھولیاں دے“۔ (ص ۱۹۶)
- ۱۲۔ ”وارث شاہ بن جہاں نوں رب بخشے تنھاں نال کیہ محکمہ جنگ دا جی“۔ (ص ۲۵۹)
- ۱۳۔ ”وارث شاہ اللہ جاں کرم کر دا حکم ہندا ہے نیک ستاریاں نوں“۔ (ص ۲۶۰)
- ۱۴۔ ”جیہا کر کیوئی تہا پاؤندا اے سچے وعدے پروردگار دے نی“۔ (ص ۳۰۷)
- ۱۵۔ ”جو کوئی جمیا مرے گا سبھ کوئی گھڑیا بھجیس واہ سبھ ویہن گے وے“۔ (ص ۳۵۸)
- ۱۶۔ ”میر پیرولی غوث قطب جاسن ایہہ سبھ پیارڑے ڈھین گے وے“۔ (ص ۳۵۸)
- ۱۷۔ ”وارث شاہ وساہ کیہ زندگی داسا ڈی عمر ہے نفس پتاسیاں تے“۔ (ص ۴۰۵)
- ۱۸۔ ”کدی پان نہ دل تھیں پھیر پنچے شیشہ چور ہو یا کسے جوڑیاں“۔ (ص ۱۸۵)
- ۱۹۔ ”وارث شاہ نوں ٹھگیو دغا دیکے جینیاں کیتیاں سواساں پائیاں نے“۔ (ص ۲۴۷)
- ۲۰۔ ”بھلاموئے تے وچھڑے کون میلے اینویں جیوڑا لوک ولاوں دائی“۔ (ص ۳۳۲)
- ۲۱۔ ”انب بیچ کے دودھ دے نال پالے بھاتی دبھ انت بول ہو یا“۔ (ص ۴۲۲)

عاداتاں حاصلتاں دے اکھان

- ۱۔ ”وارث شاہ نہ عاداتاں جان دیاں نیں بھاویں کٹیے پوریاں پوریاں وڈ“۔ (ص ۲۵۶)
- ۲۔ ”ٹھینہ چترے رہن نہ ماس باجھوں جھٹ نال اوہ رزق کما میاں“۔ (ص ۱۵۵)
- ۳۔ ”ویہن پے دریانہ کدی مڑ دے وڈے لار ہے زور زاریاں دے“۔ (ص)
- ۴۔ ”بھکھا شیر جیوں آ نو دا مارا تے چور ڈٹھ اُتے جیوں دھاواں داے“۔ (ص ۲۶۳)
- ۵۔ ”وارث شاہ نہ سنگ نوں رنگ آ وے لکھ سو ہے دے وچ سمور ہے“۔ (ص ۴۳۳)
- ۶۔ ”گنڈی رن بدھی ہو بنے حاجن پھرے مور چھر گرد پٹاریاں دے“۔ (ص ۲۶۳)

- ۷۔ ”رناں ڈگدیاں ویکھ کے چھیل منڈا جو یں شہد وچ کھیاں پھسدا یاں نے“۔ (ص-۱۰۶)
- ۸۔ ”جیہڑے رشوتاں کھاتق روڑ ہن اوہ چورا چکڑے راہ دے نی“۔ (ص-۲۱۹)
- ۹۔ ”روون ویاں وچ گاونا وچ سیا پے ستر مجلساں کرن مندیریاں نیں“۔ (ص-۳۰۸)
- ۱۰۔ ”سوٹا پیر ہے وگڑے تگڑیاں داداؤ دے زرہ نواسیاں دا“۔ (ص-۳۳۹)
- ۱۱۔ ”لنڈیاں نال گھلنا مندے بول بولن نہیں چالے بھلیاں دیاں جائیاں دیاں“۔ (ص-۳۰۵)
- ۱۲۔ ”جیہڑیاں سون اجاڑ وچ وانگ نچر قد راں اوہ کیہ جان دیاں دائیاں دیاں“۔ (ص-۳۰۵)
- ۱۳۔ ”پانی دودو چوں کڈھ لین چا تر چھلکے پانودے تیلیاں وو“۔ (ص-۲۵۰)
- ۱۴۔ ”رناں چھو کرے جن شیطاں راول کتا کڑ بکری اٹھ سارے“۔ (ص-۳۸۵)
- ۱۵۔ ”ایہا مول فساد دا ہووے پیدا جنھاں سبھ جگت دے مول مارے“۔ (ص-۳۸۵)
- ۱۶۔ ”انت سچ دا سچ آ نترے گا کوئی دیس نہ وسدے جھوٹیاں دے“۔ (ص-۳۹۶)
- ۱۷۔ ”وارث شاہ نہ بیٹیاں جہاں جنیاں قد راں جان دے نہیں جوایاں دیاں“۔ (ص-۳۰۵)
- ۱۸۔ ”اتے چاڑھ کے پوڑیاں لاہ لیندی کسے گلاں دے محل اُسار نیں“۔ (ص-۱۰۸)
- ۱۹۔ ”وارث شاہ نہ ہنگ دی باس چھپے بھاویں رسمی وچ کافور ہووے“۔ (ص-۱۱۷)
- ۲۰۔ ”وارث شاہ جیوں مورچے بیٹھ بلی ساہ گھٹ جاندی نہیں کسدی اے“۔ (ص-۱۸۰)
- ۲۱۔ ”وارث شاہ چھپایے خالق کولوں بھاویں اپنا ای گڑ کھایے نی“۔ (ص-۱۶۲)
- ۲۲۔ ”وارث شاہ میاں گنا چکھ سارا مزے دکھ نے پوریاں پوریاں دے“۔ (ص-۱۹۲)
- ۲۳۔ ”وارث شاہ میاں انہیں مٹیوں وانگوں پئی موت وچ مچھلیاں ٹولدی اے“۔ (ص-۳۱۳)
- ۲۴۔ ”بڈھا ہو کے چور مسیت وڑدارل پھیریاں نیں نال مداریاں دے“۔
- ۲۵۔ ”دھاراں کھانکڑاں دیاں جھوکاں ہانیاں دیاں مزے خوبیاں گھول کواریاں دے“۔ (ص-۲۶۷)
- ۲۶۔ ”بھیت دسنا مرد داکم نانیں مرد سوئی جو ویکھ دم گھٹ جائے“۔ (ص-۲۶۸)
- ۲۷۔ ”داچورتے یار دا اک ساعت نہیں وسدے مینہہ جو گجے نیں“۔ (ص-۲۷۰)
- ۲۸۔ ”جو یں خصم کپتزا رن بھنڈی کیستی گل نوں پیا گھسیٹ دئی“۔ (ص-۲۹۸)
- ۲۹۔ ”عدل بناں سردار ہے رکھا پھل رن گدھی ہے جو وفا دار ناں نیں“۔ (ص-۳۰۳)
- ۳۰۔ ”نیاز بناں ہے پنچنی بانہ تھاویں گدھا مرد جو عقل دایار ناں نیں“۔ (ص-۳۰۳)

- ۳۱۔ ”وارث رن فقیر تلوار گھوڑا چارے تھوک ایہہ کسے دے یارنائیں“۔ (ص ۳۰۳)
- ۳۲۔ ”نار سوئی جو مال بن بیٹھ جالے پیادہ سوئی جو بھوت مسان ہووے“۔ (ص ۳۱۲)
- ۳۳۔ ”کواری سوئی جو کرے حیا بُھنائیوں نظر تے باجھ زبان ہووے“۔ (ص ۳۱۲)
- ۳۴۔ ”جیہڑیاں لین اڈاریاں نال بازاں اوہ بلبلاں تھک مریندیاں نیں“۔ (ص ۳۲۱)
- ۳۵۔ ”انہاں ہرنیاں دی عمر ہو چکی پانی شہر دے کھوہ دا پیندیاں نیں“۔ (ص ۳۲۱)
- ۳۶۔ ”اوہ ڈائیناں جان کباب ہوئیاں جیہڑیاں ہیڑیاں نال کہیندیاں نیں“۔ (ص ۳۲۱)
- ۳۷۔ ”جوکاں اک دن پکڑنچوئیں گئیاں ان پنے لہونت پیندیاں نیں“۔ (ص ۳۲۱)
- ۳۸۔ ”دل مال دیجیے لکھ کجری نوں کدی دلوں محبوب نہ تھیندیاں نیں“۔ (ص ۳۲۱)
- ۳۹۔ ”جس مردنوں شرم نہ ہووے غیرت اوس مرد تھیں چنگیاں تیویاں نے“۔ (ص ۳۸۷)
- ۴۰۔ ”گھر وسدے عورتاں نال سوہن شرم وند تے ستر دیاں بیویاں نے“۔ (ص ۳۸۷)
- ۴۱۔ ”گدھا اردکان نال نہ ہووے گھوڑا بانہ پری نہ ہووے پرولیے نی“۔ (ص ۳۱۵)
- ۴۲۔ ”وارث شاہ نہ دیے موتیاں نوں پھل اگ دے وچ نہ ساڑیے نی“۔ (ص ۳۳۶)
- ۴۳۔ ”وارث جنس دینال ہم جنس ہوندے بھورتا زناں گدھے نا نہہ میلیے نی“۔ (ص ۳۳۰)

ویلے وقت دے اکھان

- ۱۔ ”گنگا ہڈیاں مڑ دیاں نہیں گئیاں وقت گئے پھر کس موڑ یائی“۔ (ص ۱۸۵)
- ۲۔ ”گئے عمر تے وقت پھیر نہیں مڑ دے گئے کرم تے بھاگ نہ آوندے نی“۔ (ص ۲۱۷)
- ۳۔ ”گئی گل زبان تھیں تیر چھٹا گئے روح قلبوت نہ آوندے نی“۔ (ص ۲۲۵)
- ۴۔ ”وارث شاہ میاں ایہہ وقت گھتا کسے پیر نوں ہتھ نہ آیا بے“۔ (ص ۱۹۶)
- ۵۔ ”وارث شاہ ایہہ عمر نت کریں ضائع شکروچ پیاز کیوں گھولیوئی“۔ (ص ۲۶۵)
- ۶۔ ”کانوں باغ دے وچ کلول کر دے کوڑا پھولنے دے اُتے موکیتے“۔ (ص ۲۶۴)
- ۷۔ ”اشراف دی بات منظورنائیں چور چودھری اتے لنڈور کیتے“۔ (ص ۲۶۴)
- ۸۔ ”داہڑی شیخاں دی چٹھرا قصائیاں دا بیٹھ پرہے وچ پٹنچ سدا نودے نے“۔ (ص ۲۲۵)
- ۹۔ ”جیہڑا چورتے راہزن ہووے کوئی اوسدی وڈی تعریف سنا نودے نے“۔ (ص ۲۲۵)
- ۱۰۔ ”جیہڑے پڑھے نماز حلال کھائے اوہنوں مہنا متقی لاناودے نے“۔ (ص ۲۲۵)

۱۱۔ ”ایہہ جو بنائے نہ ہو و نائی چھاؤں بدلاں دی جان جیئے نی“۔ (ص ۲۴۱)

واہی نیجی تے موسماں دے اکھان

۱۔ ”جیٹھ مینہہ تے سیال نوں و امندی کتک ماہنگھ وچ منع ہنیریاں نیں“۔ (ص ۳۰۸)

۲۔ ”گانوسوئی جو سیال وچ دودھ دیوے بادشاہ سوئی جوشبان ہووے“۔ (ص ۳۱۲)

۳۔ ”خیردتیاں مال نہ ہو تھوڑا بول تھڑے نہ چرے کوٹاردے نی“۔ (ص ۲۸۱)

۴۔ ”اس زمین نوں واہندا ملک مکا اتے ہوچے وڈے کارنے نی“۔ (ص ۱۲۵)

عام لوکا چاری دے اکھان

۱۔ ”سماں یاردا گھسا باز ولا جھٹ چوردا تے داوٹھگ دائی“۔ (ص ۲۷۰)

۲۔ ”نقش چین تے مشک نہ ختن جیہا یوسف زیب نہ کسے دے چہرے نی“۔ (ص ۲۹۹)

۳۔ ”دستار بجواڑیوں خوب آوے اتے بافتہ نہیں قصور جیہا“۔ (ص ۳۰۰)

۴۔ ”کشمیر جیہا کوئی ملک نہیں، نہیں چاننا چن دے نور جیہا“۔ (ص ۳۰۰)

۵۔ ”سہج وسدیاں جیڈ نہ بھلا کوئی برا نہیں جے کم فتو جیہا“۔ (ص ۳۰۰)

۶۔ ”ہنگ جیڈ نہ ہو ر بدبو کوئی باس دار نہ ہو کچور جیہا“۔ (ص ۳۰۰)

۷۔ ”تان سین جیہا راگ نہیں بن دالکھاں صفاں جے ہون بھرائیاں دیاں“۔ (ص ۳۰۵)

۸۔ ”کیہا کاناواں دے ڈھور نہ کدی موئے شیر پھویاں توں نہیں ہاردے نی“۔ (ص ۳۰۶)

۹۔ ”سٹرن کپڑے ہون تحقیق کالے جیہڑے گوشے ہون لوہاردے نی“۔ (ص ۳۰۶)

۱۰۔ ”شاہ سوئی جو کال وچ بھیڑ کٹے کل بات دانگہاں ہووے“۔ (ص ۳۱۱)

۱۱۔ ”سوئی روگ جونال علاج ہووے تیر سوئی جونال کمان ہووے“۔ (ص ۳۱۱)

۱۲۔ ”بناں چورتے جنگ دے دیس و سے پت سوئی بن ان دے پان ہووے“۔ (ص ۳۱۱)

۱۳۔ ”کار ساز ہے رب تے پیر دولت سبھو مختاں پیٹ دے کارنے نی“۔ (ص ۳۱۲)

۱۴۔ ”پیٹ واسطے سبھ خرابیاں نے پیٹ واسطے خون گزارنے نی“۔ (ص ۳۱۲)

۱۵۔ ”شرم باجھ مچھاں بناں عمل داڑھی طلب باجھ فوجاں بھر بھارنائیں“۔ (ص ۳۰۳)

۱۶۔ ”عقل باجھ وزیر صلوٰۃ مومن دیوان حساب شمارنائیں“۔ (ص ۳۰۳)

۱۷۔ ”ہمت باجھ جوان بن حسن دلبر لون باجھ طعام سنوارنائیں“۔ (ص ۳۰۳)

ذات برادری تے علاقیاں دے اکھان۔

صفحہ ۱۷۶

- ۱۔ نہیں چوہڑے دا پت ہودے سید گھوڑے ہون نہیں پتر لیلیاں دے
- ۲۔ وارث شاہ فقیر بھی نہیں ہوندے پتر جٹاں تے موچیاں تیلیاں دے
- ۳۔ وارث شاہ نہ معتبر جائے جی قول جٹ سنیا رقصائیاں دا
- ۴۔ اشرف دی بات منظور ناہیں چور چودھری اتے لنڈور کیستے
- ۵۔ ڈوگر جٹ ایمان نوں وکچ کھاندے دھیان مار دے تے پاڑ لا نو دے نے
- ۶۔ ترک قول حدیث دے نت کر دے چوری یاریاں بیان کما نو دے نے
- ۷۔ وارث شاہ ایہہ جٹ فقیر ہو یا نہیں ہندیاں گدھے توں پیریاں نی
- ۸۔ چوریاں تے ٹھگ نہ رہن گجے کتھے چھین آدمی کار دے جی
- ۹۔ ہنر جھوٹھ کمان لاہور جیہی اتے کا نور و جیڈ نہ سحر ہے نی
- ۱۰۔ چغلی نہیں دیا پاپور کوٹ جیہی اوہ نمرود تھا نو بے مہر ہے نی
- ۱۱۔ نقش چین تے مشک نہ ختن جیا یوسف زیب نہ کسے دی چہر ہے نی
- ۱۲۔ کشمیر جیہا کوئی ملک نہیں، نہیں چانناں چن دے نور جیا
- ۱۳۔ دستار بجواڑیوں خوب آوے اُتے بافتہ نہیں قصور جیہا

صفحہ ۲۲۵

صفحہ ۲۵۷

صفحہ ۲۶۳

صفحہ ۲۲۹

صفحہ ۳۳۰

ہیر وارث شاہ دے اکھاناں دا فکری تے تکنیکی فنی ویرا

عشق

عشق پیر ہے عاشقاں ساریاں دا بھکھ پیر ہے مستیاں پاٹیاں دا۔

اس دھرتی دے منہ اتے سبھ توں وڈا اُچا تے سچا جذبہ عشق اے۔ اس دنیا وچ ویلے دے نال نال ہر شے اخیر فنا ہو جاندی اے پر عشق زمان و مکاں توں ماوراء جذبہ اے۔ ایہہ دنیا وچ ہر تھاں تے ہر سہم وچ موجود رہیا اے۔

وارث شاہ دا عشق بارے سوچ وچا راہیہ دے پئی جدوں اللہ تعالیٰ روحاں کولوں اپنے رب ہوون دا عہد لیا تاں اتھوں اسی عشق دا مڈھ بکھیا۔ کیوں جے روح اللہ تعالیٰ دی ذات دا حصہ اے تے ایہہ حصہ جدوں دا اپنے اصل توں جدا کیتا گیا تاں اوہوں دا ای ایہہ روح فیر اپنے کل وچ دوبارہ رلن واسطے بے چین تے بے قرار اے۔ اسے واسطے موت نوں وصال وی آکھیا جاندا اے پئی روح اس جُٹے وچوں نکل کے دوبارہ اس ذاتِ مطلق وچ جا کے مل گئی۔

روح دی اس بے قراری نوں مولانا جلال الدین رومی اس طرح بیان کیتا اے۔

”بشنو از نے چوں حکایت می کند وز جدا میا شکایت می کند

کز نیتاں تا مرا بریدہ اند از نفیرم مرد و زن نالیدہ اند

سینہ خواہم شرحہ شرحہ از فراق تا بگویم شرح درد اشتیاق

ہر کسے کو دور ماند از اصل خویش باز جوید روزگار وصل خویش“

ترجمہ: بانسری سے سن کیا بیان کرتی ہے اور جدائیوں کی شکایت کرتی ہے۔ کہ جب سے

مجھے بنسلی سے کاٹا ہے۔ میرے نالہ سے مرد و عورت (سب) روتے ہیں۔ میں ایسا سینہ

چاہتی ہوں جو جدائی سے پارہ پارہ ہوتا کہ میں عشق کے درد کی تفصیل سناؤں جو کوئی اپنی

اصل سے دور ہو جاتا ہے۔ وہ اپنے وصل کا زمانہ پھر تلاش کرتا ہے۔“ (۴۳)

عشق اتے کسے دا کوئی وس نہیں چلدا ایہہ اختیاری تے شعوری کم نہیں۔ ایہہ تاں ازل دے دیہاڑے توں لکھیا تقدیر دا

اک ماملا اے۔ ایہہ ساری کائنات اک طرح اللہ تعالیٰ دے وکھو وکھ جلیویاں دا اک شیشہ اے۔ اس کائنات دا اک اک ذرہ

اوہدے جلیویاں دی گواہی دے رہیا اے۔ وارث شاہ دے مطابق اس کائنات دے بنن دا سبب وی عشق اے تے عشق دے

پاروں ای ایہہ کائنات قائم اے۔ عشق بارے وارث شاہ ہوریں اپنی ہیر وچ لکھدے نیں۔

”اول حمد خدائے دا ورد کیجئے، عشق کیتا سو جگ دا مول میاں

پہلے آپ ای رب نے عشق کیتا، معشوق ہے نبی رسول میاں

عشق پیر فقیر دا مرتبہ اے مرد عشق دا بھلا رنجول میاں
کھلے تنہاں دے باغ قلوب اندر جہاں کیتا اے عشق قبول میاں‘ (۴۴)

ایتھوں ای وارث شاہ قصہ ہیر رانجھے دا مڈھ بدھاتے مڈھ وی عشق توں بدھا‘ عشق دے مڈھ بارے کھول کے ساری
گل کتھ لکھ چھڈی پئی ایہہ دنیا اللہ تعالیٰ دے عشق پاروں ای بنی اے۔ کیوں جے سبھ توں پہلاں عشق اللہ تعالیٰ اپنے پیارے
رسول حضرت محمد ﷺ نال کیتا۔ آپ ﷺ نوں سبھ نبیاں داسر دار بنایا تے ایہہ وی فرما دتا پئی میرے پیارے نبی جے میں تینوں نہ
پیدا کرداتاں ایہہ ساری کائنات نہ ہوندی۔ مطلب ایہہ وے پئی ایہہ سبھ کجھ زمین‘ آسمان‘ پہاڑ‘ سمندر‘ چن‘ سورج تے تارے نہ
ہوندے۔ ایہہ زمین دافرش تے طرحاں طرحاں دیاں نعمتاں سبھ کجھ صرف اور صرف اپنے پیارے محبوب حضرت محمد ﷺ دے
عشق پیدا کیلتے اس واسطے اس کائنات دامنیر عشق توں بنیا ایہہ مڈھ عشق اے تے ایہہ اذرہ ذرہ عشق دی دہائی دے رہیا اے۔
وارث شاہ ہوریں ایہہ وی دسدے نیں پئی عشق دے مقام مرتبے نوں ہر کوئی نہیں پہنچ سکدا۔ عشق پیر تے فقیر لوکاں دا
مرتبہ اے۔ کیوں عشق اک خالص الہامی جذبہ اللہ تعالیٰ دی سبھ توں وڈی خاص عطا تے نعمت اے۔ جیہڑا خوش نصیب ایس عشق
دے میدان وچ قدم رکھدا اے اوہنوں عشق دے بدلے باقی اپنا سبھ کجھ قربان کرنا پیندا اے۔ دنیا دی ہر نعمت‘ سکھ تے سواد
ولوں کنڈ کرنی پیندی اے۔ اوڑک عشق دے راہ وچ اپنی جان توں وی گزرنا پیندا اے۔ وارث شاہ ہیر وچ اک تھان لکھدے
نیں۔

سردتیاں باجھ نہ عشق پکے ایہہ نہیں سکھالیاں یاریاں وے

عشق قبول کرن نال بندے داسینہ روشن ہو جاندا اے۔ اوہناں دے دلاں اندر عشق دے باغ کھڑدے نیں‘ ہجر فراق
دے ون سوونے پھل کھڑدے نیں‘ ایہناں دی خوشبو نال عاشق دادل کھڑ جاندا اے تے اوہ پالیاں‘ دھپاں تے اُجاڑ بیاباناں
وچ وی کلم کلام مست الست پھر دار ہندا اے۔ اس کائنات دے چوداں طبق اوہدی ہتھ دی تلی اُتے موجود رہندے نیں۔
عشق بندے دی حیاتی وچ چائن داکم دیندا اے۔ ایہدے نال وجود دی اندر لی تے باہر دنیا دے سارے انھیرے
مک ویندے نیں۔ حیاتی دی کائی اوکڑ پریشانی نہیں رہندی۔ عشق انسان نوں ہر طرح دے نفع گھاٹے تے ڈر خوف توں بے نیاز
کر دیندا اے۔ ہر ویلے اپنے محبوب دی ذات وچ گم صم رہندے نیں۔ عشق دی ریت پاروں اوہ چپ چاپ تے گنگے باتے بنے
پھر دے رہندے نیں۔ دنیا تے اپنے بیوی بچیاں تے مال رزق وچ ظاہری طور تے رُجھیاں ہویاں وی اوہناں دادل اپنے
محبوب دے قدماں وچ ہوندا اے۔ کوئی جم پوے‘ کوئی مر جاوے‘ کوئی ڈب جائے اوہناں نوں کسے دی کوئی پرواہ نہیں ہوندی۔
اوہناں اُتے کسے مولوی دا واعظ یا مفتی دے سمجھاو تے فتویاں دا کوئی اثر نہیں ہوندا۔ عاشقاں نوں جنت دا کوئی لالچ ہوندا نہ
دوزخ دے عذاباں دا کوئی ڈر ہوندا اے۔ وارث شاہ عاشقاں دی اس حالت بارے لکھدے نیں۔

جیہڑے عشق دی اک دے تاتے تنہاں دوزخاں نال کیہ واسطائی۔

عشق داروگ اک ایہو جیہاروگ اے۔ جیہڑا اک واریں کسے نوں لگ ونجے فیروہدی جان نہیں چھڈدا۔ محبوب دے دیدار باجھوں ایہدا کوئی علاج نہی۔ بھانویں لکھاں رونقاں باغ بہاراں رنگینیاں تے سُکھ ہوں عاشق نوں کوئی وی شے چنگی نہیں لگدی۔ اوہدا دل ہر پل اپنے محبوب دا قرب منگدا اے۔ وارث شاہ عشق بارے لکھدے نیں۔

اس عشق دے روگ دی گل اینویں سر جائے تے ایہہ نہ جامیاں

داغ انب دی رس دا لہہ نہیں، داغ عشق دا بھی نہ جامیاں

عشق اک لاحد میدان اے ایہدا نہ کوئی اوڑک نہ بنا اے۔ ایہہ بنی بنائیاں راہواں اتے نہیں ٹردا۔ ایہدی سچ دھج سبھ توں وکھری اے۔ ایہدا کسے نال جوڑ نہیں بن دا۔ ایہدی عبادت نماز وکھری، ایہدی ریت وکھری اے ایہہ شرح دے مسئلیاں نوں نہیں مند دا۔ عقل نال ایہدا مڈھ توں ای ویراے کیوں جے عقل ہمیشاں نفع داراہ دسدی اے پر عشق سب کچھ لٹاؤنا سکھاندا اے۔ عقل حساب کتاب نال چلدی اے پر عشق حساباں نوں نہیں من دا۔ ایہدا اکوای سبق اے پئی اپنا سبھ کچھ اپنے محبوب توں واردے قربان کردے۔ عشق بے ترس ہوندا اے۔ رحم ناں دی کوئی شے ایہدے ساہمنے وقعت نہیں رکھدی ازل توں ایہدا مڈھ بدھاتاں اوٹھوں لے تے اچ توڑیں ہر سسے وچ ہر تھاں اس وکھو وکھ کھیڈاں کھیڈیاں نیں تے اپنے وکھو وکھ رنگ وکھائے نیں۔ میاں محمد بخش کھڑی شریف والیاں عشق دیاں بیتیاں وارداتاں بارے لکھیا اے۔

”ظالم عشق بے ترس قصائی رحم نہیں اس آوے نازک بندن مار رولاندا سہم نہیں اس آوے

نازک پیر رکابوں دکھدے بادشاہاندے بیٹے جنگل باریں پھرن او اپنے مارے عشق الیٹے

یوسف نال کہی اس کیتی جانے سبھ لوکاں پھیر زلیخا نام شہزادی تختوں سٹ رولائی

باراں کوہ گھراں تھیں باہر یوسف دا بند خانہ پیر پیا دی راتوں راتیں کھڑدا عشق دیوانہ

کچھ نگر دا راج بھلایا لے کے دیس نکالے کپڑے پنڈ پنوں سرچاندا ہتھیں پیندے چھالے

سسی نازک بندن شہزادی تھل مارو وچہ وڑدی اس ظالم نوں ترس نہ آیا ویکھ پیاسی مردی

ہیر سیالی لاڈیں پالی چوچک باپ امیرے راتیں کالی ماہی بھالے بن جنگل جھل چیرے

ریشم پیرسلن دہب سولاں جیوں سوئی پٹ لیرے رانجھے پاڑے کن محمد ناگ لڑایا ہیرے“ (۴۵)

عشق دی اک ایہہ وی ریت ہے۔ عاشق دے دل اتے جو کچھ بیٹے اوہ کسے نوں دس نہیں سکدا۔ کیوں جے عشق دیاں نویاں نویاں قلبی وارداتاں تے کیفیتاں نوں لفظاں نال بیان نہیں کیتا جاسکدا۔ عقل تے فہم دے گھڑے گھڑائے لفظ عشق دے طوفانی قلبی وارداتاں نوں بیان داپورا حق نہیں ادا کر سکدے۔ کیوں انسان دی عقل تے ادراک دیاں جتھے حدیں مکدیاں نیں عشق دا میدان اوٹھوں اگا نہ شروع ہوندا اے۔ اس واسطے عقل دا عشق دی دنیا وچ دور داوی گزر نہیں۔ اس واسطے عاشق دے

دل اتے محبوب دی جدائی وچ جو کچھ گزرے اوہ آپ ای اندرو اندر جراتے چپ دی بکل ماراپے محبوب نوں ملن دے تے
اوہ دے قرب وچ رہن دے حیلے بہانے تے نویں نویں ڈھنگ سوچدا اے پراتوں گنگا باتا بن کے پھر دا اے۔
وارث شاہ عاشقاں دی اسی حالت بارے لکھدے نیں۔

رسم عشق دے ملک دی چپ رہناں مونہوں بولیا سواوہنوں ماریونی۔
ایتھوں ایہہ گل دی لہدی اے پئی جنہاں عشق دے راز نوں کھولیا اوہنوں شرح والیاں منصور و انگوں سولی اتے ٹنگ
دتا۔ کسے دی جیندیاں کھل لہ لئی۔ کسے نوں کھوہ وچ سٹ دتا۔ کسے نوں وڈھ ٹک ندی پا چھڈیا۔ کسے نوں مال دولتاں چھڈ کے
کھاراں دیاں مجھیں چراونیاں پٹیاں تے رانجھے نوں وی کن پڑوا کے پنڈے اتے بھوت ملنا پیا تے کھیڑیاں دے شہر رگپور وچ
درد دی بھیکھ مگنی پئی۔ وارث شاہ لکھدے نیں۔

نہیں ڈرن ہن مرن تھیں بھور عاشق جھاس سولیاں سراں تے جھلیاں و۔
عاشق سولیاں چڑھن زہراں پھکن تے مرن توں کدوی نہیں ڈردے۔ اوہ تاں ہر ویلے اپنی جان تلی دھری پھر دے
ہوندے نیں۔ ہر ویلے اپنے محبوب دی یاد وچ مست المست رہندے نیں۔ عشق داروگ اک اولاجیہاروگ اے جیہڑا کسے دیاں
نصیحتاں متاں تے منتر اں جھاڑاں نوں وی نہیں من دا۔ وارث شاہ عشق دے روگ بارے لکھے نیں۔
وارث شاہ اوہ تھے نہیں پھرے منتر جتھے دندیاں عشق نے ماریاں جی۔

عاشق دے روگ دا اکوای علاج اے۔ اپنے پیارے محبوب نال ملاپ۔ اس توں دکھ ہو کر کسے ٹونے منتر تے جھاڑ دا
اس اتے کوئی اثر نہیں ہوندا۔ اوہنوں دنیا دی کوئی شے چنگی نہیں لگدی بس ہر ویلے اپنے محبوب دے دیدار واسطے نہ مکن والی تڑپ
رہندی تے ملاپ دی ایہہ تڑپ ہر پل ودھدی ای رہندی اے۔ میاں محمد بخشؒ وی عشق دے روگ بارے ایہہ لکھیا۔

”عاشق دا جو دارو دے باجھ ملاپ سجن دے

اوہ سیاناں جان ایاناں روگ نہ جانے من دے

مندے من دے روگ محمد من دے نہیں دواواں

وید ہووے جے دلبر تائیں ویدن کھول سناواں“ (۴۶)

عشق ناں ای اس وصف دا اے جیہڑا زندگی وچ اک واری ضرور ہر بندے وچ ابھر دا اے بھاویں تھوڑا ہووے تے
بھاویں بہتا پرا ایہہ عشق بندے نوں مار مکا دیندا اے پراس موت وچ ہمیشاں دی حیا تی لہدی اے۔ سچے عاشقاں نوں
دنیاں اتوں پردا کیتیاں صدیاں گزر چکیاں نیں پرا وہ پوری دنیا وچ آج وی لوکاں دے دلاں وچ زندہ نیں۔ کوئی پل اجیہا نہیں
جدوں کسے نہ کسے تھاں اتے اوہناں دا ذکر نہ ہو رہیا ہووے۔ آج وی ہیر رانجھا، سوہنی مہینوال، سسی پنوں، شیریں فرہاد، لیلیٰ مجنوں

تے شاہ منصور ول دھیان ماریئے تاں اپنے عشق پاروں اج وی اوہ زندہ جاوید نہیں۔ وارث شاہ ہیر وچ اس بارے لکھدے
نیں۔

وارث شاہ اوہ سدا ای جیوندے میں جہاں کیتیاں نیک کمائیاں نی

اس مصرعے وچ نیک کمائیاں دا مطلب کوئی حج، روزے تے نمازاں نہیں بلکہ اس توں مراد عشق حقیقی اے، کیوں جے
عشق اللہ تعالیٰ دی اک صفت اے جیہدا اظہار ایس دنیا نوں بناون پاروں ہو یا اس واسطے کامل عشق والے خوش نصیب اخیر اللہ
تعالیٰ دے حقیقی عشق وچ رل کے ہمیشاں ہمیشاں واسطے امر ہو جاندا ہے۔ عشق بھانویں مجازی ہووے عاشق اپنے عشق وچ
اپنا سبھ کچھ مٹا دیوے تاں اس پچھوں اوہدے اندر ذاتِ مطلقہ اجاگر ہووے شروع ہووے بندے اے۔ عشق دی لگن اجیہی لگن اے
جے کدھرے اک واریں لگ جائے تاں فیر ایہہ مکدی نہیں۔ سگوں ایہہ بندے دی اندر لی دنیا وچوں ابلیسی صفتاں نوں جڑھوں
پُٹ کے مکا دیندی اے وارث شاہ ہوراں تشبیہ انب دے رس دے داغ دی دے کے ایہہ گل نتاری اے پئی جویں انب دے
رس دا داغ کپڑے اتوں نہیں لہندا انجیں ای عشق وی جیہنوں اک واریں لگ گیا اوہدے اندروں جاندا نہیں۔ رانجھے نوں لگن لگی
تاں ہیر پچھے چوچک سیال دیاں جھیں نیلے وچ چاردار ہیا، جیہڑا اپنے گھر وچ لکھ بھن کے دوہرا نہیں سی کردا ہر ویلے نہادھو کے
پٹے چوڑے کے تر بنجناں وچ وچھلی وچاں اسی ہن ہیر دے عشق وچ اوہورا، نجھا چاک بن نیلے جھلاں وچ سیالاں دیاں جھیں چار
کے ذلیل خوار ہندا پھر دا اے تے فیر جدوں ہیر ویاہ پچھوں رنگ پوروں سنہیا گھلدی اے کہ فقیر بن کے چھیتی رنگ پورا پڑتاں
رانجھا بالنا تھ دے ٹلے تے جا کے کن پڑا کے نازاں نال پالے پنڈے اتے سواہ نال بھوت مل کے نگر نگر دی بھیکھ منگدا اے۔
مجنوں نوں لیلیٰ دی لگن لگی تاں سرداریاں چھڈ کے جنگل وچ ڈیرے لادتے۔ لیلیٰ لیلیٰ پکاردا سک کے کٹرن بن گیا۔ مہینوال مال
زراں چھوڑ کے تُلے کھار دیاں جھیں چرائیاں جے اک دن مچھی نہ لدھی تاں اپنا پٹ چیر کے اپنے گوشت دے کباب سوئی نوں
کھوادتے۔ پنوں سسی دے عشق وچ سرداریاں چھوڑ کے دھوبی بن گیا۔ شاہ منصور انا الحق کہہ کے سولی چڑھیا پر اوہدی لاش دے
لوں لوں وچوں وی انا الحق دیاں آوازاں آندیاں رہیاں۔ جے وارث شاہ نوں بھاگ بھری دا عشق لگیا تاں وطن دیس بھلا
چھڈے۔ ایس عشق وارث شاہ کولوں قصہ ہیر رانجھا لکھوا کے ہیر تے وارث نوں ہمیشاں واسطے امر کردتا۔ وارث شاہ عشق دی
آفاقیت بارے لکھیا۔

”کوئی ہیر ہے نواں نہ عشق کیتا عشق کیتا خلقتاں ساریاں نی
اس عشق نے ویکھ فرہاد ماریا کیتیاں یوسف نال خواریاں نی
عشق سوئی جیہاں صورتاں نوں ڈوب وچ دریا دے ماریاں نی
مرزے جیہاں صورتاں نوں سنجیں اگ لائیکے بار وچ ساڑیاں نی

سسی جیہاں صورتاں وچ تھلاں ایس عشق رلائیکے ماریا نی“ (۴۷)

انج جا پدا اے جو یں عشق نے پوری کائنات نوں اپنی لگن وچ ولایا ہو یا اے کوئی شے وی ایہدے توں باہر نہیں جو یں
صوفی فقیراں دا عقیدہ اے ایس کائنات دے ذرے ذرے وچ اللہ تعالیٰ دی ذات سمائی اے۔ اس دنیا دی ہر شے اللہ تعالیٰ دی
کسے نہ کسے صفت دا اک مظہر اے ایس واسطے انسان وچون عشق کامل دا ظہور ہوندا اے۔ عشق انسان دی روح وچ رچیا ہو یا
اے۔ انسان دی مٹی دا خمیر عشق وچوں اٹھایا گیا سی۔ اس واسطے بندے دے لوں لوں دے مڈھ عشق دے ڈیرے نیں۔ عشق دی
اس ہمہ گیریت بارے شاہ حسین مادھوالال حسین اپنی اک کافی وچ فرمیندے نیں۔

”ربا میرے حال دا محرم توں

اندر توں ہیں باہر توں ہیں روم روم وچ توں

توں ہیں تانا توں ہیں بانا سبھ کچھ میرا توں

کسے حسین فقیر نما نا

میں نائیں سب توں“ (۴۸)

عاشق دنیا داراں توں دور تے چپ چاپ تے گنگے باتے بنے پھر دے راہندے نیں۔ اتوں اتوں کملے جھلے بنے
راہندے نیں پر اندروں شاہانہ جلال رکھدے نیں۔ اوہناں نوں کسے دی کوئی پرواہ نہیں ہوندی پئی گل کرن والا ساہمنے کون
اے۔ بادشاہ اے وزیر اے امیر اے یاں غریب اے۔ اوہ ہر ویلے اپنے محبوب دی یاد وچ مست الست راہندے نیں۔ وارث
شاہ عاشقاں نال گل بات کرن واسطے مت دے طور تے لکھدے نیں۔

عاشق بھور فقیر تے ناگ کالے باجھ منترن مول نہ کیلے نی“۔

چک شینہ وانگوں گج مینہ دا جس نوں دند مارن ہڈ چور ہے جی“۔

عاشق اپنے محبوب دے دیدار کولوں اکا نہیں رجدے۔ عاشق دادل ہر ویلے محبوب دے قدماں وچ راہندا اے۔ عاشق
نوں جے پتہ لگے پئی اوہدا محبوب سمندروں پار بیٹھا اے تاں اوہ سمندرنوں بکاں نال جھٹ سٹن۔ عاشقاں اتے دنیا داراں
قاضیاں تے مفتیاں ہر سسے وچ فتوے لائے۔ حاکماں کولوں سزاواں دیوائیاں پر عاشق اتے سختی جبر تے سزا توں ڈردیاں ایہناں
سزاواں قیداں دا کوئی اثر نہیں ہوندا سگوں اوہناں دا عشق ہو روی ودھد جاندا اے۔ عاشق دے اندر محبوب نوں ملن دیاں سکاں
سدھراں ہو روی پھل دیاں تے کھڑ دیاں نیں۔ وارث شاہ ہو ریں عاشقاں دی ایس صفت نوں اپنے ڈھنگ نال انج بیان کیتا
اے۔

”لکھ سریں اول سول آنون یار یار ایں تھوں مول نہ بھجے نیں

دوست سوئی جو بیت وچ بھیر کٹے یار سوئی جو جاں قربان ہووے“

عاشق اپنی لگن وچ کپے ہوندے نیں بھانویں اپنی جان قربان ہووے کر دیندے نیں پر پچھا نہہ قدم نہیں ہٹاندے۔ وارث شاہ ہوراں یاری دوستی داسٹا کڈھ کے ایہو دستیا اے پئی دوست اوہ ای ہنداجیہڑا اوکھے ویلے ساتھ نہ چھڈے اپنا تن من تے دھن اپنے محبوب اتے قربان کر دیوے۔ عشق وچ ایہو ای لوک کامیاب ہندے نیں۔ محبوب دے اک اشارے اتے اپنا سبھ کچھ قربان کر دیاں ہو یاں ڈھل نہیں لاندے تے فیریانوں اپنی قربانیاں کد نیں وی جتان دے نہیں۔ کیوں جے عشق دی دنیا وچ نمود نمائش دی کوئی تھاں نہیں ہوندی۔ عشق تاں خالص صرف دلاں دے سودے تے جذبیانوں ویکھدا اے۔ عشق دی دنیا وچ مقدارنوں نہیں صرف معیارنوں اندر لی نیت اُتے پرکھیا جاند اے۔ دیکھن نوں بھانویں کم چھوٹا ہووے اصل چیز اوہدے اندر خلوص ہوندی اے تے خلوص دا تعلق دل دی نیت نال ہوند اے۔ عشق تے شرح دا اپنا اپنا میدان اے۔ کیوں جے شرح وچ حداں مقرر نیں اوہناں دے اندر رہ کے ای سارے اعمال کیستے جاندے نیں۔ اوہناں حداں توں باہر نکلن کفر ہوند اے۔ شرح دے اندر مڈھ قدیم توں ای بنیاں بنائیاں راہواں ہوندیاں نیں۔ ایہناں اتے ای ٹر پیندا اے۔ شرح وچ ظاہرنوں سامنے رکھیا جاند اے۔ باطن نالوں ظاہر دے سُنھپ اُتے زور دتا جاند اے۔ شرح دے اندر ہر عمل دے حساب کتاب اُتے چوکھازور دتا جاند اے پئی ایہہ ذکر وظیفہ سوورہیاں ہزار وار پڑھیا پر عمل نوں اوہدے ثواب دی گنتی نوں کھ رکھ کیتا جاند اے۔ بُرے کماں توں صرف دوسرخ دے ڈرتوں بچیا جاند اے۔ پئی اک نماز دے بدلے کتنے ہزار حوراں لہسن۔ جنت وچ ہر شے دی موج ہو سیں۔ جے کدائیں نفس دے بھلاوے وچ آکے گناہ کر لیا جاوے تاں فیراہیہ فکر ہو ویلے لگی ہوندی اے پئی کدائیں جنت نہ گھس جاوے۔

شرح دے مقابلے وچ عشق وچ عاشق لوکاں دا حال اُکا ای وکھرا ہوند اے۔ عشق وچ ہر کم پورے خلوص نال جنت دے لالچ تے دوزخ دے ڈرتوں ہٹ کے کیتا جاند اے۔ عشق وچ کوئی گنتی حساب نہیں چلدا۔ شرح وچ پنج نمازاں نیں عشق دی نماز ہر ویلے دی نماز اے۔ ایہہ اوہ نماز اے۔ جیہدے واسطے وضو دی لوڑ نہیں ہوندی۔ کوئی رکوع تے سجدہ نہیں ہوند اے۔ عشق دی نماز وچ لفظاں نوں بولن دی لوڑ نہیں ہوندی نہ ای دعا مانگی جاندی اے۔ عشق دے اندر ظاہر توں ودھ باطن اتے زور دتا جاند اے۔ عاشق عام طور تے ظاہر وچ کوئی نہ کوئی ملامتی رنگ اپنے اتے چاڑھ لیندے نیں تاں جے عام لوکاں توں بچے رہن۔ عاشق ہر پل اپنے ساہ ساہ نال اپنے پیارے محبوب دی یاد وچ گم صم رہندے نیں۔ عاشق اپنے چنگیاں کماں نوں ظاہر نہیں کر دے سگوں چھپاندے نیں۔ عشق وچ حداں بنے نہیں ہوندے نہ عشق بنیاں ہو یاں راہواں اتے نہیں ٹردا۔ عشق اک لا حد میدان اے جتھے شرح دیاں اخیر لی حداں نیں او تھوں عشق دا میدان شروع ہوند اے۔ عشق دی ریت سبھ توں اوپری اے۔ ایہہ پہلاں قربانی منگدا اے۔ عشق اک دکھری طرحاں دی آگ اے جیہڑی عاشق نوں ہر ویلے اندر واندیری ساڑی اے۔ ایہہ آگ جیوں جیوں ودھدی اے عشق توں توں پکدا اے۔ عشق وچ عاشق داماں تک جھڑ جاند اے پچھے پنجرہ جاند اے۔ مجنوں لیلیٰ

دے عشق وچ جدوں مستی وچ جنگل نوں ٹر گیا تاں او تھے لیلیٰ لیلیٰ پکاردا کو تھیں ای کنا چر کھلوتا رہیا۔ نہ کچھ کھا ہد نہ پیتا سک سک کے پنجر دے آسے پاسے ڈبھ اُگ پئی۔ اک دن جدوں ماچھی سکا رکھ سمجھ کے کہاڑی ماری تاں مجنوں کچھیا لیلیٰ، ایہہ عاشقاں صادقاً دا حال ہوندا اے۔ اک مست الست صوفی خواجہ محمد عمر خوشابی عشق تے شرح دا ویرا کردیاں ہوئیاں اپنی اک نظم وچ فرمیںدے نیں۔

”جے توں پڑھیں شرع دا کلمہ تینوں سارا حجاب بنا دیساں

جے توں پڑھیں عشق دا کلمہ تینوں سارا حجاب ہٹا دیساں

واحد اکبر پیر میخانہ تینوں اکھیں نال نکا دیساں

میخانے وچ کر دے سجدہ کل شتی تینوں آ دیساں

دو عالم دا مالک ہو جاسیں تینوں غیر نشان مٹا دیساں

عمر خوشابی لم یزیلی دا تینوں جلوہ جمال دکھا دیساں“ (۴۹)

عشق دے اندر اک ہو رصفت یار دے رازاں دی حفاظت کرنا ہوندی اے۔ یار دے بھیبت نوں کسے ہو راگے کھولن دی اجازت نہیں ہوندی۔ عشق دی دنیا وچ یار دے بھیبت نوں غیر محرماں اگے کھولن اتے کڑی توں کڑی سزاواں ملدیاں نیں۔ وارث شاہ ہوریں اس بارے وچ مت دیندیاں ہوئیاں آکھدے نیں۔

سر جائے نہ یار دا سر دیکھئے شرماں رکھیے اکھیاں لائیاں دیاں“

بھیبت دسنا مرد دا کم ناںیں مرد سوئی جو ویکھ دم گھٹ جائے

وارث شاہ نہ بھیبت صندوق کھلے بھانویں جاندا جنڈرا ٹٹ جائے“

ایتھوں ایہہ سبق لبھدا اے پئی جان جاندی اے تاں جائے پر یار دا بھیبت نہ کھلے۔ ایہو عشق دی ریت اے۔

فن دے حوالے نال وارث شاہ دے ایہہ مصرعے سوئی تشبیہاں تے تلمیحات دی اک خاص نویکلے ڈھنگ نال ورت پاروں اعلیٰ نمونہ نین۔ وارث شاہ ہوراں جتنیاں تشبیہاں تے تلمیحات ورتیاں نیں اوہناں دیاں جڑاں اس دھرتی وچ گڈیاں ہوئیاں نیں۔ الفاظ ترکیباں تے محاوریاں دی ورت ڈھیر سوئی تے من کچھویں اے جیہدے نال بیان دا زور و دھند جاندا اے تے کلام وچ اک طرح دی فطری تازگی وی موجود اے۔ علی عباس جلاپوری وارث شاہ دے فن بارے لکھدے نیں۔

”ٹھیٹ پنجاہی کے ایسے سینکڑوں الفاظ تراکیب محاورے اور ضرب الامثال ہمارے لیے

محفوظ کر لیے جو شاید ہیر کے بغیر مٹ مٹا کر رہ جاتے۔ ان محاوروں اور ضرب الامثال میں

اظہار و بیان کی شگفتگی، لوک بت کہاوت کی فطری زندگی اور کسانوں کی دانش و خرد کا لطیف

امتزاج ہوا“۔ (۵۰)

وارث شاہ دے ایہناں اک اک مصرعے وچ معنیاں دا اک جہان آباد اے تے ایہدے نال نال موسیقیت وی لبھدی اے۔ ایہناں مصرعیاں نوں جنی واری وی پڑھیے اگے نالوں چوکھا سواد آندا اے۔ وارث شاہ دا بیان ڈھنگ پڑھن والے نوں اپنے سحر وچ لے لیندا اے۔ علی عباس جلاپوری وارث شاہ دے کلام دیاں خوبیاں گنوا دیاں ہویاں لکھدے نیں۔

”وارث شاہ نے ابتدائے عشق کی وارفتگی، وصال کی شاد کامی اور خود سپردگی، در و فراق کی سوزناکی چاہنے والوں کی والہانہ شیفنگی۔ امید و فیم کی آویزش، شادی بیاہ کی رسوم، عورتوں کی نوک جھونک، دیور بھابیوں کی طنز و تعریض، دیہاتی زندگی کی وصف نگاری، قدرتی مناظر کی تصویر کشی دیہاتیوں کے اوہام، معاشرے کے مختلف طبقوں کا طرزِ گفتگوں جیسے متنوع مضامین پر استادانہ چابک دستی سے قلم اٹھایا ہے۔“ (۵۱)

وارث شاہ لفظاں، رمزاں نوں سنگھار کے اپنے نویکے پھبویں تے ڈھکویں ڈھنگ نال ورتیا اے۔ ایہدے نال اوہناں اندر واپری کتھا اپنے سارے رنگاں سمیت اگھر کے ساہمنے آ جاندی اے تے انج مصرعیاں وچ اک ردھم تے رچاؤ وی ودھ جاند اے۔

نجم حسین سید وارث شاہ دی ہیر نوں اک نقل آ کھدے ہن جس راہیں وارث شاہ اپنے سمے دے وسیب دے گوڑ تے کوچھ نوں پھبویں ڈھنگ نال بھنڈیا اے۔

”وارث شاہ نے اس نقل دی اساری وچ ڈھنگ ایہہ ورتیاں اے پئی بندے دے اک وچارنوں اوہدے دوجے وچارنوں اک جذبے نوں دوجے جذبے نال منہ دیاں اچیاں بولاں نوں ڈھڈ دیاں دڑ وٹیاں گجھلاں نال باہر دے ورتارے نوں اندر دے کھلارے نال انج بھڑایا پئی اوہدے نال دو ووا جاں جن اک تاں ہاسے ٹھٹھے دی اُچی اگھر دی واج جیہڑی سُنن والے نوں اکو واری پھر کے ہلون دیندی اے تے دوجی دکھونی سوچ دی واج جیہڑی ہولی ہولی پرچھاویں وانگوں بندے دے اندر ڈھل دی جاوندی اے تے انج لگدا ہے جیویں وارث شاہ دا ہاسا وی اوہدی اس سوچ دا ای اک کچھ آہا۔“ (۵۲)

وارث شاہ دے ایہناں مصرعیاں وچ فکر دی ڈونگھیاں دے نال نال مزاح وی لبھدا اے۔ ایہہ وارث شاہ دا اک اپنا نویکلا ڈھنگ اے جیہدے نال اس دھرتی دے محاوریاں نوں اس قصے دے مکھ پاتراں دے وسیب وچ مقام مرتبے نفسیات دے مطابق اک سچے تے پھبویں تے ڈھکویں ڈھنگ ورتیا اے پئی اک پاسے اندر لے معنے تے مطلب وی نتر کے ساہمنے آ جاند اے تے ایہدے نال نال اوتھوں اک ہاسے تے ٹھٹھا وی پڑھن تے سُنن والیاں دے بُکھاں اتے کھنڈ جاند اے۔ وارث شاہ ایہہ محاورے پنجاب دے لوک وسیب وچوں لے نیں جیہدے پاروں ہیر دے ایہناں مصرعیاں توں اک ان پڑھ بند او وی

اتنا سواد تے جس لیند اے جتنا اک پڑھیا بندالیند اے۔ ایہہ محاورے ویکھو۔

سُتیاں کلاں جگانٹراں دودھ وچ اک چونٹراں یار سنڈ اونٹراں شرم دی لوئی مکھ توں لائینٹراں: کھ کھائینٹراں چھج وچ چھٹناں دودھ وچ بھت ہونا تلی پیٹھ انگار رکھنا پال کرنا موت وچوں مچھیاں پھڑنا سنڈھا چونٹراں لیڑے لاه لئینٹراں لکھاں وچ انگار رکھناں کھوہ نوں لٹے گنیر گینٹراں بجے دانے بیچناں چن چڑھناں گکھاں اتے بھنمیریاں اڈناں گدوں جواں دارا کھاں رنڈے داساک کروانے ٹہل ٹکور کراناں بھید اں وچ اٹھ پچھناں تھال وچ لون بھنناں جیہہ نال لوہا تا کے چٹنا جُنیاں ہتھ کرٹناں وس گھولناں لیک لائینٹراں خصماں داسر کھائینٹراں چتر و جاوناں پہاڑ تولنا متھا ڈاہناں جھولی اڈناں رڑے تے مون منائیٹھناں۔

وارث شاہ ہوراں اس طرحاں دے ہور وی ڈھیر سارے محاورے ہیر وچ خاص پھویں تے ڈھکویں ڈھنگ نال ورتے نیں جیہدے نال پڑھن تے سنن والیاں دے ہس ہس کے تھکیڑے لہہ ویندے نیں۔ سید عابد علی عابد ادب وچ مزاح دے فن بارے لکھدے نیں۔

”مزاح جو انداز کی صفات جذباتی میں شمار ہوتا ہے۔ نرم نرم زبان میں بیہودگیوں کی طرف اشارہ کرتا ہے۔ بشرطیکہ اس میں ہمدردی شامل ہو۔ ایک ایسا فن ہے جس میں انسانی کمزوریوں اور بیہودگیوں کو آئینہ دکھایا جائے۔“ (۵۳)

لفظاں دی ورت توں پتہ چلد اے پئی وارث شاہ نوں لفظاں دی ورت دا سچا پھواں تے ڈھکواں ڈھنگ ہے سی۔ جیہدے پاروں لفظ اوہدی من مرضی دے معنیاں تے مطلب نوں اگھڑویں رنگ وچ ساہمنے لیاوندے نیں تے دو جھے پاسے اک دو جھے نال انج ڈھکدے جاندے نیں جویں موتی لڑی وچ پروے جاندے نیں۔ احمد ندیم قاسمی وارث شاہ دے فن بارے لکھدے نیں۔

”ایہہ وارث شاہ دا کمال اے کہ انج تاں اوہدے ساہمنے لفظاں دا اک خزانہ کھلا پیا اے۔ پراوہ اوہناں وچوں اپنی پسند دے لفظ چن کے اوہناں نوں مصرعیاں دی لڑی وچ انج پروندا اے کہ ایہہ لفظ اپنے محل استعمال دے حسن تے ندرت نال چمک اٹھدے نیں۔“ (۵۴)

وارث شاہ دی ہیر دے ایہناں مصرعیاں وچ اک خاص لے تے ردھم وی موجود اے۔ وارث شاہ ہوراں دے ایس کلام وچ نغسی آپے ای کد کد آوندی اے۔ انج لگدا اے جیویں وارث شاہ ہوراں بحر نالوں چوکھا خیال آہنگ دار کھیا سی۔ ایہناں دے ایس کلام وچ موسیقی جڑاں وچ رچی بسی ہوئی اے۔ وارث شاہ دی ہیر وچ اوہناں دی خاص طرز تے لے بارے وچ صدیق تاثر لکھدے نیں۔

”سید وارث شاہ دی ہیر دی طرز تے لے توں کون پنجابی تے باہر دا بندہ واقف نہیں؟
جیہدے بارے اردو دے اُچ کوٹی دے شاعر تے عالم سید انشاء اللہ خاں انشاء ہوراں نوں
ایتھوں تیک کہنا پے گیا۔

سنایا رات کو قصہ جو ہیر رانجھے کا
تو اہل درد کو پنجابیوں نے لوٹ لیا

ایہہ ہیر دی سُر تے لے تے اوہدے آہنگ دی ای ساری برکت سی جینے لکھنوالیاں
سو جھواناں تیک لٹ گھتیا کجھ سیانیاں دا ایہہ دی آکھنا اے پئی وارث شاہ نے اپنی ہیر دا
شہکار آہنگ تے ای تخلیق کیتا اے۔ ایہو وجہ اے پئی ایہدی کوئی نئی تلی بحر نہیں کدھی جا
سکی۔“ (۵۵)

سید وارث شاہ ہوراں دی ہیر دے شعراں دا جے چھندا بندی دے رکنناں دا تجزیہ کریئے تاں رکن گھٹ ودھ جاندے
نیں جنہاں نوں ہیر گا کے پڑھن والے لمی ہیک لاکے پورا کر لیندے تے سنن والیاں نوں محسوس نہیں ہوندا۔ اس طراں ہیر دے
شعراں دے رکنناں دی گھاٹ وادھ نال ہیر دی لے طرز تے سُر آہنگ وچ کوئی فرق نہیں پیندا۔
وارث شاہ دی ہیر دے ایہہ مصرعے اپنے اندر بیان ہوئی سچائی دے ست پھبویں ڈھکویں ڈھنگ تے لوکائی وچ
ورتارے پاروں اکھاناں داروپ دھار چکے نیں۔ صدیاں گزرن پچھوں دی ایہہ دیوے مادیت دے جھلدے جھکڑاں وچ وی
لوکائی وچ چانن ونڈ دے سدھی راہ سو جھاندے نیں پئے۔ حیاتی دے دکھ وکھ پکھاں بارے وارث شاہ ہوراں دے ایہہ مصرعے
انملے ہیرے نیں۔ ایہناں دے ذریعے پنجابی لوک ادب وارث شاہ تے اوہناں دی ہیر راہندی دنیا تائیں پنجابیاں دے
دلاں وچ زندہ راہسن۔

فقر

وارث شاہ اوہ سدا ای جیوندے نیں جہاں کیتیاں نیک کمائیاں نیں۔

اس مصرعے وچ وارث شاہ مخلوق نوں ایہہ سنیہا دتا پئی ہمیشاں دی حیاتی صرف اوہناں خوش نصیباں نوں ملدی اے جہاں اس دنیا وچ نیک کمائیاں کیتیاں نیں۔ ہن ڈھونڈ اس گل دی کرنی اے پئی اوہ نیک کمائیاں کیہڑے کم کرتے رو جھے نیں جیہڑے بندے نوں امر کر دیندے نیں۔ سبھ توں پہلاں ایہہ ویکھنا چاہیدا کہ فقر کیہ اے تے ایہہ اپچھاں مڈھو کتھوں بجھیا اے۔ فقر عربی زبان دالفظ اے ایہہ امادہ ف+ق+ر ہے کجھ صوفی سوچھواناں ف توں مراد فاقہ ق توں مراد قناعت تے ر توں مراد ریا کاری توں بچنا اے۔

فقریاں تصوف جس واسطے انگریزی زبان وچ (Mysticism) دالفظ ورتیاں جاند اے۔ فقر پوری دنیا وچ دکھو دکھ ناناں نال ہر سہے وچ موجود رہیا اے۔ ایہدی تاریخ انسان دی تاریخ جنی پرانی اے پر ایہہ گل ہر تھاں تے اوپری دسویں صدی اے پئی ایہدی کوئی پکی پیڈی تعریف کدائیں وی کسے مذہب یاں وسیب وچوں نہیں لہجی ای ایہدی وگن یاں کھلا رسارے داسارا بندے دیاں اندر لی قلبی وارداتاں، تجریاں تے دکھو دکھ حالات تک ہوندا اے۔ ایہدے مڈھلے سہے توں ای دو وڈے اصول نیں۔ پہلا خدا تے بندے دی آپس وچ گل کتھ دی نوعیت تے دو جہاں اصول بندے دی روح دا اس جتے وچوں نکل کے ذات مطلق اللہ تعالیٰ نال ملن۔ جینہوں مذہب اسلام وچ وصال آکھیا جاند اے۔ اسے واسطے صوفی فقیراں دے نیڑے موت دا عمل صوفی دی شادی سمجھی جاندی اے۔ صوفیاں دے وصال دے دیہاڑے نوں عرس آکھیا جاند اے۔ عرس توں ای عروسہ دالفظ بنیا اے۔ فقر دے وچ اندر لی وارداتاں ہر فقیر دیاں ذاتی ہوندیاں نیں ایہناں ہڈ ورتیاں وچ کوئی دو جہا بندہ شامل نہیں ہو سکدا۔ اس واسطے اک بندے دیاں اندر لی کیفیتاں نوں دو جہا بندہ پوری طرحاں محسوس نہیں کر سکدا۔ ایس واسطے ہر فقیر دے مجاہدے چلیاں دے تجربے تے مشاہدے بالکل ذاتی ہوندے نیں۔ تصوف دے بارے ایہہ گل سٹے دے طور تے ورتی جاندی اے پئی تصوف گلاں کرنا والا مسلک نہیں۔ ایہہ تاں سارے داسارا عملی طور تے کرن والا کم اے۔ ایہناں قلبی وارداتاں وچوں جیہڑا علم پُھٹدا اے اوہنوں باطنی علم آکھیا جاند اے۔ ایس علم نوں حواس نال نہیں پرکھیا جاسکدا۔ اس باطنی علم دے بارے غلام احمد پرویز لکھدے نیں۔

”نفسِ انسانی جب باطن کی گہرائیوں میں چلا جاتا ہے تو یہ وہاں اس حقیقتِ کل میں جذب ہو جاتا ہے جو کائنات کے رگ و پے میں جاری و ساری ہے اور اس طرح نفسِ انسانی اور حقیقتِ مطلقہ ایک ہو جاتے اور انسان بغیر کسی ذریعہ یا واسطہ کے تمام حقائق کا براہِ راست مشاہدہ کر لیتا ہے۔ چونکہ حقیقتِ مطلقہ تمام مادی اور محسوس نسبتوں سے بلند اور منترہ ہے اس

لیے نفسِ انسانی اس کے ساتھ اسی صورت پیوست ہو سکتا ہے جب یہ خود تمام محسوس اور مادی علاقے سے بلند اور منترہ ہو جائے۔ (۵۶)

اس مقام مرتبے نوں پاؤں واسطے دنیا دی ساریاں شیواں حتیٰ کہ بیوی بچیاں تے مادی دنیا دیاں لذتاں تے سواداں نال سمبندھ توڑنا پیندا اے۔ کجھ کامل فقیر تاں فقر دی اعلیٰ منزل تے مرتبہ ایس نوں آکھدے نیں جیہدے وچ فقیر ہر شے توں مکمل ہتھ کھچ لووے۔ ایہتوں تیک پئی ہر خواہش سدھر دل دے ارماناں نوں چنگی طرحاں کھرچ کے اندروں کڈھ دیوے ایہہ سدھروی نہیں ہونی چاہیدی پئی میں کوئی وڈا فقیر بنکیا ہاں بلکہ ہر ویلے اپنے آپ نوں گھٹیا ذلیل تے کمینہ سمجھے تاں کتے جا کے سلوکدیاں پوڑیاں بندا چڑھ سکدا اے۔

فقر دے وچ سب توں وڈی مراد تے منزل بندے داروہانی طور تے ذاتِ مطلق وچ مکمل طور تے جذب ہوونا ہوندا اے۔ ایہہ کم اس ویلے ہوندا اے۔ جدوں اک طالب طوری طرحاں اس دنیا دے ہر رشتے ناطے مال زردالو بھ حرص ہوس تے کام کرودھ ہنکار توں مکمل طور جان چھڈ الیندا اے۔ جس ویلے طالب ایس مادی دنیا توں پوری طرحاں بے نیاز ہو جاندا اے اس ویلے اتنا ہی اوہ داروہانی مقام مرتبہ ودھ جاندا اے تے اوہ حقیقت مطلقہ دا اک جز بن جاندا اے۔

دین اسلام دی تاریخ وال پچھانہہ پرت کے ڈنگھی جھات نال دیکھیے تاں پتہ چلدا اے پئی اللہ تعالیٰ دے آخری نبی حضرت محمد ﷺ تے اوہناں دے صحابیاں دے بعد صوفی فقیراں دی جماعت ہی اک اجیہا گروہ سی جس طوری دنیا وچ اپنی جاناں تے کھیڈ اسلام دی روح نوں زندہ رکھیا۔ ایہہ اوہ طبقہ سی جس خیر القرون دے بعد اپنے قلب و نظر دی صفائی ستھرائی تے اعلیٰ اخلاق دے ذریعے لوکاں نوں اُس ذاتِ حقیقی اللہ تعالیٰ نال اک پکا پیڈا رشتہ جوڑی رکھن دا ڈھنگ سکھایا تے ایہناں پاک سیرت لوکاں نیں بیوی بچیاں، مال دولت، وطن نسل تے وسیب وچ اچیاں عہدیاں تے نانواں توں بے نیازی تے بے زاری دیاں اوہ اپنا قائم کیتیاں تے اپنی حیاتی وچ اعلیٰ تے ریا کاری دکھا لے تون پاک عمل دے اوہ نمونے چھڈے نیں اوہناں وچوں ہر اک ایس ہمیر دے سہ وچ چائن دے مٹارے نیں۔ دین اسلام وچ اللہ تعالیٰ دے رسول حضرت محمد ﷺ توں بعد حضرت عثمان غنیؓ دی شہادت اتے آپس وچ مسلماناں دیاں جنگاں واقعہ کربلا تے فیر بنو امیہ تے بنو عباس دے وچکار حکومت واسطے لڑائیاں ہوئیاں تاں اس اوکھے ویلے دین اسلام دے پرچار تے لوکاں نوں دین اسلام دی اصل رنگن وچ رنگن دا کم سارا ایہناں صوفی فقیراں پوری دنیا وچ کھنڈ کے کیتا۔ ایہناں فقہ دے مسلکاں دے آپس وچ تعصب، سر پھٹول، منظر ہریاں تے ٹھیکے داری، تنگ نظری، فرقہ پرستی ذہنیت تے دکھا لے دی دین داری نوں للکاریاں تے لوکاں وچ امن، محبت پیار آپس وچ رواداری، سچائی، سادگی تے باطن دی صفائی اتے زور دتا۔ ایہناں صوفی فقیراں دی جماعت وسیب دے ہر طبقے توں لوک رلدے آئے ایہناں وچ ابراہیم بن ادھم جیسے لوک وی سن، جہاں باتشاہی چھوڑ کے فقر دا کم کیتا، فضیل بن عیاض جیسے وی

سن جہاں وچ ڈاکہ زنی دے پیشینوں چھوڑ کے فقر اختیار کیا۔

فقر دے طالب علم نوں ذات برداری دی حسب نسب توں تے نال ای وطن دے بُت توں آزاد کرایا جاندا اے۔ وارث شاہ ہوریں لکھدے نیں۔

”جیہڑا وطن تے ذات ول دھیان رکھے دنیا دار ہے اوہ درویش کیا“۔

اللہ تعالیٰ بندے دے اندر بیوی بچیاں مال دولت دی حرص ہوس لو بھتے ہنکار دیاں ابلیسی صفتاں رکھ دیتیاں نیں تے ایہدے نال نال پیار محبت، خلوص، رواداری تے ایثار قربانی ورگیاں جمالی صفتاں وی رکھیاں نیں شرتے خیر دیاں دونوں صفتاں ہر بندے دے اندر موجود نیں۔ ایہدے وچ اگلا اختیار ہر بندے کول اے پئی دل کرے تاں شر والے پاسے ٹر جائے یاں خیر والے پاسے ٹرے اتھے ٹرن وچ تاں بندہ خود مختار اے پر ایہناں کماں دے نتیجے اتے قدرت نہیں رکھدا۔ اللہ تعالیٰ دامکافاتِ عمل دا قانون ہر پل حرکت وچ اے۔ دلاں وچ گزرن والے باریک خیالاں تک دا اثر بندے دی ذات اتے پیندا جاندا اے۔ چنگے یاں مندے کماں دے اثر اں نال ای بندے دی ذات عملاں پاروں شکل بن دی رہندی اے۔ جدوں اوہ پوری ہو جاندی اے تے اخیر اک ویلے اللہ تعالیٰ ولوں بُلا وا آ جاندا اے۔ وارث شاہ ہوراں ایہناں مندیاں کماں تے فقر دانثار کر دیاں ہو یاں لکھیا اے۔

”کام کرو دھتے لو بھ ہنکار مارن جوگی خاک در خاک ہو جاونا“۔

ایس مصرعے وچوں ایہہ سبق وی ملدا اے پئی شہوت بازی، حسد دشمنی، مال زردی حرص لو بھتے وسیب وچ اُچا بن دے ہنکار تکبر نوں پہلاں مارنا پوند اے تے فیر فقر دے راہ اُتے ٹریا جاسکدا اے۔ نہیں تاں ایہہ ابلیسی صفتاں فقر دے پندھ نوں کھوٹا کر دیندیاں نیں۔ ایہناں صفتاں اتے قابو پان واسطے وڈا حوصلہ تے ہمت دی لوڑ ہوندی اے وارث شاہ ہوراں ایہناں روجھیاں نوں کھوہ گیرن نال تشبیہ دے کے لکھدے نیں۔

”اساں لاہ پنجالیاں جوگ چھڈے تسیں پھیر مر کھوہ نوں گیر دیاں ہو“

فقر دی تعلیم وچ سارے صوفیاں دا ایہو سبق اے پئی پہلے فقر دا طالب ایہناں ابلیسی صفتاں توں جان چھڈائے تاں اوہ اگا نہہ فقر دے راہ اتے قدم دھر سکدا اے۔ ایہناں ابلیسی طاقتاں جیہڑیاں وڈیاں مُنہ زور نیں ایہہ تاں اک پل وچ وڈے وڈیاں عبادتاں کرن والیاں زامداں، مفتیاں نوں ڈھاہ کے کنڈ لا دیندیاں نیں۔ فیر ایہہ مردیاں وی نہیں کیوں جے ابلیس نوں قیامت تائیں مہلت اے ایہناں دیاں وی جڑھاں بندے دے اندر نیں بندے نوں ڈھان واسطے ایہناں کول وکھو کھتے ون سونے ہزاراں ہتھیا ر نیں۔

ایہناں طاقتاں اتے قابو پان واسطے اکوای ریت تے طریقہ اے پئی فقر دا طالب سبھ توں پہلاں کسے کامل مرشد دے

ہتھ تے بیعت ہووے کامل مرشد دی روحانی طاقت پاروں طالب نوں ایہناں طاقتاں اتے قابو پاؤن وچ مدد ملدی اے تے انج فقر دے راہ کھلے جانے نیں۔ وارث شاہ ہوریں ایس بارے وچ لکھدے نیں۔

”بناں مرشداں راہ نہ تھ آوے دودھ باجھ نہ رچھدی کھیر میاں“

وارث شاہ ہوراں ایس مصرعے وچ ایہہ اک ٹھکواں فیصلہ کر دتا اے پئی جویں دودھ توں بناں کھیر نہیں رچھدی بھانویں باقی شیواں اپنی تھان تے پوریاں وی ہون دودھ باجھ کھیر نہیں رچھ سکدی اک اٹل قدرت دا قانون ایں انجے ای فقر داراہ وی مرشد باجھوں نہیں لکھدا۔ فقر دے اندر ایہہ مڈھ قدیم توں اک پکی پیڑی ریت ٹری آوندی اے پئی ہر طالب نوں پہلاں کسے مرشد دی بھال کرنی پوندی اے۔ ہر سسے وچ ہر صوفی فقیر مرشد دی لوڑ نوں اپنی اپنی بولی تے ڈھنگ نال وچ بیان کیتا اے حضرت سلطان باہو مرشد دی لوڑ تے اہمیت بارے اپنے اک بیت وچ لکھدے نیں۔

”جاگ بناں دودھ جمدے ناہیں بھانویں لال ہوون کڑھ کڑھ کے“ (۵۷)

ایس مصرعے وچ حضرت سلطان باہو ہوراں وی اک اٹل فطری قانون دا استعارہ ورت کے ایس ریت اُتے مہر لا چھڈی اے پئی جویں دودھ بھانویں جناڈھیر ہووے تے کڑھ کڑھ کے لال ہو جاوے اوہ جم نہیں سکدا جتنے تائیں قدرت دے قانون موجب ایس دودھ نوں لسی یاں دہی دی جاگ نہ لگے۔ انجے ای فقر دے راہ اتے وی کوئی طالب مرشد دی مدد توں وکھ نہیں ٹرسکدا کیوں جے ایہہ وی پل صراط وانگوں وال توں باریک تے تلوار نالوں تکھی اے فیر اس راہ اتے ایہہ ابلیسی طاقتاں کسے نہ کسے نوں توں نوں روپ وچ راہ مارن واسطے راہ ملی پٹھیاں نیں۔ فقر دے راہ اتے ڈھیر ٹوے بٹے اُچے نیویں لانگھے نیں جیہناں وچوں سلامتی نال اوہ منزل تے اپڑا سکدا اے جیہڑا ایہناں راہواں لانگھیاں دا اچھی طرحاں واقف ہووے خود لانگھیا ہووے۔ ڈاکٹر سلطان الطاف علی مرشد دی لوڑ تے اہمیت بارے لکھدے نیں۔

”نظر مرشد اور ہدایات مرشد کے بغیر نفس کا سر نہیں توڑا جاسکتا اور پاکیزگی نفس حاصل نہیں

ہوتی جو صوفی کا اصل وصف خاص ہوتا ہے“۔ (۵۸)

مرشد دا وسیلہ فضیلت توں ہزاراں درجے اعلیٰ ہوندا اے کیوں جے نفس نوں گناہ عذاب دا علم گناہ دی لذت توں نہیں بچا سکدا پر کامل مرشد دا وسیلہ گناہ توں بچالیندا اے۔ مرشد اپنی نگاہ دے فیض نال طالب نوں بیوی بچیاں مال زردے لو بھ حرص ہوئیں ایہو جیہاں ہور شیواں توں بے نیاز کر دیندا اے۔

فقر دی تعلیم وچ ایہہ جگ فناہ دا مقام اللہ تعالیٰ دا قرآن مجید وچ ایہہ فیصلہ اے اللہ تعالیٰ دی ذات توں وکھ دنیا دی ہر شے فناہ ہو ویسی۔ وارث شاہ ایس گل نوں ایہناں لفظاں وچ بیان کیتا اے۔

”سمھو جگ فانی کورب باقی حکم کیتا ہے رب رحمان میاں“۔

فقروچ صوفی اپنی نفسانی خواہشاں ارماناں نوں مار کے اک طرحاں دی فنائیت اختیار کر لید اے۔ ایہو سمجھ کجھ مرشد دے کرم نال اسے دنیا اتے بیوی بچیاں وچ رہندیاں ہوياں روزی رزق کمندیاں ہوياں وی ہو جاندا اے۔ ایہدے واسطے جسم نوں وڈھنا لکنا نہیں پوند اجنگلاں تے غاراں وچ چلے کشیاں دی لوڑ نہیں ہوندی ایہدے وچ تاں بندے دی اپنی اندرلی دنیا نال اک جنگ ہوندی اے۔ نفس دی اس لڑائی وچ کامل مرشد دی مدد نال طالب ساریاں لانگھیاں وچوں سوکھا لنگھ جاندا اے۔ وارث شاہ ایہناں گھاٹیاں وچوں ای لنگھن بارے لکھدے نیں۔

”اک فقرای رب دے رہن ثابت ہو تھر کدے اہل خزیناں دے“

نفس دیاں ایہہ خواہشاں مکدیاں وی کوئی نہیں۔ کیوں جے ایہناں دیاں جڑاں دل وچ ہوندیاں نیں ایہناں نوں وی ہمیشاں ہمیشاں دی حیاتی حاصل ہوندے اے۔ ایہہ گل عام ورتارے وچ ویکھن گوچری اے بندے دے وجود وچ ویلے دے نال نال تبدیلیاں آندیاں نیں۔ عمر و دھن دے نال جُتے دے سارے حصے کمزور ہوندے جاندے نیں پر نفس دیاں ایہہ خواہشاں کام کرو دلوبھ تے موہ ہنکار سدا سجریاں تے جوان رہندیاں نیں۔ مرن ویلے تاں ایہہ راہزن خواہشاں وکھو وکھ روپاں وچ ساہمنے آکے بندے دے نیکی دے پندھ نوں کھوٹا کرن واسطے ٹل لاندیاں نیں۔ ون سوونے لالچ دیکے بندے دا دل پرچاندیاں رہندیاں نیں۔ ایہناں اتے قابو صرف فقر دی طاقت نال ای پایا جاسکدا اے۔ وارث شاہ ایہناں نفسانی خواہشاں دا علاج فقر دے وچ دسدے نیں۔

”حرص اک تے فقر دا پوے پانی جوگ ٹھنڈ گھتے وچ سینیاں دے“

وارث شاہ ہوراں ایس مصرعے وچ ایس دنیا دیاں لذتاں تے سواداں نوں اک داناں دتا اے تے نالے اس اک دا علاج وی فقر تے جوگ دسیا اے۔ پئی جدوں فقر دا پانی ایس اک اتے پوے تاں ایہہ بجھ ویندی اے تے جوگ نال سینیاں وچ ٹھنڈ پیندی اے۔

ساڈے وسیب وچ چلدے ویہار دیاں نویاں سوچاں وچ فقر تے جوگ نوں وکھ وکھ سمجھیا جاندا اے۔ عام پڑھے لکھے لوک فقر دا مڈھ اسلام نال جوڑ کے جوگ نوں ہندو مذہب نال جوڑ دے نیں۔ اسے پاروں اج کل کجھ سو جھوان رانجھے دی اوہدے دھید وناں پاروں ہندو سمجھدے نیں پئی اوس جوگ کسے مسلمان فقیر کولوں نہیں سی لیا حالانکہ اُس سے پنجاب وچ صوفی فقیر تھان تھان تے موجود سن کیوں جے حضرت بابا فرید مسعود الدین گنج شکر دے ہتھ اتے پنجاب دے وڈے وڈے قبیلیاں اسلام قبول کر لیا ہو یا سی تے آپ دے منن والے صوفی درویش پنجاب وچ موجود سن۔ نال ای ملتان وچ ایس سے سہروردیہ سلسلے دے بزرگ تے ہو کر کئی فقیر درویش موجود سن پر رانجھا جوگ لین واسطے دور دا پینڈا کر کے بالنا تھ کول جاندا اے حالانکہ پاک پتن تے ملتان جھنگ وچوں ٹلہ بالنا تھ نالوں نیہڑے سن۔ ایہہ گل ڈھونڈن دی لوڑ اے تاں جے ایہہ نتارا ہو جاوے پئی وارث شاہ

ہوراں رانجھیں جوگ لین لئی ٹلہ بالنا تھ کیوں گھلیا سی۔ ایہدے واسطے کچھانہہ تارنخ وچوں ناتھ جوگیاں بارے پھول تے پڑچول کرن دی لوڑ اے۔ احسان باجوه ناتھ جوگیاں دی تارنخ بارے لکھدے نیں۔

”اللہ بخشے اشفاق احمد ہوراں اک واری مینوں دسیا سی پئی ایہہ ناتھ جوگی حضرت رتن ناتھ ہندی دے بالکے سن اتے رتن ناتھ ہندی نبی کریم ﷺ ہوراں دے صحابی سن جو نبی پاک ﷺ ہوراں کول ۳۰ ورہے تائیں رہے تے اوہناں نبی پاک ﷺ ہوراں توں اپنی لمی عمر لئی دعا کروائی سی اتے اوہناں دی عمر ۶۳۰ سال ہوئی۔ اوہناں ایہہ وی دسیا پئی حضرت رتن ناتھ بارے آکھیا جاندا اے پئی اوہ پنجابی دے پہلے شاعر سن تے بڑے امی اللہ لوک سن۔ بنارس دے نیڑے ہندوستان وچ اوہناں دامزاراے۔ اوس دربار تے سارے ناتھ جوگی حاضری بھر دے نیں۔“ (۵۹)

ناتھ لفظ دے معنی بندے نیں نتھیا ہویا، آقا، مالک، خاوند۔ تنھن ایہہ وے پئی کسے دے تک وچ سوراخ کڈھ کے اوہدے وچ (رئی، نتھ) پادتی جاوے اتے اوس نوں اپنی من مرضی نال ٹوریا جاوے۔ ناتھ جوگیاں داجیون وی سگوں انج سی پئی اوہ جگ دی جلیھن وچ پھسان والے چکڑ کھو بے مایا، توں سدانچ کے رہندے سن اتے لوبھ ”کام“ کرودھ، موہ، ہنکار ولوں سدا کنڈ کری رکھدے سن۔ اوہ جتی ستی رہندے سن اتے صدق لنگوٹ نوں داغ نہیں سن لگن دیندے۔ انج اوہناں داسر گر کے من دتا جاندا اسی اُتے کنناں وچ مُند رے پادتے جانداے سن۔ اوہناں دا واس لوک وسوں توں دور ہوندا اسی اتے اوہ کسے زانی ول میلی اکھ نال دیکھن وی اوہناں نوں مناسی۔ اوہ ہر جمعرات نوں گردے حکم نال منکن لئی جدوں لوکاں دے دوارے جانداں تاں اکھاں سدانیویاں رکھدے سن۔ اتے اُتاناہہ جھاتی پان ولوں اوہناں نوں کرڑی ہٹک سی۔ اوہناں نوں کوئی پائی پیسہ یاں آٹا دانہ منکن دی آگیا نہیں سی۔ سگوں اوہ پکا بھوجن (کچی ہوئی روٹی) منگ لیاوندے سن۔ مڑ کے پورے اٹھ دن اوہ ہیومنکیاں روٹیاں پانی وچ بھیوں بھیوں کے کھاندے رہندے اتے اگلی جمعرات والے دیہاڑے مڑ کسے ہور سستی منکن لئی ٹر جانداے ایس لئی جو ہر اک چیلے لئی اگلی جمعرات مڑ اوسے ای پنڈ جان دی منا ہی سی۔ اوہناں چوں چو کھے مُنڈی (مُنے سراں والے گھونے) اتے ورلے والے چنڈا دھاری (جڑ کے رساں بنے ہوئے لمیں وال) دی ہوندے سن۔

ایسے کارن اوہناں دے گورو (گر سکھاؤں والے نکھیا دیون والے) اوہناں نوں پہاڑاں اتے انج دیاں اوکھیاں رہن تھاواں تے لے جانداے اتے او تھے رکھ کے اوہناں کولوں تپسیاں (چلہ) کراندے اتے باراں باراں سال اوہناں کولوں پانی اتے ہور لوڑی دیاں وستاں ڈھواندے رہندے اتے انج اوہناں دے سریر وچوں آہلک اتے سکھ نال پیار کرن والی ستا ای مُکا دھردے سن۔ اوہناں چیلیاں وچ للو پنچولوک نہیں سن سگوں راجیاں مہاراجیاں اتے بادشاہاں دے پتر وی ہوندے سن جو

جگ دے دُکھاں اتے پریشانیاں دے پتے اتے اوہناں بابیاں دی ٹھنڈی چھاں مانن اوہناں کول تڑ جان دے سن۔ اوہناں وچ ساڈے سامنے پورن دی مثال اے جو سیالکوٹ دے راجے سلوان دا پتر سی۔ جدوں اوہدی ماترماں، لُوناں نے اوس نال بدکاری دی کھیڈ رچان دی سونہہ کھائی اتے اوس نوں پیار پیچے پان لگ پئی تاں پر پورن اوس نوں ماں آکھن تے سمجھن تے لگا رہیا۔ اوڑک ماترماں نے کوڑ اساری بنا کے اوس دے ہتھ پیر وڈھوا دتے اتے اوس نوں سیالکوٹ توں پر بت چڑھ دے ولے پنڈ کرول دے نیڑے اک کھوہ وچ سٹو ادتا جواج دی پورن دی نشانی وجوں وگدار گدا اے اتے بانجھ زنانیاں لکھ ہری ہوون دی آس وچ تن اتواراں اوس کھوہ دے پانی نال نہان دیاں نیں اتے اللہ سوہناں اوہناں دی آس پوری کر دیندا اے۔ ناتھ جوگیاں بارے احسان باجوہ لکھدے نیں۔

”ناتھ جوگیاں دی اک گل ہو روی مشہور اے پئی اوہ اپنے استھان تے مچ (اگ دا بھانھر) ہر ویلے لائی رکھدے سن اتے اوس وچ اگ نہیں بجھن دیندے۔ بالنا تھ د مزار سری نگر دے نیڑے اک وتی وچ اے۔ او تھے اوہناں نوں بالانا تھ پیر آکھیا جاندا اے۔ اتے اوس نوں اوس پنٹھ دے فقیراں دا سرموہری سمجھیا جاندا اے۔ او تھے اج وی ہر جمعرات نوں میلہ لگدا اے اتے دوروں دوروں لوک او تھے حاضری بھرن لئی آوندے نیں۔ پاکستان بنن توں اگدوں دی گل اے پئی اکواری مالن شاہی ملنگاں دا مچ کسے وجہ پاروں بچھ گیا سی تے اوہ بال ناتھ دے مزار دے مچ توں بلدی اگ لے کے پنڈی بھٹیاں اڑے سن۔“ (۶۰)

کھوہ دے لاگے جدوں گورکھ ناتھ دا سنگ آن لتھا تاں اوہ دے کسے چیلے نے کھوہ وچ اوہنوں ویکھیا تاں نورانی مکھڑے دیاں ڈلہکاں دی مار نہ جھل سکیا۔ اوہ ٹھٹھاٹھا گیا اتے اپنے گوروں نوں جادسیا پئی کھوہ اندر کوئی کامل مرد نظر آیا اے۔ جیویں آکھدے نیں چنگیائی یاں نیکی اتے اصول پرستی کسے مذہب دی محتاج نہیں ہوندی سگوں ہر مذہب اوہدا محتاج اے۔ قرآن پاک وچ وی آؤندا اے۔

”اے محمد قیامت دے دن دو جیاں تو ماں وچوں کچھ اجیے لوک اٹھائے جاسن جیہناں دے مقام مرتبے نوں ویکھ کے تہاڈے اُمتی آکھن گے کدی ساڈا وی ایہہ مرتبہ ہوندا“۔ پورن وی اپنے سچ ویسی قدراں اُتے رب دے بنائے اصول تے اڈ کے اپنے ہتھ پیر وڈھوالے پر اپنے ازل دے سچے اصولوں پیر پچھا نہ نہیں سی دھریا۔ ایس کارن اوس داناں جگ تے سدا زندہ رہنا ای سی اتے مالک نے اوس نوں چنگا سبب لانا ای سی۔ ایہو ای ہو یا اتے گورکھ ناتھ ہو راں آکے اوس نوں کھوہ وچوں کچی تند نال کڈھیا اتے انج اوہ گورکھ ناتھ دے سنگ رل کے ”پورن ناتھ“ بن گیا۔ گورکھ دے معنے وی گھنجل دے بن دے نیں۔ پرانے سمیاں اندرویاہ توں اگلے دن کچی تند دی چھل دے دھاگے وچ گھنجلاں پا کے اوہناں نوں کھولن لئی نویں بنے لاڑی لاڑے نوں

اکٹھیاں بٹھاتا جاندا سی۔ اتے اوہناں نوں اوہ گھجلاں کھولن لئی آکھیا جاندا سی۔ انج سچ ویاہے میاں بیویں دا آپو وچ کون بولناتے ویکھن چاکھن بن جاندا سی۔ سو گورکھ ناتھ دے معنے بن گئے، حیاتی دیاں گھجلاں نوں من مرضی نال کھولن دا ول جانن والا گورکھ ناتھ کسے نوں نتھیا نہیں جاندا سگوں جو گر ہے پان والیاں شیواں نوں من مرضی دے دھاگے نال نتھ کے رکھدا اے اتے جو نفس اتھرے نوں نکیل پا کے رکھدا اے اوہ گورکھ ناتھ اے۔ انج ای جو کاملیت نوں اپنے عمل اتے کردار دی سوئی وچ پروکے رکھدا اے اوہ ”پورن ناتھ“ اے۔ ناتھ جو گیاں دے ناں ویکھو رتن ناتھ (قیمتی پتھر)؛ مچھندر ناتھ (وڈیاں چُجھاں والا) سدھ ناتھ (کامل پورا)؛ بدھ ناتھ (جانیا ہویا، مشہور)؛ جالندر ناتھ (پانی نوں قابو کر کے رکھن والا)؛ بالناتھ (جوانی دے ہڑنوں سانجھ کے رکھن والا) اتے انج دے ہور سارے سن۔

ہیر وارث شاہ نال ناتھ جو گیاں دی چوکی سانجھ اے۔ رانجھا جدوں دنیا داری دی چاکری کرن، سیالاں ولوں چٹا جواب لے کے ہیر دے ویاہ ہو جان مگروں نراس ہوندا اے تاں اوہنوں جگ جھیڑیاں اندر کامیابی دی کوئی راہ نہیں دسدی تاں اوہ جوگی ہون لئی کسے کامل مرشد دی راہ لبھدا ہویا جہلموں لبندے جو گیاں دے ٹلے جا پڑدا اے۔ وارث شاہ رانجھے تے بالناتھ دی گل کتھ نوں ایس طرحاں بیان کیتا اے۔

”ٹلے جا کے جوگی تھے ہتھ جوڑے سانوں اپنا کرو فقیر میاں
تیرے درس دیدار دے ویکھنے نوں آیا دیس پردیس نوں چیر میاں
صدق دھار کے نال یقین آیا اسیں چیلوے تے تسیں پیر میاں
بادشاہ سچا رب عالماں دا فقر اُس دے ہین وزیر میاں
بناں مرشداں راہ نہ ہتھ آوے دودھ باجھ نہ ہندی ہے کھیر میاں
یاد حق دی صبر تسلیم پہنچا تساں جگ دے نال کیہ سیر میاں
فقر کل جہاں دا آسرا ہے تابع فقر دے پیر تے میر میاں“ (۶۱)

بالناتھ وی اپنے جینتھ دا جوگی سی تے اوہدا باطن روشن سی۔ اس واسطے اس جان دیاں سارای رانجھے دے اندروں باہروں جہات پائی سی تاں ای پہلی ملاقات وچ ای جوگ دے کے نہال کردتا۔ ٹلے جو گیاں دے ایس سے بالناتھ جو گیاں دا اوہ وڈا گروسی تے مسلماناں تے ہندوواں وچ اوہدی اکوجیہی مانتا سی۔ اس واسطے جوگ لین واسطے رانجھا ٹلہ جو گیاں گیا آہا۔ فقر دے اندر کبر ہنکار توں بچن واسطے خاص طور تے زور دتا جاندا اے کیوں جے کبر ہنکار داراہ تے وطیرہ ابلیس دا اے۔ فقر دے اندر کبر ہنکار دی تھاں عاجزی تے مسکینی دا سبق دتا ویندا اے پئی فقر دے پاندھی ہر حال وچ طاقت تے اختیار رکھ دیاں ہو یاں وی عاجزی تے مسکینی اختیار کرے فقیر اتے کوئی ظلم زیادتی وی کر لے تاں اوہ طاقت رکھ دیاں ہو یاں وی بدلہ نہیں لیندا۔ فقیر فقر دے

راہ وچ پیش پیش آؤ والی ہر سختی مصیبت نوں رب دی رضا من کے صبر کر دے نیں۔

حضرت محمد ﷺ دی ذات پاک جدوں نبوت داد عویٰ کیتا تاں مکے والیاں ہر طرحاں دبا بیکاٹ کیتا پر جدوں آپ ﷺ نے مکہ فتح کیتا تاں اُس دن آپ دے دشمن تھر تھر کنبدے پئے سن پئی آپ ﷺ سارے بدلے لیسن پر آپ ﷺ نے اپنے سارے دشمنان نوں معاف کر دتا تے اپنے وڈے دشمن ابوسفیان دے گھرنوں دارلپناہ قرار دیدتا تے دنیا تے اک نویں مثال تے ریت قائم کردتی آپ ﷺ چاہندے تاں آپ گن گن کے ہراک توں بدلے لے سکدے سن۔ آپ ﷺ دے سارے دشمن اوس دن آپ ﷺ دے ساہمنے بے بس سن۔ طاقت رکھدیاں ہوئیاں آپ ﷺ نے سبھ نوں معاف کر دتا۔ پوری دنیا دی تاریخ وچ ایہو جیہی مثال نہیں لہدی۔

آپ ﷺ جدوں اسلام دی تبلیغ واسطے طائف شہر وچ گئے تاں او تھوں دے لوکاں آپ ﷺ نوں پتھر مار کے لہولہاں کر دتا تاں اوس ویلے اللہ تعالیٰ اک فرشتہ آپ گول گھلیاں پئی جے آپ حکم دیوں تاں طائف دے لوکاں نوں پہاڑاں دے وچ پیہہ کے رکھ دیاں پر آپ ﷺ جواب دتا نہیں ایہہ لوک مینوں پچھاندے نہیں اس واسطے میں ایہناں نوں معاف کر دتا اے ایہناں دیاں نسل وچوں لوک اسلام نوں قبول کر لین گے ایہہ فقراے۔ فقر دا مڈھ آپ ﷺ توں بجھیا اے آپ ﷺ دی ساری حیاتی فقر دے چاہیواناں واسطے اک اعلیٰ نمونہ اے۔

صوفی دی نظر ہمیشاں اگلے جہان تے رہندی اے۔ ایس دنیا تے پیش آؤن والیاں اوکڑاں مصیبتاں نوں کھلے متھے رب دی رضا سمجھ کے راضی رہندے نیں۔ فقر دی دنیا وچ شکایت بدلہ لین تے نمائش دی کوئی تھان نہیں اے اس واسطے صوفی ایہناں شیواں تے رولیاں توں دور نساں اے۔ صوفی وی نظر اپنے اٹھن والے ہر قدم اتے رہندی اے تے انج ہر ساہ نال صوفی اللہ تعالیٰ دا ذکر کریندا اے تے نال نال ای اپنے عملاں دا آپ احتساب وی کریندا رہندا ایس طرح ہر ویلے صوفی فقیر لوک اپنی صفائی ستھرائی داکم وی کردے رہندے نیں۔ صوفی مادی آسودگی تے جسم پروری توں ڈھیر نفیس دی صفائی ستھرائی اتے توجہ دیندا اے۔ اپنے آسے پاسے عام لوکاں توں وی دین دی اصل روح دسی تے لوکاں نوں اپنیاں حیاتیات دین اسلام دے مطابق رنگن وچ راہ نمائی کیتی۔ صوفی رنگ نسل ذات برادری دیاں ساریاں حداں نوں مکا کے ساری مخلوق نوں ذات مطلق دی وحدت دی لڑی وچ پرو دیندا اے۔ صوفی حسد، بغض تے کرو دھ جیہاں بیماریاں نوں محبت دی نشر چلا کے گندا خون کڈھ کے نفیس نوں پاک صاف کر دیندا اے۔ میاں محمد بخش کھڑی شریف فقر دی اس منزل بارے اپنے نویکلے ڈھنگ نال لکھدے نیں۔

”پیر طیب اسیں سبھ روگی غفلت مرض ودھائے

اسے دے ہتھ دیئے بانہہ ویکھ نبض دکھ پائے

نشر مار محبت والی ہفت اندام چھڑائے

کڈھے لہو غلیظ بدن تھیں شربت صاف پلائے
 کام کر دوہوں لو بھ ہنکاروں مٹھیوں رکھ کر ائے
 پھلکاں دال غذا الونی اوہ بھی گھٹ کھوائے
 ناں مردی دی پھک پھکی کرناں جو فرمائے
 ملیاں کامل وید محمد خبر ہوئی دکھ جائے“ (۶۲)

اتے لکھے مصرعیاں وچ میاں محمد بخش ہوراں فقر دی ساری کہانی نوں جویں دریا کوزے وچ بند ہوون والی گل کروکھائی
 نفس نوں کام کر دوہ لو بھ موہ تے ہنکار جیہاں ابلیسی صفت بیماریاں جیہڑیاں نفس نوں اپنے شکنجے وچ قید کیتی پٹھیاں نیں تے
 بندے نوں اپنی مرضی نال گناہ دی وادی وچ منہ زور گھوڑے وانگوں دوڑاندیاں نیں۔ نفس نوں کام دیاں لذتاں مال دولتاں
 تے حکومت دے لالچ وچ انج پھسا چھڑ دیاں نیں پئی بندہ کسے پاسے جوگا نہیں راہندا تے اوڑک بندے داسروڈھا کے
 کھلون دیاں نیں۔ میاں محمد بخش ایہناں منہ زور طاقتاں نوں قابو وچ لیاون دا پکا پیڈا نسخہ تے علاج پیار محبت دسدے نیں پئی
 کامل مرشد عشق دی نشتر نال نفس دے جتے وچوں گند اخون کڈھ کے پیار محبت رواداری تے قربان ہوون داسوہناں صاف ستھرا
 شربت پلا دیندا اے جیہدے نال نفس نوں پاکیزگی ملدی اے۔ ایس توں اگا نہہ فیر مرشد فقر دے طالب نوں کھاون پیون
 دیاں لذتاں وچوں کڈھ کے گھٹ توں گھٹ غذا تے لے آوند اے۔ صرف جیون دی لوڑ جوگا ای کھواندا اے تے ایہدے وچ
 وی سواداں چسکیاں توں وی بچاندا اے۔ اس واسطے لون توں بغیر غذا کھواندا اے۔ ایس علاج وچ سبھ توں ودھ کے شہوت بازی
 توں ڈکن واسطے نامردی دی پھکی دیندا اے۔ جیہدے نال طالب نامرد ہوویندا اے تے اوہنوں فیر شہوت دا خیال وی نہیں
 آندا۔

جدوں فقر دے راہ وچ اک طالب اتھے اپڑدا اے تاں فیر اوہدی نظر وچ ڈھیر ساری وڈی وسعت پیدا ہو جاندی
 اے۔ اوہنوں فیر دنیا تے کوئی غیر نہیں دسد۔ ہر اک شے وچوں اوہنوں ذاتِ مطلق دا جلوہ ای نظر آوند اے۔ فیر اوہو ایس
 کائنات دی نکی جیہی مخلوق کیڑی نال وی پیار کردا اے تے ٹردیاں ہویاں فیر اوہ اپنے قدم دی سوچ سمجھ کے رکھدا اے تاں جے
 کتے میرے پیراں تھلے کوئی کیڑا مکوڑا نہ مدھا جاوے۔ فیر اوہ جنگل وچوں ساوے رکھ دی اک چھامک تاں دور دی گل رہی اک
 پتہ وی نہیں توڑدا کیوں جے فقیر نوں اک اک ذرے وچوں ذاتِ مطلق دے جلوے لاٹاں مار دے نظریں آوندے نیں۔ ایس
 توں ہورا گانا نہہ ودھ فقر دا طالب نفس تے آفاق دی وحدت وچ گم ہو جاند اے۔ فیر ساری کائنات اوہدے اندر سماویندی اے
 اوہدی نظر چوداں طبقات وچوں پار ہوویندی اے۔

خواجہ محمد عمر خوشابی فقر وچ وحدت دی اس منزل بارے لکھدے نیں۔

”ایتھے کچھ نہیں دسد الف سوا

اوہو واحد جلوہ گر بیٹھا

ایتھے غیر دانا نشان نہیں

ہر ذرہ نور انور بیٹھا

عمر خوشابی شد نابود

اوہو واحد اکبر ہر بیٹھا“۔ (۶۳)

وارث شاہ آپ قصہ وی ہیر رانجھے دے اخیر اتے نتارا کر کے دس دتا اے پئی اصل وچ ایہہ ساری کہانی ہر بندے دی اپنی کہانی اے ہیر دی کتھا دیاں ساریاں تھانواں تے سارے پاتر بندے دے اندر موجود نیں۔ ایہہ ساریاں کھیڈاں بندے دے اندر موجود نیں۔ صرف اپنے اندر جھاتی مار کے دیکھن دی لوڑ اے۔ مڈھلی لوڑ ایہہ وے پئی کوئی کامل مرشد دیکھن والی پاک نگاہ کر دیوے فیر بندے نوں ہر شے اپنے اصلی روپ وچ نظر آندی اے۔

وارث شاہ اپنے سبھ توں وڈے شاہکار ”ہیر“ دے اخیر اتے ایس سارے لمے چوڑے قصے دی اصل حقیقت کھول کے بیان کر دیاں ہویاں لکھدے نیں۔

”ہیر روح تے چاک قلبوت جانوں‘ بالنا تھ ایہہ پیر بنایائی

پنج پیر ایہہ پنج حواس تیرے جنھاں تھاپناں تدھ نوں لایائی

قاضی حق جھبیل نیں عمل تیرے عیال منکر نکیر ٹھہرایائی

کوٹھا گور عزرائیل ہے ایہہ کھیڑا جیہڑا البند وہی روح نوں ڈھایائی

کیدو لنگا شیطان ملعون جانو، جس نے وچ دیوان پھڑایائی

سیاں ہیر دیاں رن گھر بار تیرا، جنھاں نال پیوند بنایائی“ (۶۴)

ہو رصونی شاعراں وی ہیر رانجھے دی رمز نوں فقر دے بیان وچ اپنے اپنے ڈھنگ نال ورتیا اے۔ سبھ توں پہلاں فقر دی دنیا وچ مادھولال حسین اپنیاں کافیاں رانجھن یا رطبیب دی رمز ورتی سی۔ ایہدے پچھوں تاں فیر تقریباً ہر صوفی فقیر ہیر تے رانجھے دی رمز نوں حقیقت دے بیان وچ ورتیا۔ رانجھے نوں ذاتِ مطلق واسطے رمز دے طور تے ورتیا اے تے کنیاں صوفی شاعراں جھنگ نوں ایس دنیا واسطے تے کھیڑیاں نوں نفسانی سکاں سدھراں دے طور اتے ورتیا اے۔

خواجہ محمد عمر خوشابی حقیقت دے بیان وچ ہیر تے رانجھے دی رمز نوں اس طرحاں ورتیا اے۔

”آوڑیا جھنگ سیالیں چودھری تخت ہزار اے

چن سورج روپ سیالیں چمکن نشہ سمندروں پار اے

من کان للہ رانجھے دی گفتار اے
 میں جھنگ سیالاں دی عاجز جی ایہہ میرا غمخوار اے
 ہیر تتی تے پے گیا جلوہ غیر ہويا فی النار اے
 صبغة اللہ رنگ اولہ جلوہ گری ہر بار اے
 صبغة اللہ رنگ بھری گیا آن ہويا دیدار اے
 صورت پیر دی بن کے آیا میم صورت دلدار اے“ (۶۵)

فقروچ اس نظریے نوں وحدت الوجود آکھدے نیں۔ وارث شاہ اس نظریے دامن والاسی۔ اس واسطے ہیر وچ ایس
 نظریے نوں بیان کیتا اے تے قصے دے اخیر اُتے سارے قصے نوں وحدت دی لڑی وچ پرو دتا اے۔ ایہدے نال نال اوہنا
 ایس جگ نوں فنا دی جھوک لکھیا تے اس جگ اتے جیون نوں ریت دی کندھ نال تشبیہ دے کے اس نوں اکا ای عارضی شے
 دسیا اے۔

”وارث شاہ میاں انت خاک ہو ونا لکھ آب حیات جے پیونا جے

ایہہ جگ مقام فناہ دا ئے سبھا ریت دی کندھ ایہہ جیونائے“

پہلے مصرعے وچ وارث اس جگ اتے جیون دات تے سٹا کڈھ کے دس دتا اے پئی بندے دی حیاتی دا اخیر مر کے
 خاک وچ جار لٹا اے۔ ایس توں کوئی بچ نہیں سکدا۔ ایہد اک خاص ویلا لکھیا محفوظ اے۔ اوہ ویلا اک پل دی اگے کچھ نہیں
 ہو سکدا۔ ایس اگے کسے دے کائی واہ نہیں لگدی۔ ایسے مصرعے دے اخیر اتے ایہہ وی دسیا اے جے کوئی لکھ واریں آب حیات
 وی پی لووے تاں وی اخیر فناہ توں نہیں بچ سکدا۔ ایہہ گل مشہور اے پئی کدائیں اک چشمہ اے جیہد پانی جیہڑ اپنی لیندا اے
 اوہنوں فیر سدا دی حیاتی مل ویندی اے۔ اُس نوں موت نہیں آندی۔ اس چشمے دا کسے نوں کوئی پتہ نہیں۔ اج تاں کسے ویکھیا
 نہیں ایہدے نال ایہہ گل وی مشہور اے پئی حضرت خضر علیہ السلام ایس چشمے دا پانی پیتا ہويا اے۔ اس واسطے اوہناں نوں
 ہمیشاں دی حیاتی مل گئی اے۔ اس کائنات اتے دریاواں سمندراں دے پانیاں اتے اوہناں دی ڈیوٹی اے۔ کئی
 فقیراں دی حضرت خواجہ خضر علیہ السلام نال ملاقات وی ہوئی تے اوہناں نوں خواجہ حضرت خضر علیہ السلام روحانی فیض وی دتا۔
 جو پئی حضرت مادھولال حسین دی دریا راوی وچ حضرت خواجہ خضر علیہ السلام نال ملاقات وی ہوئی تے روحانی فیض وی ملیا۔
 وارث شاہ ہوراں اس پہلے مصرعے وچ اک ٹھکویں فیصلے دے طور تے ایہہ گل کیتی اے پئی جے کوئی بندہ آب حیات
 پی وی لووے تاں وی انت نوں فنا ہوون توں نہیں بچ سکدا۔ کیوں جے قرآن مجید وچ اللہ تعالیٰ نے اپنا فیصلہ کر دتا اے پئی ایس

دنیا اتے اللہ تعالیٰ توں وکھ ہر شے فنا ہو ویسی۔ وارث شاہ ہوراں ایس گل نوں ایس طرح بیان کیتا اے۔

”سبھو جگ فانی کہو رب باقی حکم کیتا رب رحمان میاں
سبھ خاک در خاک فنا ہوونا وارث شاہ پھر تنہا نوں عیش کیتا
سبھا کبر ہنکار گمان لدے آپ وچ ایہہ انت نوں ڈہیں گے نی“

اتھے وارث شاہ ہوراں نال ایہہ وی دسیا اے پئی جدوں دنیا اتے اس حیاتی دا انت فنا ہوونا اک پکا پیڑا اتے اٹل قانون اے تاں پھر بندے نوں ایہدی فکر کرنی چاہیدی اے۔ چنگے کم کرنے چاہیدے نیں برے کماں توں دور رہنا چاہیدا اے۔ ایس دنیا اتے لذتاں سواداں تے عیش ول ویکھنا ای نہیں چاہیدا۔ ایس جگ اتے جیون اک آزمائش تے امتحان وانگوں اے۔ ڈھیر فقیراں ایس دنیا اتے جیون نوں گھوڑے اُکا ای عارضی دسیا پئی جیویں پانی دا بلبل ہوندا اے۔ ایس دنیا نوں سراں دا ٹکانا دسیا سیانے لوک سراں وچ کچھ چر آ رام کرن واسطے رکدے نیں۔ جس ویلے ٹرن داسدا پیا اس ویلے سراں نوں چھڈ کے اگانہ نوں ٹرنا پے جاند اے۔ وارث شاہ ایس جگ اتے جیون نوں اک ہور نوٹیکلی تشبیہ دے ڈھنگ نال لکھدے نیں۔

”وارث شاہ وساہ کیہ زندگی دا ساڈی عمر ہے نقش پتاسیاں تے
خواب رات دا جگ دیاں سبھ گلاں دھن مال نوں مول نہ جھوریے جی
وارث شاہ جاں عاقبت خاک ہونا اتھے اپنی شان ودھائیے کیوں“

پہلے مصرعے وچ وارث شاہ ایس دنیا اتے جیون نوں پتاسیاں اتے نقش دسیا پئی ایہدا کیہڑا وساہ اے ایہدا کوئی اعتبار نہیں۔ ایس واسطے ایہدے اتے اعتبار کر کے اس جگ اتے وڈے لمے چوڑے پلال نہیں جوڑنے چاہیدے۔ دو جھے مصرعے وچ ایس دنیا دیاں سبھ گلاں تے کھینچاں رونق نوں وارث شاہ ہوراں اک خواب دسیا اے۔ جویں رات نوں کوئی خواب آندا اے جے اکھ کھل گئی تاں پتہ لگا پئی اوہ تاں سُنیاں ہو یاں اک خیال ای سی خواباں دیاں گلاں دا حقیقت نال تاں کوئی جوڑ نہیں ہوندا خواب تاں خواب ای ہوندے نیں۔

تیسرے مصرعے وچ فیروارث شاہ لوکاں نوں ایہہ مت دی گل دسی اے پئی جدوں ایس دنیا اتے جیون دا اخیر خاک وچ رلن اے۔ فنا ہو جاون اے تاں فیر اتھے شان ودھاوون وچ نہیں رجھنا چاہیدا اے دنیا اتے وڈے وڈے باتشاہ جویں سکندر دارا، نمرود، فرعون، بخت نصر، نوشیرواں تے اکبر اعظم تے ہور سبھے وڈیاں تاجاں، باتشاہیاں، وڈیاں فوجاں تے مال زراں خزانیاں دے مالک اخیر خالی ہتھیں اس خاک وچ جارلے۔ ایہناں شانناں تے مال دھن جوڑن وچ نہیں رجھنا چاہیدا۔ ایہہ سبھ کوڑا پساں اے۔ حضرت شاہ حسین مادھولال ایس دنیا دی حقیقت اک سوئی تشبیہ نال ایس طرح بیان کیتی اے۔

”کوڑی دنیا کوڑا پساں موتی شبنم دا“ (۶۶)

جدوں ایس دنیا دی حقیقت ایہہ وے تاں فیر بندے نوں اتھے بالکل عاجزی نال حیاتی گزارنی چاہیدی اے۔ مال دولتاں اکٹھیاں کرن دے چکر وچ نہیں پوونا چاہیدا۔ مال دھن دی حرص، لو بھ اک ایہو جیہی دلدل اے جیہدے وچ اک واریں بند جاوڑے تاں ایہدے وچوں کچھ نہہ پر تنہا دکھا ہو جاندا اے ایہدا۔ لو بھ ہر ویلے بندے نوں ہورا گانہہ ودھن واسطے کھچدار ہندا اے۔

فقر دے اندر کبر ہنکار توں وی ڈکيا گیا اے۔ کیوں جے کبر ہنکار داموڈھی الیس اے۔ جدوں اللہ تعالیٰ حضرت آدم علیہ السلام نوں سجدہ کراون واسطے فرشتیاں نوں حکم دتا تاں الیس توں دکھ سارے فرشتیاں سجدہ کردتا۔ جدوں اللہ تعالیٰ الیس کو لوں کچھیا پئی توں حضرت آدم علیہ السلام نوں سجدہ کیوں نہیں کیتا تاں اوس جواب وچ آکھیا پئی میں آدم توں افضل ہاں۔ اس تکبر پاروں اللہ تعالیٰ اوہنوں لعنتی آکھ کے کڈھ دتا۔ اس فقر دے اندر کبر ہنکار توں بچن اتے وی ڈھیر زور دتا جاندا اے۔ الیس توں بچن واسطے وارث شاہ ہوراں لوکائی نوں ایہناں مصرعیاں وچ ایہہ سبق دتا اے۔ پئی اس دنیا اتے جیون اُکا ای عارضی تھوڑے چر واسطے اے ایہدا انت خاک وچ جارلنا اے تاں فیر بندے نوں شان گمان کبر ہنکار نال جیون نہیں چنگا۔ ایہہ بندے دا آخرت دا پندھ کھوٹا کر دیندا تے بندے نوں ذاتِ مطلق دے قرب توں دور لے جاندا اے۔ اس توں اگانہہ وارث شاہ ایہہ وی دسیا اے پئی جہاں اک کامل مرد دلڑ پھڑ لیا تے اوہدے اتے پورے صدق یقین نال ڈٹ گئے تاں اوہناں نوں فیر فکر کرن دی لوڑ نہیں اوہ ایس دنیا اتے اگلے جہاں دونویں جہاناں وچ کامیاب ہون گے اوہناں اتے کوئی غم تے پریشانی نہیں۔ اس بارے وچ وارث شاہ دے ایہہ مصرعے دیکھو۔

”جہاں اک دے نانوتے صدق بدھا انہاں فکر اندیشہ کا سدائے

جہاں اک دار راہ درست کیتا تنہاں فکر اندیشہ کاہ دے نی“ (۶۷)

ایہناں مصرعیاں وچ وارث شاہ ایس دنیا اتے اگلے جہان وچ پریشانیاں دکھاں تے جھورے توں بچن دا ایہو اک راہ دسیا اے پئی جہاں لوکاں ایس دنیا اتے کسے اک کامل ہستی دے ہتھ اتے بیعت کر لی تے فیر پکے پیڑے ہو کے ڈٹ رہے۔ مرشد اتے پورا صدق یقین رکھیا اوہدے آکھ نوں موڑیا نہیں مرشد دے ہر حکم اتے لبیک آکھی اوہ لوک خوش نصیب نیں اوہناں نوں غم پریشانی نہیں ہووے گی۔ اوہناں دے نفع گھائے دا مذمہ دار مرشد ہوندا اے۔ کامل مرشد دی ہر پل اپنے مرید اتے نگاہ ہوندی اے۔ مرشد مرید نوں بھیڑے کماں توں آپ خود ای پچالیندا اے۔ کامل مرشد تاں بندے دے باطن اندروں نفس دیاں ساریاں بیماریاں نوں مکا چھڈا اے۔ مرید دے نفس نوں پاک صاف کر دیندا اے۔ ایس طرح ساک فقر دیاں راہواں اتے ٹرن دے قابل ہو جاندا اے تے ہولی ہولی مرشد دی نگاہ دے کرم پاروں سلوک دیاں پوڑیاں چڑھن لگ پیندا اے۔ انج اوہدی ایہہ دنیا تے اگلا جہان دونویں سنور جاندا اے نیں۔ ایس واسطے ایہناں مصرعیاں وچ وارث شاہ لوکائی نوں ایہہ سیانی مت

دیندے نیں پئی ایس دنیا تے اگلے جہان دی کامیابی ایس گل وچ اے پئی ایس دنیا دی حیاتی وچ ای دیکھ بھال کر کے کسے کامل مرشد دے بن کے پورے صدق یقین اوہدی ہر آکھی نوں منے۔ فیروہدا بیڑا پار اے۔ ایس دنیا وچ وی تے اگلے جہان دی۔ اوہ کامیاب ہن اوہناں نوں کسے پریشانی فکر تے غم دی لوڑ نہیں اوہدے ہر کم دامرشد ضامن ہو جاندا اے۔ مرشد کامل بارے وارث شاہ لکھدے نیں۔

”کل چیز فنا ہو خاک رسیں ثابت ولی اللہ دے رہیں گے وے“

ایس دنیا اتے جیہڑی موت آندی اے۔ اللہ تعالیٰ دے اولیاء لوکاں داملعاملہ وکھرا اے کیوں اللہ تعالیٰ دے ولی موت توں پہلے ای اپنے مرشد دے ہتھ اتے فنا ہیت اختیار کر لیندے نیں اوہ اپنے نفس نوں دنیا تے ای موت دے عمل وچوں گزار لیندے۔ نیں فیوجدوں ایس وجود نوں اک لکھے ویلے دے مطابق موت آندی اے تاں اوس نوں اولیاء لوک اللہ تعالیٰ دی ذات نال وصال آکھدے نیں۔ اسے اولیاء دے ایس دنیا توں ٹورے دے دن نوں شادی دے دن وانگوں ساریاں رسماں ریتاں پوریاں کر کے منایا جاندا اے۔ ایس واسطے وارث شاہ ایس گل دانتار کر کے دس چھڈیا اے پئی ایس دنیا اتے ہر چیز فنا ہو کے مٹی وچ رل ویسیں پر صرف اللہ تعالیٰ دے اولیاء نوں سدا دی حیاتی مل جاندی اے۔ اولیاء اللہ دے مزاراں تے دی اوہناں دے دنیا توں پردا وٹاؤن پکھوں وی فیض جاری رہندا اے۔ اوتھوں لوکاں دیاں مراداں پوریاں ہندیاں نیں اسے واسطے اتھہ وارث شاہ دی اتھہ ایہو موت اے پئی ایس دنیا تے ای کسے کامل مرشد دا لڑ پھڑ لتوتاں فیردونویں جہانیں کامیابیاں ملسن۔ فقر دے لوڑ ونداں نوں ہیر وچ وارث شاہ ڈھیر ساریاں متاں وی دیتاں نیں۔ جینہوں وچ ڈھیر سارے مصرعے اپنے اندر بیان ہوئی چھپائی دے ست تے پھبویں ڈھکویں ڈھنگ پاروں پنجابی زبان دے لوک ادب وچ اکھاناں داروپ وٹا چکے نیں۔ جینہاں دافکری ویروا ہو چکیا اے پراوہناں دے مضمون نال رلدے ملدے کجھ ہور وی اکھان ہیر وچ موجود نیں جیہڑے تھلے درج کیتے جا رہے نیں۔

- ۱۔ جو کجھ کہن فقیر سورب کردا آکھے فقیر دامول نہ دیسے نی۔
- ۲۔ بھلا بُرا جو دیکھیے مست کڑیے بھیت فقر دامول نہ دیسے نی۔
- ۳۔ ہتھ بٹھ فقیر تے صدق کیجیے نہیں ٹوپیاں سہلیاں کھسیے نی۔
- ۴۔ رب آن سبب جاں میل دائے خیر جاندی نال لئیے نی۔
- ۵۔ صلح کیتیاں فتح جے ہتھ آوے کمر جنگ تے مول نہ کیسے نی۔
- ۶۔ ایہ نہت ہنکار نہ مال رہندے کدی موت تحقیق پچھانیاں جے۔
- ۷۔ وارث شاہ سرائے دی رات وانگوں دنیا خواب خیال پچھانیاں جے۔

- ۸۔ رانجھا آکھدا خیال نہ پو و میرے شینہ سپ فقیر دادلیس کیا۔
 ۹۔ کونجاں وانگ مولیاں دلیس چھڈے اساں ذات صفات تے بھیس کیا۔
 ۱۰۔ اکھیں میٹ کے وقت لنگھا موئے ایہہ جہان ہے بدلاں چھانو ہیرے۔
 ۱۱۔ وارث شاہ میاں سبھے کم ہوندے جدوں رب ہندا مہربان میاں۔
 ۱۲۔ اوتھے خودی گمان منظور نائیں سردیجیے تاں بھیت جالینے۔
 ۱۳۔ وارث شاہ محبوب نوں تدوں پائیے جدوں اپنا آپ گوالینے۔
 ۱۴۔ منگ کھا ونا کم نہ کاج کرنا کچھ چارنا تے نہیں چونا جے۔
 ۱۵۔ نہیں دینی ودھائی پھیر جمنے دی کسے موئے نوں مول نہ روونا جے۔
 ۱۶۔ نام فقر دا بوہت آسان لینا کھرا کھن ہے جوگ کما ونا وو۔

فقر دے ایہناں بولاں یا اکھاناں وچ وارث شاہ دافن وی ہر مصرعے وچ ڈلھکاں ماردا نظریں آ وندا اے۔ وارث شاہ داسبھ توں وڈا فن دکھو کھ پیشیاں تے طبقیات دی اپنی حیثیت مطابق زبان دا ورتارا اے۔ مثال دے طور تے رانجھے دی زبان وچوں اوہدی جٹالی وسوں دا پچھو کڑ صاف جھلکارے ماردا نظریں آ وندا اے۔ انجے لڈن ملالیاں مسیت داملال ہووے مہر چوچک سیال تے اوہدی بیوی ملکی ہووے، ہیر ہووے یاں جھنگ دا قاضی ہووے، کیدو ہووے، مٹھی نائیں ہووے، سیدا کھیڑا راجہ عدلی دا قاضی ہووے یاں پہاڑی علاقے دیاں زنانیاں ہوں وارث شاہ ہوراں سبھ کولوں اوہناں دے اپنے طبقے تے وسیب وچ حیثیت مطابق گل کتھہ کرواتا اے۔ ہر پاتر دی زبان اپنے پچھو کڑ تے اپنی عمر دے مطابق اے۔ وارث شاہ دے ایس فن بارے سر عبد القادر مرحوم اپنے اک مضمون وچ لکھدے نیں۔

”ملاں ولوں جیہڑی بول چال اے۔ اوہدے وچ مسیت دیاں روٹیاں صاف نظر آ وندیاں نیں۔ رانجھے دے بولن وچ سادگی، ناتجربہ کاری تے چودھری دا پت ہوون دی آکڑ عشق دی سٹ تے گدار ہر شے کٹھی جھلک دی اے۔ ہیر دیاں گلاں وچوں دلفریبی دے نال الہڑ پنے دا انداز رکھ دیاں نیں ہیر دی نند دیاں باتاں خوشی تے شرارت داساتھ برابر بھانڈیاں چلیاں جانڈیاں نیں۔ کدھرے وید اپنیاں دواواں دیاں خاصیتاں دس رہیا اے تے کدھرے جو گیارنگ برنگ پنتھان دی تفصیل بیان کر رہیا اے“۔ (۶۸)

وارث شاہ نوں لفظاں نوں گھڑن وچ وڈا سچ سی اوہ لفظ نوں اپنے خاص نوبیلے ڈھنگ نال گھڑ کے ورتدے نیں پئی اوہدے معنیاں وچ ہور وی زور ودھ جاندا اے تے ایہدے نال اک خاص طرحاں داحسن تے نکھار وی پیدا ہو جاندا اے

جیہدے پاروں اوہ لفظ دل وچ کھب جاندے نیں جوئیں اک ایہہ مصرعہ اے۔

”جہاں ک داراہ درست کیتا تہاں فکر اندیشہ کاہ دے نی“۔

اس مصرعے وچ اندیشے توں اندیشہ لفظ دی نوئیں گھڑت نال ورت اے۔ ایس طرحاں دے ہور وی کنیاں تھانواں تے ہیر وچ ایہو جیسے لفظ لہجہ دے نیں۔ جوئیں جوگی توں جوگیڑا، جھگے توں جھگڑا اے وغیرہ۔ وارث شاہ کنیاں مصرعیاں وچ تشبیہاں تے استعاریاں توں وی کم لیا اے پرایہہ تشبیہاں تے استعارے اسے دھرتی دے نیں تے ایہناں وی ورت انج دے سچے تے پھویں ڈھکویں ڈھنگ نال اے پئی عام آدمی وی پڑھدیاں سنداں ساراں معنیاں دی اخیر لی تہہ تک اپڑ جاند اے جوئیں ایہہ مصرعے نیں۔

اساں لاہ پنجالیاں جوگ چھڈے تسیں پھیر مڑ کھوہ نوں گیر دیاں ہو

ایہہ جگ مقام فناہ دائے سبھا ریت دی کند ایہہ جیونائے

ایہناں اتے دتے دواں مصرعیاں وچ پنجالیاں نوں لاہ کے جوگ نوں چھڈ دینا تے اس جگ اتے جیون نوں ریت دی کندھ سوہنے استعارے نیں جہاں پاروں وچلے معنیاں تک اپڑ دیاں ہوئیاں کوئی دقت اوکھیا کی نہیں ہوندی فیر ایہہ استعارے پنجاب دی پنڈوسوں دے چنگے جانے پچھانے نیں جیہناں توں اک ان پڑھ پنڈو وی واقف اے۔

اتے دتے گئے مصرعیاں وچ تصویراں اُلکین وچ وی وارث شاہ داکمال فن نظر آ وندا اے۔ کھوہ توں داندیاں دی جوگ دیاں پنجالیاں لاہیاں تے ایس پکھوں فیر کھوہ نوں گیرن داحاورہ بوہت سوہنا اے۔ انج لگدا اے جوئیں وارث شاہ داقلم لکھن دے نال نال برش داوی کم کردا اے۔ جیہڑا ون سوونیاں وکھو وکھ رنگاں دیاں تصویراں وی اُلکد اجاند اے۔ ایہہ سچی گل اے پئی وارث شاہ دے اک اک مصرعے وچوں پنجاب دی ایس سہ دے وسیب دی ثقافت دا کوئی نہ کوئی پکھ جھلکارے ماردا دسد اے۔ انج ہیر وچ ایس سہ دا پورا پنجاب اپنے سارے رنگاں سمیت نظریں آ وندا اے۔

وارث شاہ عشق تے فقر دیاں بریک توں بریک خیالاں نوں وی پنجاب دی پنڈوسوں وچوں منے پر منے استعاریاں تے محاوریاں راہیں بیان کیتا اے۔ سید عابد علی عابد استعارے تے تخیل دے وچکارے تعلق نوں ایس طرحاں بیان کردے نیں۔

”علامتوں سے اصل حقیقت تک جانے کے لیے رشتہ تشبیہ کو سمجھ کر ہمیں مفہوم تک پہنچنا پڑتا

ہے۔ یہی وہ عمل تخلیق ہے جسے استعارہ یا تخیل کی کارفرمائی کہتے ہیں اور اسی کو فیضان الہی یا

وجدان کی جلوہ نمائی کہتے ہیں“۔ (۶۹)

وارث شاہ ہوراں دیاں تشبیہاں تے استعاریاں نوں ورتن دا اپنا اک خاص ڈھنگ اے۔ وارث شاہ دے ایس نویکلے

ڈھنگ دانچ پُٹنا اے جیہڑا اوہناں نوں ہیر دے دوجھے لکھاریاں نالوں بوہت اُچا تھاں تے مرتبہ دیندا اے۔ حسین شاد وارث شاہ دے فن دا ویروا کردیاں ہوئیاں لکھدے نیں۔

”منظر نگاری تے وسیب دی جانکاری، علم دے نال جڑت، حسن کاری، زبان اتے عبور تے شعر دے فن نال گوہڑی یاری نے وارث نوں ہیر رانجھے دے دوجیاں لکھاریاں نالوں بہت ای وکھری پہچان دتی اے۔“ (۷۰)

فقر دے بیان وچ آپ دا اک مصرعہ اے جیہڑا عام لوکاں وچ بہت مشہور اے۔

”بناں مرشداں راہ نہ تھ آوے دودھ باجھ نہ رچھدی کھیر میاں“

ایس مصرعے وچ مرشد نوں دودھ نال تشبیہ بہت سونے نوں بکلی اے۔ مرشد دی ذات اک اعلیٰ مقام رکھدی اے ایس واسطے دودھ توں دودھ سونے تشبیہ ہور کوئی نہیں مل سکدی۔ کیوں جے دودھ نوں اللہ تعالیٰ دا نور آکھدے نیں۔ مرشد دی نورانیت نوں دودھ دے نور ہوون نال رلا ونا تے ایس وچوں مرشدی فقر دے میدان وچ لوڑ تے اہمیت نوں اجاگر کر کے سامنے لیا ونا وارث شاہ دا اپنا خاص نوں بکلا ڈھنگ اے۔ فقر دے بیان وچ اک ہور مصرعہ ویکھو۔

”خواب رات دا جگ دیاں سبھ گلاں دھن مال نوں مول نہ جھورینے جی“

ایس مصرعے وچ وارث شاہ ہوراں ایس دنیا اتے مال دھن، حرص، لو بھ تے وسیب وچ اُچا ناں وناں بناون واسطے ساریاں کھینڈاں تے کہانیاں نوں رات دے خواب نال تشبیہ دے کے ایہدے معنیاں تے مطلب نوں انج دانتار یا اے پئی کائی کسر نہیں چھڈی جو یں کوزے وچ دریا نوں بند کردتا اے۔ دنیا دیاں ساریاں گلاں نوں رات داخاب آکھ ایہدی معنویت نوں اک سوہنا تے وڈا نکھار دتا اے۔ ایس فقر دے بیان وچ اک ہور مصرعے وچ ایس دنیا نوں سرائے نال تشبیہ دتی اے جیہڑی ایہدے معنیاں تے مطلب نوں ہور اُگھڑ نوں نال سامنے لیاندے اے۔

”وارث شاہ سرائے دی رات وانگوں دنیا خواب خیال پچھانیاں جے“

ایہدے وچ سرائے مشبہ بہ اے تے وانگوں حرف تشبیہ اے دنیا مشبہ اے۔ وارث شاہ دے کول ایہہ کمال دافن اے پئی جتھے جتھے تشبیہاں استعاریاں نوں ورتیا اے اوہ مصرعے اندر بیان ہوئی گل دے معنیاں تے مطلب نوں انج دانتار کے سامنے لے آوندے نیں پئی ایس پچھوں وچلی گل سمجھن وچ کوئی بھلیکھا نہیں رہ جاندا۔ بیان ہوئی حقیقت چٹے دینہ وانگوں ہر اک دے سامنے کھل آکھلندی اے۔ سید عابد علی عابد تشبیہ تے استعارے نوں ورتن دے ڈھنگ بارے لکھدے نیں۔

”تشبیہ ہو یا استعارہ جب تک اس کا مقصد یہ نہیں کہ مفہوم کی توجیہ توضیح کرے اس وقت

تشبیہ اور استعارے کے صنعت گری شعبہ گری ہے بلکہ خیرہ سری ہے۔ یہ وہ زیور ہے کہ

عروسِ سخن کو بہت سوچ سمجھ کے پہنایا جاتا ہے خوف یہ ہوتا ہے کہ ہلکے ہلکے طلائی کنگنوں اور

جڑاؤ بالیوں کی جگہ زنجیریں اور لوہے کے بالے نظر نہ آئے لگیں۔“ (۱۷)

ایہناں مصرعیاں وچ اک ہور وڈی خوبی اک خاص لے درہم تے رچاؤ اے جیہدے نال پڑھن تے سنن والیاں اتے چنگا چوکھا اثر ہندا اے۔ ایہدے نال ایہہ کلام فکر دی ڈونگھیا ئی دے نال نال ہور وی من کچھواں بن جاند اے۔

تقدیر

”بناں حکم دے مرن نہ اوہ بندے ثابت جہاں دے رزق دیاں ڈھیریاں نی“

اس مصرعے اندر وارث شاہ ہوراں مذہب اسلام دے سبھ توں وڈے مسئلے تقدیر بارے دسیا اے پئی مرن دا اک ویلا لکھیا ہویا اے۔ ایس توں اک پل اگے کچھ نہیں ہوسکدا۔ ایس دنیا وچ موت اک بوہت وڈی حقیقت اے جس توں کوئی مگر نہیں سکدا۔ موت دا ڈر ہر اک نوں ہر ویلے گھیرے گھتی رکھدا اے۔ موت اک ایہو جیہی حقیقت اے جس دا ساہمنہ ہر اک نوں مقررہ ویلے تے کرنا پیندا اے۔ پیر اولیاء تے پیغمبر ہر اک نوں موت دا اذائقہ چکھنا پوندا اے۔ فرق صرف اتنا اے پیغمبراں تے اولیاء دی موت اک سوہناتے خوشگوار عمل ہندا اے ایسے واسطے اوہناں دی موت نوں وصال آکھیا جاند اے۔ کیوں جے اسلام دی تعلیم مطابق بندے دی روح جدوں دی اللہ تعالیٰ دی ذات توں وکھری ہوئی اے دوبارہ فیروا ہدے وچ جا ملن واسطے بے چین رہندی اے جنا چر روح ایس دنیا تے بندے دے جتے وچ قید اے۔ ایہہ فیروا پس ذات مطلق وچ ملن واسطے تڑپدی رہندی اے پیغمبراں تے اولیاء لوکاں اتے موت دا کوئی ڈر نہیں ہوندا کیوں جے اوہ دنیا تے رہندے ہو یاں اپنے نفس نوں موت دے عمل وچوں گزار کے ہمیشاں ہمیشاں دی حیاتی حاصل کر لیندے نیں۔

وارث شاہ ہوراں موت دے نال ایہہ وی دسیا اے پئی ایس دنیا تے ہر بندے دارزق لکھیا اے۔ جدوں تیک کسے بندے دا ایس دنیا تے رزق موجود اے اوہنوں موت نہیں آسکدی۔ چاہے تلواراں چھو یاں دے وار پے چلن اوہناں دا کوئی کجھ وی نہیں ویگاڑ سکدا۔ اوہناں نوں اپنے ویلے تے ای موت آئے گی۔ وارث شاہ ہوریں ایک ہور تھاں تے فرماندے نیں۔

”اسمان ڈھیہ پوے تاں نہیں مردے باقی جہاں دی زمین تے چوگ ہے نی“

وارث شاہ لوکاں نوں ایہہ سبق دسیا اے پئی موت توں ڈرن دی لوڑ نہیں۔ ایہہ اک اہل حقیقت ہے موت اپنے مقرر ویلے تے آوے گی۔ ایس واسطے ہر ویلے مرومرو نہیں کرنا چاہیدا کسے دے منگیاں وی اپنے ویلے توں پہلاں کسے صورت موت نہیں آسکدی۔ چنگے عملاں نال موت دی تیاری کرنا چاہیدی اے۔ وارث شاہ ایس دنیا دے انجام بارے اک تھاں فرماندے نیں۔

”جو کوئی جمیاں مریگا سبھ کوئی گھڑیا بھجسی واہ سبھ ویہن گے وے

میر پیر ولی غوث قطب جاسن ایہہ سبھ پسارڑے ڈھین گے وے“

قرآن مجید وچ اللہ تعالیٰ ایہہ فیصلہ کردتا اے پئی اللہ تعالیٰ دے سوا ہر شے نوں فنا اے۔ ایہہ اک ویلا لوح محفوظ وچ لکھیا ہویا اے۔ لوح محفوظ وچ ہر شے دارزق پیش آون والا اوکھا سوکھا اک اک پل لکھیا ہویا اے۔ ایس مسئلے نوں تقدیریاں

ہوئی آکھیا جاندا اے۔ تقدیر دے معاملے وچ کسے دا کوئی وس نہیں چلدا، ایہہ دم مارن دی تھاں نہیں۔ تقدیر اگے ہر کوئی عاجز تے مجبور اے۔ وارث شاہ ہوریں اک ہور تھاں تے تقدیر بارے لکھدے نیں۔

”جتھے قلم تقدیر دی وگ مکی کسے وید کی نال موڑنی وے“

”اس ہونی شاہ فقیر کی پتہ پنوں جیہاں کرے شرایاں جی“

ایہناں مصرعیاں وچ وارث شاہ تقدیر بارے ایہ اک پکی پیڈی تے ٹھکویں گل دانتا کر کے دسیا اے پئی جس مسئلے وچ تقدیر دی قلم نے جو لکھ دتا اوس نوں کوئی مٹا نہیں سکدا۔ وید بھانویں ساری دنیا دے اکٹھے ہو جان قیمتی توں قیمتی دوائیاں ورتن پئے تقدیر اگے کسے دی واہ نہیں چل دی اخیر تقدیر دا لکھیا ہو کے رہندا اے۔ دو جھے مصرعے وچ ایہہ دستیا اے پئی ایس تقدیر دے لکھے تاں تاں شاہاں نوں تختاں توں لاہ کے فقیر کیتا اے۔ اوہ اک ویلے ملک دے باتشاہ سن تے ہن اوہ درد رنگدے پھر دے نیں۔ بس تقدیر دے مسئلے وچ اللہ تعالیٰ دی پناہ منگنی چاہیے دی اے اوہ ای ہر اک دا کار ساز ہے۔ وارث شاہ ہیر وچ اک تھاں تے لکھدے نیں۔

”وارث شاہ اوہ آپ ہے کرن کارا انہاں بندیاں دے کائی ہتھ نہیں“

”خواہش حق دی قلم تقدیر وگی موڑے کون اللہ دیاں بھانیاں نوں“

”وارث شاہ رضا تقدیر ویلا پیراں اولیاں نے نہیں ٹالیا و“

وارث شاہ پہلے مصرعے وچ تقدیر بارے ایہہ گل دسی اے ایس دنیا تے جو کجھ ورہیا اے ایہہ سبھ کجھ اللہ تعالیٰ دی رضا نال ہوندا پیا اے۔ بندیاں دا تاں صرف اک صرف اک سبب ای ہوندا اے۔ ایس دنیا تے جو کجھ وی موجود اے زرہ زرہ اوہدے علم وچ اے۔ اوہدے حکم بناں رکھدا اک پتہ نہیں ہل سکدا۔ اللہ دی رضا تے تقدیر نوں کوئی پیغمبر، پیر، فقیر تے اولیاء وی نہیں ٹالدا اوہ رب دی رضا تے صبر تے شکر کر دے نیں۔ اللہ تعالیٰ دے پیغمبراں تے اولیاء تے دی وڈے وڈے اوکھے ویلے آئے نیں۔ حضرت یوسف علیہ السلام نوں جدوں تقدیر نے بھراواں کولوں کھوہ وچ سٹو دتا تاں حضرت یعقوب علیہ السلام اپنے پیارے فرزند حضرت یوسف علیہ السلام دی جدائی وچ اینا روندے رہے کہ اوہناں دی اکھیں دا نور ختم ہو گیا۔ حضرت آدم علیہ السلام تے حوا علیہ السلام نوں جنت وچوں کڈھا کے تقدیر زمین اتے کھل دتا۔ حضرت سلیمان علیہ السلام نوں تقدیر دے لکھے پاروں تخت چھڈ کے ماچھیاں دے بھٹھ جھوکنے پئے۔ حضرت محمد ﷺ اللہ تعالیٰ دے سب توں پیارے نبی سن پر تقدیر دے لکھے پاروں آپ ﷺ نوں اپنے پیارے پتر حضرت ابراہیم دی نکی عمرے اچن چیت موت، اپنے پیارے چچا حضرت حمزہ دی شہادت، اُحد دی جنگ وچ آپ ﷺ دا دند مبارک شہید ہو یا۔ سبھ توں ودھ تقدیر پاروں کر بلا دے میدان وچ آپ ﷺ دے پیاریاں نال جو کجھ ہو یا ج وی ایس اتے جناوی ماتم ہووے گھٹ اے۔ ایہہ تاں کچھانہہ تاریخ وچ اللہ تعالیٰ دے پیاریاں نال تقدیر

دے کار نہیں۔ ایہناں واقعیات توں ایہہ سبق لبھدا اے پئی تقدیر دے لکھے نوں اج تائیں کوئی وی نہیں ٹال سکيا تقدیر دا لکھیا ہو
کے رہندا اے۔ پیغمبراں اولیاء دیاں حیاتیاں توں سبق ایہہ ملدا اے پئی تقدیر خالص اللہ تعالیٰ دی رضا ہوندی اے ایہہ دے
اتے صبر کرنا چاہیدا اے۔ اک مست المست صوفی خواجہ محمد عمر خوشابی تقدیر بارے فرماندے نیں۔

”واحد واحد واحد میں ہاں نہیں کثرت میزان دے وچ
میں آپ مریواں آپے ماراں نفع کراں نقصان دے وچ
بھیڑ میرے چنگیائی میری نہیں جُرمی شیطان دے وچ
عمر خوشابی رند شرابی انحد بین دی تان دے وچ“ (۷۲)

ایتھوں ایہہ گل ساہمنے آوندی اے پئی وحدت الوجود دے مطابق اس کائنات دے ذرے ذرے وچ ذاتِ مطلق
آپ سمائی ہوئی اے وارث شاہ ہیر وچ ایہہ دی مثال انج بیان کیتی اے پئی جویں مہندی دے پتیاں وچ رنگ رچیا ہو یا اے تے
جویں بندے دے جتے وچ جان اے۔

”مالا منکیاں وچ جیوں اک دھاگا توں سرب کے بچ سما رہیا
سمھناں جیوندیاں وچ ہے جان وانگوں نشہ بھنگ افیم وچ آ رہیا
جویں پترے مہندیوں رنگ رچیا توں جان جہاں وچ آ رہیا
جویں رکت سریر وچ ساس اندر توں جوت میں جوت سما رہیا“ (۷۳)

سبھ کچھ ہوندارب دے حکم نال اے پر ادب پاروں تے پرداداری واسطے الزام ہمیشاں بندے اتے آوندی اے۔
حضرت آدم علیہ السلام دے قصے وچوں ایہہ سبق ملدا اے پئی حضرت آدم علیہ السلام سارے واقعے دی ذمہ داری اپنے اُتے
لے کے معافی منگی جدوں کہ دو جھے پاسے ابلیس کولوں جدوں اللہ تعالیٰ پچھیا پئی توں میرے حکم اُتے آدم نوں سجدہ کیوں نہیں
کیتا۔ ابلیس جواب دتا پئی اے اللہ تیری اپنی مشیت وچ میرا سجدہ کرنا لکھیا ای نہیں سی اس واسطے میں کوں سجدہ کراں آہا۔ اللہ
تعالیٰ نوں ابلیس دا ایہہ جواب اُکا چنگا نہ لگیا تے انج ابلیس اُتے ہمیشاں ہمیشاں واسطے لعنت آ گئی تے حضرت آدم علیہ السلام
دی معافی والی ادا اللہ تعالیٰ نوں پسند آ گئی۔

تقدیر دے مطابق دنیا تے آخرت وچ اللہ تعالیٰ دے حکم نال سبھ کچھ ای ہوندا اے تے اوہدے لکھے نوں کوئی موڑ نہیں
سکدا۔ تقدیر دے لکھے نوں پیغمبراں اولیاء تے پیراں سبھ نے منیا اے۔ وارث شاہ تقدیر دے بارے وچ لکھدے نیں۔

”وارث شاہ نصیب ای پون جھولی کرم ڈھین نہیں نال جھوسیاں دے“
”جیہا کرے کوئی تیہا پاوندائی سچے وعدے پرودگار دے نی“

ایہناں مصرعیاں وچ وارث شاہ ہوراں مخلوق نوں ایہہ تقدیر بارے سمجھاؤنی دتی اے پئی ہر بندے دے مقدر نصیب

اوبدے دنیا اتے آون توں بوہت پہلاں لکھ دتے گئے نیں۔ اس واسطے اتھے دنیا اتے ہر بندے نوں اوہ کجھ ملدا اے جیہڑا اوبدے مقدر اں وچ لکھیا گیا اے تے رب دے لکھے نوں کوئی وی حیلانہیں بدل سکدا۔ رب دے لکھے اگے کسے دی کوئی وانہیں چل دی۔ کنیں واریں انج ہوندا اے پئی بندہ کردا کجھ اے تے اگوں نتیجہ اوبدے الٹ ساہمنے آوندا اے۔ تقدیر دے اس پکھ بارے وارث شاہ دا ایہہ مصرعہ دیکھو۔

”انب بچ کے دودھ دے نال پالے بھاتی دے انت ببول ہويا“

اس مصرعے وچ وارث شاہ ایہہ سمجھاوئی دتی اے کنیں واریں بندہ وڈے لمے چوڑے پلال جوڑ کے اپنے ولوں ہر پاسیوں کنج کنجا کے جدوں اپنی منزل دے نیڑے اپڑدا اے تاں قدرت ولوں کوئی اچیہا ان ڈٹھا لوہڑا پیندا اے جے اوبداسٹا کجھ ہو رہا ہمنے آوندا اے۔ بندہ سر پھڑ کے بہہ جاندا اے۔ ایہہ وی تقدیر دے کار نے ہوندے نیں۔ وارث شاہ تقدیر دے ایہو جے کار نے اک سوہنے استعارے راہیں گل نتاری اے پئی کوئی بندہ انب بچ کے اوہنوں دودھ نال پالے مطلب ایہہ وے پئی اوبدی ودھیا توں ودھیا خوراک پانی پاوے اخیر جدوں پھل دا ویلا آوے تاں نب دے پھل دی تھاں ببول دے سول کنڈے اُگن تاں اودوں بندے دی عقل تے سوچھ بوجھ جواب دے جاندی اے۔ ایہہ گلاں عقل دی پہنچ توں باہر نیں۔ اس واسطے اتھے تقدیر دے اگے بندے دیاں ساریاں کوششاں تے حیلے دھرے دے دھرے رہ جاندے نیں۔

فن دے پکھوں ایہہ مصرعہ جیہڑا اپنے اندر لے سچ تے پھبویں ڈھکویں ڈھنگ پاروں اکھان بن چکیا اے استعارے دی ورتوں فن دا اک اعلیٰ نمونہ اے۔ وارث شاہ ہیر وچ جتھے جتھے تشبیہاں تے استعاریاں توں کم لیا اے او تھے وڈے سچے تے: بھبویں ڈھکویں ڈھنگ نال وچلی مت نوں انج نتاریا اے جے پورا مصرعہ اپنے اندر لے مضمون سمیت دل وچ کھب جاندا اے۔ وارث شاہ تشبیہاں تے استعارے اس دھرتی دے لوک وسیب وچوں لے نیں ایہناں دیاں جڑھاں پچھانہ تارن وچ ہزاراں ورہیاں اتے کھلریاں ہوئیاں نیں۔ وارث شاہ نوں دریا کوزے وچ بند کرن دا وڈا سچ سی۔ گھٹو گھٹ لفظاں نوں نویکلی گھڑت نال انج ورتیا اے پئی تقدیر دے ایڈے وڈے مسئلے نوں دو مصرعیاں وچ بیان کردتا اے پئی ایس دنیا دی وی ساری حقیقت کھول کے رکھ دتی اے۔

”جو کوئی جمیا مرے سبھ کوئی گھڑیا بھجسیں واہ سبھ ویہن گے وے

میر پیر ولی غوث قطب جاسن ایہہ سبھ پسدارڑے ڈھین گے ویے“

پہلے مصرعے وچ جمن تے مرن، گھڑن تے بھجن صنعت تضاد دا اُچا تے اعلیٰ نمونہ نیں۔ انجے ای دو جے مصرعے وچ میر پیر ولی غوث قطب نوں اک تھاں تے اکٹھا کر کے مترادفات دے ڈھنگ وچ ورت کے کمال فن نال بیان ہوئی وچلی گل نوں پکیاں پیڈیاں کرن اتے ڈھیر زور دتا اے۔ ایہدے نال وچلی گل دی پکیائی اتے اک طرحاں دی ٹھکویں مہر لادتی اے۔

دو بے مصرعے وچ لفظ ”پسارڑے“ دی نویکلی گھڑت نال انج چا پدا پئی جیویں پوری دنیا ایہدے اندر سما گئی اے۔ لفظاں نوں گھڑن دا وارث شاہ کول وڈا سچا تے نویکلا ڈھنگ اے۔ جیہڑا وارث شاہ نوں ہیر لکھن والیاں دو جھیاں شاعراں وچ پردھان بنا دیندا اے۔ ہیر وچ ایہو جے لفظ تھاں تھاں تے لہدے نیں جیویں کہ جھکے توں جھکڑے، جوگی توں جوگیڑا، کلجے توں کلچڑے، دس توں دسینڈرا، مُنڈے توں مندڑا، جٹ توں جٹیڑا، اکلی توں اکلڑی، ویلے ووں ویلڑے، اماں توں امبڑے، پکی توں پکیڑے، رانجھے توں رانجھیڑا، بیٹی توں بٹری، جٹی توں جٹیڑی، سلیٹی توں سلیٹیڑی، مٹی توں مٹیڑی، جھوٹی توں جھوٹیڑی، رُٹھا توں رُٹھاڑا، بندے توں بندڑا، کیارے توں کیارٹا، کھیت توں کھیڑے، لمے توں لمڑے، پیلے توں پیلڑے، رسیلے توں رسیلڑے، تیلے توں تیلڑے، بندے توں بُندڑے، بُنڈے توں بُنڈڑے۔

عادتاں خصلتاں دے اکھان

عادتاں خصلتاں اتے ہیر وچ تھاتھاتے اجیہے بول لہجہ دے نیں۔ جیہڑے اپنے اندر بیان ہوئی سچائی دے ست پھبویں ڈھکویں تے لوکائی وچ ورتارے پاروں وسیب وچ اکھاناں داروپ وٹا چکے نیں۔ ایہہ بول عادتاں خصلتاں دے دکھو دکھ پکھاں تے بریک توں بریک نرواراں اتے لہجہ دے نیں؛ وگی دے طور تے ایہہ گل وسیب وچ سیانے لوکاں وچ منی پرمنی اے پئی عادتاں پنپیاں نہیں جاندیاں۔ ایس گل اتے وارث شاہ دے ایہہ بول ویکھو۔

”وارث شاہ نہ عادتاں جاندیاں نیں بھاریں کیلے پوریاں پوریاں دو جیہڑیاں وادیاں عادتاں جاہن نہیں رانجھے چاک توں رہیا نہ جا میاں وارث شاہ میاں جویں گنج سر دا باراں برس بناں نہیں جا میاں شینہ چترے رہن نہ ماس باجھوں جھٹ نال اوہ رزق کما میاں ویہن پے دریا نہ کدی مڑدے وڈے لا رہے زور زاریاں دے وارث شاہ نہ سنگ نوں رنگ آوے لکھ سوہے دے وچ سمو رہیے بھکھا جیوں آنو دا مار اتے چو ڈٹھ اتے جیوں دھاؤں داے“

ایہناں اُتے دتے گئے مصرعیاں وچ وارث شاہ ہوراں تشبیہاں تے استعاریاں راہیں عادتاں خصلتاں دے ایس کچھ بارے نثارے کہتے نیں پئی جیہڑی عادت خصلت وچ بند اک واری پئے جاوے اوہنوں فیہر چھوڑنا اوکھا ہوندا اے کیوں جے ایہہ عادتاں انج بندے دیاں سوچاں نوں اپنے شکجے وچ لے لیندیاں ہن۔ پئی بندہ ہر ویلے ایہناں بارے ای سوچدا رہندا اے۔ عادتاں دی موٹی جیہی ونڈ دو طرحاں دی کیتی ہوئی اے۔ چنگیاں عادتاں خصلتاں تے بھیڑیاں عادتاں خصلتاں چنگیاں عادتاں خصلتاں بندے نوں اللہ تعالیٰ دے نیڑے کر دیندیاں نیں۔ چنگیاں عادتاں لالچ توں ہٹ کے دے کم آونا ہتھ ونڈ واناں ہر اک نال چنگے اخلاق نال پیش آوناں کسے واسطے مندا نہ سوچنا عاجزی مسکینی وچ رہنا آئیہ گئے مسافراں مسکیناں یتیمناں نوں روٹی کھواناں۔ چنگیاں دے نال نال بھیڑیاں عادتاں خصلتاں وی نیں جویں لالچ، حسد، لوہے، کبر، ہنکار، چوری، چکاری، غیبت، چغلی کسے دی عزت دامنہ گناتے ہور ایس طرحاں بھیڑیاں عادتاں خصلتاں نیں۔ وارث شاہ ایہناں مصرعیاں وچ بھیڑیاں عادتاں بارے دسیا اے۔ چنگیاں تے بھیڑیاں دونوں قسماں دانیہریاں مڈھ ہر بندے دے اندر موجود اے۔ ایہہ ہر بندے دا اپنا اختیار اے پئی اوہ کیہڑے پاسے دی چون کردا اے۔ بھیڑیاں عادتاں وچ چسکا سواد چوکھا ہوندا اے ایس واسطے ایہناں عادتاں وچ پیا بندہ اگا نہہ اگا نہہ ودھدا رہندا اے۔ حرص ہوس بندے نوں ایہناں بھیڑیاں عادتاں دی دلدل وچ اگا نہہ کھچدی رہندی اے۔ اخیر ایہناں سواداں چسکیاں پاروں بندہ انج پکا پیڈا ہو جاند اے پئی اوہ اک راہ ڈکو

تاں اوہ کوئی دو جہاراہ لہہ لیندا اے۔

وارث شاہ وی ایہناں مصرعیاں وچ ایہو دسیا پئی شینہ چترے ماس توں وکھرا جی نہیں سکدے۔ انج ای ایہناں عاداتاں وچ پھاہتا بند او وی نہیں رہ سکدا۔ اگے اک مصرعے وچ دریا دے استعارے نال دسیا اے پئی جیویں ویہن پئے دریا نہیں رکدے بھانویں جنے وی بن بنھ لو انجے بندے عاداتاں نوں نہیں چھڈ دے بھانویں اوہناں اتے جنیاں وی پابندیاں لگ جان مارو کوئی اثر نہیں ہوندا بھانویں اس وجود دے وڈھ ٹک کے ٹوٹے وی ہو جان عاداتاں پیاں نہیں جاندیاں۔ وارث شاہ پتھر اتے رنگ نہ چڑھن دی تشبیہ دتی اے پئی پتھر بھانویں جنا چر رنگ وچ بوڑ چھڈا وادے اتے رنگ نہیں چڑھ سکدا۔ انج اک عادت وچ پئے بندیا تے کسے دیاں سمجھاویناں تے مت دیاں گلاں دا کوئی اثر نہیں ہو سکدا اوہ وی پتھر وانگوں سخت ہو جاندا اے۔ اخیر لے مصرعے وچ ایہہ دسیا اے پئی جیویں بھکھا شیر ویکھ کے نہیں رہندا بھانویں تیر تلوار تے چھوٹیاں پئے مارو شیر مار توں نہیں رکدا۔ ایسے مصرعے دے اگلے ادھ وچ چور دی مثال دتی پئی جیویں چور نوں ایہہ پتہ لگ جائے کہ ایس گھر وچ مال زر موجود اے تے سنھ لائیاں مل سکدا تاں فیر چور ایس تھاں اُتے سنتھ ضرور لاند اے بھانویں جو کجھ وی ہووے انجے ای عادت پئے بندے وی اپنی عادت توں نہیں مڑدے بھانویں جو وی چارہ کرلو۔ عاداتاں خصلتاں دے اک ہور کجھ بارے وارث شاہ دے ایہہ ویکھن گوچرے نیں۔

”عدل بناں سردار ہے رکھ اپھل رنگ گدھی ہے جو وفادار ناں
نیاز بناں ہے کچنی بانہ تھاویں گدھا مرد جو عقل دا یار ناں
وارث رن فقیر تلوار گھوڑا چارے تھوک ایہہ کسے دے یار ناں
جیہڑیاں لین اڈاریاں نال بازارں اوہ بلبلاں تھک مریندیاں نیں
اُنہاں ہر نیاں دیاں عمر ہو چی پانی شہر دے کھوہ دا پیندیاں نیں
جوکاں اک دن پکڑنچوئیں گئیاں ان پنے لہو نت پیندیاں نیں
دل مال دیتیجی لکھ کنجری نوں کدی دلوں محبوب نہ تھیندیاں نیں
جس مرد نوں شرم نہ ہووے غیرت اس مرد تھیں چنگیاں تیویاں نے“

ایہناں مصرعیاں وچ وارث شاہ عاداتاں خصلتاں نوں لکھ رکھ کے وکھو وکھ کرداراں دے مرداں تے زنانیاں دی ونڈ کردتی اے۔ پہلے مصرعے وچ سرداریاں حاکم جیہڑا عدل نہیں کردا اوہنوں پھل نہ دیوں والا رکھ دسیا اے پئی جیویں پھل نہ دیوں والے رکھ توں کسے نوں کوئی فائدہ نہیں ہندا۔ اخیر اوہ وڈھ دتا جاندا اے تے اگ دا بال بن کے سواہ ہو جاندا اے۔ انجے ای عدل انصاف نہ کرن والا حاکم اے۔ اسے مصرعے وچ ایس زنانی نوں گدھی دسیا اے جیہدے وچ وفاداری نہیں اے۔ ایہد مطلب اے سردار عدل نال اے زنانی وفاداری نال اے۔

دو جھے مصرعے وچ اوہ مرد جیہڑا عقل شعورتوں کم نہیں لہندا اوہ وی گدھا اے انسان نہیں اے۔ تیجے مصرعے وچ وارث شاہ زنائی، مانگت، تلوار، گھوڑے بارے ایہہ ونڈ کیتی اے پئی ایہہ چاروں کسے دے یا نہیں ایہہ ونڈ صرف کچھ اٹل عاداتاں نوں مکھ رکھ کے کیتی اے۔ جیویں زنائی صرف اُس دی ہے جیہدے نال ہووے۔ مانگت وی ایس دے گیت گاندا اے جیہڑا پیسہ کا فقیر دی تلی تے رکھدا اے۔ تلوار وی اوس دی اے جیہدے ہتھ وچ ہووے اوہ نہیں دیکھدی اگوں بنان والے داسروڈھیا جارجیا اے تے گھوڑا وی اوس دا ہے جیہڑا اوہدے اُتے سوار ہو گیا۔ ایس اک مصرعے وچ وارث شاہ نفسیات دیاں بریکیاں نوں سامنے لیا کے ونڈ کریندیاں ہویاں کھیڈاں کر دتیاں ہن۔

چوتھے مصرعے وچ بلبلان دی مثال دتی اے پئی اوہ بلبلان جیہڑیاں بازاں دی اڈاری وچ ریس کریندیاں ہن اوڑک تھک مار کے مرڈ گدیاں نیں۔ اگلے مصرعے وچ ہرنیاں دی مثال دتی اے پئی اوہ ہرنیاں جیہڑیاں جنگل دی جوہ چھوڑ کے شہر و سوں دے کھوہ توں پانی پیندیاں ہن اوہناں دی حیاتی وی تھوڑی ہوندی اے۔ اک دن شکار ہو ویسں۔ اگلے مصرعے وچ جوکاں دی مثال دتی اے پئی جوکاں پانی وچ رہندیاں ڈنگراں یاں بندیاں دالہوپنی کے موٹیاں ہو گئیاں نیں اوڑک اک دن نچڑ جاسن۔ ایہناں تیناں مصرعیاں وچ وارث شاہ ہوراں جانوراں دیاں مثالیں راہیں بندیاں نوں مت دیاں گلاں سمجھایاں نیں پئی بندے نوں وسیب وچ اپنی اوقات وچ رہنا چاہیدا اے۔ کدی لالچ، حرص تے ہوس دا شکار نہیں ہونا چاہیدا۔ جیہڑے حیلے بہانیاں تے دھونس ٹھگی نال لوکاں نوں لُہدے نیں اخیر اک دن قدرت دے مکافاتِ عمل دے شکنجے وچ پھس جان گے۔

اگلے مصرعے وچ کنجریاں بارے دسیا اے پئی اوہ دلوں کسے نوں وی پیار نہیں کردیاں اوہناں دی نظر صرف مال زر اُتے رہندی تے اوہناں اتے جنے وی خزانے لٹا دیو اوہ دلوں تہاڈی نہیں ہوسکدی۔ ایہہ اوہا پیشہ اے۔ اخیر لے مصرعے وچ مرداں دی ونڈ کردیاں ہویاں ایہہ نتارہ کیتا اے پئی جس مرد وچ شرم حیاتے غیرت نہیں، اوس مرد نالوں تاں زانیاں چنگیاں نیں۔ مطلب ایہہ اے مرد شرم حیاتے غیرت نال مرد ہوندا اے۔ عاداتاں خصلتاں بارے وارث شاہ دے ایہہ مصرعے وی دیکھن گوچرے نیں۔

”روون ویاہ وچ گاونا وچ سیاپے ستر مجلساں کرن مندیریاں نیں

لنڈیاں نال گھلنا مندے بولنا نہیں چالے بھلیاں دیاں جائیاں دیاں

وارث شاہ نہ بیٹیاں جنہاں جنیاں قدراں جاندے نہیں جوائیاں دیاں

وارث جنس دے نال ہم جنس ہوندے بھورتا زاناں گدھے نانہہ میلیے نی

وارث شاہ نہ دیسے موتیاں نوں پھل اگ دے وچ نہ ساڑیے نی،“

ایہناں مصرعیاں وچ بری عاداتاں دی بریک ونڈ کردیاں ہویاں وارث شاہ بوہت ڈونگھی جانکاری دتی اے پہلے

مصرعے وچ ایہہ دسیا اے پئی ویاہ وچ روونا اک اُپٹھی تے بھیڑی گل اے کیوں جے ویاہ ہسن کھیڈن تے خوشیاں وٹنڈا موقعہ ہوندا اے۔ انجے ای دکھ مصیبت دے موقعے اتے گاونا بھیڑی گل اے۔ ایہہ دونوں کم اپنے اپنے ویلے تے چنگے لگدے نیں۔ دو جھے مصرعے وچ ایہہ دسیا اے پئی لنڈے بدمعاشاں نال گھلنا آڈے لانے تے مندا بولنا ایہہ شریف بھلے لوکاں دے پچالے یا عاداتاں نہیں۔ ایہہ دونوں کم کو جھے تے مندے نیں۔ شریقاں نوں زیب نہیں دیندے۔ پنجاب وسیب وچ ہزاراں ورہیاں توں ایہہ ریت ٹری آوندی اے۔ پئی دھیاں پتر اں نوں مندے کم توں ڈکن لئی سیانے لوک ماں پیودی عزت پت ولوں دیکھن لئی آکھدے سن۔ پئی اس مندے کم پاروں تیرے پیودی پگ پیراں وچ رُل ویسیں۔ تجھے مصرعے وچ رشتے دی قدر بارے دسیا اے پئی جہاں دی دھی نہیں جی اوہناں نوں جوایاں دی کیہ قدر ہو سکدی اے۔ جوایاں دی قدر تے بھار گھور نوں دھیاں والے ای جانندے نیں۔ دو جھی نگھی سمجھاوئی ایہہ وی لہدی اے پئی جیہڑا بندہ کسے دکھ مصیبت یا مسئلے وچوں لنگھیا نہیں اوہنوں اس راہ دے لاہنگھیاں اوکھائیاں تے اوکھے ویلے ہتھ وٹنڈاں والیاں دی کیوں قدر ہو سکدی اے۔ اس گل بارے وارث شاہ دا اک ہور مصرعہ دیکھو۔

”جیہڑیاں سون اُجاڑ وچ وانگ نچر قدراں اوہ کیہ جان دیاں دایاں دیاں“

ایہتھوں ایہہ گل لہدی اے پئی جس نوں وید حکیم دی لوڑ نہیں پئی اوہنوں حکیمان دی کیہ قدر ہو سکدی اے۔ اخیر لے مصرعے وچ وڈی ڈونگھی رمزناں مت دیندے نیں پئی ایہہ منہہ وچ دند جیہڑے موتیاں ورگے نیں جے کھل کے نہ ہسن نال ایہناں دی چمکد مک تے رونق مک ویسی تے دو جھی گل اکھیں دے ہنجانگاں وانگ بھکدیاں رخساراں اتے سڑج ویسن ہنجان دے لگھاں اتے آون نوں وارث شاہ پھلاں دا اک وچ سڑن دسیا اے۔ ایس ڈونگھی تشبیہ راہیں وچلی سمجھاوئی ایہہ لہدی اے۔ پئی ایس دنیا اتے بندے نوں ہر اک دے نال ہس کے بولنا چاہیدا اے کسے دے دکھی دنوں کجھ چرواسطے پرچاونا سبھ توں وڈی نیکی اے۔ ہر ویلے روندیاں رہنا کوئی اچھی گل نہیں۔ ☆

”رناں“ چھوکرے جن شیطاں راول کتا، ککڑ، بکری، اٹھ سارے

ایہا مول وساد دا ہوئے پیدا جنہاں سبھ جگت دے مول مارے

پہلے مصرعے وچ وارث شاہ وسیب وچ فساد لڑائی، بربادی تے اُجاڑے دے اٹھ کرداراں دی وٹنڈا کر کے ایہہ بتا راکیتا اے۔ ترانے کردار بندیاں وچوں نیں اوہ زنانیاں، منڈے، چھوکرے، روال نیں جیہڑے کماندے کجھ وی نہیں اُٹا دو جھیاں دی کمائی اتے موجاں مان دے نیں تے ہر ویلے فضول خرچیاں کردے رہندے نیں۔ ایہناں بارے وسیب وچ ایہہ اکھان عام طور تے بولیا جاندا اے۔

”منڈے راول رناں تریوے اُجاڑے دا بنناں“

ایہناں توں ہٹ کے جن، شیطان ایہہ تاں ازل توں ای فساد دا مڈھ نہیں۔ ایہناں دا تاں ہر ویلے ایہو ای کم اے
زمین اتے فساد لڑائی دنگا، قتل تے تباہی بربادی کروانی ہوندی۔ کتا کڑتے بکری نوں اپنیاں عاداتاں خصلتاں پاروں فساد گنیا گیا
اے۔

فن دے پکھوں عاداتاں خصلتاں اتے ایہہ اکھان ویکھن گوچرے نہیں اس مصرعے
”وارث شاہ نہ عاداتاں جانداں نیں بھانویں کیٹے پوریاں پوریاں وو“

وچ لفظ ”پوریاں پوریاں“ دی لفظاوی تکرار اے جیہدے نال ایس بول وچ بیان ہوئے وچلے مضمون دی قطعیت نثر
کے ساہمنے آندی تے ایہدے نال کلام وچ ردھم تے رچاؤ بن جاندا اے۔ تجھے مصرعے وچ عاداتاں خصلتاں دے پکے پیڑے
ہون نوں سردے گنج نال تشبیہ دتی اے لفظ ”جویں“ تشبیہ والا حرف اے پئی جویں سردا گنج نہیں جاندا انجے عاداتاں وی نہیں
جانداں۔ ایس تشبیہ دی ورت نویکلے ڈھنگ نال کیتی اے جیہدے نال ہاسے مزاح دا وی کچھ لہجہ اے۔ چوتھے مصرعے وچ
شمینہ تے چتریاں دا استعارہ اپنی وچلی معنویت پاروں بوہت پھبواں اے۔ انجے ای پنجویں مصرعے وچ ”ویہن پئے دریا نہ
کدی مڑ دے“ دا استعارہ وی عاداتاں خصلتاں تے پکت تے نہ اتے اک اٹل تے ٹھکویں فیصلے دی مہر وانگوں اے ایہدی ورت
سبھتوں ودھ ڈھیر پھبویں تے ڈھکویں اے۔

دو جھے حصے وچ عدل نہ کرن والے سردار نوں ”رُکھا پھل“ دی تشبیہ بوہت نویکلی تے سوہنی اے۔ بے وفاز نانی نوں
”گدھی“، ناز نیاز توں کھینچنی نوں ”چڑیل“ تے عقلوں خالی مرد نوں ”گدھے“ نال تشبیہاں دتیاں نیں جیہڑیاں اپنے وسیب وچ
جانیاں پچھانیاں نیں۔

تیجا مصرعہ ”وارث شاہ رن فقیر تلوار گھوڑا چارے تھوک ایہہ کسے دے یار نہیں“ عاداتاں خصلتاں دی نفسیات دی
بریکیاں تے ڈاھڈے کوڑے سچ نوں پھبویں ڈھنگ نال ساہمنے لیاندا اے۔ چوتھے مصرعے وچ بلبلاں تے بازاں دیاں
فطرتی صفتاں پاروں صنعت تضاد دے طور تے بوہت سوہنی ورت اے مصرعے وچ ہر نیاں دا جنگل دی جوہ چھوڑ کے شہری وسوں
وچ آ کے پانی پیون تے جوکاں دے استعارے بوہت پھبویں نیں۔ ایہہ استعارے ایس دیس دے وسیب وچوں لئے
نیں جیہڑے اپنی تھاویں اپنے کرداراں راہیں منے پرمنے تے اپنی خاص پچھان رکھدے نیں۔

”وارث جنسدینال ہم جنس ہوندے بھورتاز ناں گدھے ناہنہ میلیے نی“

وچ بھورتاز ناں تے گدھے نوں کنائے دے طور تے ورتیا اے تے ایس کنائے راہیں وچلی مت نوں ساہمنے
لیاندا اے۔ بھورتاز ناں تے گدھے دیاں فطری عاداتاں تے صفتاں پاروں حقیقی معنیاں تک اپڑن وچ ذرا جنی وی ڈھل نہیں
گدی۔ اخیر لے مصرعے وچ دندان نوں موتیاں نال، ہنجواں وچ وچھوڑے دی پیش نوں اک تے گلہاں نوں پھلاں دے

استعارے ورت کے وچلے معنیاں تے مطلب نوں وڈے پچے ڈھنگ نال نتاریا اے۔ ایس مصرعے وچ
ایہناں استعاریاں دی چون تے ٹھیک تھاں اُتے ڈھوکویں موقعے اتے ورت بوہت سوہنی اے۔
وارث شاہ ایہناں مصرعیاں راہیں عادتیاں تے خصلتاں جیئے اوکھے تے ڈونگھیاں بریکیاں والے سرنانویں نوں وسیب
دیاں (جانیاں پچھانیاں تے) منیاں پرمنیاں تشبیہاں استعارے تے کرنا یاں راہیں انج بیان کیتا اے پئی دودھ دادودھ تے پانی
دا پانی کردتا اے۔

ویلے تے وقت دے اکھان

ہر سہے وچ وقت نوں سمجھن واسطے سیانے سوچھواناں کوششاں کیتیاں نیں۔ کئی قوماں وچ دکھ مصیبت ویلے سہے نوں بُرا مندا آکھن دی ریت وی سی۔ حضرت محمد ﷺ زمانے بارے ارشاد فرمایا پئی زمانے نوں بُرا نہ آکھو کیوں جے زمانہ اللہ تعالیٰ دے ذات اے۔ ویلے وقت دے بارے ہیر وارث شاہ وچ کنیں تھانواں تے ایہو جیسے مصرعے لکھدے نیں جیہڑے اپنی وچلی سچائی دے ست تے پھبویں ڈھکویں ڈھنگ پاروں اکھاناں داروپ وٹا چکے نیں جیویں ایہہ مصرعے نیں۔

”گنگا ہڈیاں مڑدیاں نہیں گئیاں وقت گئے پھر کس موڑ پائی

گئے عمر تے وقت پھر نہیں مڑدے گئے کرم تے بھاگ نہ آوندے نی

گئی گل زبان تھیں تیر چھٹا گئے روح قلوبت نہ آوندے نی

وارث شاہ میاں ایہہ وقت گھٹتا کسے پیر نوں ہتھ نہ آیا جے“

پہلے مصرعے وچ گنگا دریا وچ گئیاں ہڈیاں دے استعارے نال ایہہ دسیا اے پئی جویں مرن پچھوں ہندو لاش نوں ساڑ کے پچیاں ہڈیاں تے سواہ گنگا دریا وچ روڑ ہن لے جان دے نیں تے او تھوں گنگا توں مرن والے دیاں ہڈیاں پچھاں مڑ کے وجود نال رکے زندہ نہیں ہو سکدیاں انجے ای گزریا ویلا وقت وی پچھاں نہیں مڑ سکدے۔ دو جھے مصرعے وچ وی ایہو سبق ملدا اے پئی گزری حیات تے سماکدی وی پچھاں نہیں پرت سکدے تے بخت تے بھاگ وی جے اک واریں ساتھ چھڈ جان فیر پچھا نہ نہیں مڑدے بھانویں جناوی زور لالو ایہہ لکھیا نہیں ٹلدا۔

تیسرے مصرعے وچ ایہہ دسیا اے پئی منہ وچوں نکلی گل جیویں پھیر پچھا نہ نہیں پرتدی تے جیویں جُٹے وچوں نکلی روح فیر جُٹے وچ نہیں آوندی انجے ای ہتھوں گیا ویلا وی فیر تھیں نہیں آوندے۔ اخیر لے مصرعے وچ وارث شاہ ایہہ وی دس دتا پئی ہتھوں نکلیا وقت فیر پچھا نہ نہیں آوندے بھانویں کوئی پیر فقیر وی ہووے۔ سٹیفن ڈبلیو۔ ہاکنگ وقت تے خلا تے لکھدے نیں۔

”اب خلا اور وقت متحرک مقداریں ہیں جب کوئی جسم حرکت کرتا ہے یا کوئی قوت اپنا اثر

دکھاتی ہے تو خلا اور وقت کے خم پر اس کا اثر نمودار ہوتا ہے اور دوسری جانب خلائی وقت کا

ڈھانچہ اجسام کی حرکت اور قوتوں کے عمل کو متاثر کرتا ہے۔ خلا اور وقت کائنات میں ہونے

والی ہر چیز پر اثر بھی ڈالتے ہیں اور متاثر بھی ہوتے ہیں۔“ (۷۴)

گچھ مصرعے ہیر وچ ایہو جے وی لکھدی نیں جیہڑے وارث شاہ دے سہے وچ تبدیلیاں بارے نیں جدوں وقت بدل دا اے تاں او ہدا اثر حیات تے ہر پکھ اتے پوند اے وقت دیاں تبدیلیاں نال ہر شے بدل جاندی اے۔ چنگے مندے تے

کھرے کھوٹے نوں پرکھن دے معیار وی بدل بدل جان دے نیں لوکاں دیاں سوچاں بدل جان دیاں نیں۔
”کانوں باغاں وچ کلول کر دے کُوڑا پھولنے دے اتے مور کیتے

اشراف دی بات منظور نائیں چور چودھری اتے لنڈور کیتے“ (۷۵)

ایس شعر وچ وقت سمے دے بدلن نالوسی وچ تبدیلیاں نوں باغاں وچ بلبلاں دی تھاں کانواں داراج تے گندگی
پھولن اُتے موراں دا استعارہ ورت کے وسیب وچ قدراں دیاں تبدیلیاں نوں پتے ڈھنگ نال بیان کیتا اے جیہدے نال
وچلی گل کتھ دا پورا نظارہ اپنے سارے پکھاں تے رنگاں سمیت سامنے آ کھلوندا اے۔ دوجے مصرعے وچ سمے تے وقت دی
تبدیلی دے وسیب اتے اثر نوں کھول کے سامنے رکھ دتا اے۔ پئی ایس تبدیلی دے پاروں شریف لوکاں دی بے قدری تے چور
اچکیاں دی وسیب وچ چودھراہٹ بن چکی اے۔

ایہناں شعراں وچ وارث شاہ دی وچلی سمجھاونی تے مت ایہہ لبھدی اے پئی بندے نوں ویلے وقت دی قدر کر
دیاں ہویاں اس دنیا اتے پتے ڈھنگ نال حیاتی گزارنی چاہیدی اے جے کل اس دنیا اتوں ٹرن ویلے پچھتاوانہ پووے کیوں
ایہہ ویلا وقت مڑتھیں نہیں آ نووندا۔

واہی نیجی تے موسماں دے اکھان

وارث شاہ اپنی کتاب ”ہیر“ وچ کئیں تھانواں اُتے موقع بر محل اپنی دھرتی اُتے واہی نیجی تے موسماں داوی ذکر کیتا اے۔ ہیر وارث شاہ دے ایہہ مصرعے دیس پنجاب دے موسماں تے پنڈ و سوں وچ واہی نیجی دے دکھو دکھ پکھاں تے وٹڈاں بارے ڈونگھی جانکاری دیندے نیں۔

”جیٹھ مینہ تے سیال نوں وامندی کتک ماہنگھ وچ منع ہنیریاں نیں
گانوسوئی جو سیال وچ دودھ دیوے بادشاہ سوئی جو شان ہووے
دل چاہا دیس تے ملک اُتوں اس دے بھادا بولیا ہاڑ میاں
اس زمین نوں واہندا ملک مُکا اتے ہو چے وڈے کارنے نی“

اتے دتے پہلے اکلے مصرعے وچ وارث شاہ دکھو دکھ مہینیاں وچ مینہ واتے ہنیریاں دی وڈے سچے ڈھنگ نال انج دی سوہنی ونڈ کیتی اے پئی پنجاب دے دکھو دکھ موسماں وچ واہی نیجی دیاں مڈھلیاں لوٹاں نوں مکھ رکھ دیاں ہو یاں مینہ تے ہنیریاں بارے واہی نیجی داکم کرن والیاں نوں نگھی تے ڈونگھی جانکاری دتی اے۔ جیٹھ دے مہینے وچ پورے سال دی روزی کنکدی فصل کھلوٹیاں وچ پئی ہوندی اے ایس واسطے جیٹھ وچ مینہ نوں مندا آکھیا اے۔ پنجاب وچ جٹالی دے لوک وسیب وچ ایہہ اکھان مشہور اے ”وساکھ تے جیٹھ وچ تاں سونے دی کنڑی وی نہیں مان دی“ وساکھ جیٹھ وچ کنکدی فصل باہر پیلایاں وچ کھلری پئی ہوندی اے تے ایہدے نال نال جیٹھ وچ ای کپاہ دی بیجائی ہوندی اے مینہ ہووون پاروں کرنڈ ہو جاندی اے۔ سیال دے موسم وچ جدوں واگھلدی اے تاں ٹھنڈ ڈھیر دودھ جاندی اے تے بندیاں تے جنوراں وچ بیماری کھنڈ دی اے۔ سیالے وچ واہ گھلن نال ٹھنڈ بوہت دودھ جاندی اے ایہدے نال نمونے دی بیماری دودھ دی اے۔ ڈنگر پکھووی ڈھیر مردے نیں انجے ای کیتیں ماہنگھ وچ ہنیریاں دا گھلنا وی گئے کپاہ فصل دی دی تباہی بربادی ہوندی اے۔

دوجھے مصرعے وچ گائیاں دی ونڈ کردیاں ہو یاں ایہہ دسیا اے پئی چنگی گاں اوہ ای سمجھی جاندیاں جیہڑی سیال وچ وی دودھ دیوے کیوں گائیں عام طور تے وساکھ جیٹھ وچ سوندیاں نیں، اگوں سیال وچ وہوہک جاندیاں نیں جہاں صرف گائیں رکھیاں ہوندىاں نیں سیال وچ دودھ واسطے ہمیشاں اوکھے ای رہندے نیں۔ ایس واسطے وارث شاہ ہوراں ایس گل دا سٹاکڈھ کے دس دتا اے پئی چنگی گاہ اوہ ہے جیہڑی سیال وچ وی دودھ دیوے۔ اسے مصرعے وچ باتشاہاں دی ونڈ کردیاں ہو یاں دسیا اے باتشاہ اوہ ای چنگا اے جیہڑی عیالی وانگوں اپنی رعیت دیاں ساریاں لوٹاں دا خیال رکھے ایتھوں ایہہ وی سٹا نکلد اے پئی رعیت باتشاہ واسطے نہیں ہوندى سگوں باتشاہ رعیت واسطے ہوندا اے۔ تجھے مصرعے وچ ہاڑھ دے مہینے دیاں خاص خوبیاں پاروں ایہہ دسیا اے پئی ہاڑھ گرمی دی تپش پاروں بوہت ڈاھڈا مہینا ہوندا اے۔ ہاڑھ وچ بندے واہی ڈھور ڈنگر پکھو

ہر شے دا گرم لُ وچ بُر حال ہوندا اے۔ گرم لو جُٹے نوں ساڑ دی اے۔ ایہدے توں بچن واسطے سیانے لوک اکھان بولدے نیں۔
”جیٹھ ہاڑ کچھیں تے ساون بھادوں رکھیں“۔

ایس اکھان وچ وچلی مت جیٹھ ہاڑ دی گرمی توں بچنا اے پئی جیٹھ ہاڑ دی لُ توں بچو واسطے کدھاں دا اُلکا ہووے تے
ساون بھادوں وچ رُکھاں پیٹھ چنگا ہوندا اے۔

چوتھے مصرعے وچ زمین واہن بارے دسیا گیا اے پئی زمین نوں اللہ تعالیٰ بندیاں ڈھور ڈنگراں، کچھواں، کیڑے مکوڑے ہور
پتہ نہیں کئی ساری مخلوق دی روزی دا اک ذریعہ بنایا اے۔ زمین دے اندر اللہ تعالیٰ بے شمار خزانے رکھ چھڈے نیں۔ ایس
مصرعے وچ وی ایہہ دسیا اے پئی ایس زمین نوں واہندیاں ہویاں کنیں نسلاں مُک گئیاں تے اخیر اسے زمین اندر
چلیاں گئیاں۔ ایس زمین اتے مال دھن جوڑن تے زمین اتے مالکی دی وڈی توں وڈی مل مارن دیاں بے شمار وڈیاں
وڈیاں کھڈیاں ہو چکیاں نیں۔ ایس زمین اتے مل مارن والے وڈے وڈے باتشاہ تے سورے اوڑک اسے زمین اندر جاستے
نیں تے ایہہ زمین اُنجے دی اُنجے ای اتھتھے پئی اے۔ ایس مصرعے وچ وی وچلی سمجھاوئی ایہہ لکھدی اے پئی ایس زمین اتے
مل مارن تے ایہدے لو بھ تے دھندیاں وچ اُکا نچ ای نہیں رُجھنا چاہیدا پئی بندار بنوں وی بھل جاوے۔
واہی نیجی تے موسماں بارے وارث شاہ ایہناں اکھاناں وچ بوہت فائدے والی ڈونگھی بھرنویں جانکاری تے مت
دیاں گلاں دسیاں نیں جیہڑیاں اج وی پنجاب دی پنڈوسوں دے ورتارے وچ نیں۔

عام لوکا چاری دے اکھان

ایس سرنا نویں پٹھ اوہ اکھان شامل کیتے نیں جیہناں وچ وسیب دے وکھو وکھ پکھاں بارے اکو مصرعے وچ جانکاری یاں مت دیاں گلاں لبھدیاں نیں۔ ایہہ اکھان اپنے اندر لے وکھو وکھ مضموناں دی اکوتھاں جڑت پاروں کچھے بنائی سرنا نویں دی کیتی ونڈ وچ کسے اک سرنا نویں پٹھ ٹھیک طرحاں جڑ دے نہیں سن ایس واسطے ایہناں نوں ایس سرنا نویں پٹھ لکھیا اے۔

”سماں یار دا گھسا باز والا جھٹ چور دا تے داؤ ٹھگ دائی
نقش چین تے مشک نہ ختن جیہا یوسف زیب نہ کسے دے چرہ ہی نی
کشمیر جیہا کوئی ملک نہیں، چاننا چن دے نور جیہا
سچ وسدیاں جیڈ نہ بھلا کوئی بُرا نیں جے کم فتور جیہا
ہنگ جیڈ نہ ہور بدبو کوئی، باس دار نہ ہو کچور جیہا
ہمت باجھ جوآن، بن حسن دلبر، لون باجھ طعام سنوار نائیں
کہے کاناواں دے ڈھور نہ کدی موئے شیر پھویاں توں نہیں ہار دے نی“

پہلے مصرعے وچ ونڈ کردیاں ہویاں ایہہ دسیا گیا اے ویلا وقت اوہ ای چنگا اے جیہڑے محبوب نال گزرے کیوں جے محبوب معشوق دی صحبت بندے نوں دنیا جہان توں بے نیاز کر دیندی اے۔ اوہنوں ایس سے نفع گھائے، ویلے وقت دا احساس وی مک جاندا اے۔ انجے ای باز دا گھسا بوہت ڈاھڈا ہوندا اے اوہدی جھال جھلنی بوہت اوکھی سوندی اے تے چور دا جھٹ وی انج ہوندا اے جے عام بند اوہنوں سمجھ ای نہیں سکدا چور اپنے پہلے جھٹ وچ ای اپنا سارا کم کر لیندا اے تے انجے ٹھگاں دے داواں نوں سمجھنا ڈھیر سارا اوکھا اے ٹھگ اپنی ٹھگی نال اپنے فن وچ ماہر ہوندا اے۔

اگلے مصرعے وچ بوہت سونی ونڈ کر کے ایہہ دسیا اے پئی چین دے ملک جیہا نقش کوئی نہیں تے ختن دے علاقے جیہا مشک پوری دنیا وچ نہیں لبھدا۔ کیوں مشک اک خاص قسمدے ہرن دی ناف وچ ہوندی اے۔ پرانے سمیاں توں ای اج تائیں اوہ مشک جیہنوں کستوری وی آکھیا جاندا اے دنیا وچ سبھ توں مہنگی وست اے۔ اوہ ہرن ختن دے علاقیاں وچ لبھدا اے۔ اسے مصرعے وچ اگلے حسن دی ونڈ کردیاں ہویاں دسیا اے پئی دنیا تے حضرت یوسف علیہ السلام جیہا سوہنا ہور کوئی نہیں اے۔ اگلے مصرعے وچ مکاں دی ونڈ کردیاں ہویاں دسیا اے پئی دنیا تے کشمیر جیہا سوہنا ملک کوئی نہیں تے چن دے چانن جیہا کسے شے دا چانن نہیں ہے۔

اگلے مصرعے وچ وسیب دی ونڈ کر کے وارث شاہ ہوراں دسیا اے دکھاں مصیبتاں توں آزاد جیون جیہا وسیب کوئی نہیں

اسے سن داسودا اے تے فسادا جیڑا بھیرا کم کوئی نہیں۔ قرآن مجید وچ فتنہ فسادنوں قتل توں ودھ گناہ دسیا گیا اے۔ وارث شاہ دا ایہہ مصرعہ وی ایہہ دی وضاحت کردا اے۔

”بناچورتے جنگ دے دلیس وسے پت سوئی بنان دے پان ہووے“

اگلے مصرعے وچ بدبو تے خوشبودی وڈ کر دیاں ہوئیاں دسیا اے پئی ہنگ جیڑی دنیا اتے ہور کسے شے دی بدبو نہیں تے کچور جیڑی خوشبودی ہور کوئی وسے نہیں۔

اگلے مصرعے وچ دکھو دکھ شیواں دی ونڈ کتی اے پئی جوان اوہ اے جیہدے وچ زور تے ہمت چنگی ہووے تے محبوب جے کرسو ہنا نہیں تاں اس والی گل کافی نہیں۔ انجے ای کھانے وچ لون نہیں تاں اوہدا وی کوئی سواد نہیں۔ جوان ہمت نال ہووے، معشوق سوہنا ہووے تے ردھے پکے داسودا لون نال اے۔

اخیر لے مصرعے وچ ایہہ دسیا اے کہ کانواں دے آکھیاں ڈھور ڈنگر نہیں مردے تے شیر کدی وی گدڑاں توں نہیں ہار دے پھوی اوس گدڑی نوں آکھدے نیں جیہڑی سون پکھوں ہر شے نوں وڈھن پیندی اے۔ ایس مصرعے وچ وچلی جانکاری ایہہ اے پئی کسے دے آکھیاں کسے دا کوئی نقصان نہیں ہونداتے بہادر سورے ہر لکھنچوتوں ہر دے نہیں۔

فن دے پکھوں وی ایہہ اکھان بوہت سوہنے نیں۔ وارث شاہ اپنے وسیب دیاں جانیاں پچھانیاں تشبیہاں تے استعاریاں نوں اپنے نوکیلے سچے ڈھنگ نال انج دا پھبواں ڈھکواں ورتیا اے پئی وچلی مت نتر کے ساہنے آکھلندی اے۔ چین دے نقش، ختن دے مشک تے حضرت یوسف علیہ السلام دی تلمیح بوہت سوہنی تے پھبویں اے۔ ہنگ دی بدبو واسطے تے کچور دی خوشبو واسطے بوہت ڈھکویں تشبیہاں نیں۔

کانواں دے آکھے ڈھور ڈنگراں دانہ مرن تے شیراں دا پھویاں توں نہ ہرن دا کنایہ اپنی وچلی معنویت پاروں بوہت پھبواں ڈھکواں اے۔ وچلے معنے تے مطلب اپنی پوری جانکاری سمیت ساہنے آکھلندے نیں۔ وارث شاہ ہیر وچ جتھے جتھے وی تشبیہ، استعارے تے کنائے توں کم لیا اے او تھے کدائیں وی بوہت دور دی کوڈی نہیں لیاندی جے وچلی گل عام پڑھن تے سنن والیاں نوں سمجھ وی نہ آوے ایہہ تشبیہاں، استعارے، کنائے تلمیحاں اپنے وسیب دیاں منیاں پرینیاں تے جانیاں پچھانیاں نیں۔ ڈاکٹر موہن سنگھ وارث شاہ دی شاعرانہ خوبیاں بارے لکھدے نیں۔

”آپ نے ہیر نوں اپنے جیوں اپنے قومی تے وقتی جیوں دا اپنے سفلیاں دا چوگر دے

حالات واقعات دا نقصان تے خوبیاں دا نقشہ جاں شیشہ بنان وچ سفلیتا حاصل کیتی

اے۔“ (۷۷)

وارث شاہ ایس قصے دے سارے پاتراں دے مونہوں ہوئی گل بات نوں اوہناں دے وسیب وچ قد کاٹھ مطابق

پاتراں دی فطرت دی اصلیت نگاری، قادر الکلامی زور تے جوش نال پیش کیتا اے۔ جدوں تک دیس پنجاب تے پنجابی جیندے
نیں وارث شاہ اپنی ہیر سمیت لوکاں دے دلاں زندہ رہیوے گا۔

ذات برادری تے علاقیاں دے اکھان

”نہیں چوہڑے داپت ہووے سید گھوڑے ہون نہیں پتر لیلیاں دے“ اس مصرعے وچ وارث شاہ ہوراں اس سمدے پنجاب
وچ ذات پات دے پکے پیڑے نظام تے وکھو وکھ ذات برادریاں دے بارے منے پرمنے کرداراں بارے ڈونگھی جانکاری دتی
اے۔ ہر سمدے وچ ہر تھاں تے سیداں نوں وسیب کرسکدا ہے کدائیں کوئی کوڑ مکرناں ایہہ بے ادبی کروی بیٹھے آیا۔ تاں وسیب
وچ اوہنوں من دا کوئی نہیں سی۔ دو جھے پاسے وسیب وچ چوہڑے ذات نوں گھٹیا سمجھیا جاندا اے۔ اس واسطے اس بول وچ ایہہ
دسیا گیا اے پئی چوہڑے داپتر کدوی سید نہیں بن سکدا بھانویں اوہ جنیاں عبادتاں زہدیاں کرلوے۔ انجے لیلیاں دے بچے
گھوڑے نہیں بن سکدے۔ کیوں جے فطرت نہیں بدل سکدی۔ دو جھے مصرعے ”وارث شاہ فقیر بھی نہیں ہوندے پتر جٹاں تے
موچیاں تیلیاں دے“ وچ وی وارث شاہ ہوراں اس سمدے دے وسیب وچ وکھو وکھ ذات برادریاں دے بارے منی پرمنی تے
ٹھکویں وٹ کر دتی اے۔ پئی موچی، جٹ تے تیلی برادری دا کوئی بندہ فقیر نہیں بن سکدا۔ وارث شاہ دے سمدے دے وسیب وچ ہر
ذات برادری دی حیاتی دے ہر کچھ بارے وکھو وکھ رسماں ریتاں تے ورتارے سن جیہڑے اس ذات برادری دے بارے پورے
وسیب وچ منی پرمنی تے پچھان کرادیندے سن۔ ایہناں پکی پیڑی خاندانی رسماں ریتاں نوں ساہمنے رکھ کے سیانے لوک کسے دی
بندے دے کردار بارے فیصلہ کردیندے سن۔

”وارث شاہ نہ معتبر جانیے جی قول جٹ سنیا رقصاں دا“ اس اکھان وچ وارث شاہ ہوراں تن ذاتاں جٹ، سنیا رتے
قصائیاں دی ذاتاں بارے دسیا اے پئی اوہناں ذاتاں دے بندیاں دا قول کسے تھاں وی معتبر نہیں ہو سکدا کیوں جے ایہہ لوک
وسیب وچ اپنے گندے کرتوتاں پاروں اعتبار دے قابل نہیں۔ ایہناں کرتوتاں بارے وارث شاہ ہیر دی کتاب وچ اک
ہور تھاں اک بول وچ لکھیا

”ڈوگر جٹ ایمان نوں وچ کھاندے دھیان مار دے تے پاڑ لاندے نے
ترک قول حدیث دے نت کردے چوری یاریاں بیاج کماندے نے
جیے آپ تھیون تہیاں عورتاں نے بیٹے بیٹیاں چوریاں لاندے نے
جیہڑا چور تے راہزن ہووے کوئی اوسدی وڈی تعریف سناو دے نے
جیہڑا پڑھے نماز حلال کھائے اوہنوں مہنا متقی لاندے نے

مونہوں آکھ کڑمایاں کھوہ لیندے ویکھو رب تے موت بھلانودے نے
 وارث شاہ میاں دو خصم دیندے نال بیٹیاں ویر کمانودے نے “ (۷۸)

اُتے دتے گئے مصرعیاں وچ وارث شاہ ہوراں جٹاں دے کرتوتاں تے مکر فریاں دا اپنے خاص نویکلے ڈھنگ نال پورا نقشہ کھچ
 دتا اے جیہدے بعد ڈوگر جٹاں دے کردار بارے کوئی بھلیکھا نہیں رہ جاندا۔ وارث شاہ جٹ قبیلیاں وچ رہ کے ایہناں دے
 چالیاں نوں نیڑے ہو کے ویکھیا سی تے فیر اپنے مشاہدے تے تن ورتیاں نوں سچے ڈھنگ نال بیان کردتا۔ اس سہ جٹ
 قبیلیاں وچ اُتے گنوائے عیب برائیاں عام سن پر سبھ توں وڈی بھڑی گل ایہہ سی پئی برائی نوں برائی ای نہیں سی سمجھیا جاندا۔ چنگی
 مت دیون والے دا ٹھٹھا مذاق کیتا جاندا آہا۔ ایہہ اوہ عیب سن جنہاں پاروں وارث شاہ متارا کر کے دس دتا پئی ستھ پر بہا وچ جٹاں دا
 قول یاں گواہی اعتبار دے قابل نہیں سی۔

”اشراف دی بات منظور ناہیں چور چودھری اتے لنڈور کیتے“ اس بول وچ وارث شاہ وسیب وچ الٹی بے ڈھنگی چال
 بارے دس پائی اے پئی وسیب دیاں اچیاں اعلیٰ قدراں دی تھاں شیطانی قدراں رواج پا گئیں سن ایہہ اسباب اس سہ دے
 ہندوستانی وسیب اتے غیر ملکی حملہ آوراں دیاں سازشاں تے جنگاں دے اثرات سن۔ جنہاں دے نتیجے وچ وسیب دیاں قدراں
 ٹٹ بھج دا عمل ڈھیر تیزی نال جاری سی۔ اک وقت سی چور اچکے نوں اپنے عیاں پاروں لک چھپ جینا پیندا سی پر وارث شاہ دے
 سہ لٹے زمانے آئے جنہاں وچ اشراف لوک اپنی شرافت پاروں نویاں تبدیلیاں وچ پچھاں رہ گئے تے وسیب وچ چور اچکے
 آگو بن کے سہمے آ گئے۔ اس گل نوں اک ہور بول ”کانوں باغ دے وچ کلول کر دے کوڑا پھولنے اتے مور کیتے“ وچ تشبیہ
 دے وسیب دی اس ٹٹ بھج دے عمل نوں ہور کھول کے بیان کیتا اے پئی باغ موچ جتھ کل تک بلبل تے مور ہوندے سن ہن باغ
 وچ بلبلاں تے موراں نوں کڈھ کے اروڑی تے گند پھولن اتے لا دتا اے باغ وچ کانواں داراج ہو گیا اے۔ جدوں وسیب وچ
 نفسا نشی تے کھوہ کھوہی دا و بہار عام ہو جاوے تاں چنگے مندے کھرے کھوٹے دا فرق مٹ جاندا اے اودوں سیانے لوک
 وارث شاہ دے ایہہ بول اکھان دے طور تے ورتدے نیں۔

”چور یار تے ٹھگ نہ رہن گجھے کتھے چھین آدمی کار دے جی“ اس بول وچ وارث شاہ شیطانی راج دے چلدے و بہار
 نوں لکار دیاں ہویاں آکھیا پئی لٹ مارتے ٹھگی بھانویں پارسائی تے پاکدامنی دے جنے غلافاں وچ چھین قدرت دا قانون اخیر
 اوہناں نوں تنگیاں کر کے رکھ دیندا اے۔ اس واسطے ٹھگی دے چلدے و بہار دا حصہ نہیں بننا چاہیدا۔ خدا دی مخلوق وچ پیار محبت
 وٹڈنی چاہیدی۔

ہنر جھوٹھ کمان لاہور جیہی اتے کانور و جیڈ نہ سحر ہے نی“ اس اکھان وچ وارث شاہ اُس سہ وچ لاہور شہر جھپڑا پنجاب دا
 دارالحکومت سی بارے دسیا اے پئی ہر قسم دے ہنر واسطے لاہور دو جھے شہراں وچ مشہور آہا کیوں جے ہنر پیشہ کار مگر سارے ملک

نالوں ڈھیر لاہور راندے سن۔ ایہدے نال نال جھوٹھ فراڈ وچ وی مشہوری۔ انج ای کا نور جادوگری دے حوالے نال مشہوری اوتھے وڈے وڈے جادوگر سن۔

”چغلی نہیں دیپالپور کوٹ جیہی اوہ نمرود تھا نو بے مہر ہے نی“ اس بول وچ وارث شاہ توں صدیاں پہلاں دالا ہورتے ملتان دے وچکار فوجی چھاؤنی تے اک وڈا شہری۔ وارث شاہ اکثر ملکہ ہانس توں قصور وں سفر کردیاں ہوئیاں دیپالپور وں لنگھدے سن۔ اوتھوں دے لوک چغلی، جھوٹھ تے بے مہر پاروں آس پاس دے شہراں وچ مشہور سن۔

”نقش چین تے مشک نہ ختن جیہا یوسف زیب نہ کسے دی چہر ہے نی“ اس مصرعے وچ وی وارث شاہ وڈا کردیاں ہوئیاں دسیا اے پئی نقش نگاری ملک چین جیہی پوری دنیا وچ نہیں اے تے مشک خوشبو چین دے علاقے ختن جیہی نہیں اے۔ کیوں بے اصل مشک ہرن دے نافے وچوں نکلدی اے تو ختن دے علاقے وچ ہرن ڈھیر پائے جاندے نیں۔ حسن پوری دنیا وچ حضرت یوسف علیہ السلام جیہا کسے نوں نہیں ملیا۔ آپ پوری دنیا دے انساں وچوں ڈھیر حسین و جمیل سن۔

”کشمیر جیہا کوئی ملک نہیں، نہیں چاننا جن دے نور جیہا“ اس مصرعے وچ مکاں دی وڈا کردیاں ہوئیاں وارث شاہ دسیا اے پئی پوری دنیا وچ کشمیر جیہا سوہنا ملک کوئی نہیں۔ تے جن دے نور جیہا ہور کسے شے دانو نہیں۔ ایہہ اللہ تعالیٰ دیاں عطاواں نیں پئی ہر چیزیاں علاقے وچ کوئی نہ کوئی ایہو جیہی خوب رکھ دتی اے جس پاروں اوہ پوری دنیا وچ مشہور ہو جاندے نیں۔ کیوں بے اللہ تعالیٰ دی ہر عطا وچ وی اک خاص نوں نکالتے وکھرا پن لکھدا اے جیہڑا اوہدی پچھان بن جاند اے۔ وارث شاہ دیاں ایہہ کیتیاں وڈاں دی بنیاد اپنے اندر اٹل سچائیاں یاں ازلی حقیقتاں بارے بھرنویں تے ڈونگھی جانکاری دیندی اے۔ اس واسطے وارث شاہ دے ایہہ بول اپنی اندر لی سچائی دے ست تے پھویں ڈھکویں ڈھنگ پاروں اکھاناں داروپ وٹا چکے نیں۔ فن دے پکھوں ایہہ اکھان سچا تے اُچا نمونہ نیں۔ ایہناں بولاں وچوں اُس سے دے پنجاب دہی شہری تے پینڈ ووسوں اپنے سارے رنگاں نال جھلکارے مار دی دسدی اے۔ وارث شاہ کول ایہہ کمال درجے دافن سی پئی جتھے جتھے وی تشبیہاں تے استعاریاں نوں ورتیا اے اوہ مصرعے یاں لفظ اپنے کچھے چھپے معنیاں نوں انج دی سچے ڈھنگ نال ورتیا اے پئی وچلی گل دے سمجھن وچ کوئی بھلیکھا نہیں رہ جاند اے۔ ایہناں مصرعیاں دی اک ہور وڈی خوبی ردھم تے رچاواے جیہدے نال پڑھنی تے سنن والیاں اتے چنگا بھرواں اثر پیندا اے۔ ایہدے نال کلام کچھواں بن جاند اے۔

وارث شاہ دے فن بارے ڈاکٹر ناصر رانا لکھدے نیں:

”وارث نے اپنے قصے دے کرداراں دیاں شخصیتاں تے چشتیاں پیش کرن دے نال نال اوہنداں دی تحلیل نفسی وی کیتی اے جہدے کارن ایہہ قصہ علمی، ادبی تے فنی بیکھ توں لحاظ نال ہور وی اچا تے سچا بن گیا اے تے ایہدے وچ آفاقی خصوصیتاں پیدا ہو گئیاں نیں“ (۷۹)

فن دیاں ایہناں خوبیاں پاروں ای ڈھائی سوور ہے لنگھ جان مگروں وی اس دی فنی تازگی تے اوہدے شعری سہن وچ
فرق نہیں آیا۔ اج وی لوک اس قصے نوں او سے ذوق تے شوق نال پڑھدے تے سندے نیں جس ذوق تے شوق نال اودوں
پڑھیا جاندا سی۔ وارث شاہ نوں اللہ تعالیٰ ولوں سخن دی وراثت عطا ہوئی سی۔

حوالہ جات

- ۱۔ وارث شاہ، ہیر وارث شاہ، عبدالعزیز شیخ (مرتبہ)، لاہور، الفیصل ناشران، ۲۰۰۵ء، ص ۲۸۸، ۲۸۹
- ۲۔ اعتراض احسن، سندھ ساگر اور قیام پاکستان، مستنصر جاوید (مترجم)، اسلام آباد، دوست پبلی کیشنز، ۱۹۹۹ء، ص ۲۳۸
- ۳۔ ایضاً، ص ۲۴۰
- ۴۔ ایضاً، ص ۲۴۱، ۲۴۲
- ۵۔ ایضاً، ص ۲۶۳
- ۶۔ ای۔ مارسڈن، تاریخ ہند لالہ جیارام/خلیفہ عماد الدین (مترجمین)، لاہور، بک ہوم، ۲۰۰۶ء، ص ۱۵۷
- ۷۔ سعید بھٹا، پیر محمد اک غیر جانبدار مورخ، مشمولہ: سانجھ و چار، سعید بھٹا (مرتبہ)، لاہور، اے۔ ایچ پبلشرز، ۱۹۹۷ء، ص ۱۹۰
- ۸۔ ایضاً، ص ۱۹۰
- ۹۔ جے۔ آر۔ پوری ٹی۔ آر۔ شنگاری، سائیں بلھے شاہ، لاہور، فلیشن ہاؤس، ۱۹۹۵ء، ص ۳۳۲
- ۱۰۔ ایضاً، ص ۲۳۸، ۲۳۹
- ۱۱۔ سجاد حیدر، بابا بلھے شاہ دی شاعری وچ عصری حوالے، مشمولہ: سانجھ و چار، سعید بھٹا (مرتبہ)، لاہور، اے۔ ایچ۔ پبلشرز، ۱۹۹۷ء، ص ۵۰۳
- ۱۲۔ احسان باجوہ، ناتھ جوگی تے وارث شاہ، مشمولہ: مہنہ وار ترنجن، جلد پنجم، شمارہ ۷-۱۰، وارث شاہ نمبر، لاہور، جولائی۔ اکتوبر ۲۰۱۱ء، ص ۴۳
- ۱۳۔ ای۔ مارسڈن، تاریخ ہند لالہ جیارام/خلیفہ عماد الدین (مترجمین)، ص ۱۶۳
- ۱۴۔ انور بیگ، پروفیسر، اعوان، وارث شاہ دے زمانے دا پنجاب، مشمولہ: مہینہ وار پنچ دریا، جلد ۱۲، اکتوبر، نومبر ۱۹۶۹ء، ص ۲۴۲
- ۱۵۔ وارث شاہ، ہیر وارث شاہ، عبدالعزیز شیخ (مرتبہ)، ص
- ۱۶۔ ثناء چدھر، لوک تواریخ، لاہور، سانجھ پبلی کیشنز، ۲۰۰۸ء، ص ۵۸
- ۱۷۔ ایضاً، ص ۲۵۵
- ۱۸۔ ایضاً، ص ۲۵۸

- ۱۹۔ نصیر احمد چیمہ پروفیسر و ارث شاہ دے وقت دایچنجاب، مشمولہ: مہینہ وار ترنجن، جلد اول، شمارہ ۸: لاہور، جولائی ۲۰۰۷ء
ص ۲۴
- ۲۰۔ ایضاً۔ ص ۲۵
- ۲۱۔ آر۔ پی۔ ترپاٹھی، مغلیہ سلطنت کا عروج و زوال، ریاض احمد شروانی، ڈاکٹر (مترجم)، لاہور، مکتبہ عالیہ، ۱۹۸۷ء، ص ۵۴۵
- ۲۲۔ اشرف، آغا، پاکستان کا اسلامی پس منظر، لاہور، مقبول اکیڈمی، ۱۹۸۳ء، ص ۷۱
- ۲۳۔ اشرف محمد کنور، ڈاکٹر، ہندوستان عہدِ وسطیٰ میں، کراچی، سٹی بک پوائنٹ، ۲۰۰۷ء، ص ۱۹۳، ۱۹۴
- ۲۴۔ ایضاً۔ ص ۱۹۵
- ۲۵۔ ایضاً۔ ص ۱۹۲
- ۲۶۔ علی حسن چوہان، گوجر تاریخ گوجر (حصہ سوئم)، کراچی، انٹرنیشنل پبلشرز، ۱۹۶۰ء، ص ۴۱۰
- ۲۷۔ اعتراض احسن، سندھ ساگر، مستنصر جاوید (مترجم)، ص ۲۵۳، ۲۵۴
- ۲۸۔ اشرف محمد کنور، ڈاکٹر، ہندوستان عہدِ وسطیٰ میں، ص ۲۰۸
- ۲۹۔ وارث شاہ، ہیر وارث شاہ، عبدالعزیز شیخ (مرتبہ)، لاہور، الفیصل ناشران، ۲۰۰۵ء، ص ۲۰۵
- ۳۰۔ اشرف محمد کنور، ڈاکٹر، ہندوستان عہدِ وسطیٰ میں، ص ۲۲۲
- ۳۱۔ احسان باجوہ، ناتھ جوگی تے وارث شاہ، مشمولہ: مہینہ وار ترنجن، جولائی، اکتوبر، ۲۰۱۱ء، ص ۴۵
- ۳۲۔ وارث شاہ، ہیر وارث شاہ، عبدالعزیز شیخ (مرتبہ)، ص ۲۰۱، ۲۰۲
- ۳۳۔ ایضاً۔ ص ۲۰۳
- ۳۴۔ اشرف محمد کنور، ڈاکٹر، ہندوستان عہدِ وسطیٰ میں، ص ۲۲۹، ۲۳۰
- ۳۵۔ اکرام محمد، شیخ، روڈ کوثر، لاہور، ادارہ ثقافت اسلامیہ، ۱۹۹۲ء، ص ۶۰۱
- ۳۶۔ جے آر پوری، ٹی۔ آر، شنگاری، سائیں بلھے شاہ، ص ۳۸۸
- ۳۷۔ نجم حسین سید، سچ سدا ابادی کرنا، لاہور، سچیت کتاب گھر، ۲۰۰۷ء، ص ۲۱
- ۳۸۔ ایضاً۔ ص ۲۳
- ۳۹۔ ایضاً۔ ص ۲۵
- ۴۰۔ علی بلگرامی، سید تمدن ہند، لاہور، مقبول اکیڈمی، ۱۹۶۲ء، ص ۳۶۶

- ۴۱۔ امجد شریف، تیرا ہر اک شعر اکھان اے وارث شاہ، مشمولہ: مہینہ وار ترنجن، جلد پنجم، شمارہ ۷۔ ۱۰ جولائی، اکتوبر ۲۰۱۱ء، ص ۱۷۳
- ۴۲۔ وارث شاہ، ہیر وارث شاہ، عبدالعزیز شیخ (مرتبہ)، ص ۹۹
- ۴۳۔ جلال الدین رومی، مولانا، مثنوی مولوی معنوی، جلد اول، سجاد حسین قاضی (مترجم)، لاہور، الفیصل ناشران و تاجران کتب، ص ۳۱
- ۴۴۔ وارث شاہ، ہیر وارث شاہ، عبدالعزیز شیخ (مرتبہ)، ص ۹۹
- ۴۵۔ محمد بخش، میاں، سیف الملوک، لاہور، شیخ غلام حسین اینڈ سنز، سن ندارد، ص ۱۹۴
- ۴۶۔ ایضاً، ص ۴۲
- ۴۷۔ وارث شاہ، ہیر وارث شاہ، عبدالعزیز شیخ (مرتبہ)، ص ۳۳۸
- ۴۸۔ حسین مادھوال، کلام حضرت مادھول، مقصود ثاقب (سودھی)، لاہور، سچیت کتاب گھر، ۲۰۰۷ء، ص ۲۳
- ۴۹۔ محمد عمر خوشابی، اظہار حقیقت، سرگودھا، غلام محمد میکن، سن ندارد، ص ۳۲
- ۵۰۔ علی عباس جلالپوری، مقامات وارث شاہ، لاہور، تخلیقات، ۱۹۹۹ء، ص ۷۶
- ۵۱۔ ایضاً، ص ۸۲، ۸۱
- ۵۲۔ نجم حسین سید، سیدھاں، لاہور، سچیت کتاب گھر، ۲۰۰۷ء، ص ۶۳
- ۵۳۔ عابد علی عابد، سید اسلوب، لاہور، مجلس ترقی ادب، ۱۹۹۶ء، ص ۱۶۲
- ۵۴۔ احمد ندیم قاسمی، وارث شاہ، اکمال فن، مشمولہ: ماہوار پنچ دریا، جلد ۱۲، وارث شاہ نمبر، لاہور، اکتوبر، نومبر ۱۹۶۹ء، ص ۱۰۷
- ۵۵۔ صدیق، تاثیر، پنجابی اپنا عروض (چھند بندی)، لاہور، بزم فقیر، ۲۰۰۹ء، ص ۲۱
- ۵۶۔ غلام احمد پرویز، تصوف اور اس کی حقیقت، لاہور، ادارہ طلوع اسلام، ص ۲۴
- ۵۷۔ سلطان باہو، کلام باہو، نذیر احمد سید ڈاکٹر (مرتبہ)، لاہور، پیکیجز لمیٹڈ
- ۵۹۔ احسان باجوہ، ناتھ جوگی تے وارث شاہ، مشمولہ: ترنجن، اکتوبر ۲۰۱۱ء، ص
- ۶۰۔ ایضاً، ص
- ۶۱۔ وارث شاہ، ہیر وارث شاہ، عبدالعزیز شیخ (مرتبہ)، ص
- ۶۲۔ محمد بخش، میاں، سیف الملوک
- ۶۳۔ عمر خوشابی، اظہار حقیقت، ص

- ۶۴۔ وارث شاہ ہیر وارث شاہ عبدالعزیز شیخ (مرتبہ) ص
- ۶۵۔ عمر خوشابی اظہار حقیقت ص ۴۴
- ۶۶۔ شاہ حسین، کافیاں شاہ حسین، مقصود ثاقب (مرتبہ) لاہور سچیت کتاب گھر، ۲۰۰۷ء ص
- ۶۷۔ وارث شاہ ہیر وارث شاہ عبدالعزیز شیخ (مرتبہ) ص ۲۱۹
- ۶۸۔ عبدالقادر سر (مرحوم)، وارث شاہ دادا دبی مقام، مشمولہ: ماہوار پنچ دریا، اکتوبر ۱۹۶۹ء ص ۱۱۴
- ۶۹۔ عابد علی عابد سید اسلوب ص ۱۹۴
- ۷۰۔ حسین شاد وارث اک نرالے ڈھنگ، شاعر، مشمولہ: مہینہ وار ترنجن، اکتوبر ۲۰۱۱ء ص ۱۵
- ۷۱۔ عابد علی عابد سید اسلوب ص ۱۹۴
- ۷۲۔ عمر خوشابی اظہار حقیقت ص
- ۷۳۔ وارث شاہ ہیر وارث شاہ عبدالعزیز شیخ (مرتبہ) ص ۲۴۸
- ۷۴۔ سٹیفن ڈبلیو ہاکنگ، وقت کی مختصر تاریخ، عظیم الرحمان فرقان (مترجم)، اسلام آباد، مقتدرہ قومی زبان، ۲۰۰۹ء ص ۳۹
- ۷۵۔ وارث شاہ ہیر وارث شاہ عبدالعزیز شیخ (مرتبہ) ص ۲۲۴
- ۷۶۔ شہباز ملک، ڈاکٹر پنجابی، کہاوتیں لاہور، مکتبہ میری لائبریری، ۱۹۸۹ء ص ۹۵
- ۷۷۔ موہن سنگھ، ڈاکٹر وارث دی ہیر وچ شاعرانہ خوبیاں، مشمولہ: ماہوار پنچ دریا، جلد ۱۲، اکتوبر نومبر ۱۹۶۹ء ص ۱۸۲
- ۷۸۔ وارث شاہ ہیر وارث شاہ عبدالعزیز شیخ (مرتبہ) ص ۳۱۲
- ۷۹۔ ناصر رانا ڈاکٹر، ہیر وارث شاہ وچ شاعر دیاں کچھ کھیڈاں۔ مشمولہ۔ ترنجن مہینہ وار وارث شاہ نمبر، لاہور، جولائی اکتوبر ۲۰۱۱ء ص ۳۱

پنجواں باب

تتے سٹا

تتے سٹا

اکھان وسیب دی ساجھی سمجھ سیانف تے حکمت دانش دے ائمے موتی نیں۔ جیہڑے حیاتی دے کسے نہ کسے کچھ بارے ڈونگھی جانکاری، سیانی مت یاں اٹل ٹھکویں فیصلے دیندے نیں۔ اکھان اپنے اندر بیان ہوئی سچائی دے ست، پھبویں ڈھکویں بیان ڈھنگ تے وسیب وچ ورتارے پاروں ویلے دے دھوڑ دھپے توں محفوظ رہندے نیں۔

اکھان لوک ادب دی اک بوہت پرانی تے مڈھلی کاڈھا تے پوری دنیا اُتے ہر زبان دے ادب وچ مڈھ توں ای ٹری آوندی اے۔ پرانیاں مذہبی کتاباں وچ وی اکھان لہندے نیں۔ دنیا وچ ہر تھاں لوک اپنی کیتی گل اتے پکائی دے مہر لاون تے دوجھیاں توں منعاون واسطے اکھان ورتدے نیں۔ کسے بول یاں سیانی مت نوں اکھان بن واسطے کھیاں پڑانواں وچوں لنگھنا پیندا اے تے کنیں واریں ایہناں پڑانواں وچوں لنگھدیاں ہو یاں صدیاں وی لنگھ جاندیاں نیں۔

پنجابی اکھان لوک تواریخ دا ہزاراں ورہیاں دا پینڈا اک نسل توں دوجھی نسل تائیں سینیاں وچ ای کردے ٹرے آوندے نیں۔ وسیب وچ ورتارے پاروں ڈھیر سارے اکھان لوکاں نوں زبانی یاد ہوندے نیں۔ کچھلی صدی دے اخیر لے ادھ توں اکھاناں اُتے کجھ کتاباں چھپن لگ پئیاں سن۔ ہن تائیں پاکستان وچ تقریباً دہ دے لگ بھگ کتاباں چھپ کے بازار وچ آچکیاں نیں۔

اکھاناں تے زبان دا آپس وچ پرانا تے پکا پینڈا سمبندھ لہندے اے۔ اکھان زبان نوں لفظاں دے بھنڈارے توں دکھاگانہ پیر پٹن وچ چنگا بھرنواں کردار ادا کردے نیں۔ اکھاناں وچ حیاتی تے وسیب دے سارے پکھاں اتے ڈونگھی تے بھرنویں جانکاری لہندی اے تے دوجھی گل ایہہ ساہمنے آئی اے پئی اکھاناں راہیں علم دے وڈے وڈے مضموناں نوں گھٹو گھٹ لفظاں وچ اک بول یا پورے شعر وچ سُچے تے پھبویں بیان ڈھنگ نال بیان کیتا گیا اے۔ پئی اوہ لمیاں چوڑیاں لکھتاں یا تقریراں نالوں پڑھن سُنن والیاں اتے چوکھا گورھا اثر چھڈ دے نیں۔ انج اکھان زبان دی جان ہوندے نیں۔

ایہہ گل وی ساہمنے آوندی اے۔ پئی اکھاناں تے وسیب دا سمبندھ وی آپس وچ بوہت مڈھلا تے پکا پینڈا اے۔ اکھان وسیب وچ ای حمدے پلدے تے نسر دے نیں۔ اکھاناں وچ وسیب دی معاشی، معاشرتی، سیاسی، مذہبی تے مجلسی حیاتی اپنے ساری رنگاں تے پکھاں سمیت جھلکارے ماردی لہندی اے۔ اکھان وسیب دا شیشہ ہوندے نیں، جس وچوں پورا وسیب اپنے سارے پکھاں سمیت ساہمنے آکھوئدا اے۔ اکھان اوہ گھسوٹی نیں جہاں اتے بجن دشمن، اپنے پرانے، کھرے کھوٹے، سچ گوڑ تے چنگے مندے وچکار چچھان تے فیصلہ کیتا جاسکدا اے۔

پنجابی زبان دی کلاسیکی شاعری وچ اکھاناں دا چنگا قابلِ قدر خزانہ لہندے اے۔ پنجابی کلاسیکی شاعری وچوں حضرت شاہ حسین مادھولال دے پنجابی کلام ”کافیاں شاہ حسین“ دے ڈونگھے مطالعہ توں ایہہ پتہ چلدے اے۔ پئی حضرت شاہ حسین دین اسلام دیاں ازلی سچائیاں عشقِ حقیقی، فقر، تقدیر، موت، رب تے بندے دے تعلق نوں اس سے دے چلدے ویہار دے اکھاناں راہیں اپنے نویکے ڈھنگ نال بیان کیتا اے۔ شاہ حسین اپنے سے دے سیاسی، سماجی، مذہبی تے معاشی حالات نوں ایس سے دے وسیب دیاں جانیاں پچھانیاں

علامتاں راہیں انج نویکلے ڈھنگ نال بیان کیتا اے۔ پئی اوہناں دے کئی بول اکھاناں داروپ وٹا چکے نیں۔ شاہ حسین دیاں کافیاں پڑھن توں ایہہ گل ساہمنے آ وندی اے پئی اُس سہ حاکم ٹولہ اپنیاں ٹوہراں تے عیاشیاں اُتے مال زرا تھئے واہ خرچ کرداسی تے وڈے وڈے محلاں تے حویلیاں وچ رہندے سن۔ دو جھے پاسے شہراں وچ نکلیاں موٹیاں شیواں بناون والا طبقہ تے پنڈ و سوں وچ زمیناں اتے واہی نیجی داکم تے ڈنگر چارن والے سن۔ ایہہ لوک اپنے ہڈاں نوں پیہہ کے حاکم ٹولے واسطے اناج تے حیاتی دیاں لوڑاں دیاں شیواں بناندے سن۔ پر مڑ وی دو ویلے دی روٹی مساں پوری ہوندی سی۔ ایہناں دی حیاتی وچ خوشی تے عیاشی ناں دی کوئی شے نہیں سی ہوندی۔ ویاہ کا جاں واسطے قرضے لینے پیندے سن۔ باقی ساری عمر ایہناں قرضیاں نوں لاہندیاں گزر جاندی سی۔ ایہناں دے گھر ککھاں کانیاں دے بنے ہوندے سن۔ حاکم دھڑا پکیاں فصلاں مال ڈنگراں وچوں حصہ تے لگاناں تے نویں نویں ٹیکساں دے ناں نال اُگراہ کھڑ دے سن۔

حاکم دھڑا مال دھن جوڑن وچ دن رات رُجھیا ہویا نظریں آ وندا اے۔ ایہناں ٹیکساں دے خلاف پنجاب وچ ساندل بار دے وڈے وڈے قبیلے دے بھٹی دی آگوائی وچ پختہ شاہی دی نابری کردیاں ہویاں شاہی فوجاں نال ٹکریں دے نیں۔ کنیں واریں ایہہ لڑائیاں ہویاں۔ ایس سہ پنجاب وچ افراتفری تے بد امنی ودھ جاندی اے کارگر پنجاب دے شہراں توں نسنا شروع کردیندے نیں۔ تجارتی قافلے پنجاب وچوں لنگھنا چھڈ دیندے نیں۔ ایس سہ پنجاب دے وسنیکاں اتے روز دیہاڑی کوئی نہ کوئی مصیبت آفت بوہا کھڑا وندی نظر آ وندی اے۔ اُس سہ وسیب وچ قدراں دی وی ڈھیر ساری ٹٹ بھج نظر آ وندی اے۔

راج گدیاں لئی پتر اپنے پیونوں مار کے اوہدی رت دا ٹکالا کے راج گدیاں سانبھدے نظر آ وندے نیں۔ کھوہا موہی تے مار دھاڑ دا ویہار ودھدا نظریں آ وندا اے۔ انج لگدا اے پئی ہر پاسے طاقت دا ای راج اے۔ تکرے ماٹیاں دے علاقیاں اتے قبضے کر کے مال زرا اناج ڈھور ڈنگراں تے زانیاں نوں وی زبردستی لے جانے نظر آندے نیں۔ سیاسی پکھوں اوس ویلے ہندوستان وچ چغتیاں اک مضبوط تے مرکزی حکومت قائم کیتی جس پاروں پہلی واریں ہندوستان دے دور دراڑے تے وکھو وکھ ثقافت دے علاقیاں نوں اک حکومت دے ماتحت سیاسی وحدت نصیب ہوئی۔ ایہناں دور دے صوبیاں دے لوکاں نوں اک دو جھے نال ملن دا موقع ملیا۔ سفر کرن دے راہ چوراں ڈاکواں توں محفوظ ہو گئے۔ تاجراں دے قافلے سفر کرن لگ پئے۔

چغتیاں وچ تخت دی وراثت واسطے کوئی پکا پیڑا تے ٹھکواں قانون نہ ہون پاروں اک بادشاہ دے مرن پکھوں تخت دے وارثاں وچکار جنگ چھڑ ویندی ہائی۔ لاشاں اُتوں لنگھ کے تخت تک اپڑنا پوندہا۔ حکومت دیاں حدواں ودھاوون واسطے ہر پاسے جنگاں ای جنگاں چھڑیاں نظر آ وندیاں نیں۔

شاہ حسین دے سہ دا وسیب دو وڈیاں مذہباں وچ وٹدیا ہویا نظر آ وندا اے دونہاں وچکار حیاتی دی رہتل بہتل خوشی غمی دیاں رسماں تے ریتاں وچ ڈھیر سارا فرق ساہمنے آندا اے۔ پختہ باتشاہ جلال الدین اکبر دونہاں مذہباں وچکار تھنوں مکاں تے سانجھ نوں ودھاوون واسطے ڈھیر سارے جتن کیتے ہندو زانیاں نال شادیاں کیتیاں ہندواں دے تہواراں میلیاں ٹھیلیاں وچ باتشاہ خود شامل ہوندا ہا۔ بھگتی تحریک دے بھگتاں دے تے مسلماناں وچ صوفی فقیراں دے وچاراں دا سانجھے وسیب دی اُساری وچ چنگا بھرنواں

کردار ملدا اے۔ وسیب وچ حاکم دھڑا اپنی رہتل بہتل دے حوالے نال تھلویں طبقے نالوں ڈھیر وکھراسی۔ حاکم تے امیر وزیر وڈوڈے حرم رکھدے سن۔ محلاں تے اُچیاں حویلیاں وچ عیاشی تے رنگ رلیاں اتے مال زرنوں بے دردی نال تے بے حسابا خرچ کیتا جاندا سی۔ ایس طبقے دے طاہر تے باطن وچ ڈھیر سارا فرق نظر آ وندا اے۔ جدوں کے تھلویں طبقے دی رہتل بہتل بوہت سادہ تے ایس دھرتی دے رنگاں وچ رنگی ہوئی دس دی اے۔ ایس طبقے وچ ایس دھرتی دیاں قدراں دا پالن جان اتے کھیڈ کے وی کیتا جاندا سی۔ ایہہ طبقہ ایس دھرتی دی پرانی تہذیب تے ثقافت نال جُویا ہو یا نظر آ وندا اے۔ شاہ حسین مادھولال دے پنجابی کلام ”کافیاں شاہ حسین“ وچ وسیب تے بندے دی حیاتی دے سارے پکھاں بارے ڈنگھی بھرنویں تے دلاں اتے اثر کرن والی جانکاری، حیاتی وچ کم آنوالیاں سیانیاں متاں تے سچ گور، کھرے کھوٹے، نیکی بدی تے چنگے مندے وچ کارنتارے کرن والے اٹل تے ٹھکویں فیصلے لبھدے نیں۔

حضرت شاہ حسین مادھولال دیاں کافیاں دے ایہناں اکھاناں دی وکھو وکھ سرنانویاں پٹھ ایس طرحاں دی وند کیتی گئی اے۔
 سبھ توں پہلاں عشق دے موضوع اتے مصرعے اک تھان اکٹھے کیتے نیں۔ جہاں وچ عشق دیاں صفتاں، نشانیاں، لوڑاں، عشق دے راہ وچ آون والیاں سختیاں، مصیبتاں، اوکڑاں تے عشق دیاں بریک قلبی وارداتاں بارے نگھی تے بھرنویں جانکاری لبھدی اے۔ ایس توں وکھ عشق وچ عاشقاں دی عاجزی، مرٹن، محبوب دے وچھوڑے وچ عاشقاں دی حالت، سکاں، سدھراں، ہاڑے تے عشق دے راہ توں نہ مرٹن دے ہٹھ، ہجر دیاں کوکاں تے فریاداں ملدیاں نیں۔

عشق توں بعد فقر دے موضوع اتے چوکھے سارے مصرعے لبھدے نیں۔ جہاں وچ فقر دی دنیا تے شرع دافرق، فقر دیاں نشانیاں، فقر دے راہ اتے ٹرن واسطے لوڑاں، فقر دیاں ریتاں، فقر دے راہ دیاں اوکھیاں گھاٹیاں تے فقر دے پندھ نوں کھوٹا کرن والیاں شیواں بارے پکی پیڈی تے نگھی جانکاری ملدی اے۔

ایس توں مگروں ویلے دے قاروناں نوں مال زردے خزانے اکٹھے کرن دے تے سٹے بارے سمجھانیاں، مت دیاں گلاں، مال خزانیاں دی حقیقت، لٹ مار تے ٹھگی دی ایس کھیڈ وچ رُجھے لوکاں نوں شاہ حسین داد بکے نال زور والا ملنگ لکراوی لبھدا اے۔

ایس توں بعد کچھ اکھان عادتیاں دی بنیاد اُتے کرداراں دی وند کیتی لبھدی اے۔ کافیاں شاہ حسین وچ ڈھیر سارے اکھان ایس دنیا دی بے ثباتی بارے ملدے نیں۔ جہاں وچ ایس دنیا دی حقیقت، ایہدے عارضی ہوون، ایس دے سارے پھارے دے وکھو وکھ رنگاں، پکھاں تے ایہدے دھندیاں روپھیاں وچ کھبے ہوئے بندیاں نوں وکھو وکھ ڈھنگاں نال سمجھانیاں تے بھرنویں جانکاری دتی گئی اے۔ کچھ اکھاناں وچ شاہ حسین ایس دنیا اتے ٹھگی، مار دھاڑے دے چلدے ویہار توں وکھالے دی پارسائی تے نیک نامی دے سوہنے پردیاں نوں پاڑ کے ویلے دے فرعونان، قاروناں تے ہاماناں نوں تنکیاں کر کے واہناں دی ٹھگی، مارے ڈھاڑے ظلم تے مکر فریب دیاں پھابیاں نوں سامنے لیاند اے۔ ظلم دی اسخونی کھیڈ دات ساکڈھ کے ایہدے اعلان فقیراں دی سنگت نال رن وچ دسیا اے۔

موت دے برحق ہوں، لکھے ہوئے ویلے توں اک گھڑی پل نہ ٹلن، موت دا ویلا آون توں پہلاں پہلاں ایس دنیا اتے چنگیاں عملاں دیاں متاں تے مرن ویلے توں لے کے کفن دفن تے قبر وچ منکر نکیر فرشتیاں دی دنیا اتے کیتے عملاں بارے پچھ گچھ تے قبر دے عذاب بارے ایہناں مصرعیاں وچ بچی تے بھرنویں جانکاری دتی گئی اے۔

ایہناں اکھاناں دے کنیں مصرعے اخلاق دے موضوع اُتے وی لہجہ دے نیں۔ جنہاں وچ کبر ہنکار جیہاں عاداتاں نوں چھوڑ کے عاجزی، مسکینی، حلیمی تے بُر باری دا سبق ملدا اے تے ایہدے نال نال مثالاں راہیں ایہہ سمجھاوئی وی لہجہ دی اے پئی دنیا اتے امیری تے فوجاں دے کٹکاں تے لشکراں دامن نہیں کرنا چاہیدا۔ ایس دنیا اتوں اوڑک خالی ہتھیں ٹرنا اے تے مٹی وچ جاسا ونا اے۔

تقدیر دے موضوع اتے وی کجھ مصرعے لہجہ دے نیں جنہاں وچ تقدیر دے لکھے اگے بندے دی بے بسی تے مجبوری دی گئی اے۔ انتھے شاہ حسین دی ایہہ سمجھاوئی ساہمنے آوندی اے پئی تقدیر دے لکھے نوں کوئی وی نہیں موڑ سکدا۔ ایس اگے کسے دی کوئی واہ نہیں چلدی۔ ایس واسطے اللہ تعالیٰ دی رضا اُتے راضی رہنا چاہیدا اے۔

شاہ حسین دے ایہناں بولاں یا اکھاناں دافنی تے تکنیکی ویروا کرے تاں ایہہ گل ساہمنے آوندی اے پئی آپ نے اپنے سے دے وسیب دیاں جانیوں پچھانیاں تے چلدے ویہار دیاں شیواں، چرخہ سوتر، پونیاں، چھلی، بھروٹہ، تند، تانی، کھڑی، سالو، داج، ہیرا، نجھا، جھنگ، کھیڑے، سس ننان، شوہ نوں علامت دے طور تے ورت کے ازلی حقیقتاں، سیانی متاں تے اٹل فیصلیاں نوں لوکائی تک اپڑایا اے۔ ایہہ ساریاں علامتاں ساڈی صدیاں دی رہتل بہتل وچوں نیں۔ ایس واسطے ایہناں دا پورا فہم ادراک تے سوادا وہی پوری طرحاں مان سکدے نیں، جیہڑے پنجاب دی رہتلی پچھوکڑ توں چنگے جانو نیں۔ ”کوہ کوہ لمیاں تندناں“ وچ جیہڑا زور تے گل بات دی ڈونگھیا ئی اے اوہ ترجمے وچ نہیں آسکدی۔

شاہ حسین دیاں علامتاں، تشبیہاں تے استعاریاں دا اپنا اک نوںیکلا تے نرول نظام اے۔ اوہناں اک چرخے دی علامت اتے اپنی ساری فکر نوں گھما چھڈیا اے۔ ایہدے اک اک انگ چوں سو سو معنیاں دے سوے بھٹھدے نیں۔ شاہ حسین دی شاعری وچ علامتاں دا ہک وڈا کھلا رکھلہ یا ہویا ساہمنے آوند اے۔ جے ذرا ڈونگھی جھات نال ویکھیے تاں پتہ چلد اے پئی ایہہ علامتاں ڈھیر پکھی ہن۔ ہک ہک علامت وچ معنیاں دا اک پورا جہان آبا دُنظریں آوند اے۔

شاہ حسین دیاں علامتاں دا وسیب وچ اپنا اک تاریخی پچھوکڑ موجود اے۔ ایہناں علامتاں راہیں حیاتی دیاں وڈیاں وڈیاں حقیقتاں تے مضمون نوں گھٹو گھٹ لفظاں وچ سچے تے پھبویں ڈھکویں ڈھنگ نال انج بیان کیتا اے۔ پئی ایہہ ہمیشاں ہمیشاں واسطے امر ہو گئے نیں تے ایہناں بولاں راہیں شاہ حسین انج دی لوکاں دے دلاں وچ زندہ اے۔

ایہناں اکھاناں وچ شاہ حسین دی فکر دیاں کنیں پرتاں ساہمنے آوندیاں نیں۔ جنہاں نوں سمجھن واسطے شاہ حسین دے علامتی نظام دے تاریخی تے نفسیاتی پچھوکڑ نوں سمجھن دی لوڑ اے۔ ایس واسطے اے ایہدے اُتے ڈھیر ہور وی سارے تحقیقی کام دی لوڑ اے۔

حضرت شاہ حسین مادھولال توں پچھوں کلاسیکی شاعری وچ حضرت سلطان باہوداسمہ اے۔ حضرت سلطان باہو (۱۶۲۹ء توں ۱۶۹۰ء) پچھتہ باتشاہ شہاب الدین شاہ جہاں تے اورنگ زیب عالمگیر دے سہ دے کامل صوفی فقیر تے شاعر سن۔ اوس سہ ہندوستان

اتے پختیاں دی مضبوط حکومت سی تے باہروں دے دھاڑواں توں ہندوستان بچیا رہیا پر شاہ جہاں دے پُتراں وچکار تخت واسطے جیہڑیاں جنگاں ہوئیاں، اوہناں وچ ہزاراں ہالوک مر گئے۔ زنانیاں رنڈیاں ہوئیاں، بچے یتیم ہوئے، پکیاں فصلاں تباہ ہو گئیاں۔ کنیاں جنگاں پکھوں اورنگ زیب عالمگیر ہندوستان دا باتشاہ بنیا۔ اُس پیوں جیہڑا اک ویلے ہندوستان دا باتشاہ سی، قید وچ پادتا گیا۔ سکے بھرانواں نوں وی حیلے بہانیاں نال مروادتا گیا۔ داراشکوہ دے سنگی فقیراں اُتے سختیاں کیتیاں گئیاں۔ ہر پاسے جبر و ماحول بنا دتا گیا۔ نویں قانون بنا دتے، جہاں دے مطابق سکیاں اُتے کمہ طیبہ کندہ کرانا بندھ کرادتا۔ دربار وچ باتشاہ نوں سجدہ کرن دی رسم اُتے پابندی لا دتی۔ شراب تے نشے والیاں شیواں اُتے پابندی لا دتی گئی۔ باتشاہاں نوں خاص خاص موقعیاں اُتے سونے چاندی وچ تولن دی رسم مکا دتی گئی۔ نوروز دی رسم اُتے وی پابندی لا دتی گئی۔ سٹسی سال دے ورتن اُتے پابندی لا دتی۔ جھروکہ درشن دی رسم نوں ختم کر دتا۔ نچن گانا تے پابندی لا دتی گئی تے نچن گاؤں والیاں تے کنجریاں نوں حکم دے دتا گیا کہ شادی کر لویاں پختیاں دی حکومت دیاں حداں توں باہر چلیاں جاؤ، شیعہ مذہب دے جلوس اُتے پابندی لا دتی گئی۔ میلیاں ٹھیلیاں اُتے پابندی لا دتی تے زنانیاں دے مزاراں اُتے جان اُتے پابندی لا دتی گئی۔ دربار وچوں سونے چاندی دے خوشبودان تے سیاہی دان ہٹا دتے گئے۔ ہندواں دے اوہناں مندرن نوں ڈھان دا حکم دے دتا گیا۔ جیہڑے مسجدن نوں ڈھا کے بنائے گئے سن یاں ہندوواں دیاں سازشاں دے اڈے سن۔ مسجدن تے خانقاہواں دی مرمت کروائی تے مسیتاں وچ بانگاں تے جماعت کران والے اماماں دیاں تنخواہیں مقرر کیتاں گئیاں۔ وسیب وچ چلدیاں کنیاں رسماں نوں غیر شرعی آکھ پابندی لا دتی گئی۔

سیاسی پکھوں لے دے علاقے مہاراشٹر وچ مرہٹاں اپنی وکھری حکومت بنائی سی تے پہاڑاں وچ محفوظ قلعے بنا لئے سن جس پاروں مہاراشٹر دے علاقے وچ بدامنی تے سیاسی اگاڑھ پچھاڑ نظریں آ وندی اے۔ اوڑک باتشاہ اورنگ زیب عالمگیر نوں خود جا کے اپنی حکومت دے اخیر لے پنچی (۲۵) سال دکن دے علاقے وچ رہ کے کنیں جنگاں لڑنیاں پئیاں۔ باقی دے ہندوستان وچ اوس سے امن رہیا لوک اپنے کماں کاراں وچ رُجھے نظریں آ وندے نیں۔

حضرت سلطان باہودے سے مطالعہ توں ایہہ گل ساہمنے آ وندی اے پئی جس سانجھے وسیب دی اُساری دی ینہہ پختہ باتشاہ جلال الدین محمد اکبر رکھی سی تے اس نوں مضبوط کرن لئی اکبر کنیں شادیاں ہندو راجیاں ول کیتیاں سن۔ ہندوواں نوں وزیر تے سپہ سالار جیسے اُچے عہدے دتے۔ اکبر ہندوواں تے جینیاں دیاں خاص تہواراں وچ جاندا سی۔ اوس ہندوواں نوں خوش کرن لئی گوشت کھانا چھڈ دتا سی۔ سبھ مذہباں نوں عبادت خانے بناؤں، مذہبی تہوار مناؤں دی پوری کھل دتی گئی۔ جلال الدین اکبر توں بعد اوہدے پُتر نور الدین جہانگیر دے سے وی اکبر دیاں پالیسیاں چلدیاں رہیاں۔ انج نور الدین جہانگیر فقیراں دا بہت عقیدت مند سی۔ اوہ شاہ حسین مادھو لال نوں وی منن والا سی۔ جہانگیر توں پکھوں اوہدا پُتر شہاب الدین شاہ جہاں باتشاہ بنیا اوہ اچھے عقیدے دا مسلمان سی۔ اوس وی غیر مسلماناں نال رواداری دی پالیسی اپنے دادے جلال الدین اکبر والی چالورکھی۔

شہاب الدین شاہ جہاندے سے مسلماناں وچ وی ڈھیر ساریاں ہندوواں دیاں خوشیاں غمیاں دیاں رسماں چلدیاں پئیاں سن۔ مسلمان باتشاہاں کول نویں مسلمان قبیلیاں دی اسلامی ڈھب اُتے تعلیم و تربیت دا باقاعدہ کوئی نظام نہیں سی۔ وڈیاں شہراں وچ

پڑھے لکھے مولوی، عالم فاضل، مفتی مل جانے سن۔ پر پنڈاں دی وسوں وچ پڑھیا لکھیا بندہ اوکھا ای لکھدا سی۔

ایس سے دے وسیب وچ دووڑے دھڑے نظریں آوندے نیں اک پاسے حاکم دھڑا جیہدے وچ باتشاہ، وزیر، درباری، امیر، سپہ سالار، صوبیدار، سرکار دے نوکر چاکر، فوجی نیں تے دوجھے دھڑے وچ واہی وان جٹ، کامے محنتی تے شہراں وچ چھوٹی موٹیاں شیواں بنان والے کاریگر، دکاندار، تاجر وغیرہ نیں۔ ایہناں دوہاں طبقیوں وچ ہر کچھ توں ڈھیر ساریاں دوریاں نظر آوندیاں نیں۔ حاکم وڈے وڈے محلاں اندر رہندے نیں، محل اک طرحاں دا قلعہ ہوندی سی۔ زنانیاں دے حرم تے اوہناں دیاں نوکرانیاں، پہرے دارنیاں باورچی خانے دے نوکر، مصطل خانے، گھوڑے تے دوجھے جانور، نوکر چاکر تے ہتھیار بند سپاہی، ایہناں محلاں اندر حیاتی دیاں لوڑاں توں ودھ ہر شے وافر مقدار وچ لکھدی اے۔ ایس توں تھلویں درجے اُتے امیر درباری تے جاگیرداراں دیاں وی اچیاں تے وڈیاں وڈیاں حویلیاں نیں ایہہ جاگیردار حاکم ٹولے دی نقل کردے نیں۔ تھلے پنڈاں وچ سرکار دا لکھیا یاں چودھری وی دوجھیاں لوکاں نالوں رہن سہن وچ وکھرا لکھدا سی۔ دوجے پاسے شہراں دے کاریگر تے دکاندار تے امیراں دے نوکر چاکر نکلے نکلے کچے گھراں وچ رہندے نیں تے پنڈاں وچ کچے گھراں تے لکھاں کانیاں دیے چھپراں وچ گزارہ کردے نظر آندے نیں۔ اوس سے پنڈ وسوں وچ لوک کھوہاں دے نیڑے نیڑے واہی نیبی کردے سن یاں فیر ڈنگر پالندے سن۔ جینہاں نوں جنگل بار وچ چرالیندے سن۔ حکومت ہر طبقے اُتے ٹیکس لائے ہوئے سن تے کنیں واریں صوبیدار اپنے اپنے علاقیاں وچ حکومتی ڈانگ تے دا بے نال ڈھیر توں ڈھیر فصلاں اُگان تے شیواں بناون اُتے مجبور کر دیندے سن۔ غریب محنتی کامے تے کاریگر اپنے بیوی بچیاں نوں کم اتے لاکے دن رات محنتاں کردے سن۔ جدوں فصلاں پکدیاں سن تاں حاکم دھڑا فیر ایس مال دولت نوں کچھ اپنا راج پکیرا کرن اتے باقی دامال زر اپنیاں فضول خرچیاں تے عیاشیاں اُتے اڈا چھڈ دے سن۔ ایہناں دی ایہہ کوشش تے پالیسی سی پئی کاریگراں، محنتیاں تے کامیاں کولوں ودھ توں ودھ محنت اُتے کرواتے جاتے تاں ہر سال چھیمما ہی ودھ توں ودھ اگرا ہی ہووے۔ لٹ مار، ٹھگی تے ظلم دی ایس کھید وچ حاکم دھڑا لوکاں دے دلاں وچ اپنا رعب دبدبہ تے راج دیاں نیہناں پکیاں کرن تے ذہنی بھلیکھے پاون واسطے مذہبی آگواں نوں وی اپنے نال ملا لیندے نیں۔ تاں جے لوکاں ہر ظلم تے سختی نوں خدا ولوں کرنی سمجھ تے ایہوں ای اپنی قسمت مقدر سمجھ کے دلوں امیراں دی حیاتی اُتے رنجھن وی سہی۔

حضرت سلطان باہودے سے دی سیاست مفاد پرستی، خود غرضی، لوبھ، حرص، ہوس تے مطلق العنانی، ٹھگی، دھوکا فراڈ، مارا دھاڑ، قتل فساد تے ظلم اتے ٹردی نظر آوندی اے۔ چختیاں دے راج وچ تخت نشینی دا کوئی پکا پیڈ اصول نہیں سی۔ اس واسطے ہر باتشاہ کنیں جنگاں تے ہزاراں لاشاں اتوں لنگھ کے تخت اتے بیٹھدا سی تے فیر تخت اتے بیٹھدیاں ای تخت دے سارے امیدواراں نوں قتل کروادینا یاں اکھیں کڈھ کے گرم سلاخیاں پھروا کے قید وچ پادیندے سن۔ امیراں وزیراں، باتشاہاں دا ہر دن عید دادن تے ہر رات شہرات نظر آندی اے۔ ایہہ حاکم دھڑا اپنی حیاتی دے کسے معاملے وچ شریعت دی پابندی کردے نہیں نظر آوندے۔ باتشاہاں دے حرم وچ سینکڑے زنانیاں ہوندیاں سن حاکم اپنی رنگ رلیاں تے عیاشیاں اتے ہزاراں روپے مال زر لٹاندے نظر آندے نیں۔ حاکم دھڑے دے ظاہر تے باطن وچ زمین آسمان دا فرق نظر آوندی اے۔

تھلوں طبقہ دی حیاتی سادہ تے ڈھیر ساری اوکھی دکھاں مصیبتاں وچ نظر آوندی اے۔ ایہناں دی ساری نس بھج، دوویلے دی روٹی واسطے ہوندی اے۔ ایہہ اپنی جان تے کھیڈ کے وی وسیب دیاں قدراں دا پالن کردے نیں۔ تھوڑے مال رزق اتے وی صابر تے خوش نظر آوندے نیں۔

حضرت سلطان باہو دا پنجابی کلام سی حرفی دے روپ وچ ملدا اے۔ آپ دین اسلام دیاں ازلی سچائیاں تے اپنے سمے دے وسیب دے چلدے دیہار دے کھرے کھوٹے، کوڑ سچ تے چنگے مندے وچکارن تارے تے مت دیاں گلاں نوں بیتاں وچ بیان کیتا اے۔ آپ دے بیتاں دا ڈوگھی جھات نال ویروا کرن توں پتہ چلدا اے پئی وڈے موضوع مُرشد، عشق تے فقر نیں ایہناں دے نال نال عاداتاں نصلتاں، نفس، تقدیر تے باطن دی صفائی ستھرائی دے موضوع اتے وی ڈھیر سارے بیت لہجہ دے نیں۔ مرشد کامل دے موضوع اتے مرشد دی لوڑ، اہمیت، بھال، پرکھ پڑچول، مرشد کامل دیاں نشانیاں تے فقر دے راہ وچ مرشد دے کردار تے بھرنویں، سچی تے ڈوگھی جانکاری ملدی اے۔ ایہہ دے نال نال زردے لوکھی دنیاوی شہرت دے چاہیوان دکھالے دے بنے ہوئے عالماں فقیراں دی پوری پوری پہچان تے ننڈیاوی کھل کے سامنے آوندی اے۔

مرشد توں بعد آپ دے بیتاں وچ سبھ توں ڈھیر عشق دے موضوع اتے مصرعے ملدے نیں۔ جہاں وچ عشق دیاں دکھو دکھ خوبیاں، صفتاں، عاشق اتے عشق دے ون سوونے اثراں، عشق تے عقل وچکاروٹ تے دونہاں دے اپنے اپنے راہ تے میدان دنیا، فقر دے راہ وچ عشق دے کردار، عشق تے شرع دی نماز وچکار فرق تے عشق دی منزل مقصود بارے بھرنویں جانکاری لہجہ دی اے۔

عشق توں بعد فقر دے موضوع اتے آپ دے بیتاں وچ ڈھیر کلام لہجہ اے۔ جیہدے وچ فقر دیاں مڈھلیاں لوڑاں، فقر دے راہ وچ نیت تے حضوری دے کردار، فقر دے پینڈے وچ نفس امارہ دیاں چالاں تے راہزنیاں، شرع تے فقر وچکاروٹ، فقر تے علم دے وچکار تعلق تے فقر دی منزل بارے مکمل جانکاری لہجہ دی اے۔

ایس توں بعد عاداتاں نصلتاں دے موضوع اتے ڈھیر سارے مصرعے لہجہ دے نیں۔ جہاں وچ عاداتاں نصلتاں دے نہ بدن تے دکھو دکھ عاداتاں دے اثر تے آپس وچ نہ لرن بارے دکھو دکھ تشبیہاں تے استعاریاں راہیں بھرنویں جانکاری لہجہ دی اے۔

اخیر وچ تقدیر دے موضوع اتے وی کجھ مصرعے اپنی اندرلی سچائی دے ست، پھبویں ڈھکویں بیان ڈھنگ تے وسیب وچ ورتارے پاروں اکھاناں داروپ وٹا چکے نیں۔ حضرت سلطان باہو دے پنجابی کلام وچ ہر مصرعے دے اخیر اتے ”ہو“ والفظ ردیف دے طور تے آندا اے۔ لفظ ”ہو“ آپ دے کلام دی پہچان بن چکیا اے۔ کجھ سیانے سوجھواناں پرکھ پڑچول توں بعد ایہہ سٹاکڈھیا اے پئی لفظ ”ہو“ توں دکھ آپ دے بیتاں دے کجھ مصرعے پورے وی نہیں ہوندے تے ”ہو“ دی اک خاص وجدانی تاثیر نال دلاں دے تار و جن لگ پیندے نیں۔

فن دے پکھوں ”ابیات باہو“ دے ایہناں اکھاناں وچ ساریاں خوبیاں لہجہ دیاں نیں۔ بیان تے اظہار سارے رنگ تے ڈھنگ ملدے نیں۔ تشبیہاں، استعاریاں، علامتاں، کنایاں، محاوریاں تے اشاریاں نوں سچے تے پھبویں ڈھکویں ڈھنگ نال ورتیا اے۔ تضاد، تلمیح، حسن، تعلیل، تجنیس، مراۃ النظر، ترصیع تے لف و نشر جیہاں صنعتاں دی نویکلے ڈھنگ نال ورت اک پاسے تاں آپ دی

فکر و چاراں نوں لوکائی تائیں سُچے تے موثر ڈھنگ نال اپڑان وچ مددگارے تے دوجے پاسے ایہہ سارے ڈھنگ آپ دے کلام دے فنی تے تکنیکی حسن وچ وادھے دا کارن نیں۔

ایہناں مصرعیاں یاں اکھاناں نوں فن دے حوالے نال دیکھیے تاں پتہ چلدا اے پئی حضرت سلطان باہوشیہاں، استعارے تے علامتاں اپنے وسیب وچوں لئیاں نیں جویں چنے دی بوٹی، دریا، جنگل، کچھو شیر مریدا، دودھ، لسی، مکھن وغیرہ انج ایہناں علامتاں راہیں آپ دے مصرعیاں اندروچلی مت دی گل کھل کے ساہمنے آکھلوندی اے۔ تے ایہناں علامتاں دے نویکے سُچے ڈھنگ نال ورتن نال آپ دے کلام وچ ایجاز و اختصار دی خوبی ساہمنے آوندی اے۔ آپ دے ایہناں مصرعیاں وچ سادگی تے قطعیت دیاں خوبیاں وی لہجہ یاں نیں۔ جہاں پاروں آپ دے کلام توں ان پڑھ بندہ وی وچلی مت تک پہنچ کے روحانی سواد لے سکدا اے۔ آپ دے بیتاں دی زبان سادہ آسان تے رسیلی اے۔ آپ دے بیتاں دا ہر اک مصرعہ اپنے اندر اک پورے مضمون نوں بیان کردا اے۔ ہر بند وچ معنیاں دا اک ٹورا ٹردا نظر آندا اے جیہدے نال کجھ معنے کسے دوسرے موقعے اتے ملتوی کردتے ہون پر آپ دے وچاراں دا دھرا اپنی تھان اُتے قائم رہندا اے۔ کجھ نویاں ترکیباں تے اصطلاحواں نوں انج دے پھبویں ڈھکویں ڈھنگ نال ورتیا اے پئی ابیات باہودے ایہہ بیت اپنے خاص معنیاں نال انج تروتازہ تے خوشبوواں وندے نظر آوندے نیں جویں حضرت سلطان باہو اپنے سے اپنے مونہوں ہن ای آکھے ہوون۔

کلاسیکی شاعری وچ حضرت سلطان باہو توں بعد وارث شاہ داناں ساہمنے آوند اے۔ وارث شاہ داسمہ ۱۷۱۷ء تو لے کے ۱۸۰۵ء تک بن دا اے۔ وارث شاہ دے جمن سال اتے ڈھیر سارا اختلاف لہجہ اے۔ ہر کھوجی اپنے کھوج پرکھ پڑچول توں بعد جمن سال ۱۷۱۷ء توں لے کے ۱۷۲۲ء تک وکھرا وکھرا لکھیا اے۔ وارث شاہ چغتیاں دے زوال دے سہ وچ جنڈیالہ شیر خان ضلع شیخوپورہ وچ جم پل کے فیروڈے ہو کے قصور وچ حافظ غلام مرتضیٰ کول پڑھیا اخیر پھر دے پھر اندے ملکہ ہانس ضلع ساہیوال وچ ٹک گئے تے اوتھے ای اپنی شاہکار کتاب ”ہیر“ ۱۷۶۶ء وچ مکمل کیتی۔

وارث شاہ دے سہ سیاسی پدھراتے ہر پاسے بد امنی، سیاسی اگاڑ پچھاڑ، جنگاں لٹ مارتے افراتفری مچی ہوئی نظر آوندی اے۔ اورنگ زیب عالمگیر دے مرن پچھوں اوہدے پتر اں دے وچکار تخت واسطے جنگاں ہوندیاں نیں۔ جہاں ہزاراں بالوک مر ویندے نیں۔ فصلاں تباہ ہوویندیاں نیں۔ کاروبار ٹھپ ہو جاندا اے۔ اورنگ زیب عالمگیر دا وڈا پتر بہادر شاہ بھرانواں دیاں لاشاں توں لنگھ کے دلی دے تخت اتے بیٹھدا اے۔ اوہدے مرن پچھوں تخت واسطے فیروخی کھڈ شروع ہو جاندا اے۔ بہادر شاہ دا وڈا پتر جہاندار شاہ تخت اتے قبضہ کرن وچ کامیاب ہو جاندا اے۔ اوہ تخت دے ہر ممکن دعویدار نوں قتل کروادیندا اے کجھ چر پچھوں باتشاہ دا اک بھتیخا فرخ سیر اپنے سکے چاچے نوں قتل کر کے باتشاہ بنیا تاں ایس اپنے چاچے جہاندار شاہ دی لاش نوں نیزے اُتے ٹنگ کے دودن دلی دے بازاراں وچ پھرایا۔ تھوڑے ای چر پچھوں سید برادران دے ہتھوں فرخ سیر وی اپنے انجام نوں پہنچ گیا۔ تاں فیروز شاہ داروین اختر محمد شاہ دے لقب نال باتشاہ بن دا اے۔ ایہہ اپنی عیاشیاں تے رنگ رلیاں پاروں محمد شاہ رنگیلے دے ناں نال مشہور ہویا۔

۱۷۳۸ء دے اخیر اُتے نادر شاہ درانی ہندوستان اتے عذاب بن کے آ گیا۔ پنجاب وچوں اوہ جتھوں جتھوں لنگھیا پنڈاں دے

پنڈٹ مارکرن پچھوں ساڑ دتے گئے۔ ایمن آباد ضلع گوجرانوالہ دی ڈھیر تباہی بربادی ہوئی۔ لاہور دے صوبیدار زکریا خان دودن دی لڑائی پچھوں ڈھیر ساراں تاوان دے کے لاہور نوں بچالیا۔ نادر شاہ بیاس دے کنڈھے اتے ہزاراں جنگی قیدیوں نوں قتل کردتا۔ ڈھیر ساری لٹ مار پچھوں نادر شاہ پچھا نہہ پرت گیا تاں احمد شاہ ابدالی دے ہلے شروع ہو جان دے نیں۔ ایہہ سال پسال لٹ مار کرن پنجاب اتے چڑھائی کرداسی۔ احمد شاہ ابدالی دی لٹ مار مار دھاڑتے ظلماں دی گواہی دا ایہہ بول ہر تھاں اتے ورتا وے پاروں اکھاندا روپ وٹا گیا۔

کھاہدا پیتا لاہے دا
وادھا احمد شاہے دا

سیاسی پچھوں نادر شاہ تے احمد شاہ دے ہلیاں پختیاں دی حکومت دیاں جڑھاں کھوکھلیاں کردتیاں۔ حکومت دی طاقت دا پول کھل گیا سی۔ ایہد افاندہ چکدیاں ہویاں ملک دے اندروں مرہیاں روہیلیاں تے سکھاں دے جتھیاں لٹ مار دی انھی پادتی۔ ایہناں اپنے اپنے علاقیاں وچ باتشاہیاں بنالیاں سن۔ مار دھاڑ دے مال نال ایہناں اپنیاں فوجاں وی بنالیاں۔ پختیاں دی حکومت ایہناں دے سامنے بے وس نظر آ وندی اے۔ اک پاسے مرہیاں دے لشکر دی نوں لڈ دے نظریں آ وندے نیں تے دوجھے پاسے روہیلے پٹھان دلی اتے چڑھائی کردے، ضعیف پختے باتشاہ شاہ عالم دیاں اکھیں کڈھ کے شاہی محلاں نوں لڈ دے لتاڑ دے نظریں آ وندے نیں۔ وارث شاہ دے سسے پختیاں دی حکومت دی سیاسی مرکزیت پارہ پارہ ہوندی نظر آ وندی اے۔ بنگال وچ علی وردی خان تے سراج الدولہ میسور وچ حیدر علی اودھ وچ شجاع الدولہ روہیل کھنڈ وچ غلام قادر روہیلہ، مہاراشٹر وچ مرہٹے حیدر آباد دکن وچ نظام الملک، سندھ وچ کلہوڑیاں تے پنجاب وچ سکھاں دیاں خود مختار ریاستاں نظر آ وندیاں نیں۔ وارث شاہ دے سسے دے وسیب دی سماجی حالت سیاسی اگاڑ پچھاڑ بد امنی تے افراتفری پاروں بوہت خراب و سدی اے۔ وسیب دے اُتلے طبقے وچ غداری، رشوت، بزدلی، کمیونگ، فضول خرچی، عیاشی، رنگ رلیاں، بے حیائی، فاشی تے اپنے فرائض وچ سستی، غفلت، حد درجے ودھی نظر آ وندی اے۔ فوج دے سپہ سالاراں وچ غداری بوہت ودھ چکی سی۔ قاضی تے محتسب رشوتاں لیندے نظر آ ندے نیں۔ دین دیاں حداں دا کوئی حیا شرم نہیں لبھدا۔

وسیب دے تھلویں طبقے وچ لوک و ت وی وسیب دیاں پرانیاں قدراں دا پالن جان اتے کھید کے وی کردے نظر آ وندے نیں۔ دین نال لوکاں دی جرئت کچی پیڑی لبھدی اے۔ ایس سسے ایس تھلویں طبقے وچ نکلے وڈے ماں پیو دھی بھین تے بزرگاں دا حیا، عزت شرم، غیرت لبھدی اے۔ غداری ناں دی ایس طبقے وچ کوئی شے نہیں لبھدی۔

”ہیر وارث شاہ“ وچ ایس سسے دے پنجاب دے وسیب دے سارے پکھاں تے رنگاں بارے نگھی تے بھرنویں جانکاری لبھدی اے۔ ”ہیر وارث شاہ“ دے کہیں بول اپنی اندر لی سچائی دے ست، پھبویں سچے بیانن ڈھنگ تے وسیب وچ ورتارے پاروں اکھاناں داروپ وٹا چکے نیں۔ ایہناں اکھاناں دا ویرا وکھو وکھ سرنانویاں پٹھ کیتا اے۔

وارث شاہ ہیر نوں حمد باری تعالیٰ توں لکھنا شروع کیتا اے تاں اوتھوں مُدھ توں ای عشق دا ذکر کیتا اے پئی سبھ توں پہلاں اللہ تعالیٰ اپنے پیارے رسول حضرت محمد ﷺ نال عشق کیتا اے۔ ایہہ دنیا عشق دے صدقے ای بنی اے۔ عشق بندے دے خمیر وچ رچیا

ہو یا اے۔ اگانہ قصبے دے بیان وچ کنیاں تھانواں اُتے عشق دیاں خوبیاں، صفتاں، نشانیاں، لوڑاں، منگاں، منزلاں، پڑانواں تے گزرے سمیاں دے عاشقاں بارے پوری جانکاری لبھدی اے۔ عشق اُتے ایہناں مصرعیاں وچ عشق دے راہ وچ پیش آون والیاں سختیاں مصیبتاں اوکڑاں تے عشق دیاں بریک بریک وارداتاں دا ذکر ملدا اے۔

عشق توں بعد فقر دے موضوع اُتے ”ہیر وارث شاہ“ وچ کنیاں تھانواں اتے فقر دے وکھو وکھ پکھاں اُتے بھرنویں جانکاری لبھدی اے۔ فقر دے ایہناں اکھاناں وچ فقر دی خوبیاں، صفتاں، نشانیاں، لوڑاں، فقر دے راہ دے اچے بُے ٹوئے، لاگھیاں، اوکڑاں، مصیبتاں، فقر دے پندھ نوں کھوٹا کرن والیاں شیواں دی پچھان تے فقیراں واسطے سیانی متاں بارے نگھی تے بھرنویں جانکاری ساہمنے آندی اے۔

ہیر وارث شاہ وچ عاداتاں خصلتاں دے موضوع اتے ڈھیر سارے اکھان لبھدے نیں۔ جنہاں وچ عاداتاں خصلتاں دا شخصیت اتے اثر، عاداتاں دے نہ بدلن، حیاتی دے وکھو وکھ پکھاں تے وسیب وچ خوشی غمی دے موقعیاں اتے عاداتاں دی ونڈ، وسیب دے وکھو وکھ طبقیات وکھو وکھ روزی پیشیاں دے لوکاں دیاں عاداتاں خصلتاں دیاں ونڈاں تے عاداتاں خصلتاں دے بیان تے بچ کوڑ، کھرے کھوٹے تے چنگے مندے دی پچھان بارے ڈونگھی جانکاری لبھدی اے۔ تقدیر، قسمت، مقدر تے ویلے وقت اُتے وی پورے قصے وچ تھان تھان ایہو جے بول لبھدے نیں، جیہڑے وسیب وچ اکھاناں دے طور تے ورتے جانداں نیں۔ ایہناں وچ قسمت مقدر تے تقدیر دے اگے بندے نوں مجبور لاچار تے بے وس دکھایا گیا اے۔

ہیر وارث شاہ وچ پنجاب دے موسماں دے وکھو وکھ رنگاں، واہی بیجی تے ڈھور ڈنگراں دیاں خوبیاں، صفتاں اتے ونڈ بارے وی اکھان لبھدے نیں۔

”ہیر وارث شاہ“ وچ کنیاں تھانواں اتے ایہو جیہے اکھان کھلے لبھدے نیں۔ جنہاں دے اک اک مصرع وچ اکٹھا وسیب یاں بندے دی حیاتی دے وکھو وکھ پکھاں بارے پکیاں پیڈیاں چوناں، ونڈاں تے اٹل ٹھکویں فیصلے لبھدے نیں۔ ایہہ اکھان وارث شای دی فکر دی معراج تے فن دی اُچی ٹیشی دے سچے نمونے نیں۔ اکھاناں وچ پنجاب دے وسیب دیاں جانیاں پچھانیاں تشبیہاں، استعارے، علامتاں، کنایاں تے محاوریاں دی سچے تے پھبویں ڈھکویں ڈھنگ نال ورت لبھدی اے۔

ایہناں مصرعیاں اندر اک ہور نویکلی فنی خوبی لبھدی اے پئی وارث شاہ عام جیہاں لفظاں نوں اپنی نویکلی گھڑت نال گھڑ کے انج سچے تے پھبویں ڈھنگ نال ورتیا اے جے اوہناں لفظاں دا قد کاٹھ تے معنویت وچ چوکھا سارا وادھا ہو جاندا اے۔ ایہدے نال نال ایہناں لفظاں دی ورت نال ایہناں مصرعیاں وچ اک خاص ردھم تے رچاؤ ساہمنے آندا اے جیہدے نال پڑھن سُنن والیاں دے دلاں دے تار و جن لگ پیندے نیں۔

ایہناں مصرعیاں وچ وسیب دیاں جانیاں پچھانیاں علامتاں، واقعتیاں تے خیالاں دیاں تصویراں کھچن تے منظر نگاری انج سچے ڈھنگ نال کیتی اے جے اج وی ”ہیر وارث شاہ“ نوں پڑھدیاں ہو یاں اوہ کردار، مورتاں تے منظر نظارے اپنے سارے رنگاں تے پکھاں سمیت اکھاں دے ساہمنے ٹردے پھر دے تے نجدے کد دے نظر آوندے نیں۔

ایہناں مصرعیاں وچ ڈرامے دارنگ وی ساہمنے آوند اے ایہدے وچ طریقہ ڈرامے دے رنگ وی کدائیں کدائیں ساہمنے آوندے نیں تے ڈھیر تھانواں اتے المیے دارنگ چوکھا اُگھڑنواں اے۔ مکالمیاں وچ ہر کردار کولوں اوہدی وسیب وچ حیثیت تے سوجھ بوجھ مطابق گل بات ساہمنے آوندی اے۔ کرداراں دی نفسیات دیاں بریکیاں تے اوہناں دیاں عاداتاں نصلیتاں دے سارے رنگ اوہناں دے مکالمیاں وچوں جھلکارے مار دے ساہمنے آوندے نیں۔

”ہیر وارث شاہ“ وچ ورتے اکھاناں وچوں وارث شاہ دا اپنے سہمے دے وسیب دے سارے علماں اتے عبور تے عام جیہی گل نوں سوہنے، سچے تے ڈھکویں بیانن ڈھنگ دے فن اتے کمال دی قدرت ساہمنے آوندی اے جیہدے پاروں دوصدیاں لنگھن پچھوں آج وی وارث شاہ اپنی ہیر دے نال پنجاب دے وسیب وچ زندہ اے۔

کتابیات

۱۔ پنجابی کتب

- آصف خان، احمد خان کھرل، لاہور، پاکستان پنجابی ادبی بورڈ، ۱۹۸۶ء
- احسان باجوہ، آکھن لوک سیانے، پہلی جلد، لاہور، پنجاب انسٹی ٹیوٹ آف لینگویج آرٹ اینڈ کلچر، ۲۰۰۹ء
- احسان باجوہ، آکھن لوک سیانے، دوسری جلد، لاہور، پنجاب انسٹی ٹیوٹ آف لینگویج آرٹ اینڈ کلچر، ۲۰۱۱ء
- احمد سلیم، کونجاں مونیان، لاہور، نگارشات، ۱۹۸۹ء
- اقبال صلاح الدین، وڈی پنجابی لغت، لاہور، اردو سائنس بورڈ، ۱۹۸۹ء
- امین گوندل، منیر احمد، تاریخ زبان و ادب تے لسانیات، لاہور، مجید بکڈ پو، ۱۹۹۶ء
- بابا نجی، سوچاں وچ جہان، کراچی، ادارہ پنجاب سویر، ۱۹۹۵ء
- بشیر حسین، ناظم، پنجابی اکھان، گوجرانوالہ، شاد پبلی کیشنز، ۱۹۹۲ء
- تنویر بخاری، پنجابی اردو لغت، لاہور، اردو سائنس بورڈ، ۱۹۸۹ء
- ثناور چدھر، لوک تواریخ، لاہور، سانجھ پبلی کیشنز، ۲۰۰۸ء
- جاوید قاضی، پنجاب دی صوفیانہ روایت، لاہور، پاکستان پنجابی ادبی بورڈ، ۱۹۹۳ء
- جمیل احمد پال، پنجابی کوں لکھنے، لاہور، پنجابی سائنس بورڈ، ۱۹۹۷ء
- حسین شاہد پور نے، لاہور، عزیز پبلشرز، ۱۹۹۵ء
- سردار محمد خان، پنجابی اردو کٹسری، جلد اول، لاہور، پاکستان پنجابی ادبی بورڈ، ۲۰۰۹ء
- سعید بھٹا (مرتبہ)، سانجھ و چار، لاہور، اے ایچ پبلشرز، ۱۹۹۷ء
- سلطان باہو، کلام سلطان باہو، نذیر احمد، سید ڈاکٹر (مرتبہ)، لاہور، پیکیجز لمیٹڈ، ۱۹۹۹ء
- سلطان سکون، کوزے پنج دریا، فیصل آباد، مثالی پبلشرز، ۲۰۰۹ء
- شاہ حسین، کلام حضرت مادھو لال حسین، مقصود (مرتبہ)، سچیت کتاب گھر، ۲۰۰۷ء
- شوکت مغل، سرانیکی محاورے، حصہ اول، ملتان، سرانیکی ادبی بورڈ، ۲۰۰۴ء
- شوکت مغل، سرانیکی اکھان، جلد اول، ملتان، جھوک پبلشرز، ۱۹۹۲ء
- شہباز ملک، ڈاکٹر، پنجابی کتابیات (جلد اول)، اسلام آباد، اکادمی ادبیات پاکستان، ۱۹۹۱ء

شہباز ملک، ڈاکٹر، پنجابی کہاوتیں، لاہور، مکتبہ میری لائبریری، ۱۹۸۹ء
 شہباز ملک، ڈاکٹر، ساڈے اکھان، لاہور، ڈان بک سوسائٹی، ۱۹۷۸ء
 صدیق تاثیر، پنجابی دا اپنا عروض (چھندابندی)، لاہور، بزم فقیر، ۲۰۰۹ء
 ظفر مقبول میاں، پورا ادب دا، لاہور، نیو یک پبلش، ۱۹۹۲ء
 علی عباس جلال پوری، وحدت الوجود تے پنجابی شاعری، لاہور، پاکستان پنجابی ادبی بورڈ، ۲۰۱۰ء
 عمر خوشابی، اظہار حقیقت، سرگودھا، غلام محمد میکن ناشر، سن
 عین الحق فرید کوٹی، پنجابی اکھان، لاہور، پاکستان پنجابی ادبی بورڈ، ۱۹۸۰ء
 ممتاز بلوچ، ہو دے بیت، لاہور، سانجھ پبلی کیشنز، ۲۰۰۷ء
 مہر عبدالحق، ڈاکٹر، شریف کنجاہی، پھلواری، لاہور، پنجاب ٹیکسٹ بک بورڈ، ۱۹۹۰ء
 میاں محمد بخش، سیف الملوک، لاہور، شیخ غلام حسین اینڈ سنز، سن
 نازش کاشمیری، راجہ رسالو، پنجاب دے لوک گیت، لاہور، جدید ناشرین، ۱۹۶۵ء
 نجف علی شاہ، منوتی، بھکر، سانول پبلی کیشنز، ۱۹۹۶ء
 نجم حسین سید، دکھ وچ پایا تیل، لاہور، سچیت کتاب گھر، ۲۰۱۰ء
 نجم حسین سید، دن اگے دھرو والی فی، لاہور، سچیت کتاب گھر، ۲۰۰۹ء
 نجم حسین سید، ساراں، لاہور، سچیت کتاب گھر، ۲۰۰۷ء
 نجم حسین سید، سدا آبادی کرنا، لاہور، سچیت کتاب گھر، ۲۰۰۷ء
 نجم حسین سید، سیدھاں، لاہور، سچیت کتاب گھر، ۲۰۰۷ء
 وارث شاہ، ہیر وارث شاہ، عبدالعزیز شیخ (مرتبہ)، لاہور، الفیصل ناشران، ۲۰۰۵ء

۲۔ اردو کتب

- آر۔ پی۔ ترپاٹھی، مغلیہ سلطنت کا عروج و زوال، ریاض احمد شیروانی، ڈاکٹر (مترجم)، لاہور، مکتبہ عالیہ، ۱۹۸۷ء
- آصف اعوان، محمد ڈاکٹر، علم اور مذہبی تجربہ، لاہور، اقبال اکادمی پاکستان، ۲۰۰۸ء
- ابن حسن، سلطنتِ دہلی کا مرکزی نظام حکومت، نئی دہلی، قومی کونسل برائے فروغِ اردو زبان و وزارت ترقی انسانی وسائل حکومتِ ہند، س۔ ن
- ارشاد احمد، اردو پنجابی لغت، لاہور، مرکزی اردو بورڈ، ۱۹۷۵ء
- اشرف کنور، محمد، ہندوستان عہدِ وسطیٰ میں، کراچی، سٹی بک پوائنٹ، ۲۰۰۷ء
- اشرف آغا، پاکستان کا اسلامی پس منظر، لاہور، مقبول اکیڈمی، ۱۹۸۳ء
- اعتر از احسن، سندھ ساگر، مستنصر جاوید (مترجم)، اسلام آباد، دوست پبلیکیشنز، ۱۹۹۹ء
- اکرام شیخ، محمد، روڈ کوثر، لاہور، ادارہ ثقافت اسلامیہ، ۱۹۹۲ء
- الطاف جاوید، فلسفہ بیگانگی اور قرآن، لاہور، نگارشات، ۱۹۹۳ء
- ای۔ مارسڈن، تاریخ ہند، لالہ جی رام، خلیفہ عماد الدین (مترجمین)، لاہور، بک ہوم، ۲۰۰۶ء
- بلھے شاہ، کلام بلھے شاہ، محمد مشتاق عاجز (مرتبہ)، قصور، خان کتاب گھر، میموریل، ۲۰۰۳ء
- جاوید قاضی، پنجاب کے صوفی دانش ور، لاہور، فلشن ہاؤس، ۲۰۱۰ء
- جلال الدین رومی، مولانا، مثنوی مولوی معنوی، جلد اول، سجاد حسین قاضی (مترجم)، لاہور، الفیصل ناشران و تاجران، س۔ ن
- جے۔ آر۔ پوری۔ ٹی۔ آر۔ شنگاری، سائنس بلھے شاہ، لاہور، فلشن ہاؤس، ۱۹۹۵ء
- حمید اللہ ہاشمی، مختصر تاریخ زبان و ادب پنجابی، اسلام آباد، مقتدرہ قومی زبان، ۲۰۰۹ء
- راشد متین، ڈاکٹر، شاہ حسین شخصیت، فکر و فن، اسلام آباد، اکادمی ادبیات پاکستان، ۱۹۹۸ء
- رحمت اللہ سبحانی، مولانا، مخزنِ اخلاق، لاہور، ناشران قرآن لمیٹڈ، ۱۹۶۳ء
- رینڈولف سیلر، معاشرتی نفسیات، علاوہ الدین (مترجم)، لاہور، مجمع البحرین، ۱۹۵۸ء
- سٹیفن ڈبلیو ہاکنگ، وقت کی مختصر تاریخ، عظیم الرحمان فرقان (مترجم)، اسلام آباد، مقتدرہ قومی زبان، ۲۰۰۹ء
- سعید احمد ہمدانی، سید پروفیسر، شمع جمال (تاریخ تصوف)، لاہور، ناشران پبلشرز، ۱۹۹۵ء
- سلطان الطاف علی، ڈاکٹر، باہوشناسی (جلد دوم)، لاہور، باہوش پبلی کیشنز، ۲۰۱۲ء
- سلطان الطاف علی، ڈاکٹر، مرآتِ سلطانی، لاہور، باہوش پبلی کیشنز، ۲۰۱۰ء

سلطان باہو ایات باہو (ترجمہ و شرح) سلطان الطاف علی ڈاکٹر لاہور، باہو پبلی کیشنز، ۲۰۰۹ء

سلطان باہو ایات سلطان باہو (ترجمہ و شرح) سعید احمد ہمدانی، پرفیسر (مرتبہ/ شارح) ۱۹۶۱ء

سلطان باہو اورنگ شاہی الطاف حسین قادری سروری (مترجم) لاہور، شبیر برادرز، ۱۹۹۵ء

سلطان باہو عین الفقر، امیر خان نیازی، سید (مترجم) لاہور، العارفین پبلی کیشنز، ۲۰۱۰ء

سلطان باہو کلام سلطان باہو (اردو نثری ترجمہ) ضمیر اظہر (مترجم) اسلام آباد، اکادمی ادبیات پاکستان، ۱۹۸۷ء

سلطان باہو محکم الفقر، امیر خان نیازی، سید (مترجم) لاہور، العارفین پبلی کیشنز، ۲۰۱۱ء

سلطان باہو مکمل ایات باہو محمد شریف صابر (مرتبہ) لاہور، سیدرا جمل سوسائٹی، ۱۹۹۶ء

سلطان حامد بن حضرت شیخ باہو مناقب سلطانی، لاہور، شبیر برادرز، ۲۰۰۷ء

شفیع عقیل، پنجاب رنگ، لاہور، عزیز بکڈ پو، ۱۹۹۶ء

شفیع عقیل، پنجابی کے پانچ قدیم شاعر (اشاعت دوم) کراچی، انجمن ترقی اردو پاکستان، ۱۹۹۴ء

شفیع عقیل، سلطان باہو (حیات و فن) اسلام آباد، اکادمی ادبیات پاکستان، ۲۰۰۴ء

صفدر حیات صفدر، عہد مغلیہ مع دستاویزات، لاہور نیوبک پبلشس، سن

طارق سعید، اسلوب اور اسلوبیات، لاہور، نگارشات، پبلشرز ٹمپل روڈ، ۱۹۹۸ء

عابد علی عابد، سید، اسلوب، لاہور، مجلس ترقی ادب، ۱۹۹۶ء

علی بلگرامی، سید تمدن ہند، لاہور، مقبول اکیڈمی، ۱۹۶۲ء

علی حسن چوہان، گوجر تاریخ گوجر (حصہ سوم) کراچی، انٹرنیشنل پبلشرز، ۱۹۶۰ء

علی عباس جلال پوری، مقامات و ارث شاہ لاہور، تخلیقات، ۱۹۹۹ء

علی ہجویری، داتا گنج بخش، کشف المحجوب، غلام معین الدین نعیمی (مترجم) لاہور، میلاد پبلی کیشنز، ۲۰۱۱ء

غلام احمد پرویز، تصوف اور اس کی حقیقت، لاہور ادارہ طلوع اسلام

غلام جیلانی، برق ڈاکٹر، من کی دنیا، لاہور، شیخ غلام علی اینڈ سنز (پرائیویٹ لمیٹڈ)، ۱۹۹۷ء

فیروز دین، مولوی الحاج، فیروز اللغات، اردو جامع، لاہور، فیروز سنز لمیٹڈ، ۲۰۰۰ء

قائم رضا نسیم، سید مرتضیٰ حسین فاضل، سید جامع نسیم اللغات، لاہور، شیخ غلام علی اینڈ سنز (لمیٹڈ)، سن۔ ن

کیرن آرم سٹرانگ، مسلمانوں کا سیاسی عروج و زوال، لاہور، نگارشات، ۲۰۰۷ء

گرو جینیش، آنے والے دور کا انسان، صفدر رشید (مترجم) لاہور، دارالشعور، ۲۰۰۳ء

محمود شیخ المعروف محمد پیر، حقیقت الفقراء، احمد سید، مولوی (مترجم) 'لاہور' مقصود پبلشرز، ۲۰۰۷ء
معین الدین دردائی، محمد انوار سہیلی، لاہور، فیروز سنز (پرائیویٹ لمیٹڈ) ۱۹۸۹ء
پولس حسرت، پروفیسر، چنے دی بوٹی، لاہور، بک ہوم، ۲۰۱۰ء

۳۔ رسائل و جرائد

- اخبار اردو ماہنامہ جلد ۲۸، شمارہ ۱، اسلام آباد نومبر ۲۰۱۰ء
 امروز ہفتہ روزہ اشاعت لاہور ۳ اپریل ۱۹۸۷ء
 امروز ہفتہ روزہ اشاعت لاہور ۲۵ مارچ ۱۹۸۸ء
 پنج دریا، مہینہ وار جلد ۱۲، شمارہ ۱۰-۱۱، لاہور اکتوبر ۱۹۶۹ء
 پنجم، مہینہ وار بیڑ ۱۲، پراگا ۳، لاہور مارچ ۲۰۱۰ء
 پنجم، مہینہ وار بیڑ ۱۲، پراگا ۴، لاہور اپریل، مئی ۲۰۱۰ء
 پنجم، مہینہ وار بیڑ ۱۲، پراگا ۷، لاہور جولائی ۲۰۱۰ء
 پنجم، مہینہ وار بیڑ ۱۱، پراگا ۷، لاہور جولائی ۲۰۰۹ء
 ترنجن، مہینہ وار جلد پنچویں، شمارہ ۷-۱۰، شاہ حسین نمبر لاہور جولائی، اکتوبر ۲۰۱۱ء
 ترنجن، مہینہ وار جلد چھویں، شمارہ ۱-۲، جنوری، فروری ۲۰۱۱ء
 ترنجن، مہینہ وار جلد اول، شمارہ ۸، لاہور جولائی ۲۰۰۷ء
 ترنجن، مہینہ وار جلد پنچویں، شمارہ ۲-۳، وارث نمبر لاہور فروری، مارچ ۲۰۱۱ء
 تریل، خصوصی اشاعت شاہ حسین نمبر لاہور مہینہ ندارد
 جھوک، جھنگ ماہنامہ اشاعت خاص سلطان باہو نمبر، جھنگ، اپریل ۱۹۸۸ء
 دستگیر، سہ ماہی، جلد اول، شمارہ ۳، سلطان باہو نمبر، جھنگ، جنوری تا مارچ ۱۹۹۱ء
 زبان و ادب، ششماہی، مجلہ جلد اول، شمارہ ۲، فیصل آباد جولائی، دسمبر ۲۰۰۸ء
 سلطان الفقر، ماہنامہ جلد ۶، شمارہ ۱۱، لاہور جون ۱۲۰۲
 سنیہا، لڑی ۵۵، لاہور نومبر ۲۰۱۱ء
 عوامی مورچہ، ماہنامہ شمارہ ۲، ملتان نومبر ۲۰۱۰ء
 عوامی مورچہ، ماہنامہ شمارہ ۱، ملتان نومبر ۲۰۱۰ء
 قومی ڈائجسٹ، ماہنامہ جلد ۳۰، شمارہ ۱، لاہور جنوری ۲۰۰۸ء
 ماں بولی، مہینہ وار لاہور، مئی جون ۱۹۹۷ء
 مرآۃ العارفین، ماہنامہ جلد نمبر ۱۲، شمارہ نمبر ۱، اشاعت خاص حضرت سلطان باہو نمبر لاہور جون ۲۰۱۱ء
 مرآۃ العارفین، ماہنامہ جلد نمبر ۹، شمارہ نمبر ۲، اشاعت خاص حضرت سلطان باہو نمبر لاہور جون ۲۰۰۸ء